

**Абдумутал АБДУЛЛАЕВ**

# ДАРД

*Қисса*

**Алишер Навоий номидаги Ўзбекистон  
Миллий кутубхонаси нашриёти  
Тошкент – 2007**

**84 (5У)6**

**A15**

**Абдуллаев, Абдумутал.**

**Дард: (Қисса)/ А.Абдуллаев. — Т.: Алишер Навоий номидаги Ўзбекистон Миллий кутубхонаси нашриёти, 2007. — 176 б.: порт.**

**ББК 84 (5У)6**

**Инсон боласи борки, вояга етиб, бир илоҳий дардга мубтало бўлади. Бу "дард" юракларни ўртайди, туйғуларни жунбушга келтиради, кишини изтироблар уммонида синовдан ўтказиб, дилларга чексиз фараҳ ва ҳузур баҳш этади. Қалбимизда у яшар экан ҳаётимиз маъно-мазмунга тўлади.**

**Муҳтарам китобхон, қўлингиздаги асар — муҳаббат қиссаси. Унда қаламга олинган воқеалар, севги туфайли қаҳрамонлар бошига тушган қувончу ташвишлар Сизга ҳам бегона эмаслигига "Дард"ни ўқиб ишонч ҳосил қиласиз, деган умиддамиз.**

**ISBN 978 – 9943 – 06 – 055 – 5**

**№ 498 – 2007**

**Алишер Навоий номидаги Ўзбекистон  
Миллий кутубхонаси**

**© Алишер Навоий номидаги Ўзбекистон  
Миллий кутубхонаси нашриёти, 2007 й.**

# Дард

Биринчи қисм

Неъмат Солиевичнинг кайфияти анчадан буён ҳозиргидай кўтарилимаган эди.

Кечки таомдан сўнг, дастурхонга дуо қилгач, у одатдагидай хонасига шошилди. Шу пайт беш ёшли набираси даҳлиздан меҳмонхонага югуриб кирди.

— Опоқдада, қаранг, чиройлиманими? — деди у устидаги либосига ўзиям маҳлиё бўлиб.

Профессор фарзандларига қаттиққўллик қилса-да, шу кенжা набираси раътига ҳеч қарши боролмасди. Юзи оппоқ, гапга чечан, сергайрат қизалоқ оиланинг булбулигўёси ҳисобланарди.

— Ўх-ҳў, сарполар муборак! — Неъмат Солиевич астойдил севинди, дум-думалоқ, кўзлари чарос қизчани бағрига чорлади. Аммо, Нозима нозланиб, жойидан қимирламади. Жажжи лабини буриб, кўз қири билан хонтахта тўрида ўтирган "бosh дирижёри" — катта бувисига қаради. Унинг ишорасига кўра мусиқа янгради, Нозима худди раққосалардай буралиб-буралиб ўйнай бошлади. Боланинг нозик хатти-ҳаракатлари, мусиқа оҳангига мос тебранишлари, яна қўшиқни лабида пичирлаб тақрорлаши опоқдадасини лол қолдирди.

— Баракалла, она қизим. Богча опангта ҳам раҳмат, — деди набирасини қўлидан тутиб. Нозима яна бийрон тиллари билан бидирлай кетди.

— Бу, менинг ўртача ясанганим. Наврўз байрамида янаям зўр кийинаман.

— Э-ҳа! Дарвоқе, тез орада баҳор байрами — я... — Неъмат Солиевич шундай қуттуғ айёмни хотирасидан чиқараёзганига афсусланди. Дилида оилавий сайлга чиқишини мўлжаллаб, хотини Ўқтамхонга юзланди. Унинг нимадир демоқчимигини сезган онахон сергакланди. Аммо дилдаги ният тилга кўчмай, қўл телефони жиринглади. Профессор кафтдай аппарат қопқоғини очиб, қулогига яқинлаштириди.

— Эшитаман!

Ўқтамхон Нозимага "телевизор овозини паслат" дегандай кўз ташлади. Зийрак бола бу ишорани англаб, "ойнаижхаён" томон чопди.

Неъмат Солиевич телефондаги одамга дағдага қила кетди.

— Сизга юз марта тушунтирганман. Мени беморнинг мансаби

ёки ижтимоий мавқеи қизиқтирумайды. Мұжими умумий ҳолатини айтсанғыз, бас, қайси бўлимда, ички касалликлардами, клиникадами... Муолажа қилдингизларми? Нафи бўлмадими?.. Жуда қизиқ-ку... Яхши, ҳозир етиб бораман.

...Бемор шаҳардаги энг катта қўшма корхона бошлиғи Ботир Аҳмедович экан. Профессор ҳозир шунақа йирик фабрика борлигини билса ҳам, у ерда қандай маҳсулот ишлаб чиқарилади, раҳбари ким, қизиқмаган экан. Матъум бўлишича, 45 ёшлардаги дуркунгина йигитнинг клиникага ётқизилганига бир ҳафтадан ошибди. Шу вақт мобайнода аниқ ташҳис қўйилмабди. Энг ёмони, шифохонага ўз оёғи билан юриб келган bemor, икки кундирки, тўшакка михланиб қолибди. Иштаҳаси йўқ, чеҳраси нурсиз, кўзлари маъюс. Кундан-кунга сўлиб боряпти.

Неъмат Солиевич касалнинг кайфиятини кўтаришга уринди.

- Алномишдай йигит экансиз, асли сизга кўз тегибди, шекилли,
- деди у ҳазиллашиб.

Ботир Аҳмедович базур жилмайди. У донғи кетган олим қаршисида чўзилиб ётганидан хижолат чекаётганди.

— Қаерингиз оғрияпти, деб сўрамайман, — деди профессор унинг билагини ушлаб, томир уришини эшитаркан. — Барибир ўзингиз ҳам нима безовта қилаётганини билмайсиз.

У тўтри гапириди. Чиндан ҳам bemor ўзининг ҳозирги ҳолатига ҳайрон эди. Бирон жойи оғримайди, боши айланмайди, оёғи қалтирамайди, фикри чалғимайди. Аммо... Ўша аммо нелигини билолмай боши қотган. Гўёки юрагини тун каби зулмат қоплаган, сира ёришмайди. Гоҳида шу даражага бораради-ки, ўша заҳм еган жойини омбур билан сугуриб ташласа. Жуда қизиқ, руҳий хотиржамлик етишмаса, кўнгил ҳира тортса, худди ичингни каламуш кемираётгандай юрак-бағринг эзилиб кетаркан.

— Ишда ишқаллик йўқдир, — докторнинг бу саволи шунчаки bemornи чалғитиши, хаёлини бўлиш илинжиидаги мусоҳаба эди.

- Шукр, корхонамиз яхши, — деди bemor кўзларини ярим очиб.
- Оиласвий шароит-чи?
- Шикоят йўқ. Турмуш ўртогим ҳам анчадан буён бетоб, ўғлим мактабда... Умуман, оиласмиз унча катта эмас.

Энди Неъмат Солиевич касаллик варақасини синчиклаб ўқий бошлади. Қон ташҳиси яхши, босими бироз паст. Лекин қўрқинчли эмас. Ўпка, жигар, буйрак фаолиятида деярли ўзгариш йўқ. Электрокардиограмма таҳлили ўртача. Тўғри, юракда бироз шовқин бор, бироқ, бу, ўткинчи ҳолат. Эҳтимол бирон нарсадан қўрқан

ёки ваҳимага тушганмикин? Ёки... Нима ёки? Наҳотки руҳий зўриқиши симптомлари сезиляпти. Йўқ, бу, мумкин эмас. Асаб қаттиқ чарчаганида ҳамма аъзо фаолияти меъеридан четта чиқади. Бу ерда бошқа гап бор. Бу сабаб беморга маълум, лекин, кўнглини очишни истамаяпти.

— Биласизми, сиз мутлақо соғсиз!

Ботир Аҳмедович яна кўзини зўрга очди.

— Агар соғлигим шундай кечса, касаллитимни тасаввур этолмаяпман...

Профессорнинг оппоқ, бўлимли юзига табассум ёйилди.

— Мана бу бошқача гап. Ҳазилга мойиллик хасталикни енгишга ҳаракат белгиси... Хуллас, фикримни ҳозир очиқ айтмайман. Аниқроғи, миямда икки-уч хил ташхис туғилди. Яна бир-икки кундан кейин қўшимча кузатувларим асосида муолажага киришамиз. Унгача, вужудни тетиклаштирувчи дори-дармонлар қабул қиласиз. Мұжими, аввало Худо, қолаверса, менга ишонаверинг!

## 2

Халқаро симпозиум иштирокчиларига пойтахтдаги "Дедоман" меҳмонхонасидан жой ажратилиби.

Чет элликлар билан ҳамкорликда қурилган бу кошона чинакам қасрнинг ўзи эди. Ойнаванд эшик ёнидаги соқчиларни ҳисобга олмаса, шундай маҳбобатли бино наҳотки маҳсус қўриқчиларга эга эмас, деб ўйлаш мумкин. Биринчи навбатда швед таомхонаси, биллур қандишли кенг ресторон, фойеда мусиқа бурчаги, бошқа хизмат бўлмалари дарҳол эътиборингизни тортади. Дид билан безатилган лифт меҳмонларга мунтазир. Ичкарига оёқ босиб, тутмачага қўл чўзсантиз, бир зумда юқори қаватларга олиб чиқиб кўяди.

Ботир учун ажратилган жой икки хонадан иборат экан. Эшиқдан кираверишда ювениш бўлмаси, кийим – кечак солинадиган ёғоч жавон, дам олиш ва меҳмон кутиш хоналари... Айниқса, оҳорланган чойшабли кенг ўрин унга маъқул тушди.

Неча кунки мириқиб ухлаганини билмайди. Бир томони, яrim ийиллик ҳисоботларига тайёргарлик, иккинчидан, хотини Олияниң ҳеч соғайиб кетолмаётганлиги... Ёлғиз ўғли Қодирга ҳам қарайдиган одам йўқ. Яхшиямки, бола бечора дадил, ўзини ўзи эплайди.

Ботир илиқ сувда роҳатланиб ювиндиди. Чойшабга ўралиб, ўзини ўринга ташлади... Бир пайт эшик чертилганидан чўчиб уйғонди. Эгнига спорт костюмини кийиб, калитни буради. Ташқарида...

соchlari елкасига тушган, қади-қомати келишган, хушрўйгина мовий кўз аёл кулимсираб туради. У хона соҳибига қараб, ҳайратланди.

— Кечирасиз, мен дугонамни излаб келгандим, адашибман, шекилли...

Ботир ҳам беихтиёр каловланиб қолди. У умри бино бўлиб бундай соҳибжамонни кўрмаганди.

— Чиндан ҳам қаватини унуганга ўхшайсиз, — деди у бошқа ақмариоқ гап тополмай. Аммо, нотаниш гўзал қўлидаги қоғозга қараб, айнан шу хона ёзилганлигини билдириди. Ана шундагина йигит дарров эсини йифиб, чеҳраси ой каби тиниқ паривашни ичкарига таклиф қилди.

— Марҳамат, бироз дам олинг. Кейин ўша йўқолган дугонангизни биргаликда излаймиз. Ахир, сўраб-сўраб Маккани топибди, деганлар.

Аёл уялиб, икки қадам ортта чекинди.

— Йўғ-е, бемаҳалда... Яхшиси мен қайта қолай. Безовта қилганим учун уэр.

— Нималар деяпсиз, аксинча сизга ёрдам беролмаётганимдан таассуфдаман. Ҳа, айтмоқчи, дугонангизнинг исми-шарифини айтинг, мен ҳозир пастга қўнгироқ қиласман.

— Қандай бўларкин?... Биласизми, у чет тили ўқитувчилари учун ўюштирилган танловда қатнашашётганди. Асли Фарғонадан, исми Маҳлиё, фамилияси Муродова. Биз у билан институтда бирга ўқиганмиз. Жуда ажнойиб қиз...

Ботир кечки таом пайтида узун столни тўлдириб овқатланишаётган йигит-қизларга кўзи тушганди. Улар чиндан ҳам инглиз, немис тилларида сұҳбатлашишарди. Ўртада семиз, қора кўзойнак тақсан ажнабий ҳам бор эди. Демак, танлов ташкилотчиси ўша.

— Қани, йўлакда турмайлик. Мен ҳозир дугонангизни топиб бераман.

Аёлнинг юзи ёришди.

— Ростданми, қандай яхши. Мен уни кўрмаганимга беш-олти йил бўлди. Анча ўзгариб кетгандир. Доим телефонда сўрашиб тинчлигимизни биламиз-у, аммо юзма-юз учрашишга ҳеч имкон тополмаймиз.

Меҳмон тортиниб, йўлакдаги креслога омонатгина ўтириди.

Ботир стол устидаги "фанта"ни очиб, фужерга қуйиб узатди. Сўнг сўраб қўйди.

— Эҳтимол, танни қиздирадиганидан ичарсиз? Айтмоқчи, танишиб олайлик. Менинг исмим Ботир, сизники-чи?

Аёлнинг юзлари дув қизарди. Уялиб нигоҳини пастга туширди.

— Баҳор, — деди оҳистагина.

— Кечирасиз, янглиш эшитмадимми, — телефон дастагини қулоғидан узоқлаштириб қайта сўради йигит.

— Адашмадингиз, исмим Баҳор.

— Бир гап айтайми? — Ботир бутун эътиборини қаршисидаги сулувга қаратди. — Исимингиз жисмингизга мос экан. Сиз кирдингиз-у, хона ичини кўклам ҳавоси эталлагандай туюлди. Ҳатто, ишонасизми, вужудимда файрат уйғонди. Ҳолбуки, ўн дақиқа илгари бошимни ёстиқдан кўтариш катта муаммо эди.

Баҳор йигитга ташаккур билдириди.

— Илтифотингиз учун раҳмат, тилингиз бийронга ўхшайди. Лекин, мақтовни бироз ошириб юбормадингизми?

— Очиги, чиройли қизлар ёнида тилимнинг тугуни ечилишини ўзим ҳам сезаман. Ҳатто, баъзан хушомад қилишгача бораман. Лекин, бугун айни рост сўзладим. Ахир, гўзаллик қаршисида даҳолар ҳам лол қолганлар-ку.

Боядан буён ийманиб, тезроқ ташқарига чиқишни кўзлаган Баҳор ёқимтой йигит билан беихтиёр баҳсга киришганини англамай қолди.

— Билишимча, ҳамма ҳамд-сано, багишлов "рост айтяпман", деган ибора билан бошланади, шекилли. Чунки ҳар қандай гап эгаси ҳам ўз фикрига шубҳа туғилмасин, деб хавотирланса керак-да.

Ботир қизнинг осонгина чақиладиган ёнғоқ эмаслигини фаҳмлади, заковатига қойил қолди. Кулламираб, телефон рақамини теришга киришди. "Мен ҳозир..." деб ниҳоят нариги тарафдан жавоб зшлитилди.

— Кечирасиз, Маҳлиё Муродова қайси хонада жойлашганлигини билмоқчи эдик.

Кутилмаганда Ботир телефон дастагини Баҳорга узатди.

— Вой, Маҳлиёми?

Даста "ичидаги" қизнинг ингичка товуши зшлитилиб турарди.

— Сизга нотўри маълумот берганлигимиз учун меҳмонхона маъмурияти томонидан узр сўраймиз. Дугонангиз қайси хонада эканлигини бироздан сўнг аниқ айтамиз. Бизни маъзур тутасиз.

Қиз телефон дастагини жойига қўяркан, деди:

— Сизни ҳам безовта қилдим, узр. Яхшиси, мен ташқарида кутиб турман. — У шундай деб, ихчамгина сумкасини нозик билагига илди.

Ботир икки қўлинини кўксига қўйиб, меҳмонни тинчлантириди.

— Агар йўлакка чиқсангиз, мен яна бир бор сизни йўқлашимга

тўғри келади. Модомики, шу ерга қўнғироқ бўлар экан, ҳечқиси йўқ. Бирга кутамиз, баҳонада дилбар аёлнинг малоҳатли дугонасини ҳам кўриш баҳтига мусассар бўламиз экан...

Баҳор девордаги натюроморт ва расмларни кузатаркан, ўзига-ўзи гапиргандай "Маҳлиё курсимиизда энг жозибали қиз эди", деб қўйди.

Ботир бу лутфни шунчаки камтарликка йўйди. Унинг назарида қаршисидаги гул юзли хонимдан-да муниса, назокатли аёл йўқдай эди.

— Ҳозир адашдингиз, — деди у Баҳорга ер остидан муралаб, — назаримда, гўзаллар ўз устунлигини билган ҳолида доимо дугоналарини мақтайдилар...

Меҳмон бу фикрга қўшилмади.

— Гапимнинг исботини ҳозироқ кўрасиз. Маҳлиё ёруғ жаҳоннинг мўъжизаси, зўр қиз.

Йигит унинг юз-кўзларидан уфураётган самимиятга заррача шубҳа қилмаса-да, у билан мулоқотни чўзиш пайида яна "исён" кўтарди.

— Бу гапларимни хушомадга йўйманг-у, назаримда, шу ташбеҳлар ўзингизга нисбатан айтилса, худди узукка кўз қўйгандай, мос тушарди.

Баҳор бу сафар бошини эгиб, сукут сақлади.

— Зерикмадингизми? — сўради Ботир яна телефонга қўл чўзар экан.

Айни шу пайт эшик қаттиқ тақиллади.

— Ана, келишди, — ўрнидан иргиб турди Баҳор.

— Шошманг, ўзим очаман.

Йигит йўлакка яқинлашмасидан куюндай ёпирилиб уч қиз кириб келди.

— Вой, Баҳор, жоним!

— Маҳлиё, ўзингмисан. Сира ўзгармабсан, дугонажон.

Хона ичини фаранг атри ифори тутиб кетди. Худди шом тушиши олдидан сайраган бир гала қупи мисоли қизлар бир-бирларига гап бермай сўрашишаркан, ташқарига чиқа бошлишади. Ботир уларни дастурхонга тақлиф қилди. Бироқ, ҳаяжон ва эҳтирослари босилмаган, неча йиллик соғинч ҳис-туйгулари жунбушга келган дугоналар унга ташаккур билдириш билан чекланишди. Улар йўлак охирига етишганида, Ботир ўзига келди. Ўзига келди-ю, қизларнинг ортидан чопди.

— Баҳор!

Ўртоқлари даврасида гул-гул ёнган соҳибжамол кўзларини катта очиб, ортига ўтирилди. Ботир унга яқинлашди.

- Кечирасиз, Баҳор, хафа бўлмасанги, бир илтимосим бор эди.
- Бемалол, қулогим сизда...
- Агар тақалмуғизилликка йўймасангиз, телефон рақамингизни сўрамоқчи эдим...

Баҳор қирмизи лабларини хиёл очиб, жилмайди.

— Шу холосми? — У шундай деб сумкасидан ихчам ташрифномани чиқариб узатди.

— Марҳамат. Ҳа, айтгандай, меҳмоннавозлигинги э учун ҳам раҳмат.

Энди Ботирда бояти сўзамоллик ва қувноқлик ўрнини аллақандай безовталик эталлаганди.

— Баҳор, — деди у қоғозга қўл чўзаркан. — Барибир мен ўз фикримда қолдим. Дутонангиз сизга етолмас экан.

— Шунақами, мендан аввал уни кўрганингизда эҳтимол бу лутф унинг қулогига тушармиди. Хўп, майли, яхши қолинг.

— Сиз ҳам яхши боринг. Мен, албатта, қўнғироқ қиласман.

— Бўлти, кутаман.

— Ҳар куни...

— Розиман, агар шу ерда бўлсам.

Лифт эшигини ёпмай кутишаётган қизлар Баҳорни чақиришгач, суҳбат узилди.

Ботир хонасига қайтди-ю, дилига чўғ тушганини тушунди.

### 3

Аслида у чўғ эмас, олов экан. Шундай оловки ич-этини қиздириб, жиззанагини чиқаргудай. Илгари бундай дардга мубтало бўлмаган, ҳар қандай аёл олдида ўзини bemalol сезадиган йигит ёши ўттизга яқинлашганида оромини йўқотди. Андижонга қайтганида ҳар доим кўзига ловуллаб кўринадиган кўркам шаҳар бирар совуқ туюлди. Бунинг устига ёмғир майдалаб қуяр, тоғлардан эсган шамол эндигина барг ёзган узун-узун тераклар шохларини эгиб, қийин-қистовга оларди. Шу тобда у на ҳаяжонли ўтган машваратни, на касал ётган турмуш ўртогини ва на шириндан-шакар фарзандини ўйлар, хаёлида Баҳорнинг беғубор кўзлари чарх ураверарди.

Кўш қанотли дарвозасига келиб тўхтаганларида, анчагача машинасидан тушгиси келмай ўтириди. Ҳайдовчи уни ухлаган, деб гумонлаб, орқасига ўтирилди.

— Ботир ака, келдик!

Орқадан ўқтам овоз эшитган йигит бошлиғи уйғоқлигини фаҳмлади.

— Қани, салон чирогини ёқиб юбор-чи?

Машина ичи хира ёришди. Ботир ён дафтаридағи телефон рақамиға күз ташлади. Күз ташлади-ю, қувончдан юраги энтикиб кетди. Не баҳтки, телефон Андижонники зди. Демак, Баҳор ўз ҳамшаҳари. Нега бу ҳақда мәжмонхонада сўрамади? Сир босдими, ёки гўзалик қаршисида лол бўлиб, эс-хушини бутунлай йўқотдими?.. Шу ёшгача аёлларга менсимай боқсан, уларга нисбатан меҳр туймаган йигит тўсатдан чўғ ушлаган бўлса-я? Ушлаш ҳам гапми, ҳудди чўғ ютгандай деяверинг. Э йўқ, бунақаси кетмайди. Яхшиси, ўзини қўлга олиши керак. Бундай ҳавоий истакларга суст кетса, кўнгил не кўчаларга етакламайди. Қолаверса, хотини неча йилдирки дардан фориф бўлолмаяпти, бир кун соғ-у, икки кун бетоб... Энди олисларда қолиб кетган, ушалмайдиган орзуларга умид боғланиш ўрнига, фарзандининг истиқболи ҳақида бош қотириши керак.

Ботир Аҳмедович ҳеч қаҷон уйи олдида машинадан тушмай ўтирумасди. Бу ҳол ҳайдовчини ташвишлантириди. У раҳбарига юзланди.

— Бирон жойингиз оғримаяптими, Ботир aka?

Ботир Аҳмедович хаёlinи йигиб, деди:

— Оғрияпти, жудаям оғрияпти...

Фарруҳ сергакланди.

— Қаерингиз?..

Раҳбар ҳайдовчи йигитта тикилиб қолди.

— Бунинг аҳамияти йўқ. Лекин, азобли, жуда оғир, шекилли...

У шундай деб Фарруҳнинг елкасига қўл ташлади.

— Ҳа, майли. Ҳадемай, тонг отади. Бориб дамингни ол...

— Қаҷон келай?

— Шошилма. Ўзим қўнғироқ қиласман. Ишқилиб, сотканг ишляяптими?

— Албатта, Ботир aka!

— Унда хайр. Дадангта салом айт.

— Ботир Аҳмедович, аввал қўнғироқни босай, кейин...

— Хавотирланма. Бу ишнинг удасидан чиҳа оламан.

“Нексия” бир зумда шаҳарнинг ёп-ёргуғ кўчаси бўйлаб кўздан узоқлашди.

Дарвазани Олия очди. Ҳадеб дард тортавериб ранги синиқсан, кўзлари ич-ичига ботиб кетган, озгингина жувон ёшига нисбатан анча каттароқ кўринарди.

— Нега ўзингиз турдингиз, Қодирни уйғотмадингизми? —  
Одатдаги салом-алиқдан сўнг сўради у хотинидан.

— Қодиржон ярим кечагача сизни кутиб, энди ухлади. Безовта қылгим келмади. Нозима ҳам келишингизни билиб, дарс тайёrlаб ўтириди. Нега кечикдингиз, телефон ҳам қилмадингиз? — Ўпкалади Олия очиқ айвондан меҳмонхонага киришганида.

— Тинчмисизлар, ишқилиб, — саволга савол билан жавоб қайтарди хонадон соҳиби.

— Шукр, кечадан бўён ҳийла яхшиман. Овқат ейсизми?

— Қорним тўқ, ювениб ёта қолай. Анча чарчадим.

Олия ҳаммомга кириб кетган эрининг ҳар сафаргидан бошқача эканлигини сезди. Сезди-ю, буни сафар чарчогига йўйиб, ортиқча мулоҳазага берилмади. Секингина иссиқ ўрнига кириб, бошини ёстиқка қўйди.

#### 4

Ботир ишни Баҳорга телефон қилишдан бошлади. Аммо, омади чопмади, қўл телефони учиринган эди.

Эртасига яна умиди пучга чиқди. Шундан сўнг бу рақамни ўчириб ташлади. Ўзини иш билан овутди. Ўринбосари Ҳамидjon онтган уч кун ичидаги барча янгиликлардан хабардор қилди. Яхшики, мижозлар панд беришмабди. Олиб кетилган маҳсулот пулини белгиланган муддатда ҳисоб рақамига туширишибди. Бошقا масалаларда ҳам деярли муаммо йўқ эди.

Тушликка яқин дил яна гашланди. Юраги орзиқиб, қўли стол устидаги телефонга юргуранини сезмай қолди. Телефон хотирасидан "чилизган" рақам қалбдан ўчмаган экан. "Барибир Андижонга қайтмагандир", деган хаёlda қўнғироқ қилган йигит ниҳоят даста "иҷидан" қулогига таниш товушни эшишиб, гапини йўқотиб қўйди.

— Алло, ассалому алайкум!

Асли "сим" қоқувчи сўрашмоғи жоиз эди. Аммо, унинг тилига калима келгунича, Баҳор саломлашиб улгурди.


— Баҳор, келдингизми? — деди овози қалтираб Ботир.

— Вой, баҳор ташрифига неча кун бўлди-ку, — сўз ўйини қилди қиз.

Йигит энди имкониятни бой бермади.

— Баҳор келганини энди билдим. Тузукмисиз?

— Раҳмат, Ботир ака. Пойтахтдаги ишларим битди. Дугонам билан Фарғонага қайтдик. Ишонсангиз, ҳозиргина уйга кириб турибман. Ўзингиз яхшимисиз?



- Бир нави!
- Ие, тинчликми?
- Ҳа, фақат сизни тополмай...
- Вой, нега ундей дейсиз? Мен йўқолганим йўқ-ку, — дея  
Баҳор қиқирлаб кулиб юборди.

Ботир Аҳмедович хатога йўл қўйганини сезди. Ҳали бирон марта сұжбатлашмаган, кўнглини овламаган аёлга дарров дил қулфини очиш одобдан эмасди. Шу боис, ўзини қўлга олди.

— Барибир одамда ҳамشاҳарлик туйғуси устун тураркан. Тошкентдан тез қайтмаганингизга хавотирландим.

Баҳор миннатдорлик билдири.

— Эътиборингиз учун ташаккур! Аммо, бекорга шунча азият чекибсиз. Хавотирланманг, мен ўтда ёнмайдиган, сувда чўкмайдиган аёлларданман...

— Тушунмадим.

— Демоқчиманки, бизнес билан шугулланаман, асосийси, умрим ўйда ўтади.

— Шундайми? Бундай ҳаётга хўжайинингиз индамайдими?

Баҳор гапнинг лўндасини айтиб қўя қолди.

— У киши бизга бутунлай эрк берган... Хуллас, ҳар ким ўз аравасини ўзи тортгани маъқул, деганлар.

Ботир берган саволидан ўзи хижолат чекди,

— Мени маъзур тутасиз, билмабман.

— Зарари йўқ. Барибир шу ҳақда сўрашингизни билардим. Шунинг учун... Умуман, бир кам дунё дегани шу-да...

— Фикрингиз тўғри. Лекин ўша камликни, кемтикликни ҳам ўзимиз тўлдирамиз-да.Faқат умидсизликка тушмаслик керак. — деди Ботир Аҳмедович аёлнинг ярасини тирнаб қўйганидан ўнгайсизланиб.

— Ў, бу борада анча мустаҳкамман. Рости, шу қадар баңдман-ки, бўлмағур хаёлларга вақт йўқ.

— Аммо, мен билан учрашишга бир соат вақт ажратарсиз?

— Нега?

— Нега деганингиз нимаси. Одам одам билан тирик, дейдилар.

— Шундайку-я... Барибир, бу, оғир жумбоқ...

— Сабаб?..

— Боиси, оддий. Мен жуда баңдман.

— Ишонмайман, баңдлик ўзини-ўзи зиндонбанд этиш эмас-ку.

— Топдингиз. Мен айнан шу мавзуда гапирмоқчи эдим. Аниқроғи ружим ва туйғуларим эркин-у, лекин...

— Ҳар қандай лекин инсонда шубҳа уйғотади. Бу шундай шубҳаки, мұваффақият калитини топишга ишонч ҳиссиёти... Шундай экан, "бандман" деган бир оғиз лутф ила ўзингизни жиловлаб олмант. Мени фалсафа түқияпти, демант-у, ахир, дунёда дүстлик, биродарлик деган тушунчалар ҳам бор.

Баҳор иложи борича одоб доирасида суҳбатлашар, унинг сўзларидан самимият ва соддалик уфуриб турарди.

— Бандман, деган сўзим нисбий маънода. Энди, очигини айтмасам кўнмайдиганга ўхшайсиз. Хуллас, мен оиласи йигитлар билан дўстлаша олмайман. Эркак ва аёл ўртасидаги дўстлик худли портловчи модда устида ўтириб сулҳ тузишга ўхшайди. Бизнинг ёшимизда ақл билан Худони таниган афзал...

Ботир суҳбат шундай якунланишини кутмаганди. У воқеаларни жадаллаштириб, тезроқ қиз илтифоти ва ҳурматига эришмоқ ҳақида орзулаганди. Ҳатто мақсадга жуда яқинлашаётгандай туколганди. Аммо, Баҳор битта гапи билан осмонларда учиб юрган йигитни ўз мақомига тушириб қўйди. У дарров ён берди. Бундай вазиятда пайт пойлашдан ўзга најжот йўқлигини кўнгли айтиб турарди.

— Ҳар ҳолда телефон қилишимга қарши эмасдирсиз?

— Бу борада илгари айтганман. Мен иш юзасидан жуда кўп одамлар билан гаплашаман. Шундай шериклар биттага кўпайса, нима қипти.

Ботир Аҳмедовичнинг тарвузи қўлтиғидан тушиб, руҳи чўқди. Баҳор эса ҳамон боягиdek эди. У худди шу кайфиятда хайрлашиб, телефон дастагини ўрнига қўйди.

## 5

Ботир роппа-роса қирқ кун Баҳорга телефон қилди. Гарчи суҳбатлари расмий мавзудан четта чиқмаса-да, у асло чекинмади. Аксинча маълум муддатда, сира кечикмай ёки вақтдан ўзмай, сабр бардош ила қизнинг қалб қўргонига "ҳужум" қиласверди. Аммо, тош эриса эридики, Баҳордан бундай муруватни кутиш бефойдалиги ақлга ишора бўлиб қолди. Ниҳоят, қирқ биринчи мартасида соҳибжамол аёл телефони миқ этмади. Ҳолбуки, хонадон соҳибаси мулоқотни узоқ чўзмаслиги учун айни шу маҳал қўнфироқ кутиб турарди. У аввалига ҳайрон бўлди. Сўнг, "иши кўпайгандир" деган хаёлда кўчага чиқиб кетди. Не ажабки, эртаси ҳам уни ҳеч ким йўқламади. Аксига олиб, виза масаласи чўзилганлиги важидан чет зл сафари ҳам ортга сурилаёттанди. Бирдан хаёлига келган фикрдан чехраси ёришди. "Агар Ботир Аҳмедовичдан сўраса-чи? Ахир

каттагина фирма бошлигининг милицияда танишлари топилар". У, йигит билан боғланмоққа чоғланди. Аксига олиб, унинг телефон рақамини қайси дафтариға ёзганини эслай олмади. Бутун бошли уйни титиб ташлади, варақланмаган ён дафтарча қолмади: Йўқ. Худди ёзувлар эриб кетгандай. Шундагина у бу ҳайҳотдай домда, дом нима, ёргуғ оламда нақадар ёлғизлигини англади. Ота-онаси пойтахтда. Ака-укаси йўқ, ҳаттоки яқин дугона ҳам орттирампти. Эридан ажралганидан буён турмуш жародатларини унудиши учун ўзини бизнесга урди. Бормаган мамлакат, қадами етмаган юрт қолмади чоги. Кўзи тушган манзилга оёқ босди, эшитган жойига қанот қоқди. Ҳаётда анчагина мол-дунё, бойлик орттириди-ю, аммо боши ёстиққа еттанида пешонасини силайдиган кўнглидагидек ёр топилмади. Бу ҳақда ўйлашга вақти ҳам етмади. Не-не йигитлар ортидан чопа – чопа чарчади. Билганилар уни осмондаги ойга қиёслаб, умид боғлашмасди. Билмаганлар бир-икки диалини овлашга чоғланишардию, кейин ҳафсаласи пир бўлиб, қўлини силтаб кетишарди. Асли Баҳор сутдан оғзи куйган, биринчи рўзгоридан панд еганлиги учун эркакларга кўнгил қуявермасди. Ҳар ишда фақат ўзига ишонарди. Мана энди ёлғизлиги сезилмоқда. Аммо, бу, ҳали ҳолва...

Юмшоқ креслода ўз хаёлларига андармонлигича ўйга толган аёл беихтиёр ўзини жуда ёлғиз ҳис қилди. Тушкунликка тушмаслик учун залга кириб, телевизор қўймоқчи эди, йўлакдаги узун ойнада ўзини кўриб, тўхтади.

Оппоқ юзларида губор йўқ. Кўзлари катта-катта, дудоқлари нафис, бурни хушбичим. Сунбул сочлари елкасини тўлдириб турибди. Елкаси кичик, хипча бел, оёқлари сутга чайилгани каби мармар ранг. Шундай париваш ҳилқат ёстигининг ярми бўш. Энг муҳими, у ҳеч қачон бу ҳақда ўйлаб кўрмаган эди.

Шу пайт телефон жиринглаб қолди. Ютуриб гўшакни кўтарди.

– Алло, эшитаман!

– Яхшимисиз, мен Ботирман!

Баҳор севинчини яшира олмай "Вой, бормисиз, Ботир ака, нега ғойиб бўлиб кеттиз?" деб юборди.

Йигит ҳам кўнгли тўлди шекилли, титроқ овозда деди:

– Ўйлабманки, сизни зериктирдим, жонингизга тегдим деб...

Аёл туйгуларини ошкор эттанидан уялиб дарров мақсадга кўчди.

– Мен сиздан ёрдам сўрамоқчи эдим...

– Бажонидил, қанақа хизмат экан.

– Милицияда, аниқроғи ОВИРда танишингиз йўқми?

**Гўшак ичида енгил куалги эшиттилди.**

— Таниш бўлмаса топамиз-да, шу ҳам муаммоми?

— Раҳмат, Ботир ака. Бопшим кўкка етди. Эртага ёнингизга бораман.

— Яхши, кўзларим тўрт бўлиб кутаман.

Баҳорнинг иши тез ечили. Фуқароларни четга чиқиш ва киришини ҳисобга олиш бўлимидаги зобит Ботирни танир экан. Қисқаси, уч кунда паспортга виза қўйилди-ю. Баҳор Малайзияга кетди. У ердан қайтиб, Бирлашган Араб Амирликларига йўл олди. Сафар оралиғидаги муддатда тижорат ишларини жонлантириди. Шаҳар ташқарисида битадиган юмушларига Ботир билан бирга борди. Неча марта учрашсалар-да судбат расмий тусдан нарига ўтмади. Бу соддадил, аммо, ўзига мустаҳкам аёл қалбини олиш осон эмаслигини аллақачон англаган йигит аргамчини узун ташлади. Ҳатто одатдаги хушомадлардан ҳам тийилди.

Баҳор Амирликдан икки контейнер мебель келтириб, тижорат дўконларига тарқатди. Бу иши роса бир ҳафтага чўзилди. Шу муддат ичида Ботир доимо унинг ёнида турди, ҳатто улгуржи мижозлар топди.

Савдо-сотиқ ниҳоясига етганида, фойда кўзланганидан-да ортиқ тушганлиги аёнлашди.

— Ботир ака, — деди Баҳор бир куни Қўйондан қайтишаётганида.

— Менда бир таклиф бор эди, нима дейсиз?

Кўзларини йўлдан узмай келаётган йигит бамайлихотир жавоб берди.

— Нима ҳам дердим, розиман.

— Нимага розисиз?

— Ўша таклифингизга...

— Ие, ҳали эшитмадингиз-ку.

— Барибир. Эшитмай туриб бир марта рози бўлсан, эшитга үн карра кўнаман.

— Сиз доим ҳазиллашасиз.

— Аксинча, ҳамиша жиддий гапираман. Ўзингиз ҳазилга бураверасиз.

— Хўп, майли. Унда тингланг. Мен билан Сурияга бормайсизми?

Харажатингизни тўлайман.

— Нега бормас эканман, бораман.

— Аввал ўйла, кейин сўйла, деганлар.

— Сизнинг таклифингизни ҳеч қаочон рад этмайман, деб ўзимга сўз бергандман. Шундай бўлгац, бекорга вақтни бой беришга не

**ҳожат?**

Баҳор ҳайрон бўлиб Ботирнинг сокин юзига тикилди.

- У ердан нима олиб келишимизни ҳам сўрамадингиз-ку.
- Бунинг аҳамияти йўқ. Ҳар ҳолда гиёҳванд моддалар билан шуғулланмасангиз керак.

Аёлнинг капалаги учиб, кўзларини катта очди.

- Нималар деяпсиз, Худо сақласин.

— Ана кўрдингизми, бошқа нарсага шериклик қиласкераман.

Баҳор қувониб кетди.

- Мунча яхшисиз, Ботир ака!

Йигит жилмайиб, секингина қўлини ҳамроҳининг қўли устига босди.

- Яхшилигимни билганингиз қандай яхши-я.

Баҳор дарров қўлини тортиб оди.

— Унда келищдик. Бир ҳафтадан кейин жўнаймиз. У ердан тикувчилик фирмаси учун газмол олиб келамиз. Харидор тайёр.

Ботир Аҳмедовичнинг кўзига ҳеч нарса кўринмасди. У корхонага хотинининг укаси Азизбекни масъуль қилиб, сафарга отланди. Аввал Тошкентга учдилар. Тикувчилик фирмаси раҳбарлари анча миқдорда чет эл валютасини бердилар. Пулни Баҳор иккаласи бўлиб, божхонадан ўтиб кетишиди. Сурияда икки кун тинмадилар. Юкларини чартер рейсга уришиб, ўзлари йўналишдаги тайёрада қайтишиди. Тошкентда яна икки кун ушланиб қолишиди. Кейин бир-биридан нафис, майдо гулли матоларни мижозга топширишиб, Андижонга қайтишиди. Тошкентда Баҳор ота-онасининг уйида, Ботир эса меҳмонхонада тунади.

Андижонга кириб келишганида, Баҳор йигиттага ўтирилди.

- Эртага уйимга меҳмонга чақирмоқчиман, келасизми?

Ботирнинг юраги энтикли. У ҳали-вери ниятимга етолмасам керак, деб ўйлаганди. Нафси ламбрини айтганда, кейинги жумла шу фикри тўғри эканлигини исботлади.

- Нега индамаяпсиз, келасизми?

Йигит хаёlinи жамлаб, бош иргади.

- Таклиф қилган ердан ҳеч қолмаганман.

- Унда икки шартим бор.

- Нега учта эмас.

- Учинчисига эҳтиёж йўқ.

- Қулоғим сизда.

— Биринчидан, меҳмонга келасиз-у, мен айтган пайтда оғринмай, гина қилмай туриб кетасиз.

- Иккинчиси-чи?
  - Менга қўл теккизмайсиз...
- Ботир бу масалада мунозарага ўрин қолмаганлигини тушунди.
- Розиман!
  - Яхши, унда кечки пайт сизни кутаман.
  - Хўп, эртагача...
- Улар тезда хайрлашдилар.

## 6

- Дадаси, ҳадемай тонг отади.

Неъмат Солиевич қалин муқовали китобнинг очилган саҳифасига ингичка қаламини қўйиб, оҳиста ёпди. Кўзойнагини стол устига ташлаб, Ўткамхоннинг уйқудан шишган қовоқларига тикилди.

- Хоним, буйрагингиз безовта қилмаяптими?

Ая, эрининг одатини билгани учун хотиржам жавоб берди.

- Худога шукр, соппа-согман. Аммо...

Профессор оқ оралаган қалин соchlарини орқага қайириб, турмуш ўртоғига юз бурди.

- Хўш, ўша "аммо" нима экан?

Ўткамхон ая элликка яқинлашганлигига қарамай ҳалиям малоҳатини йўқотмаган, хушрўй аёл эди. У умр бўйи мана шу инсонни севиб келяпти. Гоҳида сайёҳлик варақаси ёки саёҳатгоҳга анкета тўлдиришга тўғри келиб қолса, касбингиз деган жойига ҳазиллашиб, дўхтирни севиш, деб ёзиб қўярди. Дўхтир эса унинг назарида кўпроқ касбига зътиборли туюларди. Баъзан сизга мендан кўра беморлар аълороқ, деб гина-кудуратини тўкиб соганида, Неъмат Солиевич кулиб: — Билмайсизми, эркаклар ишу лавозим учун, хотинлар севги, муҳаббат учун яшайдилар, — дерди.

Шу тобда Неъмат Солиевич гарчи ўзига тикилиб турган эса-да, хаёли қайсиdir касали муолажаси билан бандлигини билиб, уни чалғитишга уринди.

— Аммо шуки, назаримда, кўнглингиз ғашроқ, ишқилиб шу ёшда бирон ойимтиллага илашиб қолмадингизми?

Профессор ўрнидан туриб, аёлнинг бўлиқ қоматини бағрига олди.

— Ажойибсиз-да хотин, агар ёруғ дунёда сиздан гўзал, сиздан латофатли инсонни учратганимда, эҳтимолки, ҳадигингиз ўринли бўлар эди. Не бахтки якка-ю, ягона ҳурилиқ ўзингизсиз!

Ўткамхон бошини кўтариб, оппоқ юзли, кўз остилари бирозгина салқиган, кечаси илм, кундузи амалиёт дардида ҳам руҳан, ҳам жисмонан толиқкан эрига қараб, унга ачинди. Бироқ, аёллар бир

нарсани фикрлаб, иккинчи мавзуда гапиришга одатлангани боис, у ҳам нозу фирғини давом эттиришни афзал кўрди.

— Биласизми дадаси, — деди у жуфти ҳалолининг бўйнидан маъжкам қучиб. — Мен сизнинг келишган қад-қоматингиздан унчалик хавфсирамайман, аммо...

Хонадон соҳиби унинг сўзини бўлди.

— Яна аммо... Шу сўз тилингиз устида эркаланиб ётади шекилли. Ўқтамхон луқмага зътибор бермади.

— Аммо лафзингиздан кўрқаман. Бир оғиз гап билан тошни зритасиз, хушомадни ёқтирамайдиган аёл ҳали туғилгани ўртаб юборасиз.

Неъмат Солиевич уни ўз тилидан илинтириди.

— Аввало хушомадни хушламайдиган аёл ҳали туғилгани йўқ. Хушомадни суждиганларни эса биз сўймаймиз.

Ўқтамхон кулиб юборди.

— Ҳазрат Навоий бўп кетинг-е!

— Ие, бобомиз ҳам шунаقا дебмиди?

— Бундан ҳам зўрини айтган.

— Қани эшитайлик-чи?

— Наҳотки, ўша машқур байтни билмайсиз. Мени аддамаяпсизми?

— Қизиқмисиз, эр ҳам хотинини алдайдими? Ё алдамаса...

— Бас, суюлманг. Яхшиси байтга қулоқ тутинг.

— Бажонидил, фақат қулоқ эмас, бутун борлигим ихтиёргизда.

Ўқтамхон қўлларини эрининг бўйнидан бўшатиб, столга кўндаланг қўйилган юмшоқ диванга чорлади. Иккалалари худди ёш келинкуёв каби бир-бирларининг пинжига суқулишиб жойлашгач, байт ўқилди:

Мени мен истаганлар сұхбатига аржуманд этмас,  
Мени истар кишилар сұхбатин кўнглім писанд этмас.

Неъмат Солиевич чиндан ҳам ушбу ҳикматни эшитмаган эканми ёки аёлининг дилини чоғлаш учунми, ҳарқалай, гул юзли моҳитобонига қараб ҳитоб қилди:

— Офарин! Қандай пурмаъно ташбеҳ.

У шундай дея Ўқтамхоннинг чеҳрасидан кўз узмаган ҳолда қўксига бош қўйди.

— Назаримда энг заковатли одамлар адабиёт муаллимидан чиқишика керак, адашмадимми?

— Тўғри айтасиз, — бошини кўтармай тасдиқлади Ўқтамхон. — Худди энг бебаҳо эрлар дўйтирилардан чиққанидек.

Бу мақтов эр томонидан битта ўпич билан сийлангач, Ўқтамхон

қаддини ростлаб, мақсадга кўчди.

— Энди ростини айтинг, нима гап? Нега уч кундан буён тинчингиз йўқ. Худди тўрвасини йўқотган девона каби паришонсиз.

— Нима, шунчалар ўзгарибманми? — соддадиллик билан тан олди профессор.

— Мени қўйинг, анави муштдай Нозимангиз ҳам ҳайрон. Опоқдадам мени эркалатмаяпти, дейди хўрсиниб. Ишқилиб бирон жойингиз оғримаяптими?

Неъмат Солиевич жилмайди.

— Шу саволни беравериб, ҳамманинг жонига теккан эдим. Энди сиз ҳам қўшилдингизми, дейман, хоним.

— Ахир ўхшатмагунча учратмас, дейдилар. Синиқдан бошқаси юқади-да. Ҳа майли, мени ҷалғитманг, нима бўлди? Фақат касалларингизни айтиб баҳона кўрсатманг?

Профессор индамай дераза ёнига борди. Осмонда сон-саноқсиз юлдузлар жимиrlайди. Тўлин ой йўқотган жавоҳирини қидираётгандай...

У деразанинг бир қанотини очган эди, тунги салқин ҳаво хонага кириб келди.

— Яхшиямки тун бор, — деди у ўйчан. — Одам кечаси ўзи билан ўзи тилмалишга вақт топади, юрагига қулоқ тутади. Лекин бу ҳаммаси эмас. Тун сукунатида аллақандай сеҳр бор. Тўғри, бироз ваҳимали, ҳадикли, аммо билган одам учун оромбахш, ҳузурбахш. Ана шу тун алласи бутун чарчоқни ёзди.

Ўқтамхон бу шунчаки мұқаддима эканлигини сезди. Чурқ этмай муддаони кутди. Ниҳоят, "сир" очилди.

— Ўзингизга маълумки хоним, мен этнимга оқ ҳалат кийганимдан буён беморлар ҳаётига масъулман, аниқроғи, шу ҳаёт ичида яшайман. Улар йигласа, мен дод соламан, улар кулишса, мен қаҳ-қаҳ отаман. Мана, уч кундирки, бир навқирон эркак худди офтобдаги гул каби сўлиб бораяпти. Мен эса ҳанузгача ташҳис қўёлмай доғдаман...

— Тунов куни чақириб кетишган эди. Ўша бемор эмасми?

— Худди ўша. Неча йиллик иш фаолиятимда бунақа жумбоқقا учрамагандим.

— Устозингиз Патиддин Қулсинович билан маслаҳатлашмадингизми?

— Афсуски, профессор ҳозир Тайванда. Яна бир ойдан кейин қайтади.

— Телефонда боғлансангиз-чи?

- Бу сафар фикри ожизимча у ҳам ёрдам беролмайди.
- "Тиб қонунлари"да йўл-йўриқ йўқми?
- Кечадан бўён бир бошдан ўқияпман, сира яқин келадигани чиқмаяпти.

Аёл аёллигига борди:

- Кўпам куюнаверманг, дадаси, бугун чиқмаса, эртага топилар.

Ташқаридан гир этиб кирган эзкин хонани айланиб, оланинг шу ёшгача кўркини йўқотмаган майин сочларини эркалаб чиқиб кетди.

— Масала шундаки, bemorning butun ichki a'zolari susayib bormoqda. Xали bуни ҳеч kим sezgani yўk. Agar yana besh-oqli kyn ichida echimini aniklamasak, kech qolamizmi, degan xadiqdaman. Qanday ekimtой, aжойиб yигит. Ёши қирқ atrofida. Nima jin urganiiga xайронман. Upka, yurak, buirak, jigar — borinngki қora talofigacha jaishi... Lekin, sustlaşıypti. Billasizmi, butun a'zonning teng pанд bериши iш tажриbamda ilk bor учраши.

- Эҳтимол, бирон xavfdan ёки tafti shchilar dan қўрққандир.

- Bu tarafdan iskalllik yўk.

- Bўlmasa oиласи notinchikan?

— Суриштирдим. Bitta yўli ўқувчи, oиласи ҳам anчадан buён kasalvand ekani, ammo қўrқinchi daражada emas.

— Наркоманлар таъсирига тушганиккан-а? — Энди ая ҳам bemor ҳолига қизиқа boшлаганди.

Неъмат Солиевич деразани ёпди.

— Қарасам, siz ҳам tашвишga тushiб қоляpsiz. Menدا bitta taklif bор, nima deysiz?

Ўktamxon ҳайратlaniib, eriga nigoҳ tashladi.

- Яrim kechasi yana қанақa taklif, dadasi?

Профессор aйёrona kўz қисdi.

- Siz ҳaқsiz! Huddi яrim kechasi aйтиладиган taklif-da.

Ўktamxon қочиримни тушиниib, kelinchak kabi юзлari лов-lov ёнди.

- Ha odam bўlmay ketинг...

## 7

Ботир белгиланган vaқтда Баҳорning уйи қўнғiroғinи босди. Xиёл ўтмай, қора дуб ёғочидан naқshinkor uslubda diд bilan ясалган оғир эшик очилди. Meҳmon taklif kutiib, одоб юзасидан йўлакда bir муддат туриб қолди.

- Вой, kiравermaysizmi!

Ботир остона ҳатлаб ичкарига қадам ташлади-ю, беихтиёр ўзини йўқотиб қўйди. У илгари ҳам шаҳардаги кўпгина кўпқаватли уйларга ташриф буюрган, не-не казо-казоларнинг азиз меҳмони бўлган, аммо, бундай ёруғ ва файзиёб хонадонни илк бора кўраёттан эди. Гўё бу истиқомат жойи эмас, ноёб музейнинг ўзи. Одатда у ҳар куни пайтогини янгиларди. Келаётib кийиб олган пайтоги оёғи остидаги палос устидан тўшалган ҳарир мато олдида оҳори хирадлашгандек туолиб, бироз ўнгайсизланди. Унинг ҳолатини даров пайқаган уй бекаси юмшоқ шиппак келтириб қўйди.

- Мана буни кийиб юринг, панел уйлар заҳ бўлади.
- Чамамда, бу, иморат гиштли, шекилли.
- Барibir саратон қуёшини кўрмагунча салқини тураверади.
- Оёғига шиппак кийгач, Баҳор унга ваннахонани кўрсатди.
- Қўлингизни ювиб олинг, титан жўмрагини бурасангиз, иссиқ сув ҳам тушади.

Бу, ванна, деганлари худди атторлик дўконидай хушбўй ҳидларга тўла эди. Деворга хилма-хил сочиқлар илинган. Чор-атрофдаги кўзгудан аксингиз кўриниб туради.

Меҳмон кенг йўлакка чиқиб, қай тарафга юришини билмай тараддулданди. Шунда қия очиқ эшиқдан ётоқхона жиҳозлари кўзга ташланди. Қалин эман ёғочидан ишланган икки кишилик диванга турк чойшablари тўшалган. Дераза пардалари минг хил товланиб кўзни олади. Деворга илинган суратлар анчагина қимматбаҳо бўлиб, машҳур мусаввирнинг асл нусха асарлари эди.

Ошхонадан чиқиб келган Баҳор меҳмонни айвонга чорлади. Бу ер анчагина кенг-мўл экан. Тўрига рангли телевизор қўйилибди. Унинг қарама-қарши томонига газ плитаси, ошхона жиҳозлари жойлаштирилган. Афтидан уй бекаси телевизор кўриб, овқат тайёрлашни ҳуш кўрса керак-да.

Айвон ўртасига айланма стол ўрнатилган. У ойнаванд ром ёнида бўлганлигидан, худди бутун олам кафтга кўринган каби кўз ўнгингда намоёнлашади.

— Маъзур тутасиз, меҳмонхона тезда исиб кетади, ўтиришга қулай ва ёруғ деб айвонга дастурхон ёзавердим.

Ботир меҳмонхона билан айвон ўртасида очилган арк тарафга қараб қўйди. Бу ердан кенг залнинг ярми бемалол кўзга ташланарди, ичкаридаги испан, немис ва итальян мебель жиҳозлари Баҳорнинг бадавлатлигидан ташқари уй безатишга иштиёки баландлигидан ҳам далолат берарди.

Уйга кирганидан бўён илк бора хонадон соҳибасига нигоҳ

ташлаган Ботирнинг юраги зирқираб кетди. Баҳор ҳар қачонгидан ҳам гўзал ва маъсума эди. Оппоқ, кулча юзлари ўн тўрт кунлик ойдек сулув, кўзлари худди кўрингувчини эркалаётгандай хумор боқарди. Ҳаворанг қимматбаҳо яшил гулли матодан тиктирган кўйлаги қоматини яширмоқча ожиз, боз устига мармар каби таранг кўкраклари, оппоқ бўйни, кўйлаги енгини ёриб юборгудек билаклари, ҳаммадан ҳам юрганида турфа раҳсга тушаётган майин сочлари ҳар қандай эркакни ақддан оздиргудай дараражада жозибали эди. Ботир уни Тошкентда кўрганидаёқ юрагига ўт тушганди. Мана, энди яқиндан танишиб ҳам олдилар. Лекин, ҳамон бу аёл қаршисида ўзини йўқотиб, тили айланмай қолаверар, токи ўзини қўлга олгунича анча фурсат ўтарди.

— Қорнингиз ҳам очгандир, қани, дастурхонга қаранг.

Меҳмон қўлига санчқи ушлаб, анча ўйланиб қолди.

— Ботир ака, тинчликми, — кулади Баҳор унинг шу туришидан завқланиб. Ўтган муддат ичида бу соддадил, кўнгли очиқ аёл йигитга ўрганиб улгурган, кўп ҳолларда тортинмай юмушини айтаверар, худди туғишган акаси каби эркаланар эди. Ботир эса аксинча, у ўзини қанчалик дадил ва хотиржам тутса, шунчалик дараражада уялиб, кўзига тик боқолмасди. У бу ҳолатини қалбида ниш урган муҳаббат түғёнита менгзарди. Баҳорнинг ҳайиқмаслиги, бемалол муносабатини кўнглида гард йўқлигидан, поклигидан деб биларди.

— Эсим қурсин, кўнглингиз бирон нарса тусайдими? — Гўё муҳим нарсани унугтани учун ҳижолат тортгандай шошиб сўради хонадон соҳибаси. Ботир унга ер остидан мўралади.

— Менга шерикликка ярайсизми?

Аёлнинг ингичка қоплари пир-пир учди.

— Мени энди кўряпсизми?

— Шундайлиги аниқ, ҳар ҳолда ўз уйингиздасиз-ку.

— Ишонсангиз, мен умримда спиртли ичимлик ичмаганман. Умуман аёлларнинг маст юриши энг ёмон гуноҳ, деб биламан. Ўзини ва яқинларини ҳурмат қиласан аёл ҳеч қачон бундай одобсизликка йўл кўймайди.

— Рост, — дарров тасдиқлади меҳмон. — Аёл киши нафақат ўзи, балки вужудида бош кўтаражак мурғақ фарзанди учун ҳам масъул. Ахир, она қорни чақалоқнинг ошёни эмасми. Агар шу қўргонга чанг қўнса, ёмонлик аралашса, туғилажак боладан кейин қандай зэгулик кутиш мумкин. Аслида айрим оиласалардаги кўнгилсизликларнинг боши худди шу ердан бошланади деб, ўйлайман.

Баҳор чой қуиб, ўрнидан туриб тақаллуф ила узатди. Бироқ, ўз ҳиссиятлари қозонида қайнаётган йигит бу ҳазилни тушунмади, индамай пиёлани стол четига қўйди.

— Ботир ака, — деди бека унга астойдил тикилиб. — Ишқилиб гинеколог эмасмисиз?

Меҳмон каловланиб қолди, оғзидаги қазини чала-чулла чайнаб ютиб юборди.

— Нега сўраяпсиз, мен иқтисодчиман, Тошкент ҳалқ хўжалиги институтини тутатганиман.

— Алдаманг, — бўш келмади мезбон унинг саросимага тушганлигидан завқданиб. — Ҳозирги сўзларингизни тинглаган одам ҳеч иккиланмай аёллар духтири дейди. Ўзиям биралиб гапирдингизки...

— Кечирасиз, ўзим сезмабман. Тўғриси, бизнинг корхонада ишчиларга бирон ишни тушунтириш анча қийин. Битта мисолга ўнта масала келтирмассангиз, аммамнинг бузоғидай бақрайиб туришаверади.

— Ие, ҳали аммангиз бузоқ боқадими? — Бояги қувноқлик уни тарқ этмаганди.

Ботир яна ҳижолатдан терга ботди.

— Йўғ-е, шунчаки омади гап-да. Бу ёғини суриштирсангиз, аммамнинг ўзи йўқ.

— Менинг аммам бор-у, лекин узоқда...

— Узоқ деганингизни қандай тушунмоқ керак?

— Бу сизнинг тасаввурингизга боғлиқ...

— Қани, бир тусмоллаб кўринг-чи?

— Қўйсангиз-чи, телепат эмасман.

— Майли, барибир тафаккурингизни синамоқчиман.

— Тафаккур алдамчи, яхшиси, ўзимни имтиҳон қилиб кўринг.

— Ҳозир адашдингиз. Билсангиз, инсоннинг сиртидан баҳолаш қийин. Тафаккурнинг эса пўсти йўқ, борлигини дарров айтиб қўяди.

— Очиги, тилингиз бийронга ўхшайди.

— Дил очиса, тилга иш топилаверади. Акс ҳолда тил ҳам дилга калит бўлолмайди.

Ботир ҳушёр тортди. Яйраб кулди.

— Шукр, тилингиз дилингизга тиљмочлик қиляпти.

— Яширмайман. Бугун негадир баҳтиёрман. Аммо билиб қўйинг, аёлларнинг табиати баҳор ҳавосидай ўзгарувчан.

— Буни биламан.

— Демак, уларнинг суҳбатидан баҳраманд экансиз-да?

— Унчалик эмас, аммо, томчида қуёш акс этганидай...

Меҳмон иссиғининг борида тилини тийди. У уйдаги хотинининг феълидан ҳаммаси аён, демоқчи эди. Яхшики, қаерда, ким билан ўтиргани лоп этиб миясига урилди-ю, даҳанага қопқоқ ёпди.

— Раҳмат сизга! — Баҳор кулимсираб миннатдорчилик изҳор этди. Бу ташаккур боисини билолмай йигитнинг боши қотди.

— Нега энди...

Унинг лафзи лабида қолди.

— Негаки мени ҳурмат қилиб, аёлингиздан гап очмадингиз.

Ботир бу соҳибжамоннинг ақли расолигига яна бир бор тан берди. Аммо, вазиятни юмшатиш учун бирон калима айтольмади.

— Эсим қурсин, меҳмонга чақирдим-у, бир сирдан воқиф этмадим а? Йигит ҳайронлиги ортиб аёлга ҳавотир-ла кўз ташлади.

— Яна қанақа сир?

— Бу, менинг сирим. Яъни ҳар куни берилаётган сериални ўтказиб юбормай кўраман.

— Ҳайрият-э, шумиди... Мен эса...

— Вой, кўрқиб кетдингизми?

— Ҳа энди, оддий гапни ҳам шундай ваҳима билан айтасиз-ки, тӯғриси, шу ғунчадай лаблардан қандай янгилик чиқаркин, деб ҳадиксираб қоларкансан.

Баҳор юрақдан кулиб, ўзини зўрға тўхтатди.

— Мени кечиринг-у, "олиб қочиша" сиз ҳам бирордан қолишмас экансиз.

— Шуни айтадиларда, ўрик ўрикни кўриб ола бўлади деб. Ҳа майли, сиз "Қақнус"ни назарда тутяпсизми?

— Шундай, сиз ҳам кўряпсизми?

Ботир ўйланиб қолди. Мабодо кўрмаётганини тан олса, унда сизни кузатиб қўяй, дейиши тайин, томоша қиляпман деса, бирон нарсани сўраб мулзам қилиши мумкин.

— Доим етти ўйлаб бир сўзлайсизми?

— Доим эмас, фақат сизнинг сұҳбатингизда.

— Сабаб?

— Чунки, жудаям синчков экансиз. Сал фикрдан қияласам, ўтга тушяпман.

— Буни қаранг-а! Унда чинакам ўт нималигини билмас экансиз.

— Сизчи? Билсангиз айтинг.

— Майли, фақат фильмдан кейин. Айтмоқчи, залдаги телевизор яхшироқ. Сиз кираверинг, мен қаҳва тайёрлаб, кейин ўтаман.

Залдаги биллур қандилни кўриб, меҳмоннинг оғзи очилди. Юздан ортиқ жажжи чироқчалар ҳудди бургутнинг кўзидай чарақлаб, хонани чароғон эттанди. Тўридаги телевизор экрани дераза ўрнича келади. Кираверишга кенг диван қўйилган. Ён томонда чет эл мебеллари... Муҳими, бирон жойта гард кўнмаган, ҳаммаёқ чиннидай топ-тоза.

Хонадон соҳибаси сиёҳдоңдай идишларда қаҳва келтириб, сирти ойнаванд, столга қўйди. Ўзи бошқа креслога жойлашди.

Бир ярим соат ичида у бутун борлиқни унугиб, экрандан кўз узмади. Ҳатто Ботирнинг шу ердалиги ҳам хаёлидан кўтарилди. Ниҳоят, фильм тутади. Баҳорнинг қоп-қора киприклари орасидан ёш оқарди. У чурқ этмай, ванинага кириб кетди. Ўн дақиқаларда жилмайиб кирди.

— Жуда оғир картина, тўғрими?

Ботир бошидан кўрмагани учун нима дейишни билмади.

— Дастрлаб бош қаҳрамон қиз ёққанди. Энди Ми Ран билан Чо Минга ачиняпман. Биласизми нега? Бу ёруғ дунёда жавобсиз мұхаббатдан ёмони йўқ. Худо шунисидан асрасин.

Меҳмон шу хонадонга кирганидан буён ўтган вақт ичида ҳар дақиқада Баҳорнинг янги қиррасини кашф этаётгандай, унинг табиатидаги хислатлар чашма каби муттасил мавжланиб, сира адоги кўринмагандай туоларди.

Үй бекаси бу сафар меҳмоннинг ёнига – диванга ўтириди.

— Ниҳоят, ўзимиз тўғримиизда гаплашгани фурсат келди, – деди у кўзларини катта-катта очиб. — Аввал ўзимдан бошлай. Гарчи сиз билан тўрт-беш ой таниш бўлсак-да, бу ҳақда сира кўнглимни очмагандим. Доимо югур-югур, савдогарчиликнинг қамчиси ўзи билан, деганлари рост экан-да. Энди бир юртдан келсанг, иккинчи мамлакатга йўл чиқиб туради... Вой, бошқа томонга ўтлаб кетдим шекилли.

Меҳмон унинг алвон ранг чеҳрасига, қирмизи лабларига тикилганида юрагининг туб-тубида чукур орзишиб зухурланар, қани мавриди келса-ю, неча йиллардан буён қалбида тўплланган энг ардоқли, энг оромбахш туйгуларини қаршисидаги моҳипайкарга баҳшида этса. Аммо севган аёлга қўл узатиш илоннинг инига панжа сүқиши билан баробар, у ердан тилла топасанми ёки оғу, бирор билмайди.

— Ўрта мактабни томомлаб, тиллар педагогика институтига ўқишига кирдим. Бироқ, ўқитувчилик қилолмадим, мактабда тўрт-беш йил ишлаб тижоратга ўтиб кетдим. Касбимни севаман, бироқ, катта

мақсадларни орзулаган одам учун ойлик маошга қаноат қилиб яшаш ниҳоятда оғир. Аёл киши яхши кийиниш, ўзига қараш, рўзгорни бутглашни хоҳлади. Буларнинг барчаси пул...

Хиндистон, Эрон, Амирликлар, кейинчалик Хитой ва Таиландга қатнадим.

— Кечирасиз, турмушингиз бузилишига шу тижорат сабабчи эмасми?

— Йўқ, эрим билан табиатимиз мос тушмади. Мен уни ёқтирганингим баробарида у ҳам мени хушламади. Бир куни "Баҳор, нима дейсан, умрбод азобда яшайверайликми ёки келишиб оламизми?" деб сўради. Мен: "Келишиш деганда нимани назарда тутяпсиз?" дедим. У бўлса, "квартирамда" деб жавоб қайтарди. Шунда оғзимга шу гап келибди:

— Яхши, сизга квартира, менга Элёр! — Бечора шуни кутиб турган экан, дарров розилик билдири. Ўша куни ўзимнинг кийим-кечакларим, айрим юкларимни саралаб, ижарага уй олиб чиқдим.

— Ота-онангизниги қайтмадингизми?

— Уларга ортиқча ташвишнинг нима кераги бор, деб ўйлабман. Аммо, ойим билан дадам эртаси топиб келишди. Роса таъзиримни беришиб, уйга олиб кетиши. Уч йил иноқ яшадим. Мактабда дарс бердим. Кейин боя айтганимдай тижоратга қўл урдим.

Ота-онам асли тошкентлик эди. Озиқ-овқат технологияси институтини томомлаб, йўлланма билан Андижонга келишган эди. Дадам қандолатчилик цехида, ойим эса касбини ўзгартириб қурилиш ташкилотида ишлаб, фахрийликка чиқишианди. Бутун фикри-зикри пойтахтга қайтиш эди. Охири Яккасарой туманидан уч хонали уй сотиб одик. Кетиши.

— Нега сиз қолдингиз?

— Ўзим ҳам ҳайронман. Биринчидан, Чоргузарда туғилганим учунми, эски шаҳарни ёқтираман. Иккинчидан, топиш-тутишим яхши, уйим бинойидай.

— Барибир, ота-онангиз сизни ёлғиз қўйишмайди.

— Ўзим ҳам шу фикрдаман. Элёр бешинчи синфда ўқияпти. Эҳтимол, тўққизинчини тутатса, биз ҳам Тошкентга кетармиз. Яна ким билади, тақдирга таваккалчилик кетмайди.

— Элёр ҳозир қаерда?

— Бир ҳафтадан бўён Тошкентда, опоқдадаси билан. Таътилни ўша ерда ўтказмоқчи.

— Бир ўзингиз зерикмайсизми?

Баҳор йигитга қаради.

— Тижоратчи зерикиш, деган терминни тан олмайди. Зерикиш эмиш... Билсангиз, бундай оёқни узатиб дам олгани зормиз. Айтдимку, тайёрадан-тайёрага чиқиб, учиб кетаверамиз. Асосий умр осмонда ўтапти.

— Учиб юрибмиз, денг.

— Шундай! Аммо, ишингиз юришиб турса, чарчоқ ҳам сезилмайди...

Баҳор Ботирнинг тиззасига уриб, деди:

— Энди сиз ҳам қулфу дилингизни очинг. Гапира бериб оғзим толиб кетди-я... Хўш, қаердансиз, қайси подшоҳлик фуқаросисиз, қайси манзилга борасиз?

Баҳорнинг эркалиги йигитга ҳам юқди. У ҳазилга ўраб асл муддаони айтди-қўйди.

— Борар манзилим... Кошки шу макон бўлса...

Аёл бу қочиримни англамади.

— Тушунмадим.

Ботир жиаддий тусда гап қотди.

— Дейдиларки, тўрт фаслнинг ўзига хос гашти бор. Мен эса сизни кўргандан бўён қалбимда ҳамиша баҳор яшнаса, дея орзулаиман...

Шу чоққача фақат корхонани, оилани ўйлардим. Энди бу тушунчалардан ҳам қудратли туйгулар борлигини англауб етдим. Очиги, сизни севиб қолдим. Ўша "Дедоман" меҳмонхонасида учратганимдан бўён ўз ёғимга ўзим қовирилиб юрибман. Муҳаббат одамни қийнаб юборар экан. Эрта-ю кеч кўз ўнгимдасиз. Ўйламай дейман-у, сира бунинг уддасидан чиқолмайман. Бир кун овозингизни эшилмасам ёруғ жаҳоним зулматга айланади. Телефон жонивор "жиринг" этса ҳар сафар сизмикин, деган умид билан гўшакка қўл чўзаман. Шу кунгача севигига ишонмай келардим. Энди эса ишондим, чунки у бағримни куйдириди, вужудимга титроқ солди.

Авваллари юқори раҳбарлардан илиқ фикр эшитсам бошим осмонга етиб, беҳад қувонардим. Энди ягона қувончим фақат ўзингизсиз. Сизнинг гоҳида ёш боладай соддадиллигингиз, баъзан чуқур ўйга ботиб ўтиришингиз, бир пасда кулиб, яна бир нафасда жиаддий қиёғага киришингиз, хуллас, ҳамма-ҳаммаси хаёлимга кино тасмасидай муҳрланиб қолган. Бу тасма бир кунда минг бора олдига ва орқасига айланишини билсангиз эди. Баъзан шунаقا хурсандликка бериламан, нега кайфиятим офтоб мисол чарақлаётганини тушунмай ҳам қоламан. Гоҳида сўнгсиз хаёллар гирдобида мағрибдан-машриққа учаман. Баҳор, севиги шундай қудратлими?

Ботир умрида бунчалар таъсиrlаниб сўзламаганди. Қараса, Баҳорнинг оппоқ юзларида ёш чизилиб оқяпти. Унинг жиловланган меҳри жунбушга келиб, қирғоқдан тошган дарё мисоли куч-қудратга тўлди, бутун вужудини титроқ босди. Баҳорнинг майин соч толалари ёшли юзига ёпишиб қолганди. Йигит чап қўли билан қиз чеҳрасига парда ёпмоқни ихтиёр этган сочни силамоққа журъат этди. У бутунлай ихтиёrsиз, мақсадсиз шу жасоратга қўл урди. Ҳаттоки, қарши тарафдан қандай акс чора қўлланишини ҳам ўйлаб кўрмади. Бу идрок эмас, туйгу таъсиридаги ғайри табиий ҳаракат эди. Ва ҳаётда айнан ғайри табиий ҳаракатлар учун ё жазо кўрилган, ёки инъом олинган. Бу сафар тақдир бечора ошиқни шунидай ёрлақадики, ҳатто бу каби сийловни етти бор ёстиққа бош урганида тушида ҳам кўролмасди.

Баҳор беихтиёр аввал Ботирнинг қайноқ пешонасига бош қўйди, кейин худди ҳушини йўқотган киши каби унинг қучогига сингиб кетди.

## В

...Ботир бағри тўлиб уйғонди. Оний бир фурсат қаерда ёттанлигини билолмай ўйланди. Аммо, қучогига тўлин ой каби сокин ухлаётган сулувни кўриб, тунги фароғат ёдига тушди. Во ажабо эрта тонг нафаси гўё хонани нурга чўмгандай туюлди. Бошини кўксига қўйиб ором олаётган соҳибжамол сиймосида гўзаллик ва файзиёблик жилоси уфураётганда эди. Яна ҳам ҳайратланарлиси, у одатда биринчи марта хиёнат кўчасига оёқ босган эркаклар дилида гимирлаб қоладиган кўнгил ғашлигини ҳам, танасини бахшида этган аёлга нисбатан ижирғаниш туйғусини ҳам сезмасди. Аксинча, кўзидан уйқу қочиши баробарида, худди она қўйинидан ҳаловат излаган бола мисол, тинчгина ухлаётган суюкли санамига нисбатан тийиксиз соғинч туди. Бу ҳиссиёт гулусидан ўзини босолмай тунги ҳарир либосдаги дилбарни меҳр билан қучоқлади. У шу ғаройиб истаги боис ой юзли дилбарнинг тинчини бузишдан ҳижолат ҳам тортганди. Ҳар нечук баҳордай Баҳор гўёки дунё ташвишлари қалбини тарқ этган каби бамайлихотир туш кўрарди.

Йигит англадики, бу учрашув шунчаки тасодиф ёки оддийгина изоҳланадиган жисмоний яқинлик эмас. У яна уқдики, ҳар иккисининг тупроғи минг йиллар илгари бир ҳамиртурушдан қорилган ва унга муҳаббатдан зеб берилган, соғинч нури илиа сугорилган, меҳрдан либос кийдирилган. Акс ҳолда гуноҳга қўл

урилган кечаки худди гуноҳдан фориг бўлган каби қалбда енгиллик уйғотмас эди. Бу ерда инсон тафаккуридан ташқарида мавжланувчи сир-синоат зуҳурланганди. Лекин бу ҳилқат номи ва моҳияти мағзини чақмоққа ҳозир ҳар иккиси ҳам қодир эмасди.

Ботир Баҳорнинг нозик бўйнидан ўтказган қўлини сугуриб олаётганида унинг кўзлари пориллаб очилди. Тунни бегона эркак билан бедор ўтказгани ёдига тушиб, юзи шафақ рангини оди. Ўрнидан туришдан илгари енгил чойшабни йигитнинг бошига тортиди.

— Қарамай туринг!

У ваннага кириб кетди. Анчадан сўнг эшикни қия очиб, саломлашди.

— Хайрли тонг, Ботир ака!

— Ўзингизга ҳам...

— Ишга борасизми? — у шундай дея хона деразасини қия очди. Ташқаридан салқин ҳаво эпкини юзга урилди.

Йигит юмшоқ ўриндан қўзғалиб, стул суюнчиғидаги ички кийимларидан тортиб кўйлак ва пайпоқларигача ювиб, дазмол босилганини кўрди. Во ажабо, бунга қачон улгурди экан? Тезда кийиниб, хайрлашмоқчи эди, айвоңдан таниш овоз эшлилди.

— Нонушта қилиб олинг!

Баҳор гўзаллигидан ташқари саранжом-саришта ва меҳрибон аёл эканлигини ҳам намойиш этаётгандай тутолди. Бироқ, унинг табиатида ясамалик, мўлтониликдан асар ҳам йўқ эди. Содда тушунтирганда, ичи ҳам, таши ҳам, суврати-ю сийрати бир инсон эди.

Остона ёнида кузатаётганида йигитнинг кийинишига бошдан-оёқ қаради, бўйинбогини тўғрилаб қўйди, куранг костюмининг елкасини қоқди.

— Ожизлигимни ёмонликка йўйманг, Ботир ака! — деди у кўзларини ерга тикиб.

Ботир унинг нозик белидан авайлаб қучди.

— Бу ожизлик иккимизга тегишли.

— Биласизми, эрталаб уйғонди-му, дилимда енгиллик туйдим...

— Мен ҳам!

— Рост айтяпсизми?

— Сиз қандай туйгуларни бошдан кечираётган бўлсангиз, мен ҳам шу кайфиятдаман. Муҳаббатимизнинг қудратига ишонаман.

— Айтганингиз келсин. Тўғри, не-не юлдузни бенарвон урадиган йигитлар юрагимга йўл топишолмаган эди, сиз сездирмай ичимга кириб, қалбимга ўт ёқдингиз.

- Ўт ёқмадим, — деди Ботир унинг жовдираган кўзларига боқиб.  
— Юрагимдаги оловни туташтирудим, холос.  
Баҳор йигитнинг кенг кўксига бош қўйиб, анчагача қўйвормади.

## 9

Саратон чилласи авжига чиққанида, Ботир севгилисини йўқлади. Баҳор Намангандан келаётган экан. Тўғри қўшма корхона дарвозаси ёнида машинадан тушди. Таşқарида тартибни сақловчи норгул йигит йўтон бўйинни базур қўмирлатиб, унинг қўлидаги сумкасини очишга мажбурлadi.

Хозир ҳар қандай хусусий фирма ваофисларда шундай эҳтиёт чораси кўрилаётгани боис, у эътироэсиз сумкасини кўрсатди. Шу пайт ичкаридан раҳбарнинг ёрдамчиси Акмал чиқиб қолди. У Баҳор билан "шефи" ўртасидаги муносабатни зимдан сезарди, шу туфайли ҳар сафар кўрганида, ҳушмомалалик билан қаршилаб, хурматини жойига қўярди.

— Ринат, опани қўйиб юбор! — деди у ойнаванд эшик саҳнида туриб. Сўнг югуриб меҳмон қарпisisiga пешвоз чиқди.

— Лифтни чақираими, опа, — деди одатига мос равища жилмайиб. Баҳор унга миннатдорлик билдириди.

— Раҳмат, Акмалжон, иккинчи қават унчалик баланд эмас -ку.

Ботир кенг ва ёруғ хона тўғрисидаги катта чарм креслода ким биландир телефон орқали сұхбатлашаётган экан.

— Кечирасиз, котибангиз бир ўзи деганига такаллufciz эшикни очаверибман.

Ботир тезда хайрлашиб, гўшакни жойига қўйди. Ўрнидан туриб маъшукасини қучоқлади.

— Сизга бу даргоҳ эшиги ҳамиша мунтазир.

Баҳор уни сўроқса тутди:

— Эшигими ёки соҳиби?

Ботир ҳам бўш келмади.

— Шу эшик ортида кўзлари йўлингизга нигорон маҳбуби.

Улар узун столнинг икки ёнидан жой олдилар.

— Яхши келдингизми?

— Раҳмат, мижозларим кутиб туришган экан, ишим битди.

— Жуда соз. Ўзингизга уч-тўрт кунлик таътил эълон қила оласизми?

Аёл ҳайрон бўлиб сұхбатдошига қаради.

— Тинчликми?

— Ҳа, бир маслаҳат чиқиб қолди. Хуллас, Москвадан меҳмон

**келяпти.**

- Корхонангизами?
- Йўқ, шахсий меҳмон, аниқроғи, бирга ўқиган курсдош дўстим.  
Баҳор ҳеч нарсага тушумади.
- Дўстингизнинг ташрифига менинг борлигим монелик кўрсатмайдими?
- Аксинча, сизнинг ёрдамингиз керак.
- Менинг ёрдамим. Агар қўлимдан келса, минг марта розиман.
- Қўлингиздан келиши ҳам гапми?
- Унда одамни қийнамай очиқроқ айтинг?
- Очигини эшитинг. Дўстим ҳозир докторантурада ўқиялти, бир таниши Фаргона водийсини томоша қилмоқчи экан. Эртага тушликдан кейин Андижон тайёрагоҳига кўнишади.

- Таниши аёл киши эмасми?
- Ҳамма гап шунда-да. Агар бир ўзи бўлганида уйга жой ҳозирлатиб қўярдим... шериги билан қандайдир ноқулай.
- Баҳор Ботирнинг пешонасига нозик кафтини босди.
- Бор-йўги бир оғиз гап экан-ку, роса чўзвордингиз-а. Шу ҳам муаммоли. Элёр ҳалиям Тошкентда, бизникига келишаверсин.

Ботирнинг елкасидан тор ағдарилди.

У айнан шу таклифни кутганди.

- Тўғриси, роса бошим қоттан эди. Корхонамиз профилакторийси таъмирланяпти, шаҳардаги меҳмонхоналарда иссиқ сув йўқ. Руслар ёзда бир кунда уч марта ювенишмаса баданига торвоқ тошади.

- Ие, дўстингиз ҳам русми?
- Йўқ, аммо уч йилдан бўён Россияда яшаб европалашиб кетгандир, дейман-да.

Бирдан аёлнинг юзига ҳавотир соя ташлади.

— Ботир ака, уйимиз ёқмаса-чи?..

Ботир ўрнидан туриб кетди.

- Нималар деяпсиз, ёқмас эмиш-а. Мен эсам бу хонадонга ўзга одамларни таклиф қилгани қизғонаман. Назаримда, бу уй фақат иккаламизнинг пирли ва сирли паноҳгоҳимиздай. Қолаверса, сизнинг саранжом-саришталигингизни улар қадрлай билишармикан?

Жувон уни тинчлантирди.

- Меҳмон отадай улуғ, сира ҳавотирланманг.
- Яхши, демак, бу масалага маҳси кийдирилди. Энди асосийсига ўтамиш.

Баҳорнинг ҳайрати ортиб, у ҳам жойидан қўзғалди.

— Бугун нуқул фақат топишмоқ айтяпсиз-а. Яна "асосийси" нима экан.

— Эҳтимолки уч кунга Шоҳимардонга боришига тўғри кеп қолар. Ишингизни шунга қараб режалаштирангиз, яъни бояги таътилингизга ўзингиз имзо чексангиз.

Баҳор бир муддат ўйга чўқди. Кейин дераза ёнида саволига жавоб кутаётган севгилисинг елкасига бош қўйди.

— Ботир ака, сиз туфайли ишқ шаробини тотдим. Осмондаги қўл етмас юлдуз эдим, энди сизнинг ҳамроҳингизга айландим. Сиз нима десангиз, шунга розиман.

Тўсатдан телефон жиринглаб, унинг туйгулари бўлинди. Кабинет соҳиби гўшакни кўтарди. Қисқа савол-жавобдан сўнг у маҳвашига юзланди.

— Эртага барвақт келишар экан.

Эртасига Ботир меҳмонларни Андижон тайёрагоҳидан уйга бошлаб келди. Баҳор уларни йўлақда қаршилади.

Ўрта бўйли, тўладан келган, қизғиши сочлари сийрак, бодом қовоқ, табиати қувноқ кишини Анвар Чориевич деб таништиришибди. Ёнида новча, кўзлари кўм-кўк, ранги оппоқ қирра бурун, ингичка қошлиари бўялган аёл Аня экан. Аня хушрўйлигидан ташқари, одам билан тез киришиб кетаркан. Унга бир пасда Баҳор ёқиб қолди. Сайёҳлар сумкасини очиб, фаранг мушкини совға қилди.

Кечки овқат пайти яхшигина ичиб олган Анвар ҳеч кимга гап бермагач, аёллар зерикиб қолишди, шекилли, узр айтишиб, ётоқхонага кириб кетишиди.

Икки дўст ҳоли қолишгач, меҳмон қувлик билан деди.

— Дидинг чакки эмас, бунақасини қайдан топдинг?

Ботир жиддий жавоб қайтарди:

— Худо берди.

— Унда ароқдан қуй. Тўлдириброқ қуй. Қани, мана шу мўъжиза учун олайлик.

У сўзи охирига етиб-етмай бир силтища қадаҳни бўшатди.

— Аммо, қойилман. Мен сени лол қолдирмоқчи эдим, сен мени ҳайратга соддинг. Хотининг биладими?

Йигит хомушгина бош чайқади.

— Унда ҳушёр бўл. Яна икки ўт орасида ёниб кетма. Завжангнинг феълини биламан, жаҳли чиқса отасини ҳам аямайди.

Анвар аввал ҳам насиҳатга ўч эди. Ботир уни шу ҳолича — содда, самимий ва беозорлигича яхши кўрарди. Беш йил таҳсил кўришиб, бирон марта сен-менга боришмаган, бирининг нарсасини

иккинчиси сўраб-сўрамай ишлатаверишган. Аслида уч ўртоқ ўқишининг бошидан-охиригача бир ёқадан бош чиқариб юришганига баъзиларнинг ҳасади ҳам келарди. Бу дўстлик ришталари ҳамма ўз ўрнини топганидан кейин ҳам узилмади. Доимо телефонда ҳол-аҳвол сўрашиб туришади, йилига уч-тўрт марта учрашишади. Агар Ботир Тошкентга борса, албатта Анварга қўнғироқ қилиб қўяр, у эса Қашқадарёдан Нормуродни чақириб — уч дўст бир-икки кун талабалик ҳолатига қайтишиб, кайфларини чор қилишарди. Тақдир ҳар учаласининг бошига турли қисматларни ёғдирди. Муҳаббат бобида Анварнинг омади чопмади, Нормурод эса кечикиб бўлса ҳам бахти учун охиригача курашди. Институтнинг иккинчи босқичидаёқ уйланган Ботир севги-муҳаббат туйгуларига унчалик ишонмасди. У чинакам оиласпарвар ота эди. Айниқса, хотини касалвандлигига қарамай қўчқордай ўғил туғиб бергач, бутунлай уларга боғланиб қолди. Фақат ишни ўйлади, шахсий ҳаётига эрк бермади, майшат, ичкиликбоэлиқдан нари юрди, аёлларга қизиқмади.

— Аммо-лекин, — яна маърузасида давом этди. Анвар, кўзларини зўрға очаркан. — Истаганингча юр, мазангни қил, уқдингми? Бироқ, ҳаргиз севиб қолма. Севги — сароб! Шу сароб одамни алдайди, ишонтиради, кейин кимсасиз дашту саҳрого етаклаб келиб, ўзи қўмга сингтан ёмғир каби йўқликка равона бўлади. Сен эса тешик тогоранг билан "Боғ аро"ни куйлаб қолаверасан. Бу шунчаки қўрқитиш эмас, бор гап. Между прочем, ҳамма воқеадан хабардорсан, у дамларни эслашга ҳожат йўқ. Мен аллақачон унугтиб юборганман. Рост айтяпман, зифирдай эсламайман... Ие, ҳалиям ичмадингми. Қани, қуй, з йўқ, менга қуй, ўзингникуга қўл тегмабди-ку. Бу, дейман, ҳалиям кам тортасанми? Яхшимас, эркак киши "стресни снимат" этиб туриши керак. Бу Фёдорнинг ўгити. Фёдорни танийсанми? Ҳа, ўша машҳур хирург. У чинакам ўғил бола чиқиб қолди. Тўқсон ёшида ёш аёлга уйланди. Мана шу Анянинг дутонасининг таниши экан. Йўқ, Углов эмас, ҳалиги ёш хотини. Аммо, мен Назокатни бутунлай унугтганман. Юрагим ачишмай қўйган. Икки фарзанди билан эрининг кўзига чўп суққан хотин тилга олишгаям арзимайди. Ҳозир Аня билан апоқ-чопоқман, ярим йилдан ортди. Москвада, ҳалқ банкида бўлим бошлиғи, меровой аёл. Лекин... бояги гап. Сен Баҳорингни севиб ўтирма. Майли, ўйна, юр, кул, аммо, юрагингни берма. Ҳусайн Бойқаронинг ноласи хаёлингдан кўтаришмагандир. Нимайди, шошма, ўзим топаман. Ҳа, "қалбимни семурға бериб қўйдим..." Мен эса Назокатга берибман-а. Шошма, яна битта қуй. Бу охиргиси. Сен учун кўтараман. Меравой

**Йигитсан!** — Энди ўрнингдан тур, бир ташқарини айланиб келайлик.

Анвар анча ичганига қарамай, ҳушёр эди. Кўчага чиқиб, сигарет тутатгач, бир пасда ўзига келди-қолди. Улар Навоий шоҳкӯчаси бўйлаб, истироҳат боғига, ундан Бобур майдони орқали, Нефттрест бекатигача сайр қилишди. Уйга киришганида, икки сулув худди қадрдан дутоналар каби бир-бирининг пинжига сукилиб ширип сұхбат қуришарди.

— Анвар Чориевич, ювансангиз, ванна тайёр! — деди Аня бироз кескин товушда.

— Хўп, хоним. Айнан шу таклифни кутиб тургандим-да.

У итоаттўй ўқувчидаи ваннахонага кириб кетди. Тезда юваниб чиқди-ю, балконда қолган очиқ ароқ томон талпинди. Бироқ ётоқхонани бўшатишган санамлар бу ерни ишғол қилиб улгуришганди. Тарвузи қўлтиғидан тушган меҳмон барчага хайрли тун тилаб, ўринга чўзилди. Ундан сал илгарироқ, эртага Шоҳимардонга боришга келишган эдилар. Чунки Андижоннинг жазирама иссиқ ҳавосига россиялик ойимқизнинг бардош бериши маҳол эди.

...Нонуштадан сўнг Ботир ишхонага келиб учта ўринбосарига тегишли топшириқлар берди. "Юқори"га чиқиб уч кунга рухсат сўради. Сўнг уйига борди. Хотини телевизор кўриб ётган экан. Ўгли мактабга кетибди. Уни кўриб, онаси Саломат хола ошхона тарафдан чиқиб келди.

— Меҳмонларингни кузатдингми, болам?

— Олия қандай? — у саволга жавобни уннутиб, хотини томонга ишора қилди.

Онаизор уни тинчлантириди.

— Шукур, анча яхши. Кечқурун сени йўқлаганди, Москопдан меҳмонлар кепти, дедим. Кир, сўрашиб чиқ.

Анчадан буён тўشاқдан турмаган Олияning ранг-рўйи олинган, сочлари тўзғиган эди. Эрини кўриб, жойидан қўзғалмоқча чоғланди. Лекин, удасидан чиқолмади.

Ботир хотинининг ўринидиги четига ўтириб, пешонасига қўлини босди.

— Тузикмисиз? — деди секин.

Олия бош иргаб, яхшилигини билдириди.

Ботир хотинини шу аҳволда ташлаб кетаётганига дили ғашланди. Бироқ нима қилсин, ахир бу уч-тўрт кунлик дард эмаски, одидан жилмай ўтирса.

Қарийб уч йилдан буён аҳволи шу. Бечора янаем фил экан,

чидаиди. Икки-уч ой сёқда юради-ю, яна бир-икки ҳафта тўшакка михланиб қолади. Юрагида шовқин бор, буйраги ҳам заиф. Шу муддатда кўрсатмаган табибу шифокор қолмади. Рости Олиянинг ўзи ҳам касалхоналардан зериқди.

Яхшики, қайноаси, эри меҳрибон, доимо зътиборида тутишади. Синглиси Нозима ҳам шу ерда. Барча дори-дармонларни ўзи ичкизади, муолажаларини кузатиб боради.

— Нозимахон мактабдами? — ҳовли тарафга қараб сўради Ботир.

— Ҳа, эрталаб кетди. Тезда қайтади. Меҳмонларингиз келишдими?

— Ҳа, улар билан уч-тўрт кун юраман. Сиз хавотирланманг, телефонда боғланиб турман.

Олия миннатдорчиллик билдириди.

— Раҳмат, Ботир ака! Яхшиям дастингиз узун экан, акс ҳолда шу ҷоққача совуқ ерда ётган бўлармидим?

Бу гапдан Ботирнинг бадани музлаб кетди. Хотини сира тушкунликка тушмасди. Наҳотки, кўнгли бирон нарсани сезиб қолган.

— Сиз бемаъни хаёлларга берилманг? Москваликлар билан яқинроқ танишиб, керак бўлса, Россияда, Германияда даволатаман. Мен бор эканман, ҳеч қачон сизни бу аҳводда қолдирмайман.

— Аввало, Худо, кейин, албатта, сизга суюнаман-да, дадаси.

Ботир хотинининг киприклиари орасидан сизиб чиқкан ёшни артиб жойидан қўзғалди.

— Раҳмат сизаг! Ҳозир мен анча кучга кириб қолдим. Сиз бемалол меҳмонларингизни кузатаверинг. Қанийди, тузук бўлсам, уйда дастурхон ёзардик...

— Ҳали бу кунларга ҳам етамиз, ноумид – шайтон.

Олиянинг пешонаси ва қовоқлари атрофидағи майдада чизиқлар қуюқлашди.

— Менинг ёлғиз умидим – Сиз. Ахир эрта, хазон бўлишимга йўл қўймассиз. Сизни кўрсам, кўнглим тоғдай кўтарилади, яшашга завқим ошади. Дардим чекингандай, вужудимда куч-гайрат уйғонади. Аллоҳга шукр, мени сиздай олижаноб, меҳрибон инсонга йўлиқтириби.

Ботир бу изҳори дилни хотиржам тинглашга қийналарди. "Ё құдратингдан, – ўйга чўмди у. – Шу ҳамд-саноларни атиги яrim йил илгари эшитсайди. Келиб-келиб кўнгилдаги ёрга йўлиққанида, қўйнингдаги ёрнинг ҳам меҳригиёси товланиб турибди-ку. Неча йилдан бўён куттан, умидини узмаган ва ҳатто кейинчалик орзуламай қўйган ширин лутф энди қулоғига қўйиляпти". У хотинининг дагал

сўзлари, терс феълига кўникиб, пешонамга битгани шу экан-да, дея тақдирига тан берганида, бирданига вазият бутунлай ўзгариб кетса-я. Ёки Олия Ботирнинг хатти-ҳаракатини зимдан пойлаб юрибдимикин? Наҳотки, илондай майнин эшилаёттан тилининг тагида тил бўлса... майли, энди ортта қайтиш йўқ. Кўнгил ишига бирор аралашполмайди. Ўттиздан ортганида, чинакам севги сеҳрига дуч келди. Унинг ўтли эҳтиросларидан боши сархуш айланди. Вақт ўтгани сайин бу туйғулар мустаҳкам илдиз отиб бормоқда. Мабодо Олия жанжал кўтарадиган бўлса, шак-шубҳасиз енгилади. Фақат ҳозиргидаёт ўз анъанаасига хилоф равишда, латиф суханлик қиласа, бас. Бошини эгиб турган аёлнинг кўксидан итариш эркакликка исомуносиб. Агар шармандаликтин бўйнига олиб, ўз ҳақ-ҳукуқини ҳимоя этишга бел боғласа, унда Ботир сўнгги нафасигача муҳаббатига даноҳ излайди, ишқига хиёнат қилмайди.

Унинг ўйга чўмганини ўзича идроклаган Олия жойидан қўзгалиб, эрининг елкасига қўл узатди, авайлабгина силади.

— Сиз мендан хавотирланманг. Биласиз, дардга сўз бергувчилардан эмасман. Диққатингизни чалғитмай, меҳмонларинги зни кўнгилдагидай кузатинг, сизни кутаман.

Ботир Олиянинг яноғидан ўпиб, хайрлашди. Саломат буви ҳовли саҳнида яхна чой тутиб турганди, ўғлини кўриб, пахта гулли пиёлани узатди.

— Ма, ичиб ол, ёзниг кунида юрак ёниб туради...

Онаизор кошки боласининг юрагигина эмас, бутун вужуди жизғанак бўлиб, ўз ёғида ўзи қовурилаётганини тушунса. Аммо, ҳозирги луқма жуда нишонга теккан эди.

Ботир дарвоза олдидаги "Нексия"га чиқди.

— Баҳор опангнинг уйига ҳайдай!

У файзли хонадонга кирганида, Анвар Аняга нималарни дир уқдираёттан, Баҳор эса ўз бўлмасида сафар тадоригини кўраётганди.

— Хотинингиз жудаям ёқди, — деди сунбул сочли меҳмон майнин табассум ила.

Анвар дарров луқма ташлади.

— Худди шу фикрни дўстимга нисбатан айтсанг, ҳаётда биринчи марта ҳақиқат руҳсорини очган бўлардинг.

Аня шеригининг елкасига беозоргина шапатилади.

— Файласуфларда ҳамиша муқобил фикр тайёр туради. Ахир Баҳорни алқагани Ботирга хуш ёқмайдими?

— Албатта, эр учун аҳли аёли ҳақида яхши гап эшлишдан кўра қувонч йўқ.

Аня ҳозиргина лаб бўёқ суртилган лола янглиғ дудоқларини чўччайтириб Анварга қаради.

— Аня, кўрдингми, Ботир чинакам жентелмен экан.

Шу пайт торгина йўлакка Баҳор ҳам чиқиб, сафга қўшилди. У енги калта сариқ майка, пойчасига зар жияк тикилган яшил шим, оёғига оппоқ красовка кийиб олганди. Майин сочига гулли сочтурмак қадабди. Шу туришида кўпроқ талаба қизларни эслатарди.

Анварнинг эси оғиб, Аняга гап қотди.

— Жоним, рус гўзалига мен тан берганман, ўзбек соҳибжамоли пойига эса, Искандар Зулқарнайн йиқилган. Ишонмасанг, ёнингдаги парига боқ.

Баҳор табиатан ёш болалигини йўқотмаган, мақтовлардан тортинаидиган гаройиб аёл эди. Ҳозир ҳам ширмон юzlари дув қизариб, бошини ерга эгди.

— Анвар ака, — деди у жилмайиб. — Ёнингиздан оқсан сувнинг қадри йўқ экан-да. Дутонамнинг чиройи икки дунёни ёритади-я.

Чиндан-да Аня келишган жувон эди. У банк ходими эмас, худди спортчи қизларга ўхшарди. Оппоқ юзи, кўм-кўк кўзлари эркакларни бефарқ қолдирмайдиган дараҷада жозибали эди.

— Энди гап бундай, — деди Анвар мавзуни ўзгартириб. — Ҳайдовчинга дам берасан. Беш киши сиқилиб-қимтиниб юргандан кўра, ўзимиз хотиржам бориб-келганимиз яхши.

Аслида Ботир ҳам шу фикрда эди. Баҳор-ку, доимо севгилисинг рул бошқаришини ёқтирас, ўзи эса олис йўлларда ёнига ўтириб, гоҳ тўхтамай сўйлар, гоҳ ўйга ботар, баъзида елкасига бош қўйиб, секин ухлаб қоларди. У Ботир билан ўзини мутлақо хотиржам сезарди.

Анвар Аня билан машинанинг орқа ўриндиғидан жой танлаганди. Бунга жазмани кўнмади.

— Биз аёлларнинг ҳам ўзимизга яраша сиримиз бор, қолаверса, дўстлар неча йилда энди учрашдинглар, хулласи калом, эркаклар одинга, биз орқага чиқамиз.

“Нексия” шаҳарни ортда қолдириб, Асака йўли бошланганида. Ботир Анвардан докторлик ишлари ҳандай кетаётганлиги тўғрисида сўз очди.

— Гап бундай, — деди Анвар негадир Ботир қолиб, орқасига ўгириларкан. — Бутун сайр давомида ишдан гапириш йўқ. Ҳар мавзунинг ўз ўрни бор.

— Унда, нима ҳақида баҳслашамиз, — деди Аня шеригининг доимо баҳсталаблигига нозик шама қилиб.

— Шу ҳам муаммоми? — у бодом қовоқларини қисиб аёлларга тикилди. — Айни пайтда таомдан сўз очиш фурсати етди, деб ўйлайман.

— Худога шукр, — деди "мовий кўз" шарақлаб кулиб. — Кўрқувдимки, "юз грамм" тўгрисидаги Қасидангизни ўқийсизми деб...

— Ё тавба, ахир тушлик таомни ўшал қасидасиз тановвул қилиш мумкинми?

Аня бўш келмади:

— Ботир рулда, бир ўзингизга ноқулай эмасмикан?

— Нега бир ўзим... Сизлар-чи?

— Мен сира ичган эмасман, — дарров ўзини оқламоқча киришди Баҳор.

Аммо бу таъкид меҳмонга таъсир қилмади.

— Жуда соз. Ҳаётингизда биринчи марта биз билан отасиз. Демак, ҳали, замон тарихий воқеа рўй беради. Бу масалада жанобингизнинг тушунчаси қандай?

Ботир ёнига ўтирилиб, жилмайди.

— Бизда демократия.

Анвар хурсандлигини яширмай чапак чалди.

— Яшавор, дўстим!

Йигит сўзида давом этди:

— Аммо...

— Аммони қўя тур. Аммога бало борми?

— Ҳар ҳолда, билиб қўйганинг яхши. Бизда демократия. Аммо оддий эмас.

— Яъни?

— Яъни, шарқона.

— Хўш, нима қипти?

Мулоқотга Баҳор қўшилди.

— Гап шундаки, шарқона демократиянинг ўзига хос жиҳатлари бор.

— Аниқроғи? Нима бало, сизлар топишмоқли гапларни хуш кўрасизларми?

— Ҳаётинг ўзи топишмоқ-ку.

— Бўпти, мени қийнаманглар. Мен учун Farb билан Шарқ бир қадам.

Аня луқма ташлади.

— Бир қадамми ёки бир қадаҳ?

Анвар бу пичингдан ранжимади. Қисқагина жавоб берди.

— Униси ҳам, буниси ҳам!

— Менга қара! — Ботир дўстининг эътиборини ўзига жалб этди. — Агар бироз сабр қилсанг, Фарғонада овқатланардик. Баҳонада хониминг шаҳарни томоша қиласди.

— Умуман, фикринг ёмон эмас. Унақада ҳолироқ жойда тўхтаб кўйсанг.

— Чарчадингми?

— Йўқ, жаҳоншумул иш бор.

— Тушундим, ҳозир бирон дараҳт ёнида секинлайман.

— Секинлашинг нимаси, ахир, мен тўхтаб қўй, деяпман.

Қуванинг қоқ белидан ўтган магистрал йўл қирғоғида тўхташди.

Ботир Анварга маъноли боқди.

— Чиқавер, биз кутиб турамиз.

— Юқонани оч.

Ботир юқонадан қўл ювгани сув олса керак, деб ўйловди. Анвар битта шиша кўтариб, машинага ўтиргди.

— Э-ҳа, гап бу ёқда, дегин.

— Ма, қуй. Шу чоққача ўзим учун ўзим қўймаганман.

Ботир пиёлага бир қултум қўйди.

— Устимдан куляпсанми, ахир, бу томоқни ҳўллашга ҳам арзимайди-ку. Чизигидан тўлатиб қуй. Ҳа, бу, бошқа масала.

Анвар пиёлани тез бўшатди. Чап қўлида, озгина кесилган қази бор эди, нафасини ичига ютиб, секин гўшт тишлади.

— Ана энди истаган жойингта кетавераман. Ҳар ҳолда нафснинг жағини босдим.

— Мадомики нафсинг ором олибди, энди бизнинг гурунг сенга ҳалал бермаса керак?

Анвар Аняга қарамай ҳитоб қилди:

— Бажонидил, жоним! Куйла, юрагимга ором бағишила, токи кўнгилга алам чўкмасин.

Аслида у бундай демоқчи эмасди. Беихтиёр тилига шу ибора чиқди. Ҳозир тилни айблаш ҳам ноўрин. Чунки тил бамисоли бир чўмич, дил эса тафаккур қозони. Қозонда неки бор, чўмичга чиқади. Яхшилар иллатни чўмичдан эмас, қозондан қидирадилар. Қозон эса, ҳалиям армонли эди.

Уни хиёнат ўти қорайтирганди. Орадан неча йиллар ўтса-да, у ҳамон тинмабди, фақат қозон тагига чўкиб турибди, холос.

Қизиқ, ўша воқеалардан Аня хабардормикан? Умуман уларнинг дўстлиги қай даражада? Бу яқинлик муддаоси ружга озукга беришми ёки баданга... Бу, жумбоқ. Нафси ламбрини айтганда бунинг аҳамияти йўқ. Айни чоқда улар азиз меҳмон мақомида. Меҳмонни муҳокама

қилмайдилар, аксинча кўнглини хушлайдилар.

Ўртадаги жимликни табиат манзараларидан завқлана бошлаган Аня бузди.

— Қаранглар, борларнинг адоги кўринмайди. Ўзбеклар нафақат меҳнаткаш, шунинг баробарида бой-бадавлат ҳам эканлар.

Анварнинг кўзлари юмилиб, уйқуга кетди. Баҳор индамай атрофни кузатарди.

"Мовий кўз"нинг таассуротларига Ботир сийдинлик киритди.

— Сиз ҳозир моддий бойликни назарда тутипсиз. Ўзбекларнинг маънавий бойлиги янада бисёр.

— Эҳтимол. Тўғриси, Ўзбекистон ҳақида жуда оз биламан. Сизларнинг очиқкўнгил, меҳмондўстлигинглар ҳақида кўп эшигганман. Аммо миллий адабиёт ва санъат намуналари билан таниш эмасман.

— Наҳотки, ўзбеклардан чиқкан биронта шоир ёки ёзувчининг асарини ўқимагансиз?

— Нега энди, биламан. Алишер Навоий, Амир Темур тўғрисида ўқиганман. Яна Смирнова-Ракитинанинг "Абу Али ибн Сино" тарихий романини ўқиганман, Умар Хайём тўғрисида ҳам китоб бор.

— Умар Хайём ўзбеклардан чиқмаган, у форс-эрон миллатига мансуб.

— Мирзо Бобур-чи, мўғилми?

Ботир меҳмонни мулзам қиласаслик учун сукут сақлади. Унинг жонига Баҳор аро кирди.

— Биласанми, Бобур асли Андижонда туғилган, бизнинг ҳамشاҳримиз.

Аня астайдил қизиқиб қолди.

— Ростданми, Ҳиндистонда Тоҷмаҳални қурдирган подшони айтипсанми?

— Тоҷмаҳални Бобурнинг эвараси Шоҳжаҳон севгилиси Аржумандбонуга бағишлаб барпо этган. У дунёдаги етти мўъжизанинг бири.

Анвар ухламаган экан, бошини кўтармай деди.

— Бу оламда бир эмас, ўнта Тоҷмаҳалга арзидиган не-не зеболар бор. Шунинг қаторида битта вайронга кулбага ҳам арзимайдиган маккоралар топилади.

Баҳор Анварнинг сўзларидағи ўқинчни пайқади.

— Анвар aka, севги бобида адашган кўринасизми?

Бу беозор аёл бехосдан йигитнинг жон жойини оғритди. Аслида

ҳам у муҳаббатдан куйғанлардан эди ва бу аламли хотиралар яраси ҳали тамоман битиб кетмаганди. Бу ҳол Ботирга ойдин эди. Шу боис тезда гурунг пайновини бошқа томонга бурди.

— Азизлар, шоирлар мадҳидаги гўзал Фарғонага кириб келдик.

Гарчи йўллардаги қучоқ етмас чинорлар кесилиб, сийраклаштирилган бўлса-да, барибир тоғлар қуршовидаги кент соя-салқин ва ҳавоси тоза эди.

Гулларга бурканган хиёбонлар, равон йўлаклар, чор-атрофда қўлтиқлашиб юрган ёшлар Аняга ёқди. Айниқса, у соқоли қордай оппоқ чолларга нигоҳи тушганида, ҳайратини яшиrolмасди. Машина тўхтаган жойда ихчам якtagига чорси боғлаб, узун пичоқ таққан оқсоқол меҳмонни ўзига ром этди. У сумкасидан кафтдай аппаратини олиб, ўша нуронийни суратга туширди. Кейин ўша матоҳини Ботирга бериб, қария билан бирга эсдалик учун муҳрлаб қўйишини сўради. Кайвони чол ҳам ёшларнинг илтимосини ерда қолдирмади, ҳатто пичорини қинидан суғуриб, Аняга кўрсатиб турди. Кутимаганда "фотомодел чол" русиялик ёқимтой қиззинг яноқларидан ушлаб, ўзига қаратди-да, пешонасидан чўлп этиб ўпиб олди.

Ушбу манзарани кузатиб турган Анварнинг қош-қовоғи уолди, кенг пешонаси тиришиб, шўх "йигит"га хўмрайиб қаради. Ботир билан Баҳор кулгудан ўзларини тиёлмай, тескари ўгирилишиди.

Аня эса ҳайратдан узун киприкларини лирпиратиб, қотиб турарди.

— Водийнинг чоллари шунчалик, йигитларига тўзим берсин, — деди Анвар ўзига келиб.

У табиатан оқ кўнгил, тез ёниб, тез ўчадиганлар тоифасидан эди. Бир оёғини гўр тортган мўйисафидан рашқ қилгани учун ўзидан хижолат чекиб, базур илжайди. "Рақиби"нинг ёнига келиб, оҳиста белидан кучиб, даст кўтариб яна авайлаб туширди. Қария қўлларини дуога очди:

— Илоҳим, қўшганинг билан қўша қаригин!

Машинага жойлашишга, барибир Аня ҳайратини тилига кўчирди.

— Шустрий старичок!

Анвар унга тасалли беришнинг антиқа йўлини топди.

— Бекорга ранжияпсан. Водийда кекса одамнинг ўпичи энг юксак эҳтиром рамзидир. Афсуски, сен унга миннатдорлик билдирамадинг? Бундай пайтларда ўзбек қизлари пайтдан фойдаланишиб, яноғидан ҳам бўса олдиришади.

Меҳмон ишонқирамай, Баҳорга савол назари билан боқди. Бироқ,

у нима дейишини билмай кулиб қўя қолди.

— Ана, Баҳор тасдиқламади-ку бу гапни,— деди у ўжарлиги тутиб. Анвар қулоқда лагмон илишда устаси фаранг эди.

— Албатта индамайди-да, у сенга ҳавас қиласапти. Оқсоқоллар ўзига ёқсан қизларгагина шундай илтифот кўрсатишидаи, деб айтдим-ку.

Ботир бу пайтда "Нексия"ни Водил томон учирив бораради. Йўл бўйларидағи томи-томига тегиб турган иморатлар, ҳар бир дарвоза ёнида ўйнаётган уч-тўрттадан болалар меҳмонда қизиқиш ўйғотди.

— Шу кичкинтойлар битта оила фарзандларими?

Яна Анвар тилга кирди.

— Албатта, сен нима деб ўйловдинг?

— Битта хонадонда шунча фарзанд... уларни тарбиялаш оғир эмасми?

— Асло, муҳими бола туғилиб қолса, бас, ўзлари бир-бирини етаклашиб улғаяверишидаи.

— Битта оиласда қанча бола бор?

— Ҳар хил, озида учта, кўпида ўн учта.

— Ҳазиллашыпсанми?

— Ахир, ўзинг кўриб кетяпсан-ку. Бу болалар ҳали кичик. Катталари ўз юмуши билан банд.

— Болалар ҳам ишлашадими?

— Ишлаган тишлайди-да.

— Улар қандай иш билан шугулланишидаи?

— Масалан, мол, қўй боқишидаи, томорқага қарашидаи, экин экишиб, ҳосилини бозорда сотишидаи.

— Унда қачон дарс тайёрлашидаи?

— Мактабда! Энг қулай йўли шу.

Аня жавоблардан қониқмади. У Анварнинг гап-сўзларига ишониш-ишонмасликни билмай лабини тишлади.

Машина Водил марказидаги кўприқдан ўтаёттанида меҳмон яна Анварни сўроқ-саволга тутди.

— Буни қара, анови дарёдаги сувми?

Шоҳимардон суви оппоқ эди.

Энди Ботир ҳазилга мойиллик сезди.

— Аня, бу оддий сув эмас, сут. Ўзбекистонда айрим дарёлардан сут оқади.

Бу лофни Анвар янайм шиширди.

— Лекин, мойли эмас, ёғи олинган. Мойли сой Андижонда, адашмасам, Маданият қишлоғида.

Бу сафар Аня йигитларнинг гапига чиппа-чин ишонди.  
— Ҷоғири, тормоз бер! — деди у чап қўли билан унинг елкасига уриб.

— Нима қилмоқчисан?

— Дарёга тушамиз. Қара, қандай гўзал! Худди мўъжизанинг ўзи. Кўп мамлакатларга бордим-у, аммо, сут оқадиган дарё кўрмагандим.

Ботир рулни чап тарафга бурди. Дарё ўзани ям-яшил ўт-ўланлар билан қопланган кенг сайхонликдан иборат эди. Қирғоқча яқинлашгандарида яйдоқ қум-шагаллик бошланди.

— Қаёқча кетяпсан, ахир, бу қайиқ эмас-ку? — капалаги учиб оёғида "тормоз" босди Анвар.

Ҳаммалари ташқарига чиқишиди. Шарқираб, шўх оқаётган дарё "нафаси" юзга урилди. Ҳаводаги озон шундай ўпкага кириб борар, нафас олиб тўймайдиган даражада иқлим мусаффо эди. Дарёning нариги қирғогида осмонўпар тоғ ястаниб ётиби, унинг тўшини писта, бодом ва яна арча дарахтлари эгаллаган.

Баҳор сершоҳ арча остидаги кўм-қўк майсалар устига тўшакча ёзиди, Аяни ёнига чақирди. Бироқ сунбул соч бошини сарак-сарак қилганича дарёга яқинлашиб борарди. Анвар ҳам ноилож унинг ортидан чопди.

— Жоним, бу сенга Москва-река эмас, эҳтиёт бўлишинг керак.

Аяни атайлаб унинг жаҳлини чиқарди.

— Гапини қаранглар, Москва-река олдида бучувалчанг-ку.

— Тўғри, — дарров тан олди йигит. — Лекин бунинг ваҳми аждаҳо даҳшатидан қолишмайди.

— Мен сут ичмоқчиман, — сўзида қатъий туриб олди меҳмон.

— Нималар деяпсан, бу сут эмас, сув-ку.

— Демак, мени лаққиллатибсан-да.

— Асло, сут сал пастлиқда эди. Бу ердан муздай сув чиқади, тошдан, тошга урилиб, сутга айланади.

— Майли, сувга ҳам розиман.

Чиндан ҳам оқим жуда тез эди. Бу ердан идишга сув олишнинг иложи йўқлигини била туриб, қиз оёқ тирашини қўймасди.

— Яхши, — деди Анвар туфлисини ечаркан. — Ҳозир сув ичасан. Фақат ҳовучимда, бошқа йўли йўқ.

Шу пайт от чоптирган йигитлар уларга яқинлашиб, бир нималар дейишиди. Бироқ дарё шовқинида гап эшитилмасди. Отлиқлардан бири эгардан ерга сакраб, Анварнинг орқасидан етиб олди.

— Ака, Шоҳимардонсой ҳазилни ёқтирумайди, қирғоқча яқинлашманг.

Анвар энгашиб йигит томон қаради-ю, беихтиёр мувозанатини йўқотиб, дарёга тушиб кетди.

Аня жон ҳолатда қичқириб юборди. Баҳор нима гаплигини билмай, иргиб ўрнидан туриб, ўша тарафга чопди. Ботир машинасини яланглиқдан йўл бўйига қайтараётганлиги туфайли фалокатни сезмай қолди.

Яхшиям, чўпон йигитлар эпчиллик кўрсатиши. Анварга гапираётгани унинг ортидан ўзини сувга отди. Бошқаси юз метр нарига бориб, дарё ёйилиброқ оқадиган жойга оти билан тушди. Икки қиз ҳам қирғоқ бўйлаб, ҳой-ҳойлашиб югуришарди.

Анвар ўзини йўқотиб кўймади. У болалигидан тог дарёсида чўмилиб улғайганди. Шу боис, ўзини оқим ихтиёрига ташлаб, фурсат пойлади. Фақат уйдай ҳарсанг тошлиларга урилишдан эҳтиётланди. Шу алпозда анча оқиб борди. Қуйида бешта отлиқ унинг "йўлини" пойлаб туришарди. Дарё шицдати пасайган жойда чўпонлар унинг белидан тортишиб, худди янги улоқ каби отта ўнгариши. Кўп ўтмай, у ўзини машина олдида кўрди. Отлиқлар раҳмат эшишишгач, қирга қараб ўрлаши.

Аня қўрқувдан қалт-қалт титрарди. Анвар эса совуқдан кўкариб кетганди. Ботир уни машина ичига чорлади.

— Дарров уст-бошингни алмаштири, акс ҳолда шамоллаб қоласан.

— Янгиларини қаерга қўйди экан, — деди "сузувчи" оппоқ, садафга ўхшаш тишларини шаққиллатиб.

Бу пайтда "сунбул соч" спорт сумкасидан унинг қуруқ кийимларини топиб, Ботирга узатди.

— Шу холосми? — деди Анвар уст-бошини алмаштиргач.

— Яна нима керак? — сўради Ботир ҳўл кўйлак-шимнинг сувини сиқиб ташларкан. Баҳор унинг қўлидан кийимларни олиб, қайтадан сиқиб, арча шоҳларига илиб қўйди.

— Бироз шабадада турсин, селгийди, кейин йигишириб оламиз.

— Шоҳимардонда сувда оққанларга ҳеч қандай имтиёз йўқми? — Ботирга қараб томоғини чертди Анвар.

Баҳор ўзи танлаган баҳайбат арча остига кичик дастурхон ёзилиди. Биттадан помидор, бодринг, булғор қалампирини бўлак-бўлак қилиб кесди. Аня гўшт ва колбасадан газак тайёрлади. Уст-бош қуриши баҳона салкам бир соатча дарё қирғоғида ҳордиқ чиқардилар.

— Ҳалиям шу одатинг бор экан-да, — сўради Ботир бундан ўн икки йил илгари рўй берган воқеани эслатиб.

Ўшанда апрелнинг сўнгти куни зди. Иккинчи майда Андижонга таклиф этилгандилар. Боиси, Ботирнинг фотиҳа тўйи шу кунга

белгиланганди.

— Аввал бизникига, Самарқандга борамиз, сўнг водийга қайтамиз, — таклиф киритди Анвар. Улар билан Нормурод ҳам бор эди.

Анвар поёнсиз қир-адирлар оралиғидаги мўъжазгина қишлоқда яшаркан. Ҳар бир ҳовли оралиғи ярим чақиримдан зиёд. Девортосх деган тўсиқнинг ўзи йўқ. Уйлар ҳам айвонсиз, пахсадан қурилган. Шу боис, ташқарида 50 даража иссиқ бўлса ҳам, ичкари муздай, роҳатбахш.

Талабаларнинг оёғига қўй сўйилди.

Кўз очиб-юмгуналарича қишлоқнинг катта-кичиги ҳовлига тўпланди.

— Хўш, сафар муддати қанча, — саволни кўндаланг ташлади маҳалла оқсоқоли.

— Уч кун, холос.

— Шундайми? Жуда оз чиқар-у. Демак, ўн саккизта жойда икки соатдан қўноқ бўласизлар. Бутун шу ерда гурунглashedамиз.

Ботир ҳайрон қолди. Меҳмон ҳурмати учун ҳатто қўшни ҳам ўз уйига чиқиб ётмади, бутун қишлоқ қўноқда қолди.

У пайтлар Ботир ичкилиқдан узоқда эди. Тўрт-беш ҳонадоңда зиклаб кўришди, аммо, ичишга кўндиришолмади.

Навбат Анварнинг амакиси Маҳмуд муаллимга етиб келди. Қишлоқдаги ягона олий маълумотли зиёли шу одам эди. Оқ сариқдан келган, ўрта бўй, қўй кўз, доимо кулиб турадиган бу одам Ботирнинг таваллосини тан олмади.

— Хотин! — деди у бир уй одам орасида ўтириб. — Ташқаридан юзини енги билан бироз яшириб, янга кириб келди.

— Хотин, манови уканг эркаклар билан ичмаяпти. Эҳтимол, сен билан улфатчилик қиласар. Мана шу мусаллас тоза узумдан сузилган, қани, қўлингга ол-чи.

Худди шундай сопол косадаги шароб Ботирга тутқазилди. Аёл ортиқ кутттирмади:

— Онг, ука, эркакнинг лабзи ерда ётмасин!

У шундай деб, косани бўшатдию, май сузаётган соқий одамга қараб отди. У ҳам усталик билан идишни илиб олди.

Умрида бунчалик изза тортмаган Ботир кўзини чирт юмиб, косадаги мусалласни сипқорди. Чор-атрофдан "қойил", "бор экансиз-ку" деган хитоблар янгради. Нормурод эса оғзининг танобини қочириб куларкан, "Дардинг шу экан-ку, дўст" — деб кўйди.

Кўп ўтмай, Ботир еру осмон чир-чир айланётганлигини сезди.

Дастурхонга оёқ босиб, ташқарига отилди. Адирнинг муздай шабодаси ҳуш ёқди-ю, бироқ, кўнгил беҳузурлигига барҳам беролмади.

— Шошманлар, уни дўхтирга олиб бораман, — негадир мотоцикл миниб чиқди Анвар. Ботир ўзини ёмон сезарди. Лекин, мотоцикл қажавасига ўтириш бундан-да оғир оқибатларга дучор қилишини кўнгли сезди.

Анвар мотоциклини Тентаксой кўптригидан олиб ўтаёттанида рулни бошқаролмай, сувга қулаб тушди. Худди ҳозиргидаи, яп-янги либоси шалоббо бўлди. Таассуфки, шу куни Андижонга қайтишлари, фотиҳа тўйини ўтказиб, Тошкентта келишлари керак эди. Кўштерак қишлоғи аҳолисининг деярли барча эркаклари маст, оёқларида зўрга туришарди. Шундай бўлса-да, пойтахтлик талабаларни кузатиш маросими халқ сайлига айланиб кетди. Ҳатто аёллар, чиласи чиқмаган келинчаклар, эшак минган қари-қартанг чоллар ҳам бекатта ўжашаш майдончани тўлдириб олишганди. Ҳеч ким бирорвга гап бермайди. Қани энди, тупканинг тагидаги тоғли қишлоқ йўлидан автобус ёки йўловчи машина ўтса.

Ниҳоят, муюлишда шалоги чиқдан эски "Жигули" кўринди. Чамаси элилдан зиёд одам унга қўйл кўтариб "ҳой-ҳойлади". Ҳайдовчининг эсхонаси ўйнаб, оломонга яқинлашганида, тезликни ошириди. Кейин бир чақирим жойдан қайрилиб, ортга қайтди.

— Миймонми зй?...

Худди симфоник оркестр хори каби бир овоздан ҳайдовчи сўроғига "миймон, миймон" деган жавоб янгради. Қорни сузма халтадай осилган, шоп мўйловли одам машина юкхонасини очди. Ботир билан Нормурод орқа ўриндиқча ўзларини уришганди, "шоп мўйлов" уларни тўхтатди.

— Эй, қаёққа буйтиб шошасан? Аввал гарддак гурунг бермайсанларми?

У шундай деб, қўлидаги ароқни Маҳмуд акага узатди.

— Муаллим, дадилроқ қўйинг, меҳмонлар шарофатига бир отайик.

Талабалар қолиб, ўzlари об-ҳаво, чорванинг аҳволи, қўэилатиш ва яна бир балолар тўғрисида галга тушишди.

— Ҳалойиқ, устидентлар ўқишига кеч қолишади! — деди инсофлироқ бир амаки.

— Ўчир,— деди қишлоқ раиси қўлини пахса қилиб.— Нима, сенга миймонлар ортиқча кўриняптими?

— Ҳар ҳолда болларнинг билим олуви сиёsat. Сиёsatминан ҳазиллашиб бўлмайди.

Бу фикр ҳаммани ҳушёр торттириди.

— Тўғри айтасан. Қани, гузарга кетдик. У ердан Работга машиналар кўп қатнайди.

Шундай қилиб, талабалар олдинда, орқада қўштераклилар тофйулини тўлдириб, ашулани баланд айтишиб, юқорига ўрлашди.

Ярим соатдан мўлроқ вақт юришгач, эшакда келаётган кўса чол маслаҳат солди.

— Эй биродарлар, бу кетища ҳализамон қош қораяди. Буларни "Жигули"га ўтиргизмайликми, улар кетаверишмайдими?

Шопмўйловли ҳайдовчи гердайиб рулга ўтириди.

— Қани, ҳамманг чиқ машинага.

Ҳайтовур, Анварнинг дадаси билан Маҳмуд муаллим ва учталабадан бошқа ҳеч ким машинага сифмади. Ҳайрлашув чоғи кимдир сўкинди, кимдир бақирди. Йўловчилар туман марказидаги бекатга етиб келишганида, "Икарус" энди қўзгалаётган экан. Ҳой-ҳойлашиб уни тўхтатишиди. Автобус бўйм-бўш эди. Уч талаба уч жойга ўтиришди. Навбатдаги шаҳарчадан учта спортчи чиқди. Анвар уларнинг ғашига тега бошлади. Ботир уни тинчлантиргани орқасидан борганида, тўсатдан чап кўзида ўт ёнди. Кейин юз-кўзига дўлдай мушт ёғилди. Спортчи йигитлар мусобақага тайёргарликни ширақайф талабалар билан ўtkазишаётгандай эди. Нормурод дўстларига ёрдамга шошилди-ю, иягида мушт еб, ўриндиқлардан бирига йиқилди. Калтак зарбидан мастилиги тарқалгач, Анварнинг ҳирсадай кучи иш берди: спортчи йигитларнинг ингичка белидан ушлаб, тоғликларга хос кураш усулини қўллаб, ерга ота бошлади. Вазият тенглашганини сезган Нормурод ҳам ўз рақибини чапақай зарбаси билан эсанкиратди. Ботир ўзига иш қолмаганлигини кўриб, ҳайдовчидан машинани тўхтатишни сўради. Автобус яна гавжум жойда тўхташи билан йўл бўйида турган беш-олтига милиция ходим кўринди. Улар воқеани суриштиришиб, спортчиларга ҳеч нарса дейишмади-ю, уч талабани милиция хонасига қамаб қўйишиди. Бу пайтда вақт анча кеч эди.

Тор ва заҳ хонада чурқ этмай ётган дўстларни қоқ ярим кечаси кўчага ҳайдаб юборишиди. Яхшики, пуми ва сумкаларига тегишимади.

Улар юқ машинасига ўтиришиб, Самарқандга тонг ёришаётганида етиб келишди.

— Шу аҳволда Андижонга боролмайман, — деди Анвар моматалоқ юзига ишора қилиб.

Нормуроднинг аҳволи нисбатан дуруст эди. Фақат оғзини тўла очолмасди. Ботирнинг бир кўзи шишиб, бутунлай кўрмай қолганди.

— Барибир фотиҳа тўйида кутишади. — деди Нормурод узоқ ўйлаб. — Ҳеч йўқ Ботир иккаламиз йўлга тушамиз. Сен Анвар Тошкентга етиб олгач, ётоқда кирмай, Назокатнинг квартирасига бор. Ҳар ҳолда бироз муолажага мухтожсан.

Шундай қилиб, Ботир ўзининг фотиҳа тўйига "бир кўз" да кириб келди. Онаси Саломат ая ўшанда роса йиглаганди. Кудалар эса йигитга нигоҳ ташлашиб, тўйни бузиб юборишларига оз қолганди. Аммо пешонага ёзилгани шу эканки, у Олияга уйланди.

## 10

— ... Қани кетдик, — деди Ботир нафс бироз ором топгач. Биринчи бўлиб Анвар машина томон юрди.

Аёллар "дастурхон"ни йигишириб, арча шохидаги кийимларни ҳам олишиб, сўнгра ўз жойларини эгаллашди. Йўл бўйи Аняни лақиљаттан Анвар энди бутунлай жим бўлиб қолганди. Ботир ҳам ўз хаёллари билан банд. Аня билан Баҳор шундайгина пешонасида осилиб турган қоялардан кўз узишмай, табиатдан завқланиб келишарди.

Шоҳимардон маркази одамларга лиқ тўлганди. Дам слувчилар сой соҳиблари бўйлаб чўзилган чойхоналарни эгаллашган, чорпояларда эркак ва аёллар бир-бирларига гап бермай сұхбат қуришади. Очиқ, майдонга дор тикилган.

Машхур полвон Турсун Али шогирдлари билан зиёратчилар хизматида. Ҳамзанинг қабр-мақбараси томонда ҳам кишилар оқими узилмасди. Ёзнинг иссиқ тафтидан қочган водий аҳлининг аксарияти шу ердан паноҳ топганди.

Ботир қаерга қўнишларини тусмоллаб, машинани секин ҳайдарди. Ҳадемай ғала-ғовур марказ ортда қолди. Улар дарахтлар қуршовидаги пастқам йўлдан тоғ тарафга чиқиб боришарди. Ниҳоят, асфальт йўл тутаб, осма йўл бекати рўпарасида тўхташди. Худди шу ерда Фарғона тумани ҳокимлигининг оромгоҳи жойлашганди. Атрофи манзарали бетон девор билан ўралган дачанинг ёғоч дарвозаси берк эди. Ботир машина тумшугини кўприкка тўғрилаб, сигнал чалди. Кўп ўтмай, ичкаридан кафтдай соқолли, кўзлари мулоим, чеҳрасидан хуш табиати уфуриб турган олтмиш ёшилардаги новча киши чиқди. У меҳмонлар истиқболига югуараркан, бепарво қолгани учун узр сўраб, таъзим қилди. Яна иккита йигит пайдо бўлди. Улар индамай "Нексия" юкхонасидағи озиқ-овқат, ичимликларни ичкарига ташишди.

Шоҳимардонсой ирмоғига қўйилган кўприкка машина сифмасди.

— Калитни беринг, — деди ўспирин йигит Ботирга қараб. —  
Машинангизни осма йўл тарафдан олиб келаман.

Шоҳимардоннинг энг шимолий қисмидаги охирги дам олиш ҳароргоҳи бўлғанлиги учун бу ерларда одам сийрак эди. Оромгоҳ ҳовлиси кўм-кўк майсалар билан қопланган. Бурاما толлар остидаги чорпояга янги гилам, тўшаклар солинган. Ҳаво салқин ва роҳатбаҳш. Андижоннинг димиқ иқлимидан сўнг бу жой худди жаннатнинг ўзи эди. Ўзбекистонга ташрифидан буён енгил кийиниб юрган Аня Анвардан сўраб, эгнига спорт костюмини кийди. Баҳор шиддат билан оқаётган сувдан кўз узмай, тамоша қиласади.

Оромгоҳ мутасаддиси — Усмонали ака меҳмонларни чорпояга таклиф этди. Машина ҳам ҳовли этагидаги ёпиқ айвонга қўйилди. Ёшлар тезда ўчоққа ўт ёқишиди.

Анвар одатига мос равишда ортиқча тақаллуфсиз чорпоя тўрисига ўтиб, ёстиққа ёнбошлади. Бу одат уни болалигидан тарк этмасди. Аня унинг бош тарафига ўрнашди. Ботир билан Баҳор ёнма-ён ўтиридалар.

— Қани, ноз-неъматларга марҳамат! — деди Усмонали ака чой келтириб.

— Биз билан бирга гурунглашмайсизми? — деди Анвар хиёл қаддини ростлаб.

Меъбон узун қўлинини кўксига босди.

— Сизлар бемалол, биз хизматдамиз.

У шундай, деб ошхона тарафга кетди.

— Қандай гўзал манзара, — ҳиссиятгини босолмай завқ-шавқ билан гапирди Баҳор. Умуман, бу аёл ўзини жуда сипо тутар, ортиқча ҳазилларга аралашмас, айни тоқда Хатти-ҳаракатлари, кўз қарашлари билан барчага бирдай меҳрини билдиради.

— Қирғизистон чинданам хуштабиат экан, — деди Аня виқорли тоглардан кўз узмай. Бу луқма Ботирнинг ҳамиятига тегди.

— Биз ўтирган жой Ўзбекистон, деб аталади.

Аёл бепарвогина деди.

— Йўлда Қирғизистон чегарасига киргандик-ку.

— Тўғри, киргандик. Аммо, уларнинг йўлагидан ўтдик, холос.

Анвар ёнбошлаб ётиб қазига қўл чўзаркан, жазманини ёқлади.

— Э, шунга ҳам ота гўри қозихонами? Ахир бу қаерда Қирғизистон-у, қаери Ўзбекистон, қандай билсин. Муҳими, мириқиб дам олиб кетсан, бас, шундайми, — у Аняга ер остидан қаради. Ҳозирги гап ўзбек тилида айтилгани учун "сунбул соч" тушуммай кулиб қўя қолди. Умуман бу аёл анчайин дадил ва қатъиятли

зканлиги хатти-ҳаракатидан билиниб турарди. Ҳатто Анвар устидан ҳукмронлигини, айттани-айтган, дегани-деганлигини, сўз билан бўлмаса ҳам ўзини ўқтам тутиши, ёқмаган нарсаси ҳақида дарров эътиroz билдириши, фикрини дадил ҳимоя қилиши билан сездириб кўярди. Шунинг баробарида, Анвар учун икки дунё бир қадамга ўхшарди. Муҳими, у вақтини чоғ, кўнгилли, ширин суҳбатлар билан ўтказса, бас. Қолгани вазиятга қараб ечилади.

Суҳбат негадир кўр олмасди. Ботир Баҳордан нигоҳини узмас, унинг ҳар бир кўз қараши, лутфи-каломи, ҳаракатларидан завқланарди.

Усмонали aka ярим косадан қайнатма шўрга тортди. Кейин бир товоқ пиширилган қўй гўшти дастурхонга қўйилди.

— Ботир иним, — деди Анвар қаддини ростлаб. — Алоҳида таклиф кутаяпсанми, қўймайсанми?

Шу ёшгача ичкиликка қизиқмаган Ботир чиндан ҳам бу "ноёб кашфиёт" борлигини ёдидан чиқарганди. Аниқроғи, шундай ширин кислородга бой ҳавода ичкилик истеъмол қилишни бориб турган нодонлик, деб ҳисобларди. Аммо, межмоннинг таклифи вожиб.

Кўлига қадаҳ тегиши билан Анварнинг кайфияти қаршисидаги тоғлар каби кўтарилиб, қулфи-дили очилди. У басавлат қоматини ростлаб сўз айтмоққа чоғланди.

— Азизларим, — деди у атрофдагиларга бирма-бир сузилиб қараб. — Жаннат фақат чин дунёдагина эмас, мана шу ёргу оламда ҳам бор. Шу дийдорлашувимизнинг ўзи жаннат. Афсуски, ғанимат дамларни бехуда ўтказиб, умр деб аталмиш ноёб неъматдан унумли фойдаланишни билмаймиз. Мана шу қадаҳни курраи заминдаги энг сулув аёллар ҳисобланмиш Аня ва Баҳор учун кўтарайлар.

Аёлларга шампан виноси қўйилганди. Улар оз-оздан ҳўплаган бўлишиди.

Ботир бир қизиқ ҳолатда эди. Ёнидаги севгилиси унинг бутун вужудини ўзига жалб этгандай. Йўқ, бу тавсиф ҳам ўринсиз. Ҳозир у илк бора чимидиққа кирган куёв йигит каби ҳаяжон ва титроғини босолмасди. Ҳатто қўллари оҳиста қалтираётганини ҳам сезиб, ўнғайсизланарди.

Наҳотки, севги шу қадар қудратли! Ҳар гал ёнбошига ўтирилиб, ўша нурли чөҳрага қараганида юрагида ширин орзиқиш бош кўтарар, ўзини баҳтиёр ҳис этар, осмонўпар тоғларга қараб ҳайқиргиси келарди. Шу ёшгача аёл зотига бу қадар меҳр қўймаган, ҳаётда шунақанги ҳолатлар ҳам юз бериши мумкинлигини билмаган йигитта гўёки баҳт-саодатининг чек-чегараси йўқдай эди.

У бамайлихотир гўшт тишилаётган Анварга нигоҳ бурди. Ҳайрати яна ортди. Қизиқ, ахир бир пайтлар Анвар ҳам ўзи каби Мажнун қиёфасига кирмаганмиди? Назокатнинг ишқида куйиб, бир ҳовуч кулга айланмаганмиди? Энди эса.. Бу қанақа сир-синоат экан. Севги деганлари худди қуон каби ёпирилиб келиб, борлиғингни яксон этиб, яна ўз йўлида парвоз этаверармикан? Ахир, бирининг нафасидан иккинчисида ҳаёт жонланган пайтлар рўёмиди? Муҳаббатни тушуниш шунчалар қийинми? Бутун жонини бермоқча қодир инсон эртага ўша зотнинг жонини олмоқча бел боғлаши замирида ҳандай файри-табиий куч ётади. Кечагина ҳаёти ўзанида оқаётган дарё каби сокин ва хотиржам эди. Бутун Баҳор келиб бу дарё сувини жунбушга солмоқда. Орадан кўз очиб юмгунча фурсат ўтди-ю, борлигини шу вужудсиз тасаввур этолмай қолди. Гўёки бутун коинот Баҳор номи билан аталаётгандай, гўёки дунёning нурафшонлиги шу чеҳрадан тараалаётгандай.

— Азизим дунёга бевақт келимиз, қўйилган шаробни ичиб қўйибмиз, — Анвар ўзи ўқиган байтдан таъсиrlаниб қаҳ-қаҳ отиб кулади. Ботир хижолат чекиб, яна қадаҳни тўлдириди. Ва тўсатдан англадики, дўстининг бу савилга майли асносида, эҳтимолки, хиёнат вулқони ўтини босмоқ, ўша дардни унутмоқ, безовта қалбига ҳаловат истаги ёттандир. Муҳаббатнинг томири узун, хиёнатники эса унданда чукурроқ ботади. Агар Баҳор ундан юз ўтиrsa ёки хиёнатга кўл урса, Ботирнинг ҳоли не кечаркин? Дўсти каби дардини шаробга айтадими? Йўқ! Ҳозир бу ҳақда ўйлашнинг ўзи даҳшат! Баҳор ундей енгил фикрловчи аёл эмас. У ўз қадрини билади. Ботир унинг қалбидан жой олгунича заҳмат чекдими?

Қаёқдан ҳам шу хаёллар миясига ўрнашди? Эҳтимол, Анварнинг ичиши шунчаки кўнгилхушлиги, маишатга мойиллиги учундир. Назокат билан ажрашганига уч йил бўляпти. Ҳар нарсанинг давоси вақт дейдилар. Ёнида Назокатдай чиройли, эркатой жазмани турибди-ку. Агар уни унутмаганида бошқа бир аёл висоли кўнглига сифармиди?

— Ҳой йигит, — деди Анвар яна ҳамманинг диққатини жалб қилиб. — Нега жимсан? Талабалик кезларингда бировга гап бермасдинг, оғзингни ёпсак, қулогингдан гап чиқарди. Жуда ўзгариб кетибсан. Бунақада қизларни зериктириб қўямиз-ку.

— Анвар ака, — деди Баҳор яна боягида табассум билан. — Зерикмаяпмиз, тўғрисини айтсам, Сизнинг ичишингиzinинг ўзи ажойиб санъат экан.

— Шуни айтаман-да, — дарров гапни илиб кетди у. — Ботир эса

оммани шундай ноёб санъатдан жудо қилмоқчи. Қани, шишани бўёққа узат. Асли зар қадрини заргар билади. Бу кам ичади, кўп ичадиганлар қадрига етмайди.

Атрофни қоронгулик чулғаб, баҳайбат тоғлар энди салобатли кўрина бошлади. Шу аснода бурама тол ва арча шохига илинган иккита лампочка пориллаб ёниб, атрофни кундуздай ёритди.

— Эҳ аттанг, Усмонали ака бироз шошиди-да. Қоронгулик — ёшларнинг дўсти, деган гапни эшитмаган эканда.

Унинг гапи тутамай, чарх товоқда палов олиб келишди. Аня бунақа гуручни умрида кўрмаган экан, ҳайратини яшиrolмади.

— Намунча йирик бу, гуручми ёки...

Баҳор унга девзира гуручнинг хусусиятлари, шифобахшлиги, парҳез овқатлар сирасига киришлиги ҳақида батафсил тушунтириди. Шунга қарамай, у беш-олти қошиқ еб, дарров ўзини тийди.

— Бунақада семириб кетаман, — деди чорпоя четига сурилиб. — Яна Москвауда дугоналарим танимай қолишмасин.

Ботир уни тинчлантириди.

— Кўрқманг, эрталаб тоққа чиқамиз, бунинг учун куч керак.

— Куч кераклиги тўғри, лекин, ортиқча вазн эмас-да. Умуман, семизлик аёлларнинг энг хавфли душмани. Тўғрими, Баҳор?

Баҳор бош иргаб унинг фикрини тасдиқлади. Сўнг илк бора Ботирга ўтирилиб сўради:

— Ботир ака, бизни қаерга олиб чиқмоқчисиз?

— Сизни осмонимга олиб кетаман...

— Вой, унақа деманг, ахир, ерда ҳам юрибмиз-ку.

— Ерда бизга кун йўқ, жоним!

— Муҳаммад Юсуф! — олма арчаётган Анвар бошини кўтармай писандади.

— Ким у? — Аня қизиқиб сўради.

— Ботирнинг дўсти, зўр шоир.

— Шоирларни яхши кўраман, рус тилида ҳам ёзадими?

— Ижодкор фақат она тилида шеър битади. Таржимонлар хоҳлаган тилига ўтиришади.

— Демак, ўша Муҳаммад Юсуфнинг ҳам рус тилида асарлари бор экан-да.

— Бўлмасамчи? Айтдим-ку у буюк шоир деб.

— Пушкиндайми? — Баҳсга киришиб кетди Аня. Боядан буён индамай ўтириб зерикканлиги энди билинди.

— Айтиш мумкин-ки, шу қатори. Сизларда Пушкин, бизларда Муҳаммад Юсуф.

- Ўҳ-хўй, қойилман. Ўша шоир билан таништириб қўёлмайсанми?
- Бунинг иложи йўқ, — дўстининг ўрнига жавоб қайтарди Ботир.
- Аня кўзларини катта-катта очиб ҳаради.
- Нега энди?
- Негаки у ўтган йили оламдан ўтган.
- Наҳотки?
- Ҳа, буюклар узоқ яшапмайди.
- Неча ёшида вафот этди?
- Элликка ҳам бормаганди.
- Эсиз... Барибир шеърларидан топиб берасизлар. Рости, мен ҳам оз-оз машқ қилиб тураман. Битта шеърим "Московский банкир" газетасида босилган.
- Шунақами, — деди Анвар унга олма бўлагини узатиб. — Шуни сал аввалроқ айтмайсанми?
- Нима, бу билан бирон нарса ўзгарармиди?
- Албатта, рус шоираси қалбини ишғол қилганилигимдан гурурланардим.
- Ҳали ҳам кеч эмас.
- Ботир билан Баҳор бу мунозарага жимгина қулоқ тутиб ўтиришарди.
- Бир тарафдан анҳор шабадаси, иккинчи томондан салқин ҳаво, бунга йўл чарчоги қўшилишиб, ҳаммалари дам олиш учун қўзғалишиди.

## 11

Оромгоҳ меҳмонхонаси анҳордан сал нарида, тоғ ёнбагридаги баланд бўйли дараҳтлар орасида қад ростлаганди. Чорпоядан ётоққа қадар энсиз йўлак чиқарилган, қолган ҳудуд ям-яшил майса билан қопланган. Ўт-ўланлар ва гиёҳлар шу қадар беғубор, шунчалар тиниқ эдики, бехосдан оёқ босгани кўнгил чопмасди. Яна бир тарафи ҳовли кенг ва баҳаво бўлиб, иқлими мўътадил ҳисобланаркан. Жуда ажойиб, ўша бир тегирмон ўйноқи сув шовуллаб оқаётган жойга яқинлашсангиз, шундай саратонда ҳам баданингиз жунжикади. Агар йўлак бўйлаб ётоқ тарафга ўрлассангиз, енгил шабода юз-кўзларингизни сийпалаб, вужудингизга ҳузур багишлади.

Анвар анчагина ичиб қўйганди. Ҳамма билан кучоқлашиб хайрлашди. Ҳаттоки Усмонали aka билан ҳам. Баҳорга навбат келганида нозик кафтини қўлига олиб ўшиб қўйди. Бу ҳол шунчалар тез рўй бердики, бечора оғиз очгани ҳам улгуролмай, уялиб Ботирнинг орқасига яширинди.

Меҳмонхона ичида кенг фойе бор экан. Ҳар бир ётоқхонага иккитадан диван-каравот қўйилган. Тўшак ва чойшаблар янги, пастак столда салқин ичимликлар қатор терилганди. Хона ним ёритилганидан дам олишга қулай эди.

Анвар хонага кирибоқ ечинмай ўзини диванга ташлади. Ботир унинг кўйлагини ечишга ёрдамлашмоқчи эди, Аня шаштидан қайтарди.

— Тегманг унга, — деди у оёғи остига яна бир чойшаб тўшаб. — Бироз мизғисин, ҳали-замон ўзига келиб, ечиниб ётади.

Аёллар даҳлиздаги телевизор қаршисидан жой олишиб, ўзаро сұхбатга тушишгач, Ботир бу ерда ортиқчалигини сезди. Унинг ҳолати Баҳорнинг эътиборидан четда қолмади.

— Сиз ювениб, дам олаверинг, мен ҳозир чиқаман.

Ботир ўзларининг хонасига кирди. Ёнма-ён қўйилган каравотлардан биридаги чойшабни очди. Аммо, тўшакка чўзишлишга шошилмади, беижтиёр барчалари меҳмонхонага йўл олишган пайтда Усмонали аканинг бошқача нигоҳ билан кузатиб турганини эслаб, кўнглида ғашлик уйғонди. У бу нигоҳ маъносини тушунмаганди. Ва бу нигоҳ шунчаки қизиқиш туфайли ҳам эмасди.

Йигит туфлисини қайтадан кийиб, ташқарига чиқди. Осмонда сон-саноқсиз юлдузлар жилваланар, улар орасида тўлин ой ўзига йўл ахтариб тентирарди.

У даставнал чироғи ўчмаган ошхонага қаради. Ҳеч зоф кўзга ташланмади. Афтидан, хизматдаги ошпазлар ҳам кетишганди. Унда меҳмонхона мутасаддиси ҳам жўнаб ҳолдимикан? Йўғ-е, шундай бино ва жиҳозларни меҳмонларга ишониб ташлаб кетишимас.

— Ўйқу қоғдими, меҳмон!

Ботир чўчиб тушди. Анҳор бўйидаги бояти чорпоя томондан Усмонали ака юриб келди.

— Келинг, бироз гурунглashedamiz.

Йигитнинг муддаоси ҳам шу эди. У бу сирли одамнинг юрагига қўл солмоққа аҳд қилганди.

Чорпоядаги хонтахталар олиниб, ётиш учун жой солинган экан. Усмонали ака устига ёпадиган якандоznи чорпоя қирғогига тўшади.

— Қани, ўтирсинлар. Бундай ҳавода ухлаш рафлатга ён бериш билан баробар. Қаранг, қандай ажойиб кеча. Куни билан тинмаган шаҳарча энди ором оляпти.

— Ҳа, Шоҳимардан юртимизнинг энг хушманзара гўшаси, шунинг учун ҳам одамлар бу ерга интилишади.

— Фақат хушманзара эмас, азизларнинг қадами етган табаррук

жой. Бундай зиёратгоҳларда инсон ақл билан иш тутгани яхши. Акс ҳолда... Эшиттандирсиз Шоҳимардонни тошқин босганини.

Ботир бош ирғаб тасдиқлади.

— Ҳа, ёмон оғат келди-да. Андижонлик дўстларимиздан бешолти кишининг яқинлари чўкиб кетищи.

Усмонали аканинг қалин қошлари чимирилди.

— Ҳаммасига ўзимиз сабабчи, ука. Ўйлаб кўринг, шундай азиз қадамжоларни тоғтаб юбориши -ку. Ким кўнглига нима хуш келса қиласверди. Бизга ўкшаганларнинг насиҳатларини назарига илишмади. Ҳа, энди одамни бузадиган иллат, бу – пул, нафс... Ишқилиб, бу ёғига Аллоҳ асрасин.

— Айттанингиз келсин... — Ботир сұжбатдошининг ўйтлари худди ўзига айтилганда хижолатда қолди. Демак, боя бекорга кузатмаган экан-да. Албатта, ҳар кимнинг эрки ўзи билан, бироқ, назардан қолган ёмон.

— Дўстингиз сал кўпроқ ичарканми? — ўсмоқчилади мезбон.

— Шундай, — лўндинини айтди Ботир. — Чиндан ҳам мўлроқ отади. Талабалигимизда уччалик эмасди. Лекин, билишимча, аламидан ичади.

Усмонали ака муштдай чойнак устидаги сочиқни суриб, жўмрагини очди. Чой қуйиб узатди. Кейин сұжбатга қўр ташлади.

— Шундай азамат йигитнинг ҳам ташвиши борми?

Одатда кам гапирувчи Ботир тилининг жилови ечилиб кетди. У қаршисидаги сирли, имон-эътиқодли одам билан гурунглашмоқча ўзида рағбат сезди.

— Ташвиш эмас, дард деяверинг!

— Ҳа, бу дунёда ғамсиз одамни ҳали учратмадим. Сир бўлмаса, дўстингизнинг изтироби нимадан, эҳтимол, ёрдамим тегиб қолар?

“Ёрдамим тегиб қолар! Қизик-ку, тулканинг тагида, бирорларнинг хизматидан бўшамайдиган, бир қўлида каптир, иккинчи қўлида сочиқ тутган одам қандай қилиб ўзгалар корига яраши мумкин? Ёки қасидахон, қори, ёхуд экстрасенсмикан? Кўринишидан юқорида санаб ўтилганларга ўхшамайди. Майли, Анварнинг муҳаббат қисссини айтиб кўрсин-чи. Эҳтимол, ҳанузгача Назокатдан кўнтил узолмаётган дўстининг қалб кўзи очилар”.

Шу мулоҳаза билан Ботир бир муҳаббат қисссаси ҳақидаги ҳикоясини бошлади.

— ...Курсимизда бор-йўғи тўртта қиз бор эди. Шулардан бири — Аломатни Нормурод ёқтириб қолди. Анвар бундай савдолардан ҳоли юришни афзал, деб биларди. Уни кўпроқ спорт ўйинлари, меҳмондорчилик, муштлашувлар қизиқтиради. Гоҳо талабалар шаҳарчасида жанжал бўлса, уни тополмай қолардик. Кейин яrim кечада бош-кўзи ёрилган ёки пешонасига гурра қўндириб келарди.

“Кўча боласи”нинг ўқишлари яхши-ю, лекин, бу хилдаги қилиқларнинг қийифи чиқиши ҳам ҳеч гап эмасди.

— Уни бу йўлдан қандай қайтарсак экан? — маслаҳат солдим Нормуродга. У биздан бироз катта эди, шу важдан ўзини бошқалардан кўра ақллироқ, деб ҳисобларди. Шуниси таажжубланарлики, кўпинча унинг айтгани башорат каби тўғри чиқарди-да.

— У севиб қолиши керак! — Жиддий оҳангда таклиф киритди у.

Мен ҳайронлигимдан баҳрайиб унга қарадим.

— Юракка буйруқ бериш мумкинми?

— Албатта, — деди яна ўз қарорида қатъий туриб.

— Яхши, кимни севади? Бутун бошли курсда атиги тўртта қиз бор. Унинг ҳам бирини сиз туфаккаладингиз. (Қизиқки, биз то институтни битиргунимизча бир-биримизни сизлар эдик. Дил яқинлиги тил яқинлигига кейин йўл очган эди.) Учтасидан иккитасини бирор севиши тошга жон киришидай ишончсиз. Демак, ҳисобда фақат Назокат қоляпти. Унга Анвар каби тўпори йигитлар ёқмаслиги аниқ. Чиройлиман, деб нуқул юқори босқичдаги замонавий кийинадиган, олифталар атрофида ўралашиб юради.

— Тем более, — деди у шу иборанинг ўзбекчасини топишга эриниб.

— Айтишга осон, — дедим унинг гоясига аввалдан ишонмай. Бироқ, Нормуроднинг хаёлига келган фикр чиндаҳам антиқа ва умидбахш эди.

— Хуллас, ҳаммаси вазифангизни сидқидилдан адо этишингизга боғлиқ, — деди у топқирлигидан руҳланиб.

— Қандай? — ҳайронлигим ортди.

— Бу, жуда жўн. Йигитлар кўзи, қизлар қулоги билан севади...

Нормурод шу топда ўзини Арастудан кам сеэмәётганди. Узун киприклари орасидаги тим қора қорачиглари бир нуқтага тикилган эди.

— Бердисини айтмайсизми? — уни шоштиридим.

Аммо, у ноёб кашфиёти лаззатидан завқланиб, анор донасидаи сочилган хаёлларини ҳадегандა жамлай олмади. Сўнг ялат этиб менга

қаради.

— Яхши гап билан илон инидан чиқади, шундайми?

— Шундай.

— Шунақа эмас, орий рост. Демак, сиз Назокатнинг ёнига бориб, Анвар уни ёқтириб қолганлиги, кечалари уйқусида номини тилдан қўймай алаҳисираёттанилиги, аммо, юрагини очишга қўрқаёттанилигини тушунтирасиз.

Мен ундан жўяли таклиф кутгандим. Ҳафсалам пир бўлиб, қўл силтадим.

— Шу иddaога илоннинг ёғини ялаган Назокатдай қиз ишонармиди? Ахир, иккаласининг бир-бирини кўрарга кўзи йўқку!

Нормурод кафтларини бир-бирига уриб, хушчақчақ ҳолда кулди.

— Ҳа, ана!.. Кўнгли борлиги учун қўйпол гапиради, денг. Ахир даштда ўсган бўз боланинг севгиси ҳам ўзига ўхшайди-да.

Табиатимга мос равишда ортиқ тортишгим келмади. Нормурод сўзида давом этди.

— Кейин Анварнинг қулоғига лағмон иласиз. Айтасизки, Назокат Аломатга дилини очибди, курсимизда шу йигит бошқача, ҳеч кимга ўхшамайди, дебди, дейсиз. Ҳозирча шу кифоя. Асли бу тутантириқ, кейин шундай аланг ёнсинки...

Гарчи бу маслаҳатдан иш чиқмаслигига ишонсанда, азбаройи дўстинг учун заҳар ют, деганларидаи унинг айтганларини қойилмақом қилиб бажардим.

Аввал Назокатни "тутдим". У Аломат билан университет ҳовлисидағи қаъваҳонада музқаймоқ еб ўтирган экан. Мени кўриб севиниб кетишиди. Тезда сұхбатга қўшилдим ва гурунг орасида Анварнинг муносабати тўғрисида таъсирчан оҳангда гапириб бердим.

Назокат оқ сариқдан келган, кўзлари кўм-кўк, доимо жилмайиб турадиган очиқ қиз эди. Негадир бирданига ўйчан бўлиб қолди. Аломат уни уялтириди.

— Ҳа, Нози, ноз қиляпсанми?

У шу топда мени унуттандай эди.

— Тўғриси, кўнглим сезарди. Аммо...

У шундай деди-ю, тўсатдан ётоқхона томонга чопиб кетди. Аломат менга қаради.

— Шу гап ростми?

Ёлғонни ямламай ютдим.

— Ишонмасангиз, Нормуроддан сўранг. Гений алдамайди-ку.

**Аломат шарақлаб қулди.**

— Билмасанғиз, билиб олинг. Ҳар бало доҳийлардан чиқади. Дунёга ўт қўядиганлар ҳам шулар, одамни бузадиганлар ҳам.

— Жа, оширвордингиз-ку, қайси доҳий қаерга ўт ёқибди?

— Мана, ҳозир Назокатнинг юрагига ўт ёқиб қўйдинглар-ку. Бу, Нормуроднинг лойиҳаси эди, шундайми?

Кутимаганда унинг "пушка"сига нишон бўлибман.

— Сизга ҳам тиш ёрувдими?

### 13

...Бошида ишончсиздай туюлган режа кутимаганда ўзини оқлади. Икки, уч бор "ишлов"дан сўнг, менга ҳожат қолмади. Энди Анвар Назокатнинг сумкасини кўтариб юрадиган, йўлени пойлайдиган, ётоғига қадар кузатиб қўядиган одат чиқарди.

— Эҳ, аттанг, — деди бир куни Нормурод ётоқхонада шахмат сурاءётганимизда.

— Яна нима ишқаллик? — сўрадим кўзимни доналардан узмай.

— Анварни айтаман-да, — деди у ҳам алфозини ўзгартирмай. — Биз уни ёмғирдан қутқариб, дўлга тутиб берибмиз.

— Тушунмадим?

У таҳтадан бош кўтариб, менга астойдил тикилди.

— Нимасини тушунмайсиз, қаранг соат неча бўляпти?

Девордаги соатга кўз ташладим.

— Ярим кечадан ўтиб қолибди-ку, қани, ётдик, акс ҳолда биринчи парани "еб" қўямиз.

— Мен боғдан келсан, сиз тоғдан сўз очасиз-а... Анвар қани?

— Ҳа, эсим қурсин, у қизларнинг олдига бораман, деганди.

Нормурод узунчоқ иягини узоқ силади, кейин тиззасига сочиқ ёзиб, қалин сочидағи кепакни қоқишига тушди. Сезяпман, ҳозир асабийлашяпти. Аниқроғи, Анварнинг қўлга ўргатилган бургут каби юvosи тортганидан сиқиляпти.

— Яқин, орада талабалар шаҳарчасида муштлашув бўлмадими? — деди у машғулотидан бир нафас тўхтаб.

— Нега энди, бўлди.

— Қачон?

— Ўттан куни!

— Ким, ким билан?

— Жисмоний маданият билан техника университети.

— Ким енгди?

— Бироров "ноъл иккига" қўнғироқ қилиб қўйибди. Омончилар

"жанг" ни бузиб юборишиди.

— Анвар ҳам бормиди?

— Жуда қизиқсиз-да. Анвар урушса, Назокатдан айрилиб қолмайдими.

Нормурод сочиқни ўраб, сув ютгичга (раковина) қоқди. Юз – қўйлини ювиб, индамай чойшабни очиб, узала тушиб ётди.

— Чироқни ўчирайми?

— Э, ўчираверинг, бу бола айниди.

Мен ҳам ўринга чўзилдим.

— Асли сизга иссиқ ҳам, совуқ ҳам ёқмайди, шекилли. Анварни "йўлга соламан" деган ким эди?

— Мен уни йўлга соламан деб, йўлдан урибман. Туппа-тузук йигит, энди Назокат аксирса, "лаббай" деб қўл қовуштириб турадиган "оим супурги"га айланиб қолса-я. Илгари боши ёрилиб, юзи пачақланиб келганида қайтанга ҳурмати баланд эди. Энди қулбаччага ўхшаб, бор-йўқлиги сезилмайди. Мулла минган эшак ҳам афзал ундан.

Нормурод ёнбошига ағдариларкан, юрақдан сўкинди.

Шу пайт оғзи қулогида Анвар кириб келди.

— Э-ҳа, катта даҳага тушиб кетибсизлар-ку, — деди у қувончдан энтикиб. — Дунё гўзаллигидан бехабар, гафлатда ётмай туринглар, Ботир, мусиқани қўйинг, ўйинга тушгим келяпти.

Нормурод устидаги чойшабни ирғитиб, дўстига совуқ, нигоҳ ташлади.

— Бу, қанақа байрам?! Чамаси, Назокатнинг сумкасини бешикаст жойига элтдингиз, шекили!

Бу, оғир пизинг эди. Оламни сув босса тўпигига чиқмайдиган Анвар кулиб, уни қучоқлади.

— Топдингиз, сумкасини авайлаб, ардоқлаб, жавон устига қўйдим. Аммо, бу, муҳим эмас.

Нормуроднинг энсаси қотди. Иягини асабий силашга тушди.

— Ие, ҳали ундан-да муҳими борми?

Анвар қоматини ростлаб, кенг елкаларини кериб, қўлларини ёзди.

— Эй, анжонлик йигит, мусиқани чалинг, алёр айтинг, Анвар чарчагунча ўйнасин..

Энди бу шодлик руҳи бизга ҳам юқди. Магнитофонни баланд овозда қўйдим, у тор жойда полни тепкилаб, ўйинга тушди. Бир маҳал ҳамсояларимиз эшикни очиб, бақиришта тушишди.

— Жинни-пинни эмасмисизлар?

— Э, ахир ярим кечаси тўс-тўполонга бало борми?

Күпроқ оғиз күпиртиргани ҳуқуқшунослиқдаги барзангидай талаба Отаназар эди. Қолганлари унга жүр бўлишиди.

Бирдан Анварнинг авзои бузилди.

— Нега хонага сўрамай кирдиларинг?

— Таққиллатдик, аммо, ҳеч ким эшитмади, — деди қўйонлик кумуш тишли Холмат иржайиб. Хоразмлик "ҳуқуқшунос"га Анварнинг муомаласи ёқмади.

— Ҳей бачча, қани, бу ёққа чиқ.

Вазият қалтис эди. Отаназар ҳам, Анвар ҳам ётоқхонанинг "кузири" ҳисобланишар, аммо, шу пайтга қадар мутлоқ ғолибликни талашишмаганди.

Анвар мушакларини ўйнатиб, йўлакка чиқди.

— Нима дейсан?

Отаназарнинг гўштли юзи оҳак тусини олган, дўрдоқ лаблари гезариб, қисиқ қовоқлари асабий учарди.

— Ке, орани очиқ қиласлийк.

Фойе талабаларга тўлди. Ҳар иккиси ўртага чиқишиб, Тайсон билан Холифид каби кўз уриштиришни бошлиапди. Шунда "доҳий" ўз тафаккурини яна бир бор намойиш этди.

— Йигитлар, — деди у ҳар иккаласининг ўртасига тушиб. — Аввал мақсадни ойдинлаштириб олайлик. Муддао ким кучлилигини аниқлашми?

— Ҳовва, — деди Отаназар пишқириб. Анвар эса мутлақо хотиржам эди. У ҳатто енгилса-да, пинаги бузилмайдигандай туюлди.

— Модомики, ният шу экан, келинглар гладиаторлар каби қон тўқмай, масалани ечишнинг енгилроқ йўлини топайлик.

— Не дейсан? — Отаназар Нормуродга юз бурди.

— Соғломлаштириш хонасида тош бор. Шу ерга кирайлик, тош кўтарайлик, ким кучлилиги дарров аёнлашади. Агар муштлашув бошланса, орага бошқалар ҳам қўшилади, тўс-тўполонга айланади, эртага уч-тўрттамиз ўқишидан ҳайдаламиз.

— Тўғри! — бу таклифни "томошабин" ва тарафкашлар бир овоздан маъқуллашди. Хоразм полвони ҳам ўйламай-нетмай розилик билдириди. Ҳолбуки, у бокс билан шугулланар, Анвар иккаламиз эса оғир атлетикани ёқтирадик.

Зал лим тўлди. Ўртада битта бўйрача жой очиқ қолди. Тарози палласи шак-шубҳасиз биз томонга оғтанини фаҳмлаган Анвар энди Отаназарни қалака қилишга ўтди.

— Полвон, — деди у рақибининг алп қоматига ургу бериб. — Сен

аввал кичик вазнадаги шогирдимни енгиб ол, кейин мени майдонга тақлиф қил!

— Ёшулли, ҳолитдан қўрқяпсанми? — рақиби овозини қўйиб кулди. — Аммо менга барибир. Истасанг бутун факултетинг билан чиқмайсанми?

Анвар менга имо қилди. Ўша кезлари жуссам бундан ҳам озгин, кўримсиз эди. Хоразмликнинг кўзи менга тушди-ю, газабдан кўкариб кетди.

— Ҳой жўра, устимдан куляпсанми?

Анвар қўл қовуштириб турарди.

— Кичкина деманг бизни, кўтариб урамиз сизни.

— Нима, оғзингни иштонбоги узилибдими, "нонхонангни" ёп. — жазавага тушди у.

Аммо кўча муштлашувларида дийдаси қотган Анвар туркетароватига жиддий тус бериб, хотиржам сўзларди.

— Синамаган отнинг сиртидан ўтма, дейдилар. Агар Ботирдан чўчиётганинг рост бўлса, уялма, айтавер.

Томошаталаб талабаларнинг уйқуси учиб, бу даҳанаки жанг нима билан тугашига қизиқиш ортганди.

Отаназар ўртадаги икки пудли тошни бир силташда елкасига чиқарди. Ана шунда тош кўтариш ҳадисини билмаслигини тушунди. Унинг қўллари узун-узун эди. Бу муштлар турли масофадан кучли зарб беришга қодир эди-ю, оғир тошларни кўтариш машқини олмаганди. Аммо ҳирсдай кучли йигит бир амаллаб гирни боши узра озод кўтарди. Сўнг елкасига тушириб, яна ҳаволатди. Шу тахлит 32 киллограммлик тош беш марта "парвоз" қилди.

Навбат менга келди. Отаназар атайлаб тошни оёқлари остига қўйган, ўзи эса мўмиқдай гўдайиб турарди. У ўз кўнглида мени "бу ишнинг" уддасидан чиқолмай, пойида ўрмалашиб юради, деган хаёлга борганди. Ўртага чиқиб, гирни бир силтаб юқорига кўтардим. Қўлларим калта ва кучли, қолаверса машқим бор эди. Аввалига ачиниш ва хавотир билан қараётганлар энди руҳланиб, санашга тушдилар:

— Тўққиз, ўн бир, ўн беш... ўн олти, ўн етти...

Отаназар ёнидаги иккита болани туртиб, саф орасидан қочиб кетди. Бироқ, йўлак охирига етмай ўз хатти-ҳаракатидан уялиб, орқасига қайтди.

— Анвар! — деди у ҳўмрайиб. — Эртага Эски Жувадаги чойхонада кутаман. — Сўнг менга ер остидан қараб қўшиб қўйди. — Ботир полвон, сизни ҳам...

Хонага кирганимизда, Анвар мени алқашта тушганди, Нормурод жеркиб берди.

— Агар вақтида топқырлык қилмаганимда, ҳозир синган сүякларингизни санаб ўтирган бўлардим. Яхшиси, менга раҳмат айтинглар.

Тезда ётдик. Бояги сўроқ жавобсиз қолганди, уни такрорладим:

— Бугунги хурсандлигингиз боисини билдирарсиз энди?

Анвар чукур оҳ тортди.

— Азиزلарим, тарихий воқеа юз берди.

Нормурод луқма ташлади.

— Назокат қўлинни ўтиридими?

Бечора ошиқ аввал икки оёгини баланд кўтариб, сакраб, ўрнидан турди.

— Қўлинни эмисп-а, дудогидан ўпдим, дудогидан!

...Ўша ўпич йигитни бутунлай маст қилди-қўйди. Энди у юрса ҳам, турса ҳам фақат Назокатни ўйларди. Қиз ҳам унинг ёнидан асло силжимасди, гўёки иккаласи қўш кабутардай. Бу севги достони бутун билим даргоҳига тарқалди. Чунки, Назокат истеъдодли қиз эди, айниқса, замонавий технологиялар лойиҳасини яратишда унга teng келадигани йўқ эди. Анвар эса, курс бошлиғи, фаол талаба сифатида танилган. У амалиётдан кўра назарияга кўнгил қўйганди. Шу боис, ҳамма амалиётни йирик саноат корхоналарида қолишини хуш кўрарди. Ва энг қизиги, ҳар иккаласи доимо бир жойда бўлишга ҳаракат қилишарди.

Охирги босқицда ўқиётганимизда Назокатнинг Япония ва Корея автомобилсозлик саноати тўғрисидаги рисоласи босилиб чиқди. Шу рисола диплом иши сифатида юқори баҳоланди. Анвар эса, Ўзбекистон саноати тарихига қизиқиб, касб йўналишини ўзгартириб юборди.

Ўқишини тамомлаш арафасида Анварнинг ранг-рўйи сомондай сарғайиб, кескин озиб кетди. Аввалига буни дарсларнинг оғирлигига йўйдик. Ана шундай пайтда Аломат янги гап топиб келди.

— Эшитдингларми, — деди у катта танаффус пайтида хонада ёлғиз қолганимиздан фойдаланиб. — Назони бошини боғлаб қўйишибди.

— Нима, наҳотки биз билмай...

— Шуни айтаман-да, — деди Аломат кўзлари жовдираб. — Энди Анварнинг аҳволи нима кечади?

Нормурод бизни тинчлантириди.

— Важимага ўрин йўқ. Яхшиси, дарсдан кейин тўпланамиз.

Машғулотлар тугагаң, Талабалар шаҳарчасидаги "Чашма" қаðвахонасига йўл олдик. Суҳбат асносида бу воқеадан Анварнинг хабардорлиги, ўз ёғига ўзи қовурилиб юрганлиги, Назокат ҳам отонаси раъйига қарши чиқолмай, боши қотиб, аламини йигидан олаётганлиги ойдинлашди.

— Нега шу чоқҷача бизга сөздирмадингиз? — Анварга гинамни тўқдим мен.

У бошини кўтаролмасди.

— Айтганим билан бирон нарса ўзгариб қолармиди, — деди ўзини оқлаб.

— Вой, топган галини қаранглар, ахир қиёматлик дўстсизлар-ку, — Аломат уни уялтириди. — Ахир дўст бошига иш тушганда синалади-да.

— Куёв ким экан? — сўрадим қоним қайнаб.

— У ҳам талаба, Самдуда ўқиркан. Айтишларича ёшлигига бешиккери қилинган эмиш.

— Наҳотки эскилик сарқитига қурбон бўлиб, индамай қолаверамиш?

Менинг бу хитобим — юрак ҳайқириғи эди.

Боядан бўён иягини силаёттан Нормурод ниҳоят жўяли фикр топди:

— Йўл битта, ўша йигит билан учрашиш керак.

— У ҳам Назони севса-чи? — қарши мулоҳаза билдириди Аломат.

— Бу аёлларга хос асоссиз гап? — чўрт кесди Нормурод. Унинг қўппол гапи қизнинг ҳамиятига тегди.

— Намунча бизани ёмон кўрасиз, гопивузадан доим нуқсон қидирасиз?

Йигит устомонлик билан ўзини оқлаб олди.

— Мен аёллар ҳақида гапиряпман, сиз эса бокира қизсиз!

Бу лутф, айниқса "бокира" сўзига ўзгача ургу берилгани Аломатта майдай ёқиб, шўх қараш билан кифояланди.

— Ботир, эртага ҳарбий кафедрага борасизми? — Нормурод қўлидаги пиёлани тақ этказиб столга қўяркан, менга савол назари билан қаради.

— Ҳа, эртага сўнгти машғулот.

— Анвар, сиз-чи?

У аразлагандай юзини тескари ўтириди.

— Бошим қотган, билмайман!

Нормурод армия хизматига дахлсизлиги учун ҳарбий машғулотларга қатнашмасди.

— Аза тутишга вақт эрта. Яхшиси, ақл билан иш тутайлик.

Индинга Ботир иккаламиз Самарқандга учамиз, ўша йигитни топиб гаплашамиз.

— Мободо қўполлик қиласа-чи? — Анвар шу топда гапининг маъносини ўзи ҳам англамас, фирт гаранг эди.

— Шуни билиб қўйинг, биз меҳмонга эмас, музокарага кетяпмиз. Қандай салом берса, шундай алик олади.

Орага жимлик чўқди. Сўнг Анвар бу маслаҳатга қўшилмади.

— Бу масадани ўзим ечишим керак!

Аломат ҳам унинг фикрини маъқуллаб туриб олди.

— Унда, сиз билан Ботир боради.

Анвар кескин бопш чайқади.

— Фақат ўзим...

Анвар тайёрага улгуролмай, кечки поездга ўтириди. Икки кун бетоқатлик билан йўл пойладик. Ниҳоят, учинчи куни чошгоҳ пайти Анвар ётоқхонага кириб келди. Якшанба бўлғанлиги учун, деярли барча хоналар берк, талабаларнинг ярми уйига, қолганлари сайрга чиқиб кетишганди. Фақат Нормурод иккаламиз бекорчилиқдан, аниқроғи, чорасизлигимиздан хуноб бўлиб ётардик.

Анвар салом бериб, биз билан қулоқлашиб кўришди. Унинг чеҳраси жуда ҳорғин туюлди. Демак, масала равшан, "куёв" йигит ён бермаган.

— Самарқанд сутида оғзингизга қатиқ ивитганмисиз, мундай очилмайсизми?

Анвар ўз жойига чалқанчасига ташлади.

— Э жўра, ишлар пачава.

— Хўш?

— Улар оқсуяқ эканлар.

Нормуродга бунақа узиқ-юлуқ гап ёқмасди.

— Очиқроқ сўзланг: одамни хит қилвордиз-ку.

— Назокатлар эшон авлодидан экан. Кейин ўша йигит ҳам.

Нормурод бўш келмади.

— Тошкентдан Самарқандга бориб, шу бир оғиз гапга ишониб қайтавердингизми? Асли кимлар билан учрапдингиз?

Анвар тирсагига тиралиб ўтириди. Агар сал қўйиб берса, йиглашдан ҳам тоймайдиган ҳолатда эди.

Аммо биз унинг аҳволига ортиқча ургу бермадик.

— Назокатнинг акаси Баҳодир билан учрашдим. У мени тўғри тушунди.

— Ёрдам бераман, дедими?

— Бу ҳақда оғиз очмади. Англаганим шу бўлди-ки, дадаси жуда

чўрткесар, қайсар одам. Хуллас, дўстлар, мен Назокатни қўлдан чиқардим.

У шундай деб юзига пар болишни босди.

— Ўзингизни тутинг, — дедим елкасига қўл ташлаб. — Ҳали имконият ҳам, вақт ҳам бор.

Дўстимиз табиатига мос муносабатни танлади.

— Ие, бу қанақа қилиқ. Қўйинг-е, шу топгача кўз ёши бирон муаммони ечмаган. Айниқса йигит йифиси. Қани, туринг, ақлни пешлаб олинг.

Анвар индамай йўлакка чиқди, умумий ошхонага кириб, юз-кўзини совуқ сувда ювиб қайтиб чиқди. У хонага кирганида, Нормурод патини ҳурпайтирган ҳўroz мисол стул суюнчиғига бағрини бериб кутиб турарди.

— Энди бир бошдан сўзланг. Самарқандда даставвал кимникига қўндингиз, биринчи ким билан сұжбат қурдингиз, Баҳодирни қаердан топдингиз?

Анвар Самарқанднинг Работидан эди. Ўнинчи синфни тамомлаган йили СамдУга ҳужжат топширганди. Ўшаңда фалакнинг гардиши билан Баҳодир исмли йигит билан дўст тутинган экан. Алал-оқибат у Назокатнинг акаси бўлиб чиқди. Аммо шундай ўқимишли, маданиятли йигит ҳам серзарда дадасининг раъиiga қарши боролмабди. Эшонлар фақат ўз авлодларини тан олишаркан.

— Нега оғзига нос пуркалган илон каби тўлғонасиз, бўлажак куёв бирон фикр айтгандир?

Анварнинг кўзларида алам ва азоб ёлқинланди.

— У ҳам ота-онаси лаънатига учрашдан кўрқар эмиш.

Кутилмаганда генийдан ғалати таклиф чиқди.

— Ҳа, майли, ҳозир шаҳар айлангани чиқамиз. Қолган гални оқшом давом эттирамиз. Сиз эса кўнглингиэни тўқ қилиб, ухланг. Уйқу мияни озиқлантиради.

...Кечқурун ҳам маслаҳатта маҳси кийдиролмадик. Сабаби, Анвар бутунлай эс-хушини йўқотиб, тушкун кайфиятга берилганди. Иккинчи тарафдан Аломат билан Назокат “аза” тутиб кунни кеч қилишибди.

Шу орада менинг тўйим бошланиб қолди. Ҳамманинг эътибори ана шу маросимга қаратилиб, дилисиёҳликлар бир тарафга сурилди. Тўй ўтгач, роса бир ойдан сўнг ўқишига бордим.

— Самарқанддан янгиллик борми? — деб сўрадим Анвардан. У кулиб жавоб қайтарди.

— Масалага ўзим нуқта қўйдим.

- Қандай, тушунмадим?
- Энди биз ҳам сиз каби оиласимиз! Аммо, бу янгиликдан ҳеч кимнинг хабари йўқ.
- Нормурод биладими, ишқилиб?
- Э, ҳозир у ҳам ўз ёғига ўзи қовурилиб юрибди.
- Сабаб?
- Гап шундаки. Аломатнинг дадаси “қизимни қишлоқига бермайман”, деб совчиларнинг оғзига урибди.
- Ие, бу қанақаси? Ахир Нормурод уни еру-қўкка ишонмасди-ку.
- Таътилда ҳаммамиз гафлатда қолдик.
- Бу ёғи нима бўлади.
- Ўқишни ташлаб бўлсаям, Аломатни олиб қочиб кетмоқчи.
- Мана бу сенсация!

Анвар мени тузатди.

- Сенсация эмас, буни севги дейдилар. Ҳамма сизми отасининг чизган чизигидан чиқолмай севгисиз уйлангани?

Мен эътироуз билдирам.

- Нима қилай, шу ҷоқачча бирорга кўнгил қўёлмадим.
- Барibir, шошилмаслик керак эди.
- Мен афсусланмайман. Хотиним ўзимга маъқул.

Анвар бўш келмади.

- Ҳозир шундай. Эртага ақл-идрок тиниб, ўрнини ҳистийгуларга бўшатиб берганида, билмадим, нима дер экансиз.
- Мен турмушимни ҳеч қачон бузмайман.

Дўстим кўзойнагини қўлига олиб, ёнидаги сочиқ билан обдон артди. Кейин менга қаттиқ тикилди.

- Кошки орзулар доимо рўёбга чиқаверса. Яхшиси, Аллоҳдан тиланг-ки, бу ёғига сизга севги азобини солмасин.

Мен ҳам бўш келмадим.

- Бошида бермади-ку, энди муҳаббатдан сўз очмасам ҳам бўлаверади.

— Шуни билиб қўйинг, севги қаримайди, у кутилмаганда юрагингиздан ўрин олади-ки, ҳудди совуқ дард каби, эгаллаган жойини бомон қўймайди.

- Мен тушунолмаяман, сиз менинг ҳам ишқ савдосига дуч келиб, ақл-ҳушимни ўғирлатишими истаяпсизми?

Анвар жиддий тортди, ётоқхона деразасидан сон-саноқсиз порлаган чироқларга термулиб, ўйчан гап қотди.

- Биласизми, ҳар бир одам умрида бир марта қизамиқ хасталигига йўлиқади. Бирор оғир, бирор енгил ўтказади. Ҳатто

касаллигини сезишга улгурмай қоладиганлар ҳам бор. Севги ҳам айнан қизамиқнинг ўзи, кутилмаганда бош кўтариб, бутун вужудингни оловдай ёндиради.

Аммо у қанчалар қийноқли, изтиробли ва оғир бўлмасин, лаззати ҳам шунга яраша.

Мен оҳиста бош чайқадим.

— Билмадим.

— Билмаганингиз яхши, бироқ, уни кутинг, у албатта келади... Эҳтимол, жуфти ҳалолингизга шундай кўнгил қўйиб қоларсиз. Ў, унда чинакам баҳтли сезасиз ўзингизни. Бу дунёда севганинг билан яшашдан ортиқ баҳт борми?

— Анвар, — дедим унинг ёнига яқинлашиб. — Яхшиси гапни ҷалғитманг. Энди Назокатнинг ста-онаси сизни тан олишармикан?

Бу саволимга у кескин жавоб қайтарди.

— Дадаси ўлса ҳам фикридан ҳайтмайди, аммо акаси билан онаси биз томони. Хуллас, тўйни ҳам Тошкентда ўтказамиз. Айтмоқчи, тўйга хотинингизни албатта таклиф қиласмиш.

— Бу турган гап, — дедим дўйстимнинг фикрларидан қониқмай. Назаримда у бу мавзуни тезроқ ёпишга уринаётгандай туюларди.

— Назокат ўша "иши" дан афсус чекмаяптими?

Кутилмаганда Анвар қулиб юборди.

— Ботир, яқинда олий маълумоти мұҳандис бўласиз-у, ҳалиям ёш болалардай фикрлайсиз. Ахир, бўлар иш бўлди, зиди бошини тошга урганида синган чинни жарангламайди-ку. Қолаверса, мен қочиб кетмаяпман, аксинча тўйни тезлаштиряпмиз. — Худо хоҳласа, ҳаммаси яхшилик билан тугайди.

...Анвар ҳақ экан. Чиндан ҳам яхшилик енгди, ёшлар бир ёстиқقا бош қўйдилар.

Орадён беш ой ўтиб, яна ташвишга дуч келдик. Назокат оғир хасталикка чалинди. Уч дўст дарсдан сўнг уни етаклаб, пойтахтдаги барча клиникаларга олиб борарадик. Бир томонда давлат имтиҳонлари, иккинчи тарафда кундан-кун сўлиб бораётган Назокатнинг сиҳат-саломатлиги икки сёғимизни бир этикка тиқиб қўйганди. Ўзаро маслаҳатлашиб, Назокатни академик таътила чиқаришга кўндиридик. Кейин Анвар ҳам шу йўлни тутмоқчи бўлди. Аммо биз бу фикрга "тиш-тирногимиз" билан қаршилик билдиридик.

— Мен ҳамиша унинг олдида туришим керак, — деди Анвар кўзларида ёш билан... Шу кунларда у ҳам ярим этини йўқотганди.

Нормурод уни жеркиб ташлади.

— Бекор айтибсиз. Дипломга бир қадам қолганида ортга

чекинманг. Ахир сиз ёлғиз эмассиз-ку.

Анвар бутунлай караҳт аҳволга тушшиб қолганди. Ҳадеб бир гапни тақрорларди.

— У мени деб шу аҳволга тушди. Мен уни йўлдан ургандим, энди азобини бир ўзи тортияпти.

Энди мен уни тинчлантиришга киришдим.

— Бу, оддий васваса, холос. Ҳар ким пешонасига ёзилганини кўради. Назокатнинг хасталигида сизнинг заррача гуноҳингиз йўқ. Начора, ёзугида шу синов бор экан, худо хоҳласа, дард берган шифосини ҳам дариф тутмайди. Мана, кўрасиз, бу кунлар ёдингиздан ҳам чиқиб кетади.

Аммо, Назокатнинг ташҳиси кўнгилга таскин берадиган даражада эмасди. Уни ўпка раки деб гумон қилишаётганди. Анвар ҳам худди шу фикрга ёпишиб олганди.

— Агар у ... ўлса мен ҳам ўзимни осаман, — дерди нуқул.

Шу орада Аломатнинг дадаси инфарктка учраб, тўсатдан вафот этиб қолди. Бу воқеадан ҳаммамиз ларзага тушдик. Шўрлик Аломат кўзлари қизарип, йигидан тўхтамас, дадасининг ўлимида ўзини ҳам айборд ҳисобларди.

Ниҳоят, Назокатнинг хасталиги аниқланди. Хайриятки, у рак змас экан. Мана шунинг ўзи катта қувонч эди. Аммо, у узоқ даволанди. Анвар бечора ҳам имтиҳонларини топшириб институтни тутатди, ҳам Назокатга қаради. Асосий файлар бўйича синовларга тайёргарликни хотини ётган палатада кўрди.

Бир куни Нормурод иккаламиз касалхонага бордик. Таниш палата зшигини секин очдик. Не кўз билан кўрайлики, у полда ўтирибди, боши Назокатнинг оёғида. Шу аҳволда ухляяпти.

Мен ўшанда илк бора муҳаббатнинг қудратини англадим. Кейин бунаҳа воқеаларга кўп учрадик. Анвар қийин, энг машаққатли дамларда севигига садоқатини намойиш этди. Энди ўйлаб қоламан, эҳтимолки Назокатни жаҳаннам дарвозасидан қайтарган Анварнинг Аллоҳга илтижолари-ю, пок муҳаббатидир.

... Ҳаёт оқар сув каби ўтаверар экан.

Биз ҳам унинг ўркачига ўтириб, неча йилларни ортда қолдирганимизни сезмай қолибмиз. Хуллас, дастлабига Анвар билан Назокатнинг ҳаёти чиройли кечди. Улар бир-бирларини севиб, ёмон кўзлардан қизғаниб яшардилар.

Нормурод ҳеч вақт эҳтиросларга берилемасди. Шу боис у Аломатнинг қайғусига шерик бўлиб, туйгуларини жиловлаб узоқ кутди. Аломатлар дадасига йил оши бергач, яна совчи қўйди. Бу

сафар элчилари ноумид қайтишмади. Ҳамма курсдошлари юртларига тарқаб кетгач, Аломат билан ширингина турмуш қуриб, севгилисини ўз шаҳрига олиб кетди.

Мен ҳам ўз ҳолимча баҳтиёр эдим. Аммо, битта ўғил кўрганимиздан сўнг, Олияниг соғлиғи анча ёмонлашиб, тинчлигимиз бузилди. Гарчи хизмат пиллапоясидан тез кўтаришсамда, ҳаётда баҳтим бус-бутун деб айта олмасдим. Бўш вақтим асосан дориҳоналарда янги чиққан дориларни қидириш-у, касалхоналарда юриш билан ўтарди. Шунга қарамай, Олияга ғамхўр эдим, унга раҳмим келарди. Шу боис, тоби қочиб, ранг-рўйи пасайтган пайтлар оромимни йўқотиб қўярдим. У бир бора кулса, мен ўн марта яйраб кетардим. Минг қўлса ҳам кўз очиб кўрганим, ёлғиз фарзандимнинг онаси-да.

Шу ташвишлар гирдобида ўралашиб юрганимда, тўсатдан Анвар телефон қилиб қолди. Агар имкони топилса, Тошкентга келиб кетишими ёки иш юзасидан борсам ҳам, албатта, уни йўқлашимни илтимос қилди.

Ўша кунлари Тошкентда Ташқи иқтисодий алоқалар вазирлиги томонидан ҳалқаро симпозиум ўтказилиши керак эди. Бу пайтда қўшма корхонада бош менежер бўлиб ишлабтандим. Раҳбарнинг топшириғига кўра, анжуманга мен жўнатилдим.

Анвар мени тайёрагоҳда кутиб олди. Тўгри уйига қараб йўл олдик. У Профессорлар шаҳарчасида яшарди. Талабалигимиз ўтган кўчалар тамоман ўзгариб кетганди. Янги йўллар, янги кўприклар чиқарилиди.

Чорсу бозорига тушиб, паловга кетадиган масалликлар харид қилдик. Девзира гуручни Андижондан – Эски шаҳар бозоридан олгандим.

– Менга қара, – деди Анвар бозордан чиқаётганимизда. – Дабдурустдан сенлашга ўтиб. – Аввалдан огоҳлантириб қўяй, уйга кирганингда хушингдан кетма!

Бу огоҳлантириш боисини тушунмадим.

– Нима, шунчалар бойваччамисан?

Дўйстим хандон отиб кулди. Бироқ, бу баҳтиёрлик заминида чинакам шодлик ифори камроқ туюлди. Ишқилиб, тинчликмикан?

– Тўгри топдинг, ҳозирча ҳаётимга менман деган бойваччалар ҳам ҳавас қилишади.

У тўртинчи қаватда яшарди. Йўлакдан юқорига кўтарилаётганимизда, япон телевизорини зўрга кўтариб тушаётган ўрта яшар одамга йўлиқдик. Дарров унга йўл бердик.

У бизни кўрди-ю, негадир ранги оқариб, пешонасини майда тер босди. Қўллари қалтирагандек туюлди. Ўйладимки, ҳозир қўлидаги матоҳни тушириб юборса керак деб. Ҳартутул чайир экан, мувозанатини сақлаб қолди.

У Анварга бош иргаб салом берди. Кейин беихтиёр:

— Телевизорнинг бунақа оғирлигини билмаган эканман, — деди биздан хижолат тортгандай. Дўстимнинг жавоби ғалатироқ чиқди.

— Ҳа, бирорвнинг юки елкани эзиз юборади, ҳали буниси ҳолва, — деди дағал оҳангда.

Бояги одам индамай пастликка шўнғиди.

Тўртинчи қават майдончасига чиқиб, ҳайронлигим яна ортди. Бундан уч ой илгари кўрган уй ҳозир эшиклари ланг очик, худди ўғри урган тегирмондай ҳувиллаб ётарди.

Шу топда саволлар қуyon каби ёғилиб келаётганига қарамай, Анварнинг ўзи тиш ёришини кутдим. Аммо, кўнглим нохушликни сезиб турарди.

Елим ҳалтадаги майда-чуйдаларни қаерга қўйишни билмай, аланглай бошладим. Анвар буни сезди. Қўлимдаги масаллиқларни олиб, шип-шийдам ошхона полига ташлади. Зал ҳам худди шу тахлит "безатилган" эди. Яхшики, деворга суюб қўйилган эски диван, бир оёғи пачоқ стол, иккита табуретка, эшиги ёпилмайдиган жовон хонанинг бутун "зеб-зийнати" шундан иборат эди. Ҳа, айтмоқчи, бурчақдаги болалар манежи Анварнинг эски кийим-бошлари ташланадиган сандиқ вазифасини ўтаётган экан.

— Энг қисқа гап шу, — деди у диваннинг ўртасига ўтириб. — Назокат билан ажралишдик.

У қўлларини бошига гиров солиб, анчагача миқ этмади. Кейин чопиб балконга чиқди, қўлида битта шишанинг "офзи" дан ушлаб қайтиб кирди. Чап қўлида иккита пиёла ҳам бор экан.

У шишанинг орқасига шапатилаганди, қопқоги ўқдай учиб, ароқнинг бир қисми полга тўкилди.

— Майли, заҳари чиқиб кетди, — деди у ўзига тасалли бергандай. Кейин пиёладаги ичимликни бир силташда тутатиб, енгини ҳидлаб кўйди.

Мен караҳт аҳволда эдим. У тиззамга турткилади.

— Қани, совимасин, ҳозир ўзим андижонча палов дамлайман.

— Ие, қозон бошига бормас здинг-ку?

Бу саволим мутлақо самимий эди. Бироқ, гоҳида бехосдан айтилган сўз отилган ўқ каби юракни тешиб ўтади.

— Ҳа, беш йил фақат сен овқат пиширгандинг, уйлангач, Назокат

согайгунча бу юмушни ўзим уddaладим. Ҳозир "Шератон" мөхмөнхонаси бош ошпазидан қолишмайман.

У сабзи тўғрашни менга топшириб, ўзи газ печкасини ёқди. Токи палов пишгунча мақсадга кўчмади. Мен ҳам сабр – бардош билан ўша фурсатни кутдим. Овқатдан кейин аччиқ кўй чой устида гурунг бошлианди. Аниқроғи, у кейинги воҳеалар ҳаётини чархпалак каби айлантириб юборганини айтиб берди.

Хуллас, Назокат бир йил даволанибди. Кейин худди дара кўрмагандай асл қиёфасига қайтиби. Ўртада бир ўғил, бир қиз бор эди. Ўғли Бектош асосан Самарқандда – ота-онаси қўлида тарбияланяпти экан. Қизи яйловга боришга кўнмабди, пойтахтда қолибди...

Аслида булар мен учун янгилик эмасди. Чунки ҳар икки-уч ойда пойтахтга келиб, бу хонадонда мөхмөн бўлиб кетардим.

... Бир куни мөхмөнхонадан туриб телефон қилдим. Гўшакни Назокат оди. Анварни сўрадим. Оқшом қайтишини айтиб, мени уйга таклиф қилди, гап орасида дўстингиз ҳам сиқилиб қолди, албаттга, келинг, деб қистади.

Кечки пайт эшик қўнғироғини босдим. Остонада ял-ял ёниб Назокат турарди. Негадир бироз ҳаяжонланаётгандай туюлди.

– Нега ёт кишилардай тортиниб турибсиз? Ичкарига марҳамат!

Устки кийимимни йўлақдаги ёғоч илгичга илиб, залга ўтдим. Анвар кўринмасди.

– Дўстингиз сал ушланиб қолибди, сиз bemalol дам олаверинг.

Назокат телевизорни қўйиб, дастурхон тузашга кириши. Гаплашиб ўтириб чой ичдик, талабалик йилларини эсладик. Шу орада овқат ҳам пишди. Бироқ, хонадон соҳибидан дарак йўқ эди. Ноилож ўзимиз тамадди қилдик. Овқатдан сўнг Назокат Анварнинг тамомила ўзгариб кетганлиги, кўп ичаётганлиги, рўзгорга қарамаётганлиги, ҳатто чакки босаётганлиги – қўйингки, бир аёл эри елкасига қўйиши мумкин саналган барча айбларни эринмай тахлаб чиқди.

Очиғи, дўстимнинг ичишидан бошқа нуқсонларига ишонмадим. Аммо, эркак зоти ўз-ўзидан ичкиликка берилмаслигини ҳам оҳиста таъкидлаб ўтдим.

Хуллас, ўша куни кўнглимда оғир бир тош пайдо бўлди. Лекин бу ҳақда Анварга оғиз очмадим. Ҳар ҳолда нодон одам эр-хотин ўртасига тушади, деб ўйладим...

– Назокат бир артистни ёқтириб қолибди! – Анвар бу гапни худди "яна ичсанми?" дегандай оҳангда айтди. Билдимки, сиртдан

ўзини хотиржам тутса-да, ботинида гам-гусса ичини каламушдай кемиряпти. Тўгри-да, қўйнингдаги ёр кутилмаганда бошқа биронга кучогини очса... Яна қанақа ёр, бутун вужуди билан севган, керак бўлса, жонини беришга тайёр маҳбуб бўла туриб, жуфти ҳалоли қўзига чўп санчса-я. Бундай фожиани душманингга ҳам раво кўрмайсан. Агар Анвар жонини жабборга бериб елиб-югурмаганида Назокат бугун соғ-саломат қолармиди?!

Ахир Анварнинг муҳаббати эмасми уни яна ҳаётта қайтарган?! Майли, эрга хиёнат қилсин, майли, севган ёрини ташлаб кетсин, аммо ўз ҳалоскорига нисбатан бундай бағритошлиқ қилиш соғлом ақл шуурига сифмайди. Билмадим, Анвардан қандай хатолик ўтди? Бироқ, у кечиришга лойиқ садоқатли, бағри кенг, меҳр-муруввати бекиёс инсон эмасмиди? Жуда қизиқ-ку, нега ҳаёт бунчалар бешафқат? Нега кўза синдирган азиз-у, сув келтирган хору зор? Нега садоқатнинг қисмати оғир, нега яхшилик баҳосини топиши қийин? Нега? Нега..?

Мана шу саволлар қийин-қистовга олаётган дамда Анвар воқеани батафсил тушунтириди: тасодифан бир йирик амалдорнинг тўйида танишган анчагина машҳур артист Анварга ёқиб қолади, уни уйига таклиф қилади. Эркаклар ўртасидаги муносабат мустаҳкамланиб, оиласвий дўстликка айланади. Деярли барча байрам, шодиёна кунлар, юбилейларни бирга ўтказишади. Навбатдаги сайр Чорвоқ дам олиш гўшасига уюштирилади. Одатда зиёфатларда ўзини эркин тутадиган Анвар тезда кайфи ошиб, палаткага кириб кетади. Ярим кечаси томоги қақраб уйгонади. Қараса, Назокат ёнида йўқ. Дарров ҳушёр тортади. Қўшни палаткага мўралайди. У ерда фақат артистнинг хотини чойшабга бурканиб, туш кўраётган экан. У тоғ йўлидан секин юриб, Чирчиқ дарёси қирғонигача тушиб боради. Беихтиёр қалин ўстган ўт-ўланлар орасидан Назокатнинг овозини таниб, тўхтайди.

— Бундай ўғирлик жонимга тегди, қачон масалани ҳал қиласиз?

Артистнинг овози қалтираб чиқади.

— Азизим, менга озгина муддат беринг. Аввал анови кампиримнинг паттасини қўлига тутқазай, кейин...

— Бу артистнинг қасамими ёки эркак сўзи?

— Жоним, кошки бу ёруғ дунёда фақат сизни деб яшаёттанимни билмасантлиз? Сизни кўрди-му, бутун борлигимни унутдим, чинакам ишқ савдоси бошимга тушди.

Назокат Анварга дадил гапиради. Артистни ҳам ўз измига солиб улгурибди.

У дастлаб ҳар иккаласини ўлдириб, дарёга отиб юборишни дилига тушибди. Аммо, шу заҳоти кекса ота-онаси, фарзандлари ёдига тушиб, ўзини босибди. Зотан, Аллоҳнинг қаҳрига учраганини, энди кўкларга кўтариб юрган, ҳаддан зиёд ардоқлаган муҳаббати заволини кўриши муқаррарлигини тушунибди.

Пастликдан артистнинг овози эшитилибди.

— Агар изн берсангиз, мастилигидаёқ гум қилардим, ёпиглиқ қозон ёпиглигича қолаверарди.

Назокат эркаланиб кулибди.

— Унга сизнинг кучингиз етмайди, жудаям бақувват. У бу оламда фақат мендан қўрқади, мен унинг жиловдориман.

Анварнинг чўяңдай муштлари қисилибди. Аммо, ҳозир хотини ҳақ фикр айтганлигини тан олибди. Афсуски, ўн йил Назокатнинг соясидай яшади, не ёруғлик кўринса, уни рўбарў қилди, не зулмга учраса, кўксини тутди. Уни деб илмий ишидан, севган касбидан воз кечди. У дунёда фақат Назокатни кўрди, уни эъзозлади, унинг ҳаётида яшади, ҳатто ўзлигини унугди. Энди эса...

— Шунақа таниқли артистми? — сўрадим мен разабимни босолмай.

— Ҳа, анча-мунча мухлиси бор. Дарвоҷе, сен уни кўрдинг-ку.

Хайронлигим ортиб, елка қисдим.

— Йўғ-е, қаерда кўрибман?

— Ҳалигина менинг телевизоримни кўтариб кетаётган аблак да.

— Шунақами? Вой пасткаш-ей. Бу уйга қандай кирди экан?

— Назокат калитни берганда...

— Ё тавба, ахир унинг сендан қаери ортиқ?

— Биласанку, эркаклар ақл-заковат билан, аёллар ҳис-туйғу билан ёқтиради.

— Ўткинчи туйғу худди довул каби кўнгилни вайрон этиб кетаркан-да... Хўш, энди нима қилмоқчисан?

Анвар бироз ўйга чўмди. Кейин бодом қовоқлари ортидаги кўзларида ўт чақнади.

— Тошкент менга торлик қиляпти. Боиси, доим менга уни эслатади.

Мен ўзлигимни у билан қориштириб юборган эканман. Ҳозир ўзимни танишим қийин кечаяпти... Ўйлаб-ўйлаб Москвага кетишга аҳд қилдим.

— Москвага... У ерда нима бор сенга?

— Илмий ишимни давом эттироқчиман. Кейин, юракдаги ўтни ўчироқчиман.

— Анвар, — дедим унинг билагига қўл ташлаб. — Битта аёл учун

ўзингни қийнама, фарзандларни, ота-онангни ёлғиз қолдирма.

Эссиэз, шу сўзларни айтмаслигим керак эди. Бу таскин унга бошқача таъсир қилди, кўзларидан ёш оқди. Шунда Шералининг "Эркак йигламасин дунёда" деган қўшиги гўёки бир наърадай қулоқларим остида жаранглади.

— Ботир, бир жиҳатдан сен ҳақсан, яқинларим учун керакман. Аммо, бир жиҳатдан ноҳақсанки, ҳозир мен ўзимда йўқман. Йўқ одам борларга қандай даъда бўлиши мумкин? Аксинча, ўз дарду ташвишим билан бошқаларга ортиқча юк бўлиш ниятим йўқ. Ахир менга кимнинг кўзи учиб турибди. Қолаверса, ҳамманинг менга ачиниб қарашини истамайман. Аввало, ўзимни топай, кейин яқинларимни ҳам топиб оламан... Мұҳаббат худди қиздирилган ёғ, тушган жойида, албатта, чандиги қолади. Майли, армон қолсин, ўкинч қолсин, аммо, қалбимдан унинг қиёфаси бутунлай ўчсин, бети қурсин.

— Тушундимки, бошингда бошпана бор.

— Ҳа, шу карvonсарой меники, яна Бектош ҳам. Қизим онасининг этагидан тутишди. Аввалига ўғлимдан ҳам воз кечмоқчи эдим. Аммо, у масалани чўрт кесди. "Мен қишлоқда ўсдим, қишлоқда яшайман", деди. Онаси унга нималарни ваъда қилмади. Машина, институтда ўқитиш, чиройли қизга уйлантириш...

Бектош шу гапларни охиригача ҳам эшитмади. Менга ҳам, унга ҳам қиё боқмай, секингина энамнинг қўлидан етаклаб, пастга тушиб кетди. Рости, шу баравар уни кўрмадим. Энди, Москвага кетиш олдидан қишлоқча бораман, ота-онамдан дуо оламан.

— Анвар, — дедим ҳамон маҳзунлик сиртмоғидан чиқолмай, — айт-чи, асли Назокатта уйланаёттанингда ота-онангдан розилик сўраганмидинг?

Анвар қалқиб кетди. Менга бошқача тикилди. Кейин бошини ерга тикиб деди:

— Ҳамма гапни ўзинг биласан-ку!..

Мана шу суҳбатдан сўнг Анвар Москвага кетди, Назокат ўша артистта турмушга чиқди. Ҳозир дўстим фан номзоди, доцент. Илмий ишини давом эттиряпти. Тез орада докторлик диссертациясини ёқлади. Аммо, ҳанузгача уйланмади, "аёллар фақат кўнгилхушликка ярайди, умрдошликка чидамайди", — дейди.

## 14

Бир муҳаббат тарихи ҳақидаги ҳикоя шу ерда тугади. Бу пайтда тоғлар орти оқаришиб, янги тонг кўз очаёттанидан шаҳодат берарди. Меҳмонхона томон ҳалиям қоронғу, чироқлар ёруғида зулмат тафти

у қадар сезилмасди.

Орага жимлик чўқди. Мезбон ёстиққа ёнбошлаганича чуқур ўйга толганди. Ботир анчадан буён ўзини бу қадар тетик сезмаганди. Гарчи кечаси билан мижжа қоқмаганилигига қарамай, вужудини бардамлик тарк этмаганди. Аксинча муздай ҳаво, гир-гир эсаётган шабада, ичкарида ухлаётган суюкли ёрини ҳали-замон кўнгилга ором бағишловчи дийдори кўзларидан уйқуни тортқилаб кетгандай эди.

Нижоят, мезбон тилга кирди.

— Ўша Назокат деганингиз асли отасига оқ бўлмаганимикан?

Очиғи, масаланинг бунақа дангал ва қалтис қўйилишини кутмаган йигит бир неча сония эсанкираб қолди. Кейин бу тўғрида ҳеч қандай гап эшитмаганилигини айтиб, ёстиқдан бош кўтарди.

Мезбон ортиқ чурқ этмай, ўрнидан қўзғаларкан, яна юракни зирқиравчи луқма ташлади.

— Хиёнат билан падарига оқ бўлишилик орасида фарқ ўйқ ука, бири иккинчисига йўл очади, бири иккинчисининг елкасидан суваб, оличлаб юради. Эҳ, аттанг, дўстингизнинг бошига оғир савдо тушган экан-да.

У шундай деб ошхона тарафга юрди. Бироздан сўнг бамдод намозига жойнамоз ёэди. Ибодатини тутатиб, яна меҳмоннинг олдига келди. Ботир ҳам муздай сувда юз-кўзларини юваб, чорпоядаги тўшаклардан жой ҳозирлаётганди.

— Сиз уринманг, мен ўзим, — уни тўхтатди қори ака. — Нима қиласай, нонуштага мастава яхшими ёки бошқа овқат тайёрлатайми?

Ботир биринчи таклифни матьқуллади. Ҳудди шу аснода ичкаридан гулли халат кийган Баҳор чиқиб келди. У ям-яшил майсалар орасидаги мармар йўлақдан юриб, қирғоққа келди, хотиржам ўтириб ювинди. Сўнг ичкарига кириб, ўзига оро бериб чиқди. Шунда ҳам эркаклар олдига кеъмай, узоқдан саломлашиб, меҳмонхона орқасидаги малиназорга йўл олди. Ботир суҳбатдошига узр айтиб, санамига пешвоз чиқди.

— Ташқарида совқотмадингизми? — меҳрибонлик билан сўради Баҳор.

Ботир эрталабдан қалби нозик ҳис-туйгуларга лиммо-лим тўлган, бир кечалик айрилиқ юрагига бир йиллик соғинч азобини солган эди. Сарвқомат дилбарининг момиқдай қўлларидан ушлади.

— Йўқ, совуқ емадим, — деди нигоҳини қизнинг хумор кўзларига қадаб. — Ахир Баҳорсиз-ку, аммо сизда ёз ифори, саратон ҳарорати бор. Шулар кечаси билан менга ҳарорат бағишилади.

Баҳор нозланиб, интичка қошларини учирди.

— Яхшику, ҳароратимни бир чақирим наридан ҳам ҳис қиларкансиз.

— Бир чақирим яқин-ку, Мағрибда турсангиз, Машриқда ўтириб сезаман.

— Ёлғон ярашмас экан, энди оширвордингиз.

Ботир ўзини оқлади.

— Асло, шоирлик мажнунлик, демакдир. Ишқ савдоси Мажнуннинг вужудини доимо оташ ичида сақлади. Ҳали бирон ошиқ совуқдан ўлган эмас.

Баҳор ёввойи малиналар мевасини териб, Ботирга узатди. Кейин гина аралаш сўз қотди.

— Нега ошиқлар доимо ўз ҳолатини баён этишга уринадилар? Маългуҳанинг изтироби уларни камроқ қизиқтиради.

— Сиз ҳақсиз, — кутилмагандага енгилганини тан олди йигит. — Ёдингиздами, Фарҳоддан Хисрав сўрайди:

Деди: Қайдин сен эй мажнунни гумроҳ?

Деди: Мажнун, Ватандан қайда огоҳ.

Деди: Қай чоқдин ўлдинг ишқ аро маст?

Деди: Жон эрмас эрди, танга пайваст.

Баҳор бир зум Ботирнинг оғзиға тикилиб, ҳайрон бўлди. Кейин секингина чапак чалиб, уни олқишлиди.

— Мен сизни қўшма корхона раҳбари десам, ширин забон актёр ҳам экансиз. Қойилман. Жуда таъсирландим. Тўғриси, Навоийни тушуна олмаганимдан хижолат тортаман. Биз Драйзерни, Гюгони, Гётени, Алъбер Камьюни, Байрон, Стендални биламиз, Пушкинни, Лермонтовни, Тургеневни ёд қилиб юборганимиз, аммо, Навоийни жуда кам ўрганганимиз. Ўқитувчимиз Израиль Ландсман: Курраи заминдаги шоирлар орасида сўз бойлиги жиҳатидан Ҳазрат Навоийга етадигани йўқ, деганида жуда фурурланган эдим. Аммо, буюк даҳонинг биронтағазалини муфассал шарҳлашга ожизман. Сиз ҳозир "Фарҳод ва Ширин" достонидаги байтларни шундай чиройли ўқидингиз-ки, чин юрақдан ҳавасим келди.

Улар битта-битта босишиб, тоғ ёнбағрига чиқишиди. Бу ердан юқорига ёлғиз оёқ йўл бор эди.

— Қизиқ, тепада нима бор экан? — Баҳор гапидан тўхтаб, йигитнинг эътиборини қуёш нурлари ёғилаётган қояларга жалб этди.

— Ўйчи ўйлагунча, таваккалчи ишини битирибди, қолаверса, ўзбек бирон нарсани қўзи билан кўриб, қўли билан ушламагунча

**ишонмайди. Юринг, айланиб келамиз.**

**Баҳор меҳмонхона тарафга қаради.**

**— Меҳмонлар туришса-чи?**

**Ботир унинг билагидан маҳкам ушлаб, юқорига тортди.**

**— Шаҳарликлар тушликкача кўз очишмайди. Айниқса, бундай мусаффо, бегубор ҳавода.**

**— Шошманг, Ботир ака, сиз ётиб дам олдингизми?**

**— Ҳа, мезбон билан анча дардлашдик.**

**— Нега мени ёлғиз қолдирдингиз?**

**— Кутдингизми?**

**— Үринсиз савол! Мен сизни ҳамиша кутаман. Ҳўш, нега ташқарида ётдингиз?**

**Ботир бу саволга қандай жавоб беришга ҳайрон эди. Очифи, у нега шундай қилганини ўзи ҳам билмасди.**

Билгани шуки, мезбондан тортиндид. Гарчи у водийликларга хос тавозени жойига қўяётганлигига қарамай, меҳмонларнинг ҳар бир ҳатти-ҳаракатини зиддан кузатиб юрибди. Бунинг сабаби ҳам аниқ. Шоҳимардон – азизлар макони. Бундай табаррук қадамжолар пок ниятли, ҳалол, кўнгли тоза одамларни бағрида кўтаради. Аммо, ичкиликбоз, майший бузуқ, фикри бузуқ кишиларни ёқтиргмайди. Ёқтиргмагани учун ҳам бир йил илгари қанча одамни сув ютиб юборди, ёмонларга қўшилиб қанча яхшиларнинг ёстиги қуриди?.. Ҳозир бу мулоҳазаларни Баҳорга айтгани билан у тўғри тушунармиди? Модомики, шунаقا ўйлар экансиз, у ҳолда мен билан юришга бало бормиди, демасмикан?

Хайриятки, юқорига кўтарилишгани сайин тог бағридаги ўтлоқлар, турфа гуллар, ям-яшил ўт-ўланлар, майса-гиёҳлар, игна баргли арчалар Баҳорнинг бутун эътиборини жалб этган эди. У ҳатто ёнидаги йигитни ҳам унуттан қаби, табиат гўзаллигидан ҳайратланиб борарди.

Қир унчалик баланд эмасди. Юқорида катта сайҳонлик бўлиб, теварак-атроф турли дов-дараҳтлар билан қопланганди. Энг чеккадаги дараҳтлар орасига кимдир ҳашаматли, чор-атрофи очиқ айвон қурдирибди. Айвон ичига айлана шаклида ўриндиқлар ўрнатилганди. Бу ердан бутун Шоҳимардон қишлоғи кафтингизда тургандай яққол намоён эди.

Тонги елвизак Баҳорнинг вужудида титроқ уйғотди. У халатининг ёқаларини кўтариб, маҳкамроқ ўранди. Ботир индамай яқинлашиб, унинг белидан кучди. Баҳор ҳам йигитнинг пинжига сукулиб кириб олди. Худди шу кўйи ўтиришди.

— Раҳмат, Ботир ака, — деди Баҳор унинг кўксидан бош кўтармай.  
— Агар сиз таклиф қилмасангиз, бизнес оқимидан чиқолмай юраверардим. Одам тез-тез табиат қучогида дам олиб туриши зарур экан. Умуман айтганда, шаҳар муҳити инсонни дағаллаштириб юборади, шекилли.

Ботир аёлнинг майин соchlарини авайлабгина силаркан, севиш ва севилиш нақадар баҳт эканлигини қалбан тўйди. Бекорга "Севги — Аллоҳнинг тұхфаси" дейишишмас экан-да. Жуда қызиқ, кечагина Андижонда шундай аёл яшаётганигини ҳатто тушида ҳам кўрмаган йигит, бугун унингсиз ҳаётини тасаввур ҳам қиломаслиги моҳиятини англашга қодир эмасди.

Орадан ҳеч қанча вақт ўтмади-ю, лекин, мана шу — сўзлари самимий, юраги тоза, барчага бирдай ишонувчан санамга бутунлай борганиб қолса-я. Авваллари кўпроқ ишини, хаста хотинини, оиласини ўйларди. Энди уларнинг барчаси тарозининг битта палласида-ю, Баҳор ташвиши алоҳида паллада. Куни кеча битта оқ қоғозга бир неча тилда "Баҳорни соғиндим" деб ёзиб чиқди. Ўринбосари кўриб ҳайрон қолди. "Ахир, баҳор узоқлашмай, дарров қўмсаяпсизми?" — дейди у жумла мағзини чақмай.

Баҳорнинг майин, титроқ овози унинг хаёлини бузди.

— Мен сизни узоқ кутдим, — деди у худди ўзига-ўзи галираётгандай. Шу топда бу товуш энтиқтирувчи кучга эга эди.

— Мен ҳам! — Ботир ҳали тафаккур қилмасдан шу жумла дилидан тилига кўчди.

— Ҳаётимга сокингина кириб келдингиз-у, бугун борлигимни остин-устун қилиб юбордингиз. Авваллари ўзим ҳон, кўланкам майдон эди. Энди эса оромимни йўқотдим. Доимо сизни ўйлайман, қўнгироғингизни кутаман, агар бир кун йўқламасангиз ўзимни қўйгани жой тополмайман. Севги шунақа кучлами? У қўлсиз, оёқсиз одамни таъқиб қиларкан, ипсиз борлаб қўяркан. Мен бирорга "ҳисобот" беришни сира ёқтирумасдим. Энди эса қаерга бордим, ким билан суҳбатлашдим, эртага режаларим қандай, шуларни сизга айтмагунча кўнглим тинчимайди.

Ботир ҳам нозик туйгулар оғушида сармасст эди.

— Менинг дардим мутлақо бошқача, — деди у қаршисидаги баланд қояларга ўйчан тикилиб.

Баҳор бошини кўтариб, йигитнинг кафтига иккала қўлини қўйиб, сўради:

— Қанақа дард экан, билсак бўладими?

— Бу шундай дард-ки, айтсан тилим, айтмасам дилим ёнади.

Аёлнинг қоп-қора киприклари катта очилди, кўзларида хавотир зуҳурланди.

— Мени қўрқитманг!

— Унда, эшитинг. Мен доимо бир ҳадикда яшайман. Назаримда, менинг севгим сизникidan кучлироқдай туюлади. Бу эса қалбимда ҳадик уйғотади. Худди бир кунмас-бир куни мени ташлаб кетиб қоладигандайсиз. Ў, бу даҳшатни идрок этмоқнинг ўзи қанчалар оғир, қанчалар азобли.

Баҳор пешонаси билан Ботирнинг елкасига туртди.

— Топган гапингизни қаранг. Одамни ҳам чўчишиб юбордингиз. Ҳеч маҳал муҳаббат ўлчовга сифармиди? Агар шу ишнинг уддасидан чиқолсангиз, айтинг-чи, ишқингиз қанча тош босади?

— Шоҳимардан тоғларича салмоғи бор, — жиiddий туриб деди йигит. — Ҳўш, сизники-чи?

Баҳорнинг жавоби ўзи каби гўзал чиқди.

— Мен севгимни тарозига қўймайман!

Йигит енгилганини тан олди. Қизнинг яноғидан ўпиб, ўрнидан қўзғалди.

— Етар, яна меҳмонлар етим қўзидаи жовдираబ қолишмасин.

Гарчи Ботир шу гапни айтганига қарамай, пастликка тушишга шошилмади. У теварак-атрофдан оқ, қизил, пушти сафсар гуллар териб, чиройли гулдаста ясади.

— Вой, мунча чиройли, бу гуллар менгами? — Баҳор югуриб унинг қўлидаги гулдастани олди.

— Ана энди тушсак бўлаверади.

— Йўқ, шошилманг. — Баҳор йигитнинг билагидан тортиб тўхтатди.

— Яна нима кўргулик? — Ботир орқасига ўтирилди.

— Аняга ҳам гул терайлик.

— Нега энди, яҳписи, бу масалада Анвар Чориевич бош қотирсан.

— Йўқ, аёл кишини хафа қилиш яхшимас, ёки мен шу гулдастамни бериб юборишмни хоҳлаялсизми?

— Асло! Бу гуллар ердан эмас, қалбимдан узилган ва фақат сизга аталган. Меҳмон учун бироз вақт сарфласак зарари йўқ.

Ботир шундай деб гуллар барқ уриб очилган сайҳонликка ўзини уради.

Бунинг устига томоги қақраб кетибди. Оғзини очмоқчи эди, чилла ёпишган лаблар бир-бирини қўйиб юбормади. Ўз аҳволидан кулагуси қистаб, лабининг ярмида жилмайди. Яхшики, шу тобда кўзгуга кўзи тушмади. Акс ҳолда қиёфасидан юраги орқасига тортиб кетарди.

У ҳузурланиб ётаркан, тезроқ бош оғриғига малҳам топишни истади. Бунинг учун ўрнидан қўзғалиш керак. Ҳаётда энг жини суймайдигани эрталаб туриш. Қанийди иш вақти пешиндан бошланса, то ярим кечагача ишлар эди. Фақат тонг саҳарлаб уйғотишмаса, бас.

У Аяна ётган каравотга эринибгина ўтирилди. Ўрин бўм-бўш, кўрпа-ёстиқлар теп-текис. Демак, энди оромини бузмаса чатоқ, бу москвалик хоним ҳазил кўтартмайди. Димоқ-фирорги бурнининг учидаги туради. Яна феъли айниб, кетаманга тушиб қолмасин.

Шу ваҳима билан қандай спорт костюмини кийиб, қачон йўлакка чиққанини сезмади. Ўзиям биринчи кўзи тушгани жазмани бўлди. У сочларини ёзиб, тонгти қуёшда қораймоқда эди. Юзини сариқ шляпаси билан обдон беркитибди, кофтаси йўқ, эгнида кенг юбка.

— Яхши ётдингми, малагим!

Аяна қиммир этмади. У худди мумиёлангандай қотиб қолганди. Анвар ёнига яқинлашганида, "яна беш дақиқа", — деб машгулотида давом этаверди. Йигит ҳам "худога шукр" айтиб, анҷор бўйига югурди. Йўл-йўлакай чорпоя устидаги тўқин дастурхонга қараб, бир нафас тўхтади. Ўланди, сўнг ортига қайтиб, кечқурун шишада қолган "шайтон суви"дан пиёлала гўйди.

Аввал ён-верига қаради. Ҳеч ким йўқлигига амин бўлгач, пиёлани бир ҳамла билан бўшатди. Газагига маъданли сувдан ҳўплаб, юзини ювгани сал наридаги қияликка энгашди. Кеча сувга ағдарилгани ёдига тушиб, бир қўли билан ёш қайрағоч танасини ушлаб олди. Энди юзини момиқ сочиққа артаётганида, меҳмонхона орқасидаги пастқам йўлдан қўйл ушлашиб, Ботир билан Баҳор тушиб келишди. Уларга қараб, Анвар ўзининг Назокат билан ўтказган гўзал дамлари ёдига тушди. Кўнгли бузилди. Эрталабки ароқ таъсирида қисиқ кўзларида аччиқ ёш думалади. Миясига урилган фикр қалбини тўлқинлантириди: севги худди шаробга ўшаркан. Аввал ўзига тортади, сўнг сархуш ҳаётга етаклади. Кейингиси фақат бош оғриғи... Ишқилиб, Ботирнинг омади чопсин, — оққўнгиллик билан орзулади у. Аммо, бу ниятига ўзи ҳам унча ишонмади. Оила деб аталмиш пойдевори мустаҳкам қўргон ичидаги асрай олинмаган муҳаббат уч киши орасида қўкарамиди?

Дўстининг ҳозирги қувончи худди сув сиртига қурилган иморатта

ўхшайди. Четдан маҳобатли ва жозибадор, ҳақиқатда эса, омонат. Майли, асли дунё шундай яратилгач, бошқаси чикора. Тўрт кунлик умрининг бир сониясини хуш ўтказгани ҳанча. Барibir тугал баҳт ҳақидаги умид ҳаёлий хилқатга ўхшайди. Ойнинг ўн беши қоронги экан деб, қолганидан воз кечиш бориб турган нодонлик. Аксинча, шундай умргузаронлик қилмоқ керакки, ўша ёруғ кунлар ортидаги зулматни-да ўзидан узоқлаштиурсин, бир ойлик саодат завқини берсин.

— Анвар ака, ассалому алайкум, яхши дам олдингизми?

Баҳорнинг жавдираган нигоҳи, файзиёб чеҳраси, ёш болаларга хос беғуборлиги мәҳмоннинг кайфиятига таъсир этмай қолмади.

— Ботир, бу саломми, қаломми ёки булбул хониши? Ўлай агар, бу овозни эшигтан Шоҳимардон қушлари уялиб, жанубга қанот қоқишиди. Бу мусиқа ўликни тирилтириб, тирикни ўлдиради. Ё худо, дунёдаги чирой, қадди-қомат ва ширин забонни атиги бир маҳлиқога бериб, қолганларини камситишингдан не наф кўрдинг-а?

Баҳорнинг юзлари лола янглиғ қизарди, уялиб бошини Ботирнинг елкасига яширди. Бу ўринда Анвар Чориевични сўзамолликда айбситиш, хушомадга мойиллигини писандада қилиш ортиқча. Илло, чиндан ҳам ул париваш ҳусни-жамоли гунгнида сайратиб, соқовни сўйлатадиган даражада таърифу таҳсинга лойиқ эди.

Кўм-кўк майдон этагида кўлида патнис кўтарган мўйсафид Аняни кўриб, таққа тўхтади, дарров юзини тескари бурди. Шу куйи бу тарафга қарамай, ошхонадаги ўспиринни чақирди. Мўйлови сабза урган новча йигитча ота қўлидаги патнисни олиб, тезда дастурхон устига қўяркан, мәҳмонларни ионуштага таклиф қилди. Бу манзарани кузатиб турган Баҳор битта-битта босиб, москвалик аёлга яқинлашди, қулогига бир нималарни шивирлади. Мәҳмон юзидаги шляпани олиб, Баҳорга нигоҳ бурди. Сўнг нозик табассум ила "пустъ" деб, яна бояги ҳолатига кирди.

Куёш чўққига миниб олган, унинг нурлари ерга найза каби ёгилаётгандай эди.

— Аня, — деди Баҳор янги дутонасини мезбон тарафдан пана қилиб. — Ҳозир қуёшда ультрабинафша нурлари кучайган пайт, эҳтиёт бўл, кейин баданингни фаранг косметологлари ҳам "суваб" кетолмайди.

Шу гапни эртароқ айтиши керак экан. Рус ойимқизи худди оёғи остига ўт ёқилгандай жилланглаб, мәҳмонхонага қочди. Тахминан ўн беш дақиқаларда ўзига оро бериб чиқди. Унинг қомати худди фотомоделларникидай хушбичим ва таранг эди. Ёши ўттиздан

ортганига қарамай, қизлардай кўркини йўқотмаганди.

Шу нафосатию назокатига монанд эркалиги ҳам бир олам эди.

Баҳорнинг бўйи ундан бироз пастроқ, гавдаси хиёл тўлароқ тюкларди. Юзидағи ҳаё пардаси унинг табиий чиройини ўн чандон ортиқ кўрсатарди. Бир сўз билан таърифлаганда, бириси шамсу, иккинчиси қамар, бири нақш олмаю, иккинчиси Наманганд нокидай тиник фаришта эдилар.

Ан язуни оёқларини букиб ўтиромай қийналгани боис ёнбошига иккита ёстиқ тахлаб қўйдилар. Тонгти субҳ сабоси қизларнинг сумбул кокилларини тортқилаб ўйнаб, тинимсиз тегажоқлик қилаётгандай.

— Яхшики, болиш бор, йўғи иккита, — деди Баҳор бошини кўтармай.

— Аксинча, ёмон, — унга қарши фикр билдириди Ботир. — Агар яна бўлганида, сиз ҳам суюниб олардингиз.

— Мен болишга эмас, сизга суюнишни хоҳлайман, — деди Баҳор ер остидан йигиттага қараб. Анварга бу лукма маъқул тушди.

— Офарин, синглим, чиндан ҳам топиб айтдингиз. Ҳақиқий эркак севгилиси учун мустаҳкам қоядир.

Ботир ҳам бўш келмади.

— У ҳолда хонимингизнинг ёнбошидаги болишларига не ҳожат?

— Ҳожати бор, — жиддий тус олди Анвар. — Ҳожати шуки, қоя тошдай қаттиқ. Аниа момиқдай юмшоқ, билсангиз ҳазрат Атойи: Ул париким, сув яқосинда паридек ўлтирур, ғояти нозиклигидан, сув била ютса бўлур, деб бизнинг ойсулувларни таърифлаган-да. Тўгрими, Аниҳон?

Аниа ўзбекча ибораларни тушуммаганлиги боис, бу сўроққа эътибор бермай, ҳусайнини узумини доналаб, уругини териб, бемалол ейишда давом этди.

Нонушта тутади. Маставани алқаб тановул қилдилар.

— Пешинга қадар Кўли қуббон зиёратига чиқамиз, — таклиф киритди Ботир. Сўнг бу кўлнинг тарихи, гўзаллиги, сувининг ложувардлиги ҳақида меҳмонларга сўзлаб берди. Таклиф бир овоздан маъқулланди.

— Шарт шуки, ҳамма спортча кийиниб олиши керак. Кўлнинг ярмигача осма йўл билан борамиз. У ёги тоглик, ҳарсанг тошлар кўп.

Дуога меҳмонхона мутасаддисини таклиф қилишди. Баҳор ҳамма ўрнидан турганида, дастурхонни йиғиштироқчи эди, мезбон кўнмади.

— Сизлар ҳордиқ, чиқаргани ташриф бу юргансызлар, хизматни йигитларимга қўйиб бераверинглар.

Баҳор раҳмат айтиб, хонасига йўналди. Ботир ҳам унинг ортидан кетаётганида, қори aka уни тўхтатди:

— Ботиржон болам, айбситмасангиз, сизда икки оғиз гапим бор эди.

Йигит сал нарида кетаётган Баҳорга "бораверинг" дегандай ишора қилиб, ўзи яна чорпояга келиб, омонатгина чўқди.

Мезбон калта мошгуруч соқолли, қарашлари ўтқир, лутғи кескир, гаплари анчайин ўқтам киши эди. Бир кечалик мулоқот унинг бу сифатларини англаш учун Ботирга кифоя қилганди. Ҳозир мавзуу кечки овқат масаласидадир-да, деган йўдаги йигит биринчи саволдан кейиноқ адашганлигини фаҳмлади.

— Менинг қизиқонлигимни маъэур туттгайлар, — гапни узоқдан бошлади мезбон. — Агар малол келса, мен дил очмадим, сиз эшигмадингиз, маъқулми?

Меҳмон индамай қуллуқ қилди.

— Айтинг-чи, шу аёlda кўнглингиз борми?

Ботир ялт этиб, суҳбатдошига қаради.

— Шундай, тақсир.

Сўроқ давом этди:

— Ҳойнаҳой, никоҳингиз йўққа ўхшайди.

Йигит мулзам тортди. Бироқ, кўнгли оғримади. Қайтанга устози қаршисидаги мурид каби бош эгди.

— Шундай, тақсир!

— Ўзим ўйлагандай-а! Ё тавбангдан кетай, Аллоҳим. Биз ожиз баңдаларни ўзинг кечиргайсан. Шу мулоқотдан сўнг қори aka яна савол берди.

— Модомики, ишқингиз тушибди, нега шу пайтгача ҳалоллаб олмадингиз?

Ботир пиёлага чой қуйиб, қўлига ушлади. Аммо, ичишга шопшилмади.

Мўйсафид ҳақ эди. Нега бу тўғрида илгарироқ фикрламади? Кўрқдими? Кимдан? Нимадан? Илгари замон бошқа эди, энди — чи? Эҳтимол қўш хотинлик залвори ва гап-сўзидан ҳадиксирагандир, одамлардан чўчигандир? Эл-юрт маломатидан ҳавотирланишга етган ақли нега Худодан қўрқишига етмади? Ахир кўнгил кўнгилга пайвандлиги зино гуноҳига кафорат эмас-ку. Икки қалбнинг бир-бирига орзиқишида мислсиз ҳаловат өтади. Аммо беникоқ қовушмоқлик ўша ҳаловатни ҳабадага чиқармайдими?

Бундай яқинлиқдан эришилган вақтинга ҳаловат ортида иницијосиз ҳаловатсизлик, то қиёматга чўзилгувчи хавотир кутмаяптими?...

Унинг дилидаги ички кечинмаларни сұхбатдоши "ойнаи жаҳон"да кўриб турғандай, энг оғриқли жойидан ушлаб, қисти – қафасга соларди.

– Муҳаббат – илоҳий ишқнинг қаноти, дебочаси. Уни аввал – бошдан покиза сақламоқ жоиз. Ахир, қайси инсон ўз севган одами юзига қора чаплайди? Аксинча, ҳозиргина бошига гулчамбар, дастига гулдаста тутқазиб қўйибсиз. Бу, зоҳирий илтифот. Ботинда эса дилига лой суртаяпсиз, қалб кошонасини топтаяпсиз, чиннидай тоза жойга ахлат ташлаяпсиз. Афсуски, буни оддий кўз билан илғаш маҳол. Бироқ, қалб кўзи чароғон кимсаларга ҳар нарса кундай равшан.

– Очиғи, маҳбубам бу таклифга кўнмасмикин, деган иштибоҳда әдим...

Ботирнинг асоси заиф туюлди. Ҳатто бу далилига ўзи ҳам ишонмади. Қори ака илк бора мийигида кулиб қўйди.

– Яна севган кишингизга тұхмат тошини отаяпсиз. Ҳеч қачон ҳақиқатдан юз ўтируманг, аксинча, унинг рухсорига тик боқинг. Ана шунда йўл қўйилажак гуноҳлар жалтаси дарров тўлиб қолмайди, ҳидоят йўли тўсилмайди.

Сиз мендан ранжиманг. Яхшиси, қори ака нега бизнинг тақдиримизга аралашяпсиз, деб сўранг. Сўраёлмайсиз, андиша жиловидан ушлайсиз. Ҳолбуки, дўппи тор келганида, андиша бошга соябон бўлолмайди. Ҳа, майли, гап кўпайса, мазаси қочади, мағзига путур етади. Хуллас, гап бундай, менинг безовталигим асносида бир ҳикмат зоҳир. Ҳикмат шуки, ўша аёлнинг дилида фаришталар бор. Ҳайрият-ки, улар бу маконни тарқ этишмабди. Бунинг сирсиноатини мен тавсиф қилолмайман, фақат Ўзига аён. Айтинг-чи, бирор марта шу аёлингиз доимо иши юришавераётганини айтганми, ёмонлик йўли кесилгани ҳақида оғиз очганми?

Ботир бир муддат ўйга чўмди. Кейин Баҳорнинг:

– Ботир ака, ҳамма божхонадан қийналиб ўтади, мен эса худди у хонадан, бу хонага чиққандай хавотир сезмайман. Дилемда бир ишонч ётади. Фурсати еттанида, кимдир энди йўл очик, дейди. Гоҳида бирон ишқаллик юзасидан божхонага киришим чўзилади, аслида бу "хавф"дан асрараш бўлиб чиқади. – деганларини айтиб берди.

– Ҳа, баракалма! Шундай аёлни залолатга бошлаш кечирилмас

**хатолик эмасми?**

— Ҳа, албатт! Сиз кўзимни мошдай очиб қўйдингиз.

Қори ака яна жиддий тус олди. Унинг серсоқол чеҳрасида ажаб файзиёблик зуҳурланди.

— Ҳали бу ҳаммаси эмас. Бу аёлдаги хислат ёғдуси танангизга мадор, сийратингизга нур бағишлайди. Сиз бу кучдан доимо қудрат топурсиз. Аммо вақт-соати келиб ундан айрилсангиз, бу йўқотиш даражоти биласизми нимага тенг келади?

Ботирнинг кўзлари катта-катта очилди. Ҳайронлиги кучайди.

— Йўқ, қори ака, мутлақо ғофилман.

— Бир умрга эслаб қолинг, бу айрилиқ сизга қимматга тушиши мумкин.

— Тушунмадим?

— Яхши, унда қулоқ солинг. Уйни чироқ чарогонлаштиргай. Маҳбубангиз сизнинг йўлчи юлдузингиздир. Юлдуз учса — умр сўнгай. Энди англагандирсиз. Маслаҳат шуки, мабодо бу зоти олияларини ҳифзи-ҳимоянгизга олсангиз, охирига қадар қўша-қаришлик тадоригини кўринг. Агар бунга кўзингиз етмаса, ёниглиқ қозон ёниглигича қолгани яхши.

Ботир икки ўт орасида ёнарди. Аввалига суҳбатдошининг гапларини шунчаки насиҳат ўрнида кўраётганди. Энди масала анча жиддийлашганини англади. Ҳозир-ку битта "хўп" билан қутилиши мумкин. Кейинчалик чиндан ҳам мўйсафид огоҳлантирганидай аросат йўлда қолса-чи? Ёки Баҳорнинг фикри ўзгариб, ўзини олиб қочса-чи? Эҳтимол, бу хавотирларида асос камдир. Унда Олиянинг, ўғли Қодирнинг тақдари не кечади? Ҳа, майли, вақт олий ҳакам. Чумчуқдан қўрқкан тариқ экмайди. Гарчи, бошқача ўйлаганида ҳам, барибир Баҳорни ҳаётидан, ёзуғидан чиқариб ташлай олмайди. Бу масаланинг бир жиҳати. Шу билан бирга, никоҳига ўтгани розилик берармикан? Эркин қушнинг қўлга ўрганиши оғир мاشаққат. Эҳтимол, унга ҳозирги ҳаёти ёқар. Яна ким билади?

— Қўрқяпсизми, болам?

Ботир ҳижолат тортиб, сохта жилмайиш билан суҳбатдошига қаради.

— Одам севганидан ҳам чўчирмиди? Лекин, унинг раъйини билмасдим, шунга нима дейишга ҳайронман.

— Қизиқ гапирдингиз-ку, эркак билан бир тўшакда ётишга ройиши бор аёл ҳалол яқинликка ҳоҳиш билдирумайдими? Менимча, сиз адашяпсиз. Қани, иссирининг борида маслаҳатлашинг иш пишса, ўзим никоҳлаб қўяман. Кейин менинг ҳам, сизларнинг ҳам

күнглиңгиз равшан тортади.

Ботир ичкарига кирганида, Баҳор ойнага қараб лабларини бүяётганди. Уни күриб, машгулотини тұхтатди. Худди ўнинчи синф қызларидай жойида сакраб, бир-икки айланди.

— Күренишим яхшими, Ботир ақа?

Йигит ҳазиллашди.

— Йўқ, мутлақо яхшимас!

Баҳор бир зумда шамдай қотди.

— Вой, нега? Бирон жойимда ишқаллик борми?

— Айтдим-ку яхшимас, деб. Яхши дейиш билан баҳоингизни пасайтирган бўламан, аслида жуда эўр.

Баҳор йигитнинг бўйнига осилиб, яноғидан ўпди.

— Шунақаям ҳазиллашасизми, қўрқиб кетдим. Ҳа, тинчликми, ўйланиб қолдингиз?

— Биласизми, Баҳор, шу топда миямга бир фикр кўнди.

— Хўш, эшитайлик-чи, қандай янгилик экан?

— Янгилик шуки, мен сизнинг қўлингизни сўрамоқчиман?

Қиз нозланиб ўнг қўлини узатди.

— Нафақат қўлим, қалбим ҳам сизнинг ихтиёргизда.

— Шу қарорингиз қатъийми?

— Ҳали шубҳангиз бормиди? Унда мени тушунмас экансиз-да.

Йигит қизнинг қўлидан маҳкам ушлади.

— Келинг, шу аҳдимизни исломий йўл билан мустаҳкамлайлик.

— Тушунмадим?

— Шу муқаддас қадамжоларда никоҳ ўқитайлик, гуноҳга йўл кўймайлик. Барибир, бизни Аллоҳдан ўзга ҳеч ким ажратолмайди.

Баҳорнинг кўзларида қувонч порлади. Киприклари намланди. Индамай бошини йигитнинг кўксига қўйди.

— Шу таклифни қачондан буён кутаётганимни билсангиз эди...

Иккаласи етаклашиб чиқишганидаёқ, мўйсафид улар ўзаро келишганлигини тушунди. Никоҳ маросимида Анвар билан Аня, яна бир ошпаз киши қатнашди.

Қори ака ёшларни исломий оила қурганлиги билан қутлаб, эр – хотинлик ҳуқуқ ва бурчларини тўла адo этишга чақирди.

— Қизим, — деди у Баҳорга юзланиб. — Бугундан эътиборан Ботиржон сизнинг шаърий эрингиз. Ўйлашимча, анча зукко аёлсиз, ҳеч қачон шу йигит измидан чиқмасликка ҳаракат қилинг.

Баҳор ял-ял ёниб, худди илк бора чимилидиқقا кирган келиндай бошини кўтаролмасди.

— Хўп, тоға, — деди у сокин овозда.

— Сиз эса, — энди мезбон йигиттга ўтирилди. — Шу аёлнинг барча камчилиги, рўзгори ва истакларини бажарасиз, асло камситмайсиз, хорламайсиз.

— Жоним билан, — деди Ботир ҳаяжонланиб.

Қори ака ҳамманинг эътиборини ўзига қаратди.

— Тўй ошини кечқурунга тайёрлаб қўяман. Энди бемалол сайр — томошага чиқишинглар мумкин.

... Бир ҳафта кўз очиб-юмгунча ўтиб кетди. Меҳмонлар қори ака, ошпазлар билан хайр-хўшлашиб, машинага ўтирдилар. Қишлоқдан узоқлашаётганда Баҳорнинг чеҳрасига хомушлик соя ташлади.

— Сизга нима бўлди? — меҳрибонлик билан сўради Ботир йўлдан кўз узмай.

— Назаримда, Шоҳимардан мен учун онамдай азиз жойга айланиб қолгандай. Уни тарк этиш кўнглимда соғинч ва ташналик туйғуларини уйғотмоқда... Мен сизга танимни бағишлаган эканман, энди бутун вужудим, борлигим ихтиёргизда. Мен тул хотинлик либосини ечдим, бошимда сиздай суюкли зерим бор. Илгари ёш эканман, бу каби таассуротларни илғамабман. Ҳозир эса баҳтимдан энтикиб, ўзимни сиғдиролмаяпман.

Ботир ўнг қўли билан Баҳорнинг елкасидан қучиб, ўзига тортди. Қиз ҳам шундайгина у тарафга эгилди.

— Ҳой ёшлар, бу нима қилиқ, — орқадан Анварнинг ваҳимали ҳайқириғи янгради.

Жавоб ҳам ёнидан эшитила қолди.

— Уларни тинч қўй, буни ишқ, дейдилар.

# **ИККИНЧИ ҚИСМ**

Неъмат Солиевич вилоят прокурори ўринбосари Мамоқовни синчилаб кўздан кечиргач, столи устидаги ёзувларни эринмай қараб чиқди. Доимо одамларни даҳшатта соглан таниқли қонун посбони шу топда профессорнинг бир оғиз гапига маҳтал эди. Унинг қорамагиз юзи анча синиқкан, бургут кўзларидай нигоҳи сўниқ, бурун атрофидаги ажинлар анча чуқурлашган эди.

Ниҳоят, шифокор қоғозлардан бош кўтариб, Мамоқовга назар ташлади. У одатда гапнинг индаллосини айтиб қўяр, bemorning ҳолатини сира яшириб ўтиргасди.

— Айтинг-чи, Қосимжон Мамоқович, яшашни хоҳлайсизми?

Прокурор муовинининг овози ўзгарди. Шубҳасиз, бу таъкид унинг юрагига ботмаганди. Ҳозир сиҳат-саломатлигигина змас, жони шу одамнинг қўлида. Агар ўз дардини билмаганида, бунақа муомала учун, албатта, ҳисоб-китоб қилишдан тоймасди. Дилидан не ўтса ўтди, лекин, тилида бошқа лутф янгради.

— Албатта, Неъмат Солиевич, ҳар ҳолда ҳали ёшмиз, оддинда режалар бор.

— Ҳа, Аллоҳдан умидим кўп денг...

Мижоз бу фикрни астайдил маъқуллади.

— Шундай. Айни ўйнаб – куладиган вақтимизда "мотор" устук бериб турса-я.

Профессор кулиб қўйди.

— Очиги "устук" бергани сизнинг фойдангиз. Негаки кўкрак қафаси ичиди муштдай тирик жон борлиги ёдингизда туради. Одамзод буткул ишни ўзим бажардим деб, катта кетаверади. Ҳолбуки оғирлик шу митти аъзо зиммасига тушади. Хуллас, гап бундай. Агар яшашни истасангиз ишдан бўшайсиз.

— Нима??!

Мамоқов жон ҳолатда тик туриб кетганини пайқамади.

— Юрагим шунақа заифми?

Неъмат Солиевич уни тинчлантиришга уринди.

— Агар сизнинг фикрингизни тасдиқласам, жуда оширворган бўламан. Бироқ, юрак чиндан ҳам муолажага мухтож. Қанча тез даволансангиз, шунча яхши.

Мижоз оғир тин олди. Жойига чўқди.

— Ҳўп яхши, клиникангизга ётаман. Аммо, ишдан узоқлашиш шартми? Бутун масъулият менинг елкамда турибди, вазият ҳам

қалтис...

Профессор бўш келмади.

— Мен амалдор эмасман, бор-йўғи саломатлик посбониман. Агар юракка дам бермасангиз, кейин ҳордиқча ҳам унамай қўяди. Сиз ҳозир ўзингизни ўйланг, иш бўлса қочмайди.

Қосимжон Мамоқович индамай қўзғалди. Эшик ёнига борганида, хона соҳибига базур илжайди. Аммо, ташқарига чиқиб кетолмай, орқасига қайтди.

— Розиман, фақат ўзингиз даволайсиз.

— Бу, бошқа гап. Камида бир йиллик таътили мўлжаллайверинг. Ушаңда яна отдай кишнашингизга кафилман. Ҳозир ҳар бир стресс асабингизни зеввлайди, бошқа аъзоларга хунук таъсир кўрсатади.

Мана, еттинчи палатада қўшма корхона раҳбари Ботир Аҳмедович, деган йигит ётиби. Сизнинг-ку ташҳисингиз аниқ. Бир ҳафтаки унинг дарди қоронгу. Чунки у ҳам оила, корхона, ҳокимият, деб касаллик бош кўтарганида, писанд этмаган. Юриб енгвораман, деб ўйлаган. Алалхусус, ҳозир аҳволи оғир. Кеча водийлик ҳамкаслар иштирокида консилиум ўтказдик, аммо, аниқ фикрга келолмадик. Сизга ҳам маслаҳатим шу, тезда амал курсисини топширинг.

Қосим Мамоқович эрталаб келишга ваъда бериб, касалхона ҳовлисига чиқди. Неъмат Солиевич яна Ботир ҳақида ўйга чўмди. Касаллик варақасини қўлида ушлаб, унинг ҳар бир сатри ёд бўлиб кетганлигини эслади. У ўз оёғи билан келиб, шифохонадан "темир от"да кетган касалларни кўп кўрган. Бундай воқеа ҳамиша шифокор қалбida чандиқ қолдиради, кайфиятини бузади.

Ўтган бир ҳафта мобайнида Неъмат Солиевич Ботирни худди ўз ўғлидай ёқтириб қолди. Ҳамиша катта-катта кўзларини шифтга қадаб, ўйчан ётадиган бу йигит юрагида катта жароҳат борлиги аниқ. Лекин, у қандай яра, қандай касаллик?! Нега у юзини кўрсатмайди, дengiz тубидаги йиртқич жонивордай беркиниб тишини қайрайди?

Ҳар кунги ташриҳлар, ташҳислар сира ўзини оқламаяпти. Қарангки, ҳамма аъзо соат каби бир маромда ишлайпти, лекин, соғлиқ кун сайин орқага чекиняпти. Кеча Патидин Кулсинович ҳам бемор билан анча гаплашиб, охири бир қарорга келолмай, бош чайқаб чиқиб кетди.

Ҳаётда чорасизлик энг оғир қисмат. Тиббиётда эса фожианинг ўзи. Кўзлари жовдира ётган беморга ёрдам кўрсатолмаган дуҳтири ҳолатини фақат бошқа ҳамкаслигина тўла тушуниши мумкин.

Шу пайт Неъмат Солиевичнинг қўл телефонидан "Ёлғиз чўлон" мусиқаси янгради. У столи устидаги кафтдай матоҳ қопқоғини очиб, қулогига яқинлаштириди. Устози Патидин Кулсинович экан. Бу жонсарак профессор уйига бориб ҳам тинчимабди-да.

— Неъматжон! — Устознинг ўқтам овози тиниқ эшишилди. — Анови германиялик ошнангиз ким эди? Ҳа, ўша билан боғланмайсизми? Тўғри, уларда назария оқсайди, аммо, амалиётда биздан анча илгарилаб кетишган. Манзилгоҳи борми? Жуда яхши, электрон почта орқали барча ташриҳларини жўнатинг, эҳтимол, чиқмаган жондан умид, деганларидаи бирон янгилик топилиб қолар. Иложи бўлса, шу бугуноқ боғланинг. Хўп, сизга муваффақият...

Неъмат Солиевич вақтни бой берадиганлар тоифасидан эмасди. Боз устига, беморнинг жони қил устида, агар озгина ҳаялласа, виждон азобида қолиши аниқ. У монитор ёнига ўтиб, компьютерини очди, мюнхенлик қадрдони, асли Россияда ўқиган Давид Васильевич Неберижденинг электрон почтасини топди. Ботирнинг касаллигига оид энг муҳим ташриҳ ҳамда бошқа тиббий хуносаларни қисқача баён этиб, манзилга жўнатди. Ҳар эҳтимолга қарши ўз почта кутисини очиқ қолдириди.

"Ишқилиб тезроқ кўзи тушсин-да, — ўйланди у. — Давид Васильевич бундай мураккаб вазиятларда доимо ёрдам қўлини чўзган".

Асли улар бундан уч йил муқаддам ҳалқаро кардиологлар конгрессида танишган эдилар. Ўшанда юрак хуружининг руҳиятга боғлиқлик муаммолари хусусида баҳс-мунозарали чиқишлилар бўлганди. Ўзбекистондан таклиф этилган олимлар ичидан Неъмат Солиевичга маъруза учун сўз берилди. Очиги, у бу чиқишига ролпароса уч ой тайёргарлик кўрган эди. Шу боис, дунёнинг турли бурҷакларидан келган кардиологлар унинг илмий маърузасини қизгин олқишиладилар. Танаффусда американлик машҳур олим, Нобель мукофоти совриндори Леонардо Игнарро ўзи ёнига келиб, самимий муборакбод этди.

— Менга, айниқса, таклифларингиз маъқул, — деди у ёқимли жилмайиб. — Билсангиз, азизим, фан кутилмаган таклифлар асосида ривожланади. Олимнинг хато фикридан ҳам натижа чиқиб қолиши мумкин. Ахир, фаранглар бекорга "хато фикр ҳам фикр", дейишмайди-да.

Неъмат Солиевичга профессорнинг самимияти жуда ёқди. Улар қўлтиқлашиб, ойнаванд залнинг охиригача сұхбатлашиб бордилар. Орта қайтишаётганида, уларга баланд бўйли, қомати тик, тепакал,

сан – сариқ киши қўшилди. У ўзини Давид Васильевич, деб таништиаркан, америкалик ҳамкасбига унча аҳамият бермай, ўзбек олимими гапга солди.

– Маърузангизда ноёб фикрлар кўп. Шу боис, мен сизга илмий ҳамкорлик таклиф қилмоқчиман. Гап шундаки, кўпчилик шифокорлар юрак фаолиятига у хасталикка дуч келганидан сўнг эътибор қаратадилар. Ҳолбуки, юрак асло оғримаслиги, аниқроғи, оғришига йўл қўймаслик зарур. Сиз мени тушуняпсизми? Аммо, бу масаладаги мушоҳада кўламини бойитиш мақсадга мувофиқ. Сиз ўз чиқишингизда руҳиятга таъсир этувчи манбалардан асосийсини унугиб қодирдингиз!

Неъмат Солиевич ҳурмат юзасидан жаноб Игнаррога қаради. Афтидан, у рус тилини ҳам яхши билади шекилли, индамай суҳбатга кулоқ тутарди.

– Хўш, қайси манбани назарда тутаяпсиз? – Неъматжон ўрнига савол берди Нобель мукофоти соҳиби.

Давид Васильевич холерик тоифадаги кишилардан бўлиб, бутун куч-ғайрати юз-кўзидан яққол сезилиб турарди.

– Қайси бўларди, муҳаббат таъсири-да.

Энди улар маҳобатли меҳмонхонанинг доира шаклидаги фойесида – баҳайбат фаввора олдига келиб қолишганди.

– Фикрингиз тўгри, – деди Неъматжон Солиевич босиқлик билан. – Ишқ, севги юракка нечоғли изтироб берса, худди шу миқдорда руҳий ҳузурланиш, роҳат ва таскин ҳам багишлади. Ҳали ўттиз йиллик иш фаолиятимда ишқ дардидан ўлган одамни учратмадим.

Тепакал Давид Васильевич баҳслашганида, худди урушиб кетадигандай ҳолатга кирап, тез-тез гапирап, суҳбатдошининг далилларини охирига қадар эшитмай, ўзиникини маъқуллашга тушарди. Шунга қарамай, у, шак-шубҳасиз, ўз касбининг чукур билимдони эканлиги ҳар бир ташбех ва муқоясасидан билиниб турарди.

– Азизим, – деди у энди америкаликнинг ҳам эътиборини қаратиб. – Сиз ишқ дардидан узлатга чекинганларни учратмаганлигингиз мутлақо табиий. Негаки, бундай беморлар ўлса ўлади, аммо қандай қилиб шу аҳволга тушиб қолганини айтмайди ёки ўзи ҳам билмайди. Биз эса буни стресс, деймиз, зўриқиши деймиз, жигар, буйрак, ўт пуфаги, деймиз, асло чин "айбдор"ни билолмаймиз. Мен сизга айтсан, муҳаббат хасталиги худди инфаркт, инсульт каби оғир асоратли дард.

Мусиқа янграб, баҳс шу ерда узилиб қолди. Бу конференция залига таклиф ишораси эди.

Шундан кейин ҳам таниқли кардиолог билан ўзбекистонлик олимнинг ўзаро дўстона алоқаси узилмади. Улар аввалига ҳалқаро симпозиумларда, конференцияларда учрашиб турдилар. Бу яқинлашув ижодий ҳамкорликка айланди. Андижон Тиббиёт институти билан Санкт-Петербург олийгоҳи ўртасида телекўприк ўрнатилганда, биринчилар қатори Давид Васильевич андижонлик талабаларга масофадан туриб маъруза ўқиб берганди. Аммо орадан бироз муддат ўтгач, у Германиянинг Мюнхен шаҳридан кўним топди. Ўша йирик шаҳардаги ҳарбий госпиталда лаборатория мудири вазифасида иш бошлади.

Ўтган йили у Неъмат Солиевични Мюнхенга таклиф қилди. Бу шунчаки меҳмоннавозлик эмас, илмий-амалий алоқа эди. Профессор икки ҳафта немис талабаларига тиббий кашфиётлар, Ўзбекистон олимларининг юрак-қон томир касалликларини даволашдаги муваффақиятлари, буюк Абу Али ибн Синонинг "Тиб қонунлари" китобининг моҳияти хусусида қатор маъruzalар ўқиди.

Қайтишида Давид Васильевич, табиатига хилоф равища, хотамтойлик кўрсатди. Меҳмонга сал ишлатилганлигига қарамай, чиннидай ярақлаб, кўзни қувонтирадиган "BMW" машинасини тақдим этди.

Неъмат Солиевич оёқ тираб, бундай катта совғани ололмаслигини уқдиришга уриниб кўрди. Аммо, қайсар кардиолог "гаҳ" деб айтганидан қайтмади. Машина эвазига Неъмат Солиевич Мюнхен ҳарбий госпитали билан қисқа муддатли шартнома ҳам имзолади. Хуллас, бирорнинг ҳақи бошқасида қолмади.

У машинани ҳайдаб, юртга қайтаётганида, иккита қизиқ воқеа рўй берди. Биринчиси, Германия билан Польша давлатлари божхона масканида содир бўлди.

Немислар "BMW"ни индамай ўтказиб юбориши-ю, бироқ, Польша божхона ходимлари анча тихирлик қилиб туриб олишиди. Боз устига, бунақа транзит автомобиллар икки юзга яқин эди. Неъматжон Солиевич нима қилишини билмай, боши қотиб турганида божхонанинг ихчам биноси ари уяси каби фужгон урди. Бошига узун айвонли, цилиндрсиз кепка қўндирган божхона ходимлари "пан бошлиқ хушидан кетди", дея ўзларини ўтдан чўқقا уришарди.

Профессор мўъжазгина бинога суқилиб кирди. Ичкаридаги жона эшиги очиқ, шифокорлар жон-жаҳди билан полда узала тушиб ётган одамга ёрдам беришарди. Йўлак бўйлаб югуриб келаётган тиббиёт

ходими қаршисидаги нотаниш кишини кўриб, фигони фалакка кўтарилиди.

— Бу қанақаси, сиз бу ерда нима қилиб турибсиз? Қани, тезда ташқарига чиқинг!

Неъмат Солиевич ярим поляқ, ярим инглизча талафузда сўзлаётган ҳамкасбига индамай гувоҳномасини кўрсатди. Аввалига хушламайгина гувоҳномани ўқиган дўхтирининг тунд юзи хиёл ёрииди:

— Ў, пан профессор. Марҳамат!

— Ўзи нима гап? — вазиятни билмоқчи бўлди меҳмон.

— Инфаркт, пан бошлиқ юрак хуружига учради.

Поляклар профессорга ишонишди. Неъматжон беморни синчилаб кўздан кечирди. Юрак ва томир уриши, кўз қорағи, қон босими, нафас олиши, хуллас, дала шароитида ўрганиш мумкин бўлган барча ташрихларни ойдинлаштириди. Сўнг қаддини ростлаб, атрофини ўраб турган ҳамкаслари фикрига қарши чиқди.

— Но инфаркт!

Шошилинч ёрдам шифокори мулзам тортиб, пешонасини ушлади.

— Тезда иситадиган бирон нарса топинглар!

Аммо, бундай матоҳни келтиришолмади.

— У ҳолда дазмол бордир?

Хайриятки, божхона масканида дазмол бор экан. Неъмат Солиевич беморнинг кўксига қиздирилган дазмолни босди. Ҳамма ҳайрон, бироқ, ҳеч ким унга эътиroz билдирамасди. Орадан ўн дақиқа ўттач, божхона бошлиғи кўзини очди. Тепасида турган шифокорларга кўзи тушиб, ҳайрон қолди. У ўрнидан қўзғалмоқчи эди, шифокорлар гуруҳи раҳбари "қимирламанг" дегандай бош чайқади. Шу пайт Неъматжон унга қўл узатди.

— Бемалол тураверинг, хавф ўтиб кетди.

Ҳаёти сақлаб қолинганидан боши кўкка етган божхона бошлиғи пан Подольски ўзига нима кор-ҳол бўлганлиги билан қизиқди. Неъматжон ташҳисни айтди.

— Кўкрак қафаси мушаклари ўткир яллиғланиши туфайли инфарктсимон ҳолат юз берган.

Пан Подольски Неъматжонни ўлиб, бағрига босди. Ёнидан пул чиқариб узатди. Аммо, меҳмон бу мулозаматга эътибор бермади.

— Унда қандай хизмат бор? — сўради Пан Подольски.

Неъматжон Аллоҳ ёрлақаганини тушунди.

— Мени чегарадан кўйиб юборсангиз!

Бу илтимос катта дабдаба билан адо этилди. Ҳаттоки, Белоруссия

чегарасига қадар уни кузатиб қўйишди.

Машина ниҳоятда енгил, ҳайдаш учун қулай эди. Икки кун дегаңда Вурцен – Липецк – Гданск – Варшава – Брест – Саратов – Уфа – Челябинск шаҳарларини босиб ўтиб, Қозогистоннинг Кустанай вилоятига кириб кеди. Бу орада Қозогистон чўлларини қалин қор эгаллаб ётганди. Қор ёруғида тўғри йўлда кетаяпман, деб хаёллаган Неъмат Солиевич тез орада қор утоми исканжасига тушиб қолганини тушунди.

Теварак-атроф бийдай саҳро, қор бўралаб уряпти. Бир, пасда атрофни қоронгулик босди. Шунда унинг юрагини ваҳима эгаллади. Наҳотки бу "тузоқ" да қолиб кетса? Ҳадемай, машина гидираклари қор остида кўринмай қолди.

У фикрларини жамлаб улгурмай қархисида чироқ ёнганига кўзи тушди. Инсон доимо нурга талпинади. У машинасидан базўр тушиб, ёргулик чиқаётган тарафга юрди. Тиззасидан келадиган қор қадам босишни қийинлаштира, шундай довулда ҳам аъзои-бадани терлаб кеттанди.

Нур анчагина маҳобатли ўтов туйнугидан таралаётган экан. Пайпаслаб бориб даричасимон қалин филофни четта сурibi, ичкарига кирди. Даставвал кўзи ҳеч нарсани илғамасди. Бир оз ўтга, ним чироқ ёруғида ўтов тўрида инқиллаб ётган мўйсафид кўринди. Ўтвдан ҳайвон ёғи иси анқиса ҳам ҳийла покиза эди.

– Қўноқмисан? – чол оғир инграб сўради.

Неъматжон салом бериб, устки кийимларини ечди. Оҳиста яқинлашиб беморнинг пешонасини ушлади. Унинг иситмаси анча баланд эди. Баҳтга қарши аптечкаси машинасида қолибди. Бир оз иккиланиб турди-ю, яна изига қайтди. Ўн қадам наридаги машина ойна чизигига қадар кўмилиб қолган эди. Бир амаллаб олд эшикни очди, орқа ўриндиқдаги асбоблари, дори-дармонларини олиб, ўтогва кирганида чол ҳамон соат каби бир меъёрда инграб ётарди.

– Сени Худо етказди, – деди у кўзларини очмай. – Акс ҳолда ўлиб қолсан ҳам бирор билмасди.

Меҳмон чолнинг қари тут танасини эслатувчи тор пешонасига ҳўл сочиқ босиб, дори тайёрлашга киришди. У аввал баданини чарчатаёттан ҳароратни туширмоқчи эди. Бироқ, бемор инжиқ чиқиб қолди, игна санчипга қаттиқ қаршилик билдириди.

– Барибир куним битган, бекорга жонимни қийнама, омонимда калима келтирай.

Шу тобда профессор ўз бошига тушган мушкулликни унугтган, бутун фикри-хаёли мезбонга ёрдам беришга қаратилган эди.

- Аввал иситмангизни қувиб ташлай, кейин калима келтирасиз, — деди у ҳазиллашиб.

Орадан бир пиёла чой ичгудек вақт ўтди. Ташқарида бўри "ув"лай бошлади.

— Бечора, оч шекилли, — пичирлади қозоқ чол. — Агар она бўри оч қолса, ўтовга ҳужум қилишдан ҳам тоймайди.

— Нима қилиш керак? — юрагидаги ваҳимани босиб хиёл "чеҳраси очилган" мижозига қаради меҳмон.

— Нима ҳам қила олардик, — тақрорлади бемор яна инқиллаш кераклиги ёдига тушган каби. — Аллоҳдан најжот тилаймиз-да.

— Милтиғингиз йўқми? — Неъматжон бу савонни бермоқчи эмасди, аммо беихтиёр дилидан тилига кўчди.

Қария ялт этиб оқ-сариқ юзли, кўзлари тийрак, чеҳраси сипо меҳмонга ўтирилди.

— Бўлганида нима, — деди у яна оғир нафас олиб. — Бўри қутурмасин, акс ҳолда ўтовни тилка-порасини чиқариб ташлайди.

Энди теварак-атрофда "ув"лаган овоз кўлпайиб, чиндан ҳам ваҳима кучайди. Аммо, мезбон бутунлай хотиржам, худди чўян каби қизғиш, камсоқол юзини ўтов учига тикиб ётарди.

— Наҳотки, Дуйсунбой келишга улгурмаса? — унинг товушида чуқур ҳадик бор эди. — Агар жон берсан, овулдагиларга қийин бўлади. Шундай совукда гўр қазиш осонми?

Неъматжон иситмаси тушиб, тил-жаги анча ечилган мўйсафидинг томирини ушлади.

— Асли қаерингиз оғрияпти?

Чолнинг хира кўзлари нурсиз ва шунга яраша файэсиз йилтиради.

— Қон кетялти, назаримда, ичакларим ириганга ўхшайди.

— Нега шундай деб тусмолляяпсиз?

— Чунки қорним ғулдиряпти, ичим бураяпти, яна бунинг устига бояги гап.

— Яхши, кеча бирон нарса тановул қилибмидингиз?

— Ҳа, ўтвода қазидан бўлак луқма йўқ. Сабаби ўзим ҳам ёқтираман. Аммо, овқатда не айб.

Професор ичида кулиб қўйди. Содда чол қонни кўриб ҳаттиқ қўрқиб кетибди, шекилли. Аслida йўғон ичак шамолмаган. Ичакларни ювиш, парҳез қилиш ва яна антибиотик бериш билан уч кунда даволаш мумкин. Бунинг учун бемор унга ишониши керак.

— Мен ўзбекистонлик шифокорман. Худо хоҳласа, 3-4 кунда отдек бўб кетасиз.

Хаста одам жилмайса, худди йигламсираганга ўхшайди. Чолнинг

қиёфаси ҳозир ундан-да аячли кўринди.

— Ўзбекистондан дегин... Сортлар азалдан ҳазилкаш бўлади. Ҳа, майли, шунисига ҳам шукр.

Шу пайт ўтов атрофига жимлик чўқди. Бўрилар нола чекишиб, тобора узоқлашишаёттанди.

— Қари туллақда ион қолмаганлигини ҳатто йиртқичлар ҳам пайқашди, энди хотиржам ухласак ярашади, — деди мезбон бошини қимирлатишга уриниб.

Профессор уй шароитига бажариш имкони бўлган муолажаларни бажаришга киришди. 2-3 соат мобайнида беморнинг ҳолати бироз яхшиланди. У ишни тутатиб, қалин матони қайириб, машинаси боттан тарафга тикилди. Машина оппоқ қор оғушида бутунлай кўринмасди.

"Эрталабга қадар дам олаверай-чи, тонг отгач, бир фикрга келарман", деб мулоҳаза юритди. Сўнг қалин матрас устига катта сочигини ёзиб, уйкута чўқди.

Тонг ёришганида, қулоғига ғала-ғовур эштилди. Иргиб туриб очиқ ҳавога чиқди. Ўтвдан йигирма қадамча нарида 3-4 одам гурунглашиб туришарди. Айтидан қор остидаги "BMW" қаердан келиб қолганига қизиқишаёттанди.

Неъматжон бемор ётган томонга кўз ташлади, бироқ, унинг ўрни бўш эди. Бошига теллагини кийиб, ташқарига югурди. Чиндан ҳам мезбон одамлар орасида уларга нималарнидир тушунтиради.

Ўтвдан йўлакка қадар масофа энсиз кураб қўйилган эди. Овудошлар меҳмонни илиқ қаршилашди. Биринчи масала машинани "асирлик"дан кутқариш мавзусида кечди.

— Ҳозир қўлимиздан ҳеч иш келмайди, — деди ўтов эгаси барчанинг эътиборини ўзига қаратиб. — Ҳали-замон Дуйсунбой мендан бирров хабар олар, ўшанда гишт қолипдан кўчади. Ҳозир қўноқни сийланглар...

--

Неъмат Солиевич компьютер мониторидан кўз узмай хаёлга берилиб ўтирганди. Дафъатан унинг хатига Мюнхендан жавоб келди. У ҳозиргина жўнатган мактубини ҳамкасби "очиб" ўқииди, деб ўйламаганди. Севиниб кетди. Мониторда қуийдаги жумлалар ёзилганди:

— Аэзизим, Неъмат! Беморингнинг ташприхларини кўриб чиқаман. Жавобини эртага жўнатаман. Сени қучиб, Давид!

Неъмат Солиевичнинг елкасидан тоғ афдарилгандай туюлди. Демак, касаллик сири очилса, муолажа тезлашади. Асли шундай

навқирон йигит умри бемаҳал ҳазонга айланиши адолатдан эмасди. Унинг кўнгли хотиржам тортиб, яна бояги тассуротларга берилди. Оқсоқолнинг ўғли Дуйсунбой ўша куни келмади, эртаси ҳам бирор йўқламади. Унга қадар қария соғайиб, йигитлардай ғайрат камарини боғлаб олганди. У ёш профессорга қайта-қайта миннатдорлик билдирар экан, ўғлининг бағритошлигидан нолиб қўйишни канда қиммасди. Ўғил эса 30 минг гектарлик чорва хўжалигининг раҳбари экан. Ниҳоят, Дуйсунбой "вездеход" ида ташриф буорди. Остонадаёқ 2-3 ҳамчи билан сийлангач, отасидан астойдил узр сўради. Қор қалин ташлаб, сурув ва отарларда безовталик кучайтганлигини, шу боис хабар олиши кечикканлигини айтиб ўзини оқлади.

Натижа шу билан тугади-ки, "BMW" ни 10 тонналик кран билан КамАЗга юклариб, то Чимкент чегарасига қадар олиб келиб беришди. Жамбулда қор сийраклашиб, Чимкентта кириб келганида, бутунлай кўринмай кетди...

## 2

Орадан беш йил ўтди. Севишганлар учун беш йил нима, гўё кўз очиб юмгунча ўтган вақтда.

Бу муддат Ботир Аҳмедович ҳаётидаги энг лазиз, энг ҳаяжонли дамлар эди. У севги деб аталмиш туйгулар оғушида ўзини сармаст сезар, муҳаббат асли фақат бир фасл – фақат баҳордай туюлар ва бу кўкламдайн фараҳбахш онлар сира-сира тутамаслигини дилидан хоҳларди. Ажаб ҳолки, Баҳорга қанчалик яқинлашса, унга нисбатан ишқи янада ортиб, аланга олаёттанини ҳис қилас ва қалбидағи бу ўйноқи, ҳузурбахш туйгулардан боши кўкка етиб, магрур яшарди.

Унинг кунда ёки кун аро уйга келмаслигига хотини ҳам кўниди. У эридан гумон қиммас, пойқадами кандалигини фақат иш кўплигига йўярди. Ҳар ҳолда Ботир ўзича шу фикрда эди. Чунки эрининг хиёнатидан хабардор ҳар қандай аёл бундай ноҳақликка, албатта, қайсиdir кўринишда норозилик билдириши аниқ. Ахир, эр бермоқ, жон бермоқ деб бекиз айтишмаган-ку.

Бу ўринда Ботир Аҳмедовичнинг ўз фалсафаси борлигини айтиб ўтмоқ жоиз.

У қил устида юраёттанини, агар озгина эҳтиётсизликка йўл кўйса, шунча йиллардан бўён мисқоллаб топган обрў-эътиборидан ажralишини, ҳеч бўлмаганда, одамлар назаридан қолишини яхши тушунарди. Эл-юртнинг ёзилмаган қонун-қоидалари расмий ҳужжатлардан кўра кучлироқ таъсирга эга. Ахир шу чоққача бирон киши ўзга аёлни ёқтириб қолганлиги учун оқланганми? Севги

йўлида амалидан, оиласидан, ёр-оғайниларидан ажралган бечора ошиқлар дардини ким ҳам тушунарди? Бу дард залворини на табиб, на шифокор ва на фолбин аниқлаб беролади. Шу боис ҳам ишқ савдоси бошига тушган эркак ва аёлнинг қисмати фақат Яраттанинг марҳаматига боғлиқ. Холиқ эгам ёрлақаса, ёниғлиқ ҳозон ёниғлигича қолади, ёки икки қалб бир-бирига қовушиб, бу можаро яхшилик билан тугайди. Аксарият ҳолларда ошиқнинг ҳолигавой, мъашуқанинг тақдиринга мушуклар йиглайди.

Бизнинг қаҳрамонларимиз "ёмон кўздан ташқарида" баҳт-саодат оғушида, гоҳо сокин, гоҳида жўшқин умргузаронликни давом эттиришарди. Бу пайтга келиб, Ботир Аҳмедович раҳбарлигидағи қўшма корхона чет эллик инвесторлар ташаббуси билан учта мустақил заводга айлантирилди. Ана шулардан бирига Ботирнинг ўзи бошлиқ бўлиб қолди. Аниқроғи, ўзи шуну истарди. Чунки, у ортиқча даҳмазалардан зерикканди. Топиш-тутиши мақтангудай даражага етмаса ҳам, тинчлик ва руҳий хотиржамлик айни муддао эди. Салкам икки юз киши ишлайдиган жамоани бошқариш тажрибали ишбилармонга ортиқча машаққат туғдирмасди.

У Баҳорнинг уйида қолганида, чин маънода дам оларди. Ишдан келишига илиқ сувда роҳатланиб, душ қабул қиласди. Анбарий мушк шимдирилган сочиққа ўралиб чиққанида, қищда иссиқ қаҳва, ёзда эса муздей пиво ёки мева шарбати дастурхон устида турган бўлади. Кейин уй кийимларини кийиб, юмшоқ креслогат чўқади. Бу пайтда таъбига қараб телевизор, ёки мусиқа маркази "ишга" тушади. унга қадар Баҳор шошилмай, жуда эътибор билан мазали таом тайёрлайди. Орада икки, уч бор майин табассум, агар қалбидаги ҳиссиятлар жўш уриб кетса, ўтли бўса, нафис панжалар билан сочини силаб эркалашлар оқшом ҳордигига ёқимли "десерт" сифатида қўшилади. Ана шундай пайтларда Ботир сездирмай ўрнидан туриб, ошхона столидан нимадир тўғраётган Баҳорнинг орқасидан маҳкам кучоқлади. Худди шу лаҳзаларни куттани каби жувон ҳам баҳтидан икки юзи лов-лов ёниб, чарос кўзларини юмганича туйғулар куршовида оҳиста зентикади.

Баҳорнинг соchlаридан таралган самовий бўй, очиқ елкасининг нафис таровати, йигит қулочида ҳозиргина эримоққа шай бўлиқ бадани Ботирнинг бардошини чил-чил синдиради: газ печкасидағи олов учиб, ўт алангаси икки вужудни ёндиримоққа шайланади..

Бундай воқеалар кўп бора тақрорланган. Агар қалб ишққа лиммолим тўлса, бу "шароб"га ташниалик асти тутамас, аксинча саҳройи чанқоқ янава янава висол талабидан чекинмас экан. Севги қаримайди.

аксинча у ҳар бир дилда қайтадан туғилиб, ҳаёт бардавомлигини таъминлайди, деганлари шудир-да.

Бутун Баҳорнинг кайфияти бошқачароқ эди. Ботир ваннадан чиққанида, у арк токчасидаги товус гул япроқларига термулиб ўй сурарди.

— Баҳор!

Аёл қарашга шошилмади. Бу ҳолат йигитни сергаклантирди.

— Нима гап, жоним, тинчликми, бирор хафа қилдими?

Аёл кўрсаткич бармоги билан кўз ёшини артиб, севгилисига жилмайиб боқди.

— Шунчаки, ўзим. Гоҳо кўнглим тўлиб кетади.

Ботир ёрининг хипча белидан авайлаб қучиб, ўриндиқка ўтиргизди. Ўзи унинг тиззалари ёнига тиз чўкиб, бошини кўтариб савол назари билан боқди.

— Адашмасам, сизни биринчи марта шу аҳволда кўраяпман.

— Гапингиз тўғри, — дарров эрининг таъкидини тан олди у. — Сиз илк бора кўряпсиз.

— Демак, менга сездирмай йиглаб ҳам тураркансиз-да.

Баҳор бошини сарак — сарак қилди.

— Йигламайман, фақат ўзим билан ўзим сұхбатлашаман.

Ботир бу важни тушунмади.

— Жуда ажойиб. Хўп, майли, келинг, орамизда сир ётмасин. Яширмай бор ҳақиқатни ўртага ташланг. Агар бирон муаммо туғилган бўлса, биргалашиб ечамиз. Эҳтимол, ота-онангизни, ўғлингизни соғингандирсиз.

— Мен уларни ҳамиша соғинаман.

— Унда йиглаб ўтиришга не ҳожат? Курраи заминнинг учдан икки қисмига учган одам Тошкентга қанот ёзолмайдими?

Баҳорнинг юзига яна хомушлик соя ташлади.

— Биласизми, ноҷор одам қанақасига қийналади?

— Биламан, рўзгорга пул тополмаганига жони ҳалаклиқдан.

— Тополмадиз. Ноҷор киши бошига тортса оёғи очилади, оёғини беркитса, боши совқотади. Ана, муаммо.

Йигит соддадиллик билан кулиб деди:

— Бу муаммонинг сизга мутлақо алоқаси йўқ.

— Жўн фикрлассангиз шуңдай.

— Аслида-чи?

— Аслида, ҳозирги ҳаётим ҳам ўша бечора турмушига монанд. Фарқ шундаки, мен сизни ўйласам, назаримда ота-онамни унугтаётгандайман, уларни десам юрак зирқираиди.

- Ҳаммамиз бус-бутунлигича қалбингизга сифтимизми?
- Кошки, шундай бўлса?
- Бунга нима халал беряпти?
- Наҳотки, ўзингиз тушунмайсиз?
- Рост, ақлим панд бераяпти.
- Ақлингиз жойида. Сизнинг ақдингиз ҳеч қачон панд бермайди. Ботирнинг оғзи очилиб, пешонаси тиришди. У ҳеч қачон маъшуқасининг бундай асабийлашганини сезмаганди.
- Баҳор, жонгинам. Ҳозир жумбоқ ечадиган пайт эмас. Яхшиси, дилингиздаги гинани очиқ баён этинг.

Баҳорнинг ўйчан қиёфаси ўзгармади.

- Агар айтганим билан бирон нарса ўзгаришига ишонсанм эди. Йигит унинг сўзини бўлди.
- Нима ўзгариши керак?

Баҳор чурқ этмади. Ўрнидан туриб, яна товус гулига тикилди. Оч қизил, заъфарон рангдаги нозик япроқларни узун, худди қил каби тиконлар муҳофаза қиласди.

— Мен кутиб чарчадим! — деди у гўё ўз-ўзига гапиргандай. — Мен умримда севги, муҳаббат, висол, ҳаёт завқи деган тушунчалар борлигини пайқадим. Бу туйгуларга сиз туфайли эришдим. Аммо, назаримда, худди тушда ёки эртаклар оламида яшаётган одамга ўжпайман. Бир қарасам, жаннатий ҳаёт, бир қарасам, бари биронники... Нега баҳтим бут эмас? Нега ёстиғимнинг ярми бўш? Нега мен баҳтли-ку, ўзга аёл баҳтсиз? Нега ўз баҳтимни бироннинг баҳтсизлиги эвазига курмоқчиман? Нега келиб-келиб оиласи одамни севиб қолдим? Ўлай агар, ҳозир сизни айбламоқчи эмасман. Бу Бермуд учбurchагида ҳеч биримиз айбли эмасмиз, аммо, энди сеза бопладимки, ҳар биримиз ўз ҳолимизча баҳтсизмиз. Сиз касал, бечора аҳли аёлингиздан воз кечолмайсиз. Бунга комил аҳлоқингиз, виждонингиз йўл қўймайди. Айни пайтда мендан ҳам айрилолмайсиз, чунки энди севгисиз бир дақиқа яшамоққа тоқатингиз етмайди. Гўё икки соҳил орасида чопаётган денгизчига ўхшайсиз, нажот қай бирида эканлигини билмайсиз. Мен эса биламан, баҳтим, умидим, келажагим сиз эканлигингизни биламан. Бироқ, сиз айнан меники эканлигингизни билолмайман. Ёлгиз илинжим, орзуларга ўралган ширин хаёлларим... Бу хаёллар саробми ёки рӯё, кошки маъносини чақолсам...

Ботир Аҳмедович чурқ этиб оғиз очолмай қолди. Энг даҳшатлиси, Баҳор ҳақ эди, унга эътироэ билдириш учун заррача асос топилмасди. Бундай пайларда оқимга қарши сузмоқ хатарли тадбир

ҳисобланарди. Қолаверса, асаби бузилган, рұжан қийноққа тушган аёл худди ёнаёттан үт каби яқинлашған одамни ёндириши бор гап. Шу боис ҳам Ботир индамай бориб, Баҳорни қайноқ қучогига олди.

Улар энді унсиз дардаштардилар.

Бу, танишиб, умр деб аталмиш оғир карвон жиловини бирлаштирганларидан буён күзатылған бириңчи дилсиёхлик зди.

### 3

Тушлик пайти кабинетига қамалиб, ҳисоботларни күздан кечираёттан Ботир Аҳмедовичнинг қўйл телефони "тил"га кирди. У шошилмайгина кафтдай қути қопқоғини очди.

— Эшитаман!

Даста ичидан келган йўғон товуш соҳибини даставвал билолмаган Ботир яна бирпас кутди.

— Ботиржон, ўғлим, мен дадангизман!

Бу, Баҳорнинг дадаси Наримон ака зди. Ҳозир Тошкентдан қўнғироқ қилаётган зди. Одатдаги салом-алиқдан сўнг отахон мақсадга кўчди.

— Баҳорнинг пулинини қайтариб беришдими?

Йигит учун бу янгилик зди.

— Қанақа пул, ким қайтариши керак?

Наримон отанинг таажжублангани овозидан сезилди.

— Ие, ҳали сизнинг хабарингиз йўқми? Салкам бир йилдан буён қизим бечора қийналиб кетди-ку. Наҳотки шу кунгача сезмадингиз? Ўзи ҳам қизиқ, ахир дардини очиқ-ойдин тўкиб солмайдими? Ҳа, майли, унда менинг бу масалага аралашганимни унга билдирамай қўяқолинг.

Овоз тинди. Ботир ҳайратланди. У ўзича Баҳор мендан сир яширмайди, деб юрарди. Адашган экан. Бекорга аёл кишининг ҳийласи қирқ туяга юк бўлади, дейишмас экан-да.

Демак, тунов кунги жанжалнинг боиси бошқа тарафда экан-да. Бечора кимгadir пул берган-у, ололмай қийналяпти, рұжан эзиляпти.

Бироқ, шу вақтта қадар улар ўртасида пул, мол-дунё масаласида сұҳбат очилмаган зди.

Ботирнинг ҳафта-үн кунда қиласиган харажатини ҳисобга қўшмаганда, асосан рўзгор учун Баҳор пул сарфлайди. Доим "Сизнинг маошингизда ўғлингиз, хотинингизнинг ҳақи бор, менини ўзимга етади", дега уни уринтирмайди...

Ботир шинам безатылған залга кўз қирини ташлади. Телевизор учик, мусиқа маркази умуман токка уланмаган. Ечиниб, ванинада

роҳатланиб ювинди. Енгил кийиниб, секин ётоққа қаради. Баҳор ҳеч нарсадан хабарсиз, худди ўн тўрт кунлик ойдай тўлиб ухлаб ётарди. Ботирнинг сўёғ товушларини эшишиб, ўрнидан иргиб турди. Умуман, бу жонсарак аёл күш уйқусида ҳордиқ чиқарарди. Агар донг қотиб ухлаётган бўлса ҳам эрининг келганини билиб, истиқболига пешвоз чиқарди.

Ҳозир ҳам юз-кўзларини оппоқ, узун панжалари билан тўсиб ювиниш хонасига чиқди. Ўзини тартибга келтириб чиқди-да, Ботирнинг бўйнига осиди.

— Энди келмассиз, деб хавотирландим.

Кечадан буён соғинган юрак соғинтирган вужуд тафтидан "жаз" этиб ҳузурланди.

— Сизни унутмоқ осонмас!

— Барибир, кеча бекорга ранжитдим.

Ботир кўзларини ярим юмисиб, айёrona боқди.

— Ҳечам бекорга эмас-да.

— Хўш, унда нега кайфиятингизни бузибман?

— Негаки, пулингизни қайтаришмаганига изтироб чекяпсиз?

Баҳор қўлларини тортиб олди. Чарос кўзларида хижолатчилик зуҳурланди.

— Бу "хушхабар"ни ким суюнчилади?

Йигит ёлғондакам қовоғини уйди.

— Бир йиллик дардни сезмайманми?

Аёл эрининг лабларига панжасини қопқоқ қўйди.

— Унақа деманг. Бу, дард эмас, дардан Аллоҳ асрасин. Бу, шунчаки кўнгилсизлик холос.

— Хўп, яхши! Нега ўша кўнгилсизлик тўғрисида мени хабардор қимладингиз?

— Тик тураверамиزمи? — ингичка қошлигини чимириди бека.

— Албатта, токи мен ҳақиқатнинг тагига етмагунча.

Баҳор Ботирнинг қўлидан ушлаб, меҳмонхонага етаклади. Икковлон эрон диванига ўтиришди.

— Очиги, бу ишга сизни жалб этишдан тортиндим. Шундоғам бошингизда минг хил ташвиш. Қолаверса, ўзим пиширган ошни ўзим "ичавераман", деб ўллабман.

— Буниси шундай ҳам аён. Сиз пулни кимга, нима сабабдан ва қанча миқдорда берганингизни айтинг?

Аёлнинг чеҳрасидаги ясама қувноқлик сўнди. У ортга йўл ийӯқлигини англади. Бироз ўйга толиб, сўнг фикрларини жамлагач, тиши ёрди.

— Бундан бир йил илгари миллий сўмимизни валютага айлантириш муаммо эди. Қора бозорда бир одам бу масалада менга ёрдам бераётганди. Аста-секин ишончимни қозонди. Сўнгги бор катта миқдордаги пулимни олиб, жуфтакни ростлаб қолди.

— Катта деганингизнинг миқдори қанча?

— Йигирма тўрт минг.

Ботирнинг кўзи косасидан чиққудай очилди, ранги ўчди.

— Кўкиданми?

Баҳор индамай бош иргади.

— Ўша аblaҳ шу ерликми? Уйини биласизми?

— Биламан, Бўстон даҳасида яшарди. Яқинда эшиздим, уйжойини сотиб, номаъзум шаҳарга қочиб кетибди.

— Нега шу маҳалгача лоақал маслаҳат сўрамадингиз? Наҳотки, бир-биримизга ишонч шу қадар заиф бўлса?

Аёл зрининг юзларини панжаси орти билан эркалади.

— Ҳаммаси Аллоҳдан. Демак, қайсиdir ишим ёқмабди-ки, бошимга шу кўргуликни солди. Ўзи бериб, ўзи олди.

Йигитнинг узун бармоқлари мушт бўлиб тутилди.

— Мен уни ер остидан бўлса ҳам топаман.

... Аммо, товламачи топилмади. Ботир Аҳмедович жамики танишлари, ёру дўстларини оёққа турғизди, лекин, қаллоб киши қўумга сингтан сувдай изсиз йўқолди. У билан бирга йигирма тўрт минг доллар ҳам кўкка совурилди.

Шу воқеалардан сўнг Баҳор қолган-қутган маблағини тўплаб Бирлашган Араб амирликларига йўл олди.

Ботир уни Фаргона тайёрагоҳидан кузатиб кўйди. Тонгда учган самолёт ортидан нигоҳини узолмаган йигит негадир бу сафар руҳи сўниб бораётганлигини сезди. Гўё Баҳор эмас, юрагининг бир парчаси самога парвоз қилгандай. Аслида-ку, юрак билан бу суюкли инсон мақоми тенг.

Оппоқ "Нексия" Андижонга қараб шўнғиркан, у кўз очиб юмгунча ўтган фурсатда севгилисига нисбатан тизгинисиз соғинч уйғонганидан оромини йўқотди. Бу, қандай ҳол, қандай туйғу? Наҳотки, Баҳор унинг учун худди сув ва ҳаво каби биринчи ҳаётий эҳтиёжига айланиб қолди? Наҳотки, озгина айрилиқ залвори ҳам юрагига оғирлик соляпти? Унинг кўзига мана шу болаларча соддадиллигини йўқотмаган, беғубор ва меҳрибон Баҳордан бошқа ҳеч ким кўринмаётгандай. Ҳатто ухлаётганида термулиб фурурланадиган ўғли ҳам дил тўридан бироз четга тушгандай. Севги деганлари шунақа дардми? Ишқ отashi одамни ўтсиз

қовураверадими? Мұжаббат шаробидан торттан одам ўзини ёруғ олам сұлтонидай ҳис қиласы-ю, аммо бир бандага құллигини билмайды. Гоҳида тутқундан баттар қолатта түшганида ҳам, гүё ўзи шоҳлар каби еттинчи осмонда юради, ичмай, чекмай сархұсплик дарожотига етишади. Бу, Аллоҳнинг жазосими ёки неъмати? Бу оғриқдаги азоб қайды-ю, ҳаловат қайда. Нече йиллар ўтса-да, муштдай юрагида ёнаётган олов тафтидан бутун олам ёнгудай. Нега бу моҳитобон париваш чөхрасига боқиб түймайды, суҳбатидан толиқмайды, васлига интилаверади? Ҳозир шу мақомдаки, вужудида ўн саккиз ёшли йигит түйгуси жунбишга келаётгандай, томирида оқаётган қондан ҳам Баҳорнинг анбарий бўйи анқиб тургандай.

Йигит тафаккури фақат ҳижрон, висол, соғинч, севги деган сир-синоатли тушунчаларга лимо-лим тўлиб-тошгандай. Қизиги шундаки, Баҳор ҳам айнан шу кайфиятда, қани иложи топилса-ю, уни бир нафас оғушидан бўшатмаса, қайноқ бағридан уфураётган меҳр-муҳаббатида такрор ва такрор чўмилтирса, юрагидаги ишқ куйини куйлаб адо этмас?..

Ҳозир ҳам самолёт нарвонига чиқаётганида нигоҳини ундан узмай, бир калима сўз айтишга қурби етмай, лекин юрак титрофини сездирмасликка уриниб анча туриб қолди. Эгнига кўқ либос кийган кўхликкина қиз оҳиста тирсагидан ушлаб, ичкарига таклиф этмаганида, бу ҳол қанча давом этиши ёлғиз Аллоҳга аён...

Машина Андижон остонасига кириб келганда, ҳали Ботир баҳорий кечинмалар уммонида сузарди.

— Ишхонага борамизми?

Фарруҳнинг сўроғи худди ер остидан эшитилгандай туюлди. Шу боис, бироз иккилаңди, қўлидаги соатига қаради. Ҳали вақт эрта, бирров уйига кириб ўтгани маъқул.

Ботир дарвозадан ичкарига қадам босганида, йўлакда кабутарларига дон берәётган ўғлига кўзи тущди.

Бола дадасига қараб югурди, бўйнига осилиб қучоқлади.

— Онанг қани? — Ботир ўғлини қучогидан бўшатиб сўради.

Қодир бўйини қисди.

— Ётиби, ҳозиргина "скорий" келиб-кетди.

— Оғрияптими?

— Шунаقا шекилли...

Қодир дадаси билан ёзилиб гаплашолмасди. Бу, отанинг кўпинча иш билан бандлиги, дастурхон атрофида кам ўтириши, унинг ички дунёси билан қизиқмаслиги таъсири эди.

Ичкаридан Олияниң қаттиқ йўталгани эшитилди. Хонадон

соҳиби туфлисини ечиб, зинапоядан юқори кўтарилди. Ойнаванд айвон эшитининг бир қаноти очиқ эди.

— Келдингизми? — аёлнинг овози заиф чиқди. У дераза ёнидаги диванда чўзилиб ётарди. Ҳар галгидаи зрита пешвоз чиқмоқ умидида бош кўтарди. Аммо мажоли етмай, яна бошини ёстиққа ташлаб юборди.

— Тинчликми, юрагингиз безовта қиляптими?

Олияning юзи оқариб, қовоқлари салқиб қолганди. Аммо ўзини анча осойишта тутарди.

— Аяган кўзга чўп тушмай ўлсин, — деди у хиёл энтикиб. — Шу топдаям грипп бор экан. Ҳаводан ўтди, шекилли.

Боғир каравот четига чўқди. Хотинининг озғин қўлидан ушлаб, секин силади. Энди боягини соғинч ва ҳижрон тирнаётган юракни жуфти ҳалолига ачиниш туйғуси ҳам забтига олди. Бир зумда босиб ўтган оиласи ҳаёти хаёлидан лип-лип ўтди. Ўлаб қараса, бир ёстиққа бош қўйишибди-ю, бироқ, дил ришталарини боғлашмабди. Аниқроғи, битта қўргонда яшаб, ўзларига алоҳида-алоҳида дунё яратишибди. Ҳар иккиси ҳам ўз оламида яшайди, ҳаргиз бир-бирига халақит бермайди. Зоҳиран бири иккинчлисига меҳрибон, дилкаш, аслида бу оқибат, тавозе ҳузури қалба зўжурланмайди. Гўё ҳар иккиси ҳам яхшилаб такомилига етказилган роботнинг ўзи.

— Нега шундай?

Бу саволга кошки жавоб топилса. Одамлар бир-бирларидан инсоний меҳр кутишади. уни кўрган зот ўзини баҳтли сезади. Бироқ бу хислатнинг уларга даҳли йўқдай. Эр-хотиг „а ўша меҳр бор, аммо, баҳт йўқ. Хурсандчиллик ружсори кўринмайди, интиқлик ва самимият сезилмайди.

Бу ҳолат Ботирнинг йўлида Баҳор пайдо бўлганидан кейин янада яққолроқ билинмоқда. Қизиги шундаки, Олия соғлиғида ҳам, боши касалдан чиқмаётган кунларда ҳам бирдай оғир-вазмин. "Дунёни сув босяпти", деган хабарни эшиттанида ҳам сабр-бардош либосини ечмайди, таҳликага тушмайди. Агар бошқа аёл шу кунларни кўрганида, эҳтимолки, зрининг ёқасига ёлишиб: "Мен сендан нима кўрдим, нега кун ора қоранг учади, хаста хотининингни ташлаб, қаёқларда юрасан, билсанг, мени шу кўйга солган сенсан" дея айюҳанинос кўтариши мумкин эди. Бироқ, елкасига тоғ қўйсанг, тишининг оқини кўрсатмайдиган бу аёл бардошига тан бермасликнинг иложи йўқ. У ҳамиша сокин чайқалаётган кўлга ўҳшайди, сира ўзгармайди, овозини баланд қўймайди, қийналганида зорланиб, шодлигида севинчини кўз-кўзламайди.

— Дўхтирлар келишдими? — Ботирнинг товуши қалтираб чиқди.  
Негадир ҳозир аёли касаллигида ўзини айбдордай ҳис қилаётганди.  
Олия ётган жойида рўмолини қайта ўраб, соchlарини тузатди.  
— Синглим дарров ваҳима қиласверади-да. Йўқ, гузук эканман.  
— Тузуклигингизни шифокорлар айтишдими ёки чиндан ҳам  
ўзингизни яхши сезяпсизми?

Аёл ўнгайсизланди. Афтидан, у ҳадеб дардини айтишга  
ийманаётганди.

— Айтдим-ку, яхшиман деб. Худо хоҳласа эртага сёқда туриб  
кетаман. Ўзингиз қандайсиз, меҳмонлар кетишдими?

Ботир ҳайрон бўлди.

— Қанақа меҳмон? — шу гап лабидан учди-ю, хатога йўл  
қўйғанларгини фаҳмлади. Ахир, кечкурун Баҳорнинг уйидан "идорага  
меҳмон келган, мен улар билан биргаман", демовдими? У тезда  
ўзини ўнглаб, изоҳ берди:

— Ҳа, уларми? Саҳар Тошкентта кузатиб қўйдим...

Ботир бирдан Олияning нигоҳи ўзига қадалганини ва бу ҳарапшда  
ишончсизлик аломати сезилаётганини англади. Бироқ, ортиқча  
тафсилот шубҳани ортириши мумкин эди. Шуни ўлаб, гапни қисқа  
қилди.

Ховли тарафдан ерга тўкилган олмаларни чеълакка солиб  
қайтаётган Саломат ая ўғлининг йўлақдаги туфлисини кўриб, тўхтади.  
Томоқ қириб ташрифидан дарак берди. Сўнг зинадан секин  
кўтарилиб, айвонга сёқ босди. Ботир онаси билан кўришгани  
чоғланди-ю, авзои бузуқлигини пайқаб, ўзини тортди. Онаизор  
келинининг диққатини жалб этмаслик мақсадида, ўғлининг  
елкасидан олиб, қуруққина "ке, болам, тинч-омонмисан, ишқилиб",  
деди. Кейин имо билан меҳмонхонага чорлади. Ичкаридаги бурчакли  
диванга ўтиридилар.

— Кейинги пайтларда жуда ўзгариб кетдинг, болам, — деди  
Саломат ая овозини паstлатиб.

Ботир бошини қуий эгди.

— Биласиз-ку, иш кўп.

Бу важ-карсон онага кор қилмади.

— Ишни кундузига чиқарган, кечаси эркак киши уйини топиши  
керак.

— Бўлти, ойижон!

— Бу сафар хўп билан қутилмайсан!

— Унда нима қилай?

— Ўзинг биласан. Хотининг кундан-кунга сўлиб бораяпти. Мен

огир ишга ярамасам. Яхшики, Олияниң синглиси Нозима бор, уй юмушларини ұдалаяпти.

— Демак, сизнинг-ча, ишдан бүшаб, рўзгорга қарашиборишим керак экан-да.

— Йўқ, озиқ -овқат, супуриб-сидириш ўзимиздан ортмайди. Сен бечора ожизани яхшироқ дўхтирларга кўрсатишинг керак.

Ботир онасининг гапини бўлмай эшилди.

Охири "барча айттанларингизни бажо келтираман, Олияни эртага клиникага ётқизаман". — деб сўз берди.

#### 4

Баҳор билан бирга Дубайга учганлар чартер рейсида қайтиб келищи. Ботир қўлидаги гулдастани бағрига босганича согинтирган маъшуқани кутарди. Аммо, ҳадегандা таниш чеҳра кўринмасди.

Ниҳоят, энг сўнгтида қизил ҳошияли узун чакмонга монанд ҳалат кийган йигит самолётдан чиқди. Унинг ўнг оёғи протез, шекилли, шоҳ ташлаб юрарди.

Ботирни вахима босди. Ортига қайтиб, тайёрагоҳ саҳнига чиқди. Кўк қопларни "Волга" юкхонасига авайлаб сиғдираётган ўрта ёшли аёл ёнига борди.

— Кечирасиз, сиз Баҳорни танирмидингиз?

Аёл қоратўридан келган, кўзлари дум-думалоқ, соchlари шокила-шокила, серҳаракат эди. Олдидағи Мирзо Анвар каби келишган йигиттга қараб чиройи очилди.

— Вой, сиз Баҳорнинг турмуш ўртоғимисиз?

— Ҳа, шундай, ўзи қани? — Ботир юраги қаттиқ ураётганини эшилди.

— У Дубайда қолди. Бечора терлаб туриб, музхонадан ширали ичимлик ичувди. Томоги чиппа бўғилиб, ҳарорати ортиб кетди.

— Аҳволи оғирми? — Бетоқатлик билан сўради йигит. Савдогар аёл уни тинчлантириди.

— Ҳозир яхши, аммо, яна бир ҳафта касалхонада ётиши керак.

— Энди чартер рейси борми?

Аёл бош чайқади.

— Илоҳим, у ерни елкамнинг чуқури кўрсин. Қайтгунимча кўзим тўрт бўлди. Биласизми, у ерда эркаклар жуда суқ экан. Бизга беҳаёларча қарашибонига ўлайми?

— Агар маҳсус самолёт қатнамаса, бирон яқинроқ юртларга бордир...

— Фарғонадан йўқ, аммо, Тошкентдан ҳафтасига бир марта

қатнайди, деб эшитгандим.

Ботир бутунлай ўзини йўқотиб қўйди. Бегона юртда ҳеч кими йўқ севгилиси аҳволини ҳис қилишнинг ўзи юрагига наштар каби ботар, чорасизлигидан бошини деворга ургиси келарди.

— Менга бошқа гапингиз йўқми?

У ўзига келди. Кўзлари уйқудан уйғонган каби оҳиста очилди. Рўпарасида ҳамдардлик ила қараб турган хуштабиат жувонга нима дейишини билмасди. Низоят, миясига ярқ этиб бир фикр келди.

— Сиз у ётган касалхонани биласизми?

Ҳамсуҳбати индамай ён сумкасини кавлаб, ташриф қорози узатди. Сўнг эринмай тушунтириди.

— Мана шу қоғозга биз билан алоқа ўрнаттан фирма манзилгоҳи ёзилган. Улар Баҳорнинг қаердалигини айтиб беришади. Ўша қорозда телефон рақамлари ҳам бор.

— Раҳмат сизга, мушкулимни енгиллаштирдингиз.

Аёл яна бир бор йигитга ҳавасланиб боқаркан, елкаси билан шоҳ ташлаб кулди.

— Вой, унақа деманг...

Ботир тезда хайрлашиб, хизмат машинаси тўхтаган жойга чопди.

## 5

Баҳор кўзини очиб, ўтган воқеаларни зaslashga уринди. Аммо назарида мияси тормозланган каби хотираси ёришмади. Энди ётган жойига разм солди. Оппоқ хона. Деразаларга қора пардалар илингган. Шифтда паррак айланиб, ҳавони салқинлаштиряпти. Дераза рахига терилган гуллар худди уйидагига ўхшаш. Ёнидаги пастак каравот бўй-бўш.

Бирдан ақли "ишлаб" кетди. Демак, Дубайдаги касалхонага тушибди. Ўттан куни ҳаво ҳаддан ташқари исиб кетди. Ўзбекистонда қуёш қиздиргани билан намлик кўтарилемайди. Дубай денигизга яқин шаҳар, иссиғи ҳам, совути ҳам одамни эсанкиратиб, тинка-мадорини куритади.

У жуда кўп мамлакатларни кезди. Эс таниганидан буён умри самолётда ўтаяпти. Аввалига собиқ Иттифоқ шаҳарларини кўрди, кейинчалик Фарбий Европа мамлакатларига йўл олди. Оддий сайёҳдик мақоми саводгарликка айланди. Тижоратга шу қадар қизиқиб кетди-ки, ҳатто энг севимли касби-муаллимликни ҳам ташлади. Илгари ривожланган, маданийлашган давлатларга интилган бўлса, ҳозир бозори арzon ва чақон юртларга парвоз қилмоқда. Ҳиндистондан дори-дармон ташиди. Эрондан уй жиҳозлари,

**Малайзия, Таиланддан турфа хил матолар келтириди.**

Тұғри, тијоратнинг ёзилмаган қонун-қоидаларига жавоб беріб, ортиқча бойиб кетиш қийин күчди. Бироқ, елиб-югуришлари самарасиз кетмади, ёмон яшамаяпти. Үйда барча шароитлар яратылған. Ота-онасига пойтахтдан ҳовли-жой сотиб олиб берди. Бундай мұруваттың әрқаклар ҳам ўрнига қўйишолмайди. Ёлғиз ўғлига тўрт хонали "дом" маҳтал. Яна қаердан денг, Тошкентнинг энг маркази, гавжум даҳасидан. Мұжими, ота-онасинг ҳовлисига бир қадам. Даҳаси набирасининг "дом"ини күргани келганида, кенг ва баҳаво балконига чиқиб, "Ие, уни қаранглар, бу ердан ҳовлисимиз кўриниб туаркан", деганди. Чиндан ҳам ҳовлиси эмас-ку, бироқ, ўша маҳалла кўзга ташланиши бор гап.

Ўйлаб қараса, Баҳор ўттис ёши арафасидаёқ олдига қўйган мұхим орзуларига эришибди. Мөхрибон ота-онаси ҳам ҳали бардам, ўғли соғлом ўсяпти. Шуқр, қўлини қаёққа узатса етади. Тўғри, шахсий ҳаётидаги баҳт ундан "аразлади". Аммо, эвазига чин мұхаббат совға қилди. У ишқ лаззати қанчалар ҳузурбахш жон озиғи эканлигини дилдан тўйди. Аслида ёруғ оламдаги энг тотли, энг титроқли ва энг фараҳбахш туйғу – севги құдрати экан. Жуда қизиқда, Андижонда туғилди, ўрта мактабда таҳсил кўрди, беш йил тиллар педагогика институтида ўқиди. Не-не осмондаги юлдузни бенарсон үрадиган йигитлар Баҳорнинг нозик, жажжи юрагини ўзларига ром этишолмади. Қанчаси орқасидан юрди, кўнгил қўйди, мөхрини қозонишига уринди, аммо, ҳаммаси бефойда. Қовоғидан қор ёғиб, олдидан келса тишлиб, ортидагини тепадиган жиiddий ҳурилиқолар ҳам вақти-соати билан мұхаббат домига тоб беришолмади. Йигитларни жини сўймайдиган қанча қизлар юрагига чўғ тушди. "Ота-онам севиб турмуш қурсам, ўлдиради" деганлар ҳам ишқ изтиробидан најкот излаб қолища. Фақат Баҳор қалби забт этилмади. У худди ўнинчى синф ўқувчиси каби ҳамон соддадил, ишонувчан, беғубор қизалоқ эди. У билан бир бора суҳбатлашган йигит қувончдан боши кўкка етиб, "мен уни қўлга кирийтдим", дея ҳайқиради. Бироқ, орадан вақт ўтиб, осон чақиладигандай туюлган ёнроқ пўстига темир тиш ҳам ўтмаслиги аёнлашарди.

Тақдирни қарангки, ҳусн-жамолда ягона, одоб-ахлоқда тенгсиз, мөхри чексиз шундай қиз худди Обломов каби ўзидан ўзгани тан олмайдиган күёвга дуч келди. Бу, эҳтимолки, унинг ҳажрида ёниб, бағри кабобга айланган мухлислари кўз ёшлари касридир. Балки, севгини тан олмаганларнинг жазоси шудир.

Ҳархолда бечора қиз бу кўргуликка чидади. Эрининг табиатини

ўзгартириш учун жон олиб-жон берди, киймай кийинтирди, емай едирди... Аммо, бўлмаганга бўлишганинг ҳолигавой... Эр бечора зўрга ишга боради, поликлиникада бир амаллаб тушликка қадар ўтириб, тезда изига қайтади. Энг ёқимли машғуоти уйқу, севган жойи – диван.

Баҳор бунисига ҳам кўниқди. Фақат бир одати билан сира келиша олмади. У болалигидан ёзда уч марта, қишида бир марта ювенишга одатланган, покизалик қон-қонига сингиб кетган эди. Қани, эр жонинор ҳеч йўқ оёғини ювиб ётса.

Оппоқ крахмалланган чойшабга худди тупроққа ағанаган түя каби чўзилиши унинг сабр-косасини тўлдириди. Бор гапни онасига тушунтириди. Онаизор уни инсофга чақирди, уйига қайтарди. Яна ҳаёт учун кураш бошидан бошланди. Бироқ, касал тузаларкан, ёмон одам аста – секин яхшиликка эгиларкан, аммо, нодонга жавоб сукут, деб бежиз айтилмаган экан. Эр ўзгармади, ёмони ўзгаришга хоҳиши сезилмади.

Баҳор яна ота қўргонига қайтди. Бу сафар онаси уни тушуниди. Бироқ, қаттиққўл отаси анчагача қовогини очмай юрди.

У, бу кўргуликни ҳам Яратганинг синови, деб билди. Мактабда эрталабдан, кечгача ишлади, ким илтимос қиласа, ўрнига дарсини ўтди, жамоат ишларидан четда ҳолмади.

Мактабда бир опа бор эди. Бошлангич синфлар бўйича иммий бўлим мудири ҳисобланарди. Баҳорни ўз қизидай яхши кўрар, тинимсиз ишлаётганидан ташвишланар, гоҳида қаттиқ танбеҳ ҳам берарди. Аммо, дарс соатини сира қисқартирмасди, кичик танаффусларда ҳам озгина бутерброд билан бир пиёла чойни муаллимлар хонасидаги столи устига келтириб қўярди.

Баҳор ҳаётда билган энг меҳрибон инсон шу Ҳадича Ибрагимовна эди.

Орадан бир ярим йил ўтди. Тўплаган пули уч хонали уйга етди. Уйни олди-ю, кўчиб киришга шошилмади. Олти ой мобайнида таъмиратди. Топган пулинин емоқ-ичмоқ ва киймоқ ҳузуридан тийиб, шу уй таъмирига чаллади. Яхшики, усталар ёнида дадаси туриб берди. Ҳартугул, ёлғизлиги сезилмади.

Янги уйнинг "оёғи" ярапди. Асосан ёзги ва қишки таътилда борадиган тижорат сафарлари катта фойда келтириди. Ҳиндистондан дори олиб келиб, улгуржи савдони йўлга қўйгач, пулининг ҳисобига етолмай қолди. У энди Андижонда узоқ ўтиромасди. Бир сафарги дориларни дорихоналарга тарқатиб, аввалги сафарги "моли"нинг маблағи ҳисобига яна Деҳлига учарди. Ора-орада яқин Шарқ

мамлакатларига ҳам "кўз тапилаб" қўярди.

Ана шундай "юлдузли" онларида Ботир билан боғланди-ю, қалбини ўз эгасига топширганини тушунди. Бу камгар, зътиборли, муомала маданияти юксак йигит айни унинг дидига мос эди. Шу боис, ўзи сезмаган ҳолда уни қаттиқ севиб қолганини англади. Аммо, шунда ҳам тишининг оқини кўрсатмасликка, мустақиллигини йўқотмасликка анча уринди. Сездики, бу бора-бора қийин кўчаяпти. Аксинча, Андижонга келиши билан ҳамиша севгилиси сўхбатига аржумандлик истар, унинг оғушидаги ҳаловатни дунёнинг ҳеч қандай лаззатига алишмасди.

Ваҳт ўтиши билан юрагидаги сокин муҳаббат худди ўжар дарё каби борлигини ўз домига торта бошлади. Энди унинг истаклари доираси ҳам кенгайди. Илгари бир марталик висол бир ҳафталик таскин бағишиласа, аста-секин ёр васлига етишмоқ, унинг дийдорига тўймоқ, қулоғига пивирлаб айтганида, бутун вужудини куйдиргувчи изҳори ишқ қуйини тингламоқ ташналиги тобора кучайиб, ҳаловатини ўғирларди.

У болалигидан мағрут ўсганди. Ана шу фурур қон-қонига сингиб кетганди. Шу боис ҳам Ботирни ҳеч маҳал керагидан ортиқча ҳузурига чорламас, қалби ташналик дардиде куйиб-ёнса-да, чурқ этиб оғиз очмас, алалхусус, ёрини ноқулай вазиятга тушириб қўйишдан истиҳолада яшарди. Сезардики, иложи топилса-ю, Ботир ҳам бир нафас ёнidan жилмаса, атрофида парвонадай айланса, бағридан бўшатмаса. Лекин, ҳаёт улар ўйлаганидан кўра мураккаброқ экан. Бир тарафда катта корхона залвори йигитнинг елкасида. Иккинчи тарафда касалванд хотини, қариндош-уруг, маҳалла-кўй. Баҳор ўтган муддат ичиде севгилиси сийратини беш панжасидай билиб олди. Агар бошқа одам бўлганида, Баҳор учун эмас, чин муҳаббати учун ҳамма нарсасидан воз кечиши мумкин эди. Эҳтимол, Ботир ҳам бутун дунёсидан кўз юма олар, фақат хастаҳол, касалванд хотинидан эмас. Бундай йўл тутишига унинг виждони чидамайди. Баҳор ҳам бироннинг баҳтсизлиги эвазига баҳт қасрини қуролмайди, буни ўтакетган ноинсофлик, деб тушунади. Айни пайтда толе унга оиласи кишини рўбарў қилганидан ўкиниб, сўнгсиз ўй-хаёллар гирдобида ғарқ бўлади...

Баҳор ҳозир ўзининг нақадар ёғизлигини илк бор ҳис этди. Бегона юртда уни йўқлар кишиси борми? Бу ёги қандай кечади? Бор-будини "товар" олиб, жўнатворган. Қўлидаги чипта ҳам оддий қоғозга айлангани табиий. Энди қонундан бошқа нарсани тан олмайдиган мамлакатдан қандай чиқиб кетаркин? Паспортидаги

виза бор-йўғи бир ҳафтага очилган. Касалхонада даволангани учун қанча сўрашаркин. Унинг ёнида нари борса уч-тўрт юз доллар бордир. Агар Ботирга телефон қилса, икки-уч минг топа олармикан? Топганида ҳам кимнинг номига жўнатади? Маҳаллий кишилардан бирон таниши йўқ-ку. Мабодо чартер қатновини уюштирган фирмадан биронтасининг номига пул юборса-чи? Бу расмиятчилар бунга розилик беришармикан?

Асли касал ҳолатида ҳам самолётта чиқиб кетиши керак эди. Ўзига қолса, шу йўлни танларди. Бироқ, дугоналари дарров касалхонага ётқизишни маъқул топишибди. Эҳтимол, ҳушини йўқоттанига қўрқиб кетишгандир. У ҳолда кейин қандай қайтишини нега ўйлаб кўришмади? Ё тавба, қизиқ гапларни гапиради-я. Ахир гурӯҳида унинг энг яқин дугонаси бормиди? Ҳаммаси кўз таниш, ҳаммаси рақобатчи. Андижонда битта харидорга тўрт-беш мижоз талпиниб турибди. Улар учун биттаси камлиги ҳам ҳарна-да. Юртдошининг кейинги ҳаёти қандай кечиши билан кимнинг иши бор!

Унинг кўнгли бузилиб кўзларига ёш келди. Барibir, ёлғизлик ёмон экан. Агар Ботир расмий эри бўлганида-чи, у ҳеч вақт кулоқ қоқиб қараб турмасди. Хўп, Ботир-ку шунчаки жазмани, собиқ эричи! Ў, уни эслашга ҳам ҳожат йўқ. Бирор "хотининг ўляпти", деса ҳам пинагини бузмасди.

Баҳор дарров ўзини қўлга олди. Ахир, шу ёшгача бутун муаммоларини ўзи ечиб келган одам нега ҳозир ҳис-туйгулар асирасига айланяпти. Аввал оёқقا турсин, кейин вазият ойдинлашади. Энг муҳими, тан-жони соғ, ақл-ҳуши жойида. Қолганини изга солиш ҳеч гап эмас. Ботирдан ҳам бекорга ўксияпти. Аввало, у ҳали нима гаплигини билмас, қаердан билсин, савдогар аёллардан ҳеч ким уни танимаса.

У беҳуда ўйлардан чарчаб, кўзларини юмди. Тушида Ботирни кўрди. У ҳамон тайёрагоҳ ҳовлисида кутиб ўтирганимиш. Кўзларидан дув-дув ёш оқармиш. Баҳор унга қараб талпинармиш. Аммо, сира ўрнидан қўзғалолмай, жони ҳалак бўлармиш. Бирдан Ботир кўз ёшларини артиб, тайёрагоҳ йўлига чиқиб олибди. Баҳор кетидан чопибди. Йўқ, қуш каби учибди. Ёнидан шувиллаб ўтган ҷевгилисини кўриб, Ботир жон ҳолатда "Баҳор, Баҳор" деба ҳайқирибди. Унинг овозидан тоғлар ларзага келибди, Нил дарёси чайқалибди, ҳавони чанг-тўзон қоплабди.

— Баҳор, Баҳор, жоним!

Баҳор чўчиб уйғонди-ю, унга энгашиб турган Ботирга кўзи тупди.

Аввалига тушим давом этаяпти, деган ҳадиқда кўзларини юмди. Баҳор бу туши узоқ давом этишини, сира-сира тутамаслигини истарди. Беихтиёр кўзлари ёшланди... Бироқ, ўша дудоқ, ўша бўй димогига урилганида, гап нимадалигини англаб, ётган жойида Ботирнинг қучоғига отилди.

## 5

Олия айвондан пастга тушиб, ҳовли саҳнидаги районларга сув сепа бошлади. Келинининг саломатлиги яхшиланаётганидан кувонган Саломат аянинг кўзларига ёш қалқиди.

— Вой йўлингизга жоним паёндоz, болам, гуллар оралаб юрсангиз, уйингизнинг файзи яна ҳам ортиб кетаркан-а? Туф-туф, кўз тегмасин.

Келин худди ўз онасидай меҳрибон, тезда ёниб, тез учадиган, жаҳли ҳам, қаҳри ҳам, меҳри ҳам тилининг учидаги туродиган қайнонасига қучоқ очди.

— Сиз менинг паноҳим, меҳрибонимсиз. Сизсиз менинг ҳолим не кечарди, ойижон?

Хурсандчилик бирпасда изтиробга айланишидан ҳавотирланган онахон дарров суҳбат мавзусини бурди.

— Бугун тушликка юмшоққина шавла қиласликми? Ё кўнглингиз бошқа таом тусаяптими?

Олия эркалангиси келиб, яна қизиққон аяга суйкалди.

— Агар хўп, десангиз, ўз қўлим билан қиймали мастава пишириб бермоқчиман.

Саломат ая келинининг сўлғинлигига қарамай, кўркини йўқотмаган чиройли юзига айёrona нигоҳ ташлади. Унинг бутун орзу-умиди қиз набира кўриш эди.

— Вой, жон болам, мастава ичмоқчимисиз? Кўнглингиз шуни тусаяптими? Нега аввалроқ сеэмадим-а? Бўлти, сиз масаллиқни олиб чиқинг, қозонни иккаламиз қайнатамиз.

Олия ошхонадан гўшт, сабзи, пиёз олиб чиқиб, гуллар орасидаги чорпояга қўйди. Бу ер анча сўлим ва серсоя эди. Саҳн бўйлаб қатор экилган игна баргли арчалардан ҳамиша Кавказ бўйи анқиб турарди. Арчалар оралигидан каттагина ариқча ўтган, унинг икки қирғоғида хурмо ва нок кўчатлари барқ уриб ўсади. Умуман 15 сотиҳлик ҳовли шинам боф-роғдан қолишмасди.

— Тушликка Ботир акамни чақирсак, келармикан? — ийманибгина онахоннинг юрагига қўл солди келин.

Саломат ая ўзида йўқ хурсанд эди. Чунки Олия унга нафақат

келин, айни чорғда синглисисининг қизи ҳам эди. Хола она ўрнида дейишади. У мана шу оқила, камсуқум қизни болалигидан яхши кўрар, еру кўкга ишонмас, ҳатто синглиси Кароматойдан ҳам қизғанарди. Дастреб бу никоҳга Ботир кўнмади. "Синглимдай қизни оламанми", деб оёқ тираб, "жунар" кўрсатди. Кейин ёзги таътида холасига қарашгани келган навниҳолгина қизга кўзи тушди-ю, бу уч-тўрт йил аввалги қизалоқ эмаслигини идрок этди. Ўшанда Анвар ҳам шу ерда эди.

— Ўҳ — ҳўй, Ботир, ким у нозанин, қара, гунча лаблари роса бўсага мос эканми? — деб ҳазиллашди. Шу ҳазил туфайли юрагида ожизгина рашк уйғонди. Жуда ғалати. Аслида аввал севги, сўнг рашк бошланарди. Ботирда бу туйғу тескарисига кўз очди. Нима бўлганида ҳам тоғаси гап очганида аввалгидай рад жавобини бермади.

Уларнинг тўйи камтарона ўтди. Ёлғиз ўғилни ҳам ота, ҳам она сифатида вояга етказган Саломат аяда ортиқча сармоя йўқ эди. Синглиси анчагина бадавлатлигига қарамай, мол-дунёни сочиб юбормасди. Эрининг топғанларини тўё она қоплон каби қаттиқ ҳимоялаб, доимо камбағаллик ҳадигида яшарди. Шу боис, Олияниңг сепи ўзига аталган биттагина хонани ҳам жуда безаб юборолмади. Лекин, холаси ҳам, Ботир ҳам бунақа дунёвий икир-чикирларга аҳамият берадиганлар тоифасидан эмасди. Муҳими, бу камтарона оиласа тезда элакишиб, ҳатто кўни-кўшнилар билан тил топишгани эди. У наинки ўз оиласида, ҳатто маҳаллада ҳам қўл-оёғи чаққон келин сифатида оғизга тушди. Ботирнинг ёрдами ва қистови билан институтда ўқиди, ёнидаги мактабга ишга кирди.

Бу маҳалда Ботирнинг ҳам омади чопаётганди. Ёш мутахассиснинг файратли, ишга масъулиятли эканлиги тезда раҳбарлар эътиборига тушди. Оддий чилангарлиқдан муҳандис ўринбосари лавозимига, сўнгра техника хавфсизлиги бўйича муҳандисликка кўтарилиди. Хусусан, унинг оғир, вазмин мулоҳаза юритиши, ҳар қандай вазиятда тўғри, адолатли қарорга кела олиши, камчиликларга муросасизлиги катталарга ёқарди.

Шу орада ўғли туғилди-ю, Олияниңг сиҳат-саломатлигига дарз кетди. Худди шовва қирғоқни емирғандек турфа хил касаллик чиқиб, бечора аёлнинг асабини кемирарди. Шу сабаб эр-хотин ўртасида кўнгилсизликлар, англашилмовчиликлар кўндаланг кела бошлади. Аёл ортиқча инжиқ эди. Унга битта кам, иккитаси ортиқча... Ботир бу ҳаётга ҳам кўниқди. У хотини табиатидаги ўзгаришлар сабаби кетма-кет касалликлар исканжасига тушиб қолганлиги оқибати деб тушинарди. Шу боис, муроса йўлини танлади, уйдаги шароитни

Олия диди ва эҳтиёжига яраша мослаштирди. Бошқарув жиловини мөхрибон ва жонсарак онаси қўлига тутқазди.

Эҳ-ҳе, ўтган йиллар мобайнида Олияни кўрсатмаган шифокори, олиб бормаган сиҳатгоҳи қолмади. Лекин, ҳасталик инсон баданига бир чанг солдими, тамом, згаллаган жойини омон қўймас экан. Олия 28 ёшида жарроҳлик столига ётди. Ўшанда Ботир илк бора бу инжиқ ва талабчан, гоҳида ювош ва мўмина аҳли аёлига нақадар ўрганиб кетганини юракдан сезди. Токи операция тутгамагунча Олия ёттан палатадан бир қадам жилмади, бирорвга тишининг оқини кўрсатмади, юрагидаги хуруж бўронини ҳеч кимга сездирмади. Ҳаёлида фақат бир жумла айланарди: "Ё Раб, хотинимни мендан тортиб олма, унга шифо бер, ёлғиз ўғлимни чирқиратиб, ўзимни етим қўзидаи тентиратиб қўйма!"

Жарроҳнинг қўли енгил экан, Олиянинг ҳаёти сақлаб қолинди. Жони омонлигига севинган аёл тез орада бу неъмат залворини англаб етди. Чунки киши вужудидан кесиб ташланган ўша аъзо вазифасини бошқаси уддасидан чиқолмас, натижада бу ҳолат асаб ва юрак зўриқишига олиб келар экан. Дардга полвон Олия бу синовгада дош берди, жони қўзига кўринганида мум тишлади, ҳадеб нолийвериб, одамларни ўзидан бездириб қўйишдан чўчиди. Қолаверса табиатидаги оғир, босиқлиқ ҳам қўл келди.

— Маставани хом ташлаймизми, қизим?

Ошхона тарафдан келган овоз Олиянинг хаёлини бўлди. У шошилмай ўрнидан қўзғалди. Ҳали чорпоядан тушиб улгурмай, озғингина Саломат ая унинг қаршисида ҳозир бўлди.

— Сиз уринманг, овқат тайёрлаш жону дилим эканлигини ўзингиз яхши биласиз.

Худди шу тобда дарвозахона тарафдан уч эшик нарида яшовчи Таннозхон кўринди. У доимо "Маҳаллада дув-дув гап" фильмидаги Ойпарчага тақлид қилишни ёқтирарди. Ҳозир ҳам ёғоч ўтказилган атлас астарли елпуғичини айлантириб келар экан, эшик ёнидан шовқин солди.

— Ҳой овсинча, тузикмисиз, бай-бай жудаям очилиб, ўн тўрт кунлик ойдай бўлиб кетибсиз-ку. Буни қаранг, қачон қарасам, касалман деб, Ботиржонни юрагини ёрасиз-а.

Таннозхон Олиянинг тенгдоши, иккаласи бир йилда келинлик либосини кийишган. Шунга қарамай, у ўз тенгдошларидан анча каттага ўхшар, гап сўзлари ҳам шунга яраша олди-қочдидан нари ўтмасди.

Саломат ая бу эркак, шода аёлни кўпам хушламасди. Бироқ,

одамнинг юзи иссиқ, кўчадан кириб келган меҳмонни кўкрагидан итариб бўлмас...

— Вой гиргиттон, хўп вақтида келдиз-а. Бугун келинимнинг чеҳраси очиқ соғлиғи яхши. Одам тафтини одам олади, дейишади. Сизлар чақ-чақлашиб ёзилинглар, мен ошхонага бора қолай.

Олия қайнонасига эътиroz билдиromoқчи эди, Саломат ая келинини қўлидан ушлаб, жойига ўтиргизди.

— Сиз туриб кетсангиз, Таннозхон зерикиб қолмасин яна... Мен ҳозир...

Таннозхон қадам товушлари сўнгач, суҳбатдошига сукланиб қаради.

— Олия, сизни бирор дард тортган одам демайди, ҳалиям янги тушган келинчаклардан қолишмайсиз-а?

Мезбон уялиб "кўйинг, унақа деманг ўртоқ", деб қўйди. Аммо, Таннозхон негадир шу мавзуни давом эттиришга мойил эди.

— Эрингиз тилла йигит-да, одамлар хотинини кифтида кўтарса, сизни кафтида авайлайди. Бизникилар аллақачон совиб қолган. Эркакми ёки гўлами фарқига боролмайман.

Олия кулиб, ўртогининг бўлиқ сонига шапатилади.

— Ажойибсиз-да, бунақа гапларни қаердан топасиз?

Таннозхон кўксига қўл қўйди.

— Ичимда гап пиширадиган хумдан бор. Хоҳлаган масалада, хоҳлаган одам тўғрисида маълумот топилади.

Шу аснода Нозима ҳам мактабдан эртароқ қайтиб қолди. У опасининг дугонаси билан сұхбатлашиб ўтирганини кўриб, севинди. Югуриб чорпояга келди, Олияни бўйнидан қучоқлаб кўришди. Сўнг меҳмон билан саломлашгач, зинапоядан сакраб-сакраб чиқиб ётогига кириб кетди.

Шу синглингиз сизга жуда меҳрибонда, — унинг орқасидан ҳавасланиб қараган Таннозхон кўзларига ёш олди.

— Қанийди, ҳеч йўқ мана шундай оқила, чаққонгина битта қизим бўлса. Ёш умрим хаizonга айланяпти.

Олия дугонасининг феълини биларди. У бир зумда ёниб яна тезда ўчар, кўз ёшлари кипригига илингани каби, кулгиси ҳам лаблари орасида пайт пойлаб туради.

— Ҳали ёпсиз, қаратинглар, ахир, ҳозир тиббиёт жуда илгарилаб кетган.

— Вой ўртоқ, намунча соддасиз, бу савил эркакка ўша сиз айтган тиббиётнинг ҳам кучи етмаяпти-да. Ё ўзи емайди, ё бирорга бермайди...

Мезбон тилини тишлади. Бу оиласда ҳар қандай ҳангома одоб чегарасидан чиқмас, ички маданият, муомала тартиби, худди рисоладагидай сақланарди. Ўртоғининг сукути меҳмонга бошқача таъсир кўрсатди.

— Мен доимо сизни ўйлайман, — деди Таннозхон энди бутунлай бошқача қиёфада. — Сиз эса ҳеч қачон фикримни маъқулламайсиз, гапимга гап қўшмайсиз.

— Ундай демант, — Олия хижолат тортиб кўзларини олиб қочди, — Фақат бу масалада биласиз-ку, уқувим йўқ. Шер ака яхши одам, оиласпарвар.

— Э ўргилдим ўша номи шер-у, амали қуён акангиздан. Хўп, бу ёғи шунаقا экан, ҳеч йўқ эркакка ўхшаб бир дўппосласа ҳам рози эдим. Қачон қараманг, кўэимга тикилиб, аксирсам, лаббай, дейди. Латтанинг ўзи. Мана, Ботиржон доимо сири билан турари, виқорли, меҳрини ҳам қоғозга ўраб беради. Ё шундай змасми?

— Қайдам? Сўнгти йилларда ёстиқдан бош кўтаролмаяпман. У бечорага қийин. Бир томондан иши мастьулиятли, иккинчи тарафда менинг ташвишим. Унга раҳмим келади-ю... Не қилайки, дадил оёққа туролмаяпман. Уч кун соғман-у, яна тўрт кун хастаман.

Таннозхоннинг бодом қовоқлари орасидаги мовий кўзларида шум нигоҳ жилваланди.

— Купам куюнаверманг, овсин, зрингиз ҳам жуда анойилардан эмас.

Олия сергакланди.

— Тушунмадим, ўртоқ? Бу билан нима демоқчисиз?

— Хўп, майли, айтсан, айта қолай. Яқиндан буён эрингизнинг машинасида бир аёлни икки бор кўрдим. Кўнглингизга олманг-у, биринчиси тасодифдир, аммо, иккинчиси зарурият юзасидан шекилли. Хуллас, эҳтиёт чорасини кўрмасангиз, оғзингиздаги ошни олдириб қўясиз.

Олиянинг лаблари оқарди, чеккаларидағи сезилар-сезилмас ажинлар қулоқлашди. Аммо, дардга ботир аёл сир бой бермади, ўзини мардана тутди.

— Сиз уни яқиндан кўрдингизми?

Таннозхон елпуғичини гир-гир айлантиришдан тўхтаб, Олиянинг ёнига сурildi.

— Бир куни анови корейслар ресторанида учратдим. Ишонасизми, овқат музлаб бўлти, худди икки фолбинга ўхшаб, бир-бирини кўзи билан ютвараман, дейди. Шу топда дунёни сув босса тўлиғига чиқмаслиги аниқ эди. Аммо, хафа бўлманг-у, зорманда бу

дунёнинг одами эмас, худди фариштанинг ўзи. Юзи лоҳурдай, ингичка томоқлари оппоқ, ҳатто ютинса сезиляпти. Кўзлари бирам чиройли, яна хумор боқишини айтмайсизми? Агар эркак сифатида яралганимда, Ботирни доғда қолдириб, ўзим узоқларга олиб қочардим.

Таннозхон ҳиссиётта берилиб ортиқча гапириб қўйганлигини, дугонаси юрагига ниш урганини тушунди. Тушунди-ю, энди кеч эди. Жонҳолатда Олиянинг ҳилвираб турган гавдасини қўчоқлади.

— Мени кечиринг, овсин, билмасдан гуллаб қўйдим. Аммо сизга ачинганимдан гапирдим. Ҳар ҳолда олдини олган яхши. Уларнинг муносабатлари чуқурлапмасдан аввал эҳтиёт чорасини кўринг. Керак бўлса, куну тун пойлаб, қўлга туширинг. Ўшанда қилас этолмайди. Оғзингизни очиб, индамай уйга қамалиб ётсангиз, бир куни пушаймон чекасиз.

Меҳмон Олияни қучоғидан бўшатиб, чорпоя четидаги ёстиққа суюнди. Адолат юзасидан айтмоқ жоизки, у бу янгиликни дугонасидан суюнчи олиш ёки уни "ер билан яксон қилиш" учун ошкор этмаганди. Одатда маҳмадона, лақма дўстлардан шундай "илтифот" кутиш мумкин. Улар ўзларича яхшилик қиляпман, ёрдам қўлини чўзяпман деб ўйладилар-у, амалда душмандан баттар азият етказадилар.

Хонадон соҳибаси ичидан зил кетса-да, иззат-нафси, гурури топталишига йўл қўймади.

— Бу гаплардан ўзимнинг ҳам ҳабарим бор, — деди у хотиржам қиёфада.

Таннознинг бошидан хуши учиб, кўзлари мувозанатини йўқотди.

— Наҳотки... Демак аргамчини узун ташлабсиз-да.

— Ҳа, худди шундай, — деди кулимсираб Олия. — Шундай узун ташладимки, ҳатто унинг учини ҳам қўлдан чиқарганман.

— Яъни?!

— Яъни мен эрининг орқасидан пойлаб юрадиган аёллар тоифасидан эмасман.

— Унда, вақти келиб бева қоласиз-ку ёки шу қисматни истаяпсизми?

— Йўқ, оила бузилишини қайси хотин хоҳлайди? Лекин, масала фақат бир кишининг истагига боғлиқ эмасда. Агар эрим ўзга бир мәъшуқага кўнгил берса, мен уни қандай қилиб, ўз бағримга қайтаришим мумкин? Албаттa, расмий қайднома ва никоҳ журмати, унинг сурати мен билан бўлар, лекин, кўнгли барибир ўша ёрда қолади-ку.

— Жуда қизиқ-ку, демак, Ботиржоннинг ихтиёри ўзида, сиз эса

оддий томошабин каби унинг хатти-ҳаракатини кузатиб турасиз, холос. Бунақада бироннинг борини оралаган эркак қайтиб ўз қароргоҳига қиё боқмаслиги ҳам мумкин. Ёки эрингиздан кўнглингиз қолганми?

Олияниңг қоп-қора кўзларига илк бора мунг чўқди. У ариқча қирғоғига қатор экилган садарайҳон баргига қўнолмаётган сариқ рангли қушга тикилиб ўтиради. Ниҳоят, кўндаланг қўйилган савол залвори миясига урилди, шекилли, оҳиста тиш ёрди.

— Мен Ботир акамни жонимдан ҳам ортиқ кўраман. Фақат ўз билганимча, ўз ҳолимча. Мен муҳаббатимни мадҳ этишни, кунига юз бора пешонасига тақиълатишни, тўтиқущдай тақрорлашни күш кўрмайман. Севги бу — реклама эмас. Уни ҳар ким ўз заковати, ахлоқи ва ҳиссиёти салоҳияти даражасида ангмай билади. Мен Ботир акамни кунига "севаман" деган сўзлар билан сийлашим осон. Лекин, бу билан ҳеч нарса ўзгармайди, севгим бир мисқолча ортиб ёки камайиб қолмайди. Ҳозир менда муҳаббатимни ҳимоя қиласидиган имконият йўқ. Жони кўзига кўринган инсонга севгидан кўра, ҳаёт ширинроқ туюларкан. Қолаверса, эримни айбламоқчи эмасман. Ахир, навқирон эркаклик даврини касал хотини кўзига қараб ўтказиш осонми? Яна ҳам раҳмат, доимо ёнимда, ҳамиша менга паноҳ, мустаҳкам қоя...

...Яна бир гап, мен Ботир акамни сиздан кўра яхшироқ биламан, у ҳеч маҳал мени ёлғиз ташлаб кетмайди. Унинг виждони бунга йўл қўймайди. Йўлдан чалғиш, адашиб, одамга хос камчилик. Беайб парвардигор, деб бежиз айтишмаган. Шунинг учун сиз Ботир аканинг қадамини санагандан кўра, Шер аканинг кўнглини иситинг, зора, муродингиз ҳосил бўлса...

Таннозхон умрида бунчалик таъзирини емаганди. Унинг кепак сепилгандек сепкилли юзи тундлашиб, афти буришди. Ингичка қошлиари чимирилди, пешонасида нўхатдай тутун кўринди. Ҳозир Олияниңг муомаласига муносиб жавоб беролмаслигини фаҳмлаб, индамай дарвозага юзланди.

Кўлида елим халта кўтариб келаётган Ботирнинг қистовига ҳам кўнмай, хайр-хўшлашиб ўзини ташқарига олди.

## 7

Баҳор Дубайдан қайтганидан кейин Ботирга нисбатан муҳаббати ўн чандон ортди. Муҳими, ёргу дунёда уни истагувчи, йўқлагувчи ҳифзу ҳимоясига олгувчи азиз инсон борлигидан боши кўкка етди.

Муҳаббат аёл қалбини бутунлай ишғол қилиб, севгилисига бўлган

мехрини янада кучайтирди. Гоҳо уйда ёлғиз пайтларида юрагининг қат-қатига сингтан ишқ туғёнидан беихтиёр ўзи ҳам ларзага тушар, Ботирни бутунлай ёнидан жилдирмаслик түгрисидаги хаёллар оғушида эс-хушини йўқотарди.

Жуда қизиқ-да. Одам боласи билиб туриб ўзини ўтга уради. Бирорлар сиздат-саломатликка кушанды эканлигини англағани ҳолда тамаки чекишдан тийилолмайди. Башқалари ичкиликка ружу қўяди. Худо сақласин, энг оғир гуноҳга қўл урадиганлар қанча? Баҳорнинг назарида севги ҳам шунаقا қайф қилдирувчи, кишининг инон-ихтиёрини занжирбанд этувчи, яхши ва ёмонлиги мудом сирлигича қолувчи тизгинсиз ва илоҳий бир туйғу. Аммо, севгида ёмон бир майл томир отиб боравераркан. У ҳам бўлса, кўнтил қўйган кишисини ҳеч вақт, ҳеч қачон ўзгага бермаслик ёки бировнинг ёнида кўришдан кўркув ҳавотири экан. Дастробки кезлари бировнинг баҳтига шериклик мақомини эгаллаганидан изтироб чеккан аёл бутун ўша баҳтнинг қолган қисмига ҳам даъвогар бўлиб турибди-ку. Илгари Ботирни ишга кузатяпман, деган гўзал тушунча билан ўзини, ўзи овутиб яшаётганди. Энди унинг қораси йўқолди, дегунча, кўз ўнгидаги ҳали нигоҳи тушмаган Олияниң зазғарон ва ғазабнок қиёфаси гавдаланаверади, гавдаланаверади... Яхшики, бу шубҳали хаёллар йигит эшикдан кириб келиши ҳамона тумандай тарқаб, ич-этини кемираётган рашик азоби босилар, ҳавотир ва ҳадик қочган маконга ҳаловат, деб аталмиш руҳий сокинлик кириб келарди.

Бироқ тинч оқар дарёning ҳам асов тўлқини бор, деганларидек, аста-секин сокин дарё мавжи ҳам кучая борди. Атрофида яқин дугоналари бўлмаган, ота-онаси-ю, ёлғиз ўғлидан олисда яшаётган Баҳор учун якка-ю ягона суҳбатдош, дардкаш Ботирнинг ўзи эканлиги боис, унинг дийдорига муштоқлик ҳаётий зарурият даражасидан ҳам ортиб кетди. Гўё шу оғир-вазмин йигитсиз кенг дунё тор, ёруғ олам қоронгудай.

Аслида Ботир ҳам худди шу ҳолатни бошидан кечирарди. Иш вақти тугаши билан оёқлари беихтиёр Баҳорнинг хонадонига етаклар, унинг қайнот бағрида жамики ҳаёт ташвишларини унугтиб, гўёки балофат остонасидаги йигит каби ҳис-туйғулар уммонига шўнгигиб кетарди.

Лекин, икки дилга баҳт улашмоқ, икки инсон кўнглини овламоқ худди мағрибдаги ўтоқча машриқда туриб ўт ёқиши билан баробар экан. Айниқса, турли байрам ва янги йил оқшомлари у бир жонини иккига бўйломай, меҳр куттган дилларга меҳр улашолмай, ҳалак бўйларди, қийин аҳволга тушиб, руҳан эзиларди. Бир тарафдан тобора

кексайиб бораёттан онаси, кўзлари йўлига нигорон ўғли, касалванд аёли, иккинчи тарафда дунёларга алмаштирмас мұҳаббати ва Баҳори...

Янги йил арафасида онаси ўғлини сұхбатга чорлади.

— Кўзингни оч, ўғлим, хотинингнинг дарди сира аримаяпти. Бир кун келиб, пушаймонлик азобида қолмагин.

Ботир гап нишоби қаерга бурилаётганини тушунганига қарамай, секин ўсмоқчилади.

— Мендан нима истайсиз ўзи?

Саломат ая ўғлининг кирттайган кўзларига ачиниш билан ҳаради.

— Эҳ болам-а, болам-а... Мунча ўзингни қийнайсан? Нега кўрпангнинг бир учини бошингга тортсанг, оёғинг очилишини тушунмайсан? Агар хотиржам яшай десанг, елкангдаги юкни енгиллаштиришни истасанг... Ўша аёлдан воз кеч. Эшишимча, мол-дунёси бисёрмиш, бойлиги етти пуштига етармиш, мана, мени айтди дейсан, асти ёлғиз қолмайди.

Ботир онасидан бунақа дадиллик кутмаганди. Бир муддат кўз олди қоронгулашиб, талмовсираб, қандай жавоб айтишни билмай қолди. Сўнг ўзини ўнглаб, тиш ёрди.

— Сиз уни биласизми?

Она боласининг бошини бағрига босди.

— Наҳотки, шунчалар соддадилсан, болам? Ахир, ойни этак билан ёпиш мумкинми? Бу гапдан ҳаммамиз хабардормиз.

Йигит қаддини ростлади.

— Ҳаммамиз деганингиз Олия ҳамми?

— Билмадим! Олия ўз дарди билан овора. Қолаверса, у оғир-вазмин жувон, мабодо сезганида ҳам менга тишини оқини кўрсатмайди. Сен бу ишончни суистеъмол қилмаслигинг керак. Агар у соғ-саломат юрганида ҳам майли эди. Бечоранинг дардига дард қўшиб, нимага зришасан? Наҳотки, виждан азобидан кўрқмайсан? Яхиси, гапимга қулоқ сол. Ўша бойвуччадан кеча ҳол, ўзингни ҳам, уни ҳам, келинни ҳам ҳаётини хароб қилма. Айтчи, сенга нима етишмайди ўзи? Амалинг бор, обрў-эътиборинг жойида, Олия ҳам бинойидай аёл. Фақат касаллик ранги-рўйини сомондек сарғайтиялти. Соғайса, ойлардай бўл кетар...

Йигит илк бора онасининг кўзларига тикилди. Энди ортга йўл йўқлигини билди, юрагини очишга жазм этди. Бироқ, кутилмаганда гаплари маъносиз, тўмтоқ ва пала-партиш чиқди.

— Буви, энди бу иddaoga ҳожат йўқ, энди кеч, жуда кеч...

Онаизорнинг кўзлари жовдираб, атрофга олазарак қараб олгач,

**ЎЛЛИГА ЯҚИНРОҚ СУРИЛДИ.**

— Бу, нима деганинг болам? Сен у аёлдан қарздормисан ёки тилинг қисиқми?

— Тилим эмас...

— Хўш, очиқроқ гапир.

— Мен уни севаман. Жонимдан ҳам ортиқ кўраман. Усиз менга дунё қоронгу...

Саломат ая кўкрагига туфлади.

— Э хайрият-е... Одамни ҳам қўрқитиб юбординг-а. Мен эса қаёдаги хаёлларга борибман. Ишқилиб пул-мул қарзинг йўқми?

Онасининг жудаям соддалиги Ботирни ҳайрон қолдириди. У англадики, севги-муҳаббат ҳақида тушунчаларнинг катталарап учун пуч ёнгоқчалик аҳамияти йўқ. Қолаверса, умр бўйи отасининг чизган чизигидан чиқмай, бутун ҳаёт моҳиятини эр тафаккури орқали қалбидан ўтказган муштипар кампир бу туйгу азобини қайданам билсин.

— Топдингиз, буви, — деди Ботир гўё ўзига-ўзи сўзлаётгандай. — Мен ундан катта миқдорда қарздорман. Аниқроғи, бутун бойлигим ўша хонимда.

Саломат аянинг ранги ўзгарди. Юпқа лаблари хиёл титради.

— Вой шўрим, қанақа боласан ўзи? Уйинг, жойинг бўла туриб, синамаган отнинг сиртидан ўтасанми, бойлигингни бировга ишонасанми?.. Бу қандай кўргилик-а, болам.

Ая бирдан оғзини ёпди. Яна орқасига хавотирли нигоҳ ташлади.

— Кўпмиди?

Ботирнинг кулгуси қистади. Аммо шу топда куладиган вазият эмасди, тилини тишлади.

— Жуда кўп, буви!

— Ана айтдим-а, бу боланинг топишида барака кам деб. Мунча ишонувчансан? Энди у тояплтими?

— Йўқ, тоنمайди, аммо, қайтариб ҳам беролмайди...

— И-е, омонатга хиёнат қилиб-а. Унда, ўзим бораман, аввал яхшилаб уқтираман, агар муғомбирлик йўлига ўтса, боплаб адабини бераман. Хўп, айт-чи, берганинг пулми ёки тилла?

Ботирнинг чеҳраси ёришди.

— Пул ҳам, тилла ҳам эмас...

— Демак, ҳалиги нимайди, қимматбаҳо қоғоз, дейишадими, шунақами?

— Йўқ, буви, акция ҳам эмас.

— Унда, нима ўзи, одамни хит қилвординг-ку.

Ботир онасининг томирлари бўртган панжаси ортига қўлини босди.

— Эҳ бувижон, наҳотки, тушунмайсиз? Мен унга қалбимни берганман... Энди билдиизми?

Саломат ая ўғлига бироз анграйиб тикилди-ю, этак силтаб ўрнидан туаркан, қатъий ҳукм чиқарди:

— Янги йил дастурхонида уйда бўл. Бошқа гап йўқ!

Одамзоддинг табиати қизиқ. Ҳар ким ўз бошидан ўтказган хасталикнинг табиига айланади. Кимdir шу дард ҳақида шикоят қилса, унга таскин беради, муолажа йўлларини эринмай ўргатади, ҳеч йўқ, хайрикоҳлик билдиради. Аммо муҳаббат азобини тортаётганилар доимо бирорвга дил қулфини очолмай, очишига дилкаш дўст учратолмай, учратганида эса, жўяли маслаҳат ололмай овораи сарсон. Умуман, аксарият киши ишқ шаробидан сармаст одамга енгил-елпи баҳо беради, буни оддий майллар қаторида баҳолайди. Ҳаттоқи, ёмон назар билан қарайди. Ҳолбуки, ёргу дунёда севги дардидай изтиробли, азобли хасталик йўқ. Ҳаттоқи тиш оғриғига даво бор, аммо...

Ошиқ қалбидаги олов тафтини маъшуқагина босади, унга ором бағишилайди, кўнгланинг овлайди.

Шу тобда Ботир ишхонасига бориши зарур эди. Бироқ, дил галаёни олдида ана шу зарурият ҳам ҳеч гап бўлмай қолди. У таскин излаб, Баҳор васлига ошиқди.

Декабрнинг сўнгти кунлари бўлишига қарамай, ҳамон қордан дарак йўқ. Яланғоч дараҳтлар новдаларини чанг-губор қоплаган. Куёш нурлари тобора қиличини яланғочлаётган қиши дамини кесишга ожиз. Вужудни жунжуктирувчи қуруқ изғирин қулоқлар остида ҳуштак чалиб, одамларни иссиқ хонадонларга ҳайдаётгандай.

Баҳор юзи совуқдан кўкариб кетган Ботирни маҳкам кучоқлаб, қайноқ бағрида иситмоқчидай анчагача қўйиб юбормади. Кейин қуилт этмаган куйи майнин лутф ила гинасини изҳор этди.

— Сизни шунчалар соғиндимки...

Йигит бояги суҳбат таъсирида эди, маъшуқанинг руҳий оламига киролмади.

— Ахир, эрталаб хайрлапщик-ку!

Аёл индамади, у ҳамон йигит кўксидаги бошини кўтаришни истамай дил изҳорида давом этди.

— Барибир, соғиндим. Билсангиз, сизнинг юзингизга боқиб, висол чашмасида чўмилаётган онларимда ҳам юрагимни соғинч ҳисси тарқ этмайди. Сизга шунчалар кўниқдим-ки, гўё менинг жоним

сизнинг қўлингизда. Аслида ҳам шундай, фақат буни сиз билмайсиз.

Ботирнинг вужудига иссиқлик ютурди. У севгилиси соchlарини силади. Оппоқ яноқларига юзини босиб, ич-ичидан келаётган ҳиссиётларига эрк бермаслик учун секингина маъшуқаси қучогидан чиқишга уринди. Ammo, кун бўйи уйда ёлғиз ўтирган жувон ҳанузгача соғинч ташналигини қондиролмаганди. Шу боис, ошиқ йигит пинжига яна ҳам маҳкамроқ суқилди.

— Сизни қўйворгим келмаяпти...

У шундай деди-ю, кўп ўтмай ортга чекиниб, маъшуқининг устки кийимларини ечишга ёрдамлашди. Этгидаги палто, оппоқ шарфини йўлақдаги шкафга илди. Ойнага қараб, сочини тараб олиши учун қўлига юмшоқ тишли тароқ тутқазди.

Айвонда газ плиткаси ёниб турганлиги учун уй анча иссиқ эди. Ботир одатига кўра, меҳмонхона билан айвон оралиғида очилган арк ёнига ўтирди. Бу ерга ўрнатилган узун батареялардан чиқсан иссиқлик тиззаларига хуш ёқарди. Гоҳида юмшоқ креслони четга суреб, гулли полостга тўшак солиб, қайноқ батареяга суюниб дам олишни хуш кўрарди.

Хонадон соҳибаси кунгурадор оппоқ столни Ботирнинг олдига билдиратиб олиб келди.

— Қаҳва ичасизми? — назокат ила сўради у. Йигит бош иргаб розилик билдиргач, тезда гулли идишга қаҳва тайёрлаб стол четига кўйди.

— Сиз сут қўшишни ёқтиромайсиз, шунақами?

Ботирда ҳазилга мойиллик уйғонди. Кулимсираб деди:

— Сутга чайилгандай сулув оғушида яна бузоқнинг ҳақига хиёнат қилишга не ҳожат?

Баҳор худди гул бутоғига қўнган қуш мисоли эркаланиб унинг тиззасига чўқди.

— Қаранг, янги йилга ҳам уч кун қолибди.

Йигит қалқиб кетди. У шу тобда айнан Янги йил ҳақида сўз очилишини ич-ичидан хоҳламаётганди. Ўйлаб қараса... Кейинги йилларда бу байрамни оиласи даврасида ўтказмабди. Ҳар сафар Баҳор иккаласи Тошкентга боришиб, энг қимматбаҳо ресторонда тун ярмига қадар бир-бирига ширин тилаклар тилашиб, янги йилни кутишади. Кейин қайнотаси уйидан унча узоқда бўлмаган уч хонали домда қолишади. Бу хонадон бир вақтлар Баҳорнинг иш юритадиган офиси эди. Кейинчалик, иши орқага кетгач, офисни ёпиб, энг зарур уй жиҳозлари келтириб, Ботир иккаласи ҳордиқ чиқарадиган шинам оромхонага айлантириб қўйганди. Э-же, бу хонадон Ботир учун

нақадар қадрли...

Ботир бу жойда ўзини доимо эркин ҳис қилар, худди мўъжаз бассейнни эслатувчи учбурчакли ванинада соатлаб чўмилар, кейин ойна ёнидаги телевизорни қўйиб, юмшоқ гиламга узала тушиб ётиши ёқтиради. Очиги, Баҳорга нисбатан муҳаббати сабаб ҳанча қийинчиллик, таъна-дашномларга дуч келган бўлса, эвазига ўн баробар ортиқча севги шаробидан баҳтиёрик сезган, дунёда ўзини зинг бахтли инсонлар қаторига қўшган.

— Янги йил таърифидаги саволим жавобсиз қолди-ку, яхши йигит.

Ботир хаёlinи жамлаб, ўзига кулиб боқаёттан чиройли чеҳрага лаб босди.

— Мен учун шу хонадонга ташрифимнинг ҳар куни янги кун, янги бахт!

Баҳор ўрнидан туриб, ётоқхонага қараб юрди. Кўз очиб юмгунча қайтиб, йигитнинг қўлига бир варақ қоғоз тутқазди. Бу байрам дастурхони менюси ва шу муносабат билан иккаласи йўқлайдиган қон-қариндош, дўсту ёрлар рўйхати эди.

— Бу сафар Тошкентга бормасак, — деди Баҳор тўлқинланиб. — Биринчидан, ишимиз бошимиздан ортиб турибди, иккинчидан, ҳаво совуқ, довонга қор тушиши эҳтимоли ҳам бор.

— Майли-ку, ота-онангиз ранжиб қолишса-чи?

Ҳозир Ботир бир гапни ўйлаб, мутлақо бошқа фикрни ўртага ташлаганди. Бу ҳол зийрак хонимнинг эътиборидан четда қолмади. Аммо, кайфияти яхшилиги учун енгил ёлғонга ортиқча аҳамият бермади.

— Улар билан келишганман.

— Үғлимиз-чи? У зерикмасмикан?

— Йўқ, у энди катта йигит бўп қолди. Хуллас, байрам байрамдагидай ўтиши учун қўлимдан келган барча пазандалик санъатими ни кўрсатаман.

— Мен-чи, менга қанақа хизмат бор.

— Сизнинг шу уй тўрисидан жой олишингиз мен учун катта бахт. Фақат... У тарафдагилар ҳам сиздан хафа бўлишмасин.

— Бирам кўнгилчансиз-ки, — Ботирнинг оғзидан чиқкан лутфда киноя оҳангти мўлроқ эди. Буни Баҳор сезди. Сезди-ю, дарров кайфияти ўзгарди.

— Бу дунёда ҳамма ўзини ўйлади. Менинг кўнгилчанлигим замирада ўз манфаатим бор. Айтмоқчи, буни сиз жуда яхши биласиз.

Ботир икки ўт ўртасида ёнишини кўз ўнгига келтирди. Онаси

ҳеч маҳал масалани бунча кўндаланг қўймаганди. Аммо, унинг ҳолатини тушуниш мумкин. Онаизор келинининг умри қисқа бўлиши мумкинлигидан, келаси йили янги йилгача қандай воқеа юз берип мумкинлигини билмаслигидан хавотирда эди. Хўп, бу вазиятни тушунди, лекин, фақат Ботирни деб Андижонда яшаётган, кекса ота-онасидан узоқлашишга-да чидаган аёл руҳиятини ҳам унугиши осонми? Олия касал, лекин, унинг атрофида қанча одам парвона? Баҳор эса, бутунлай ёлғиз. У Ботир учун ҳатто яқин дугоналари сұхбатидан воз кечди, ҳаётини шу йигитга, муҳаббатига бағишлаб келаяпти.

Ҳозир вазият қалтис, ўйламай айтилган бир оғиз сўз бомба каби портлаб, иккала қалбни парчалаб ташлаши ҳеч гап эмас. Баҳор қанчалар хушодоб, хуштабиат бўлса ҳам, муҳаббат бобида жуда нозик ва эҳтиёткор. Гоҳида тўғри маънода айтилган фикр ҳам юрагида оғриқ уйғотиб, феълини айнитиб қўяди. Ювош одамнинг қаҳридан Алмоҳ асрасин. Акс ҳолда бутун олам бир зумда зимистонга айланади.

— Байрам тадоригига эътиroz йўқ, раҳмат сизга...

Хайрият, дилдаги булут асоратсиз ўтиб кетди. Соҳибжамол жувон ёш боладай севиниб чапак чалди, ўрнида иргиди, кейин ўзини севгилиси қучогига ташлади.

Йигит хотиржамлик билан маъшуқасининг соchlарини силаб, ўткинчи хаёллар исканжасидан қутилдим, деганда, қўл телефони мусиқаси янгради. У эринибигина аппарат қопқорини очди. Ёрдамчиси Акмал экан. Айтишича, буюртмачилардан эътиroz келибди, енгил саноат вазири ўринбосари уни йўқлаётган эмиш.

Баҳор бундай пайтларда Ботирнинг ишга қайтишига монелик кўрсатмас, аксинча, эшик ёнидан кузатаркан, доимо "ўзини эҳтиёт қилишлигини" алоҳида таъкидлашни унутмасди.

Вазир ўринбосари оқ-сариқдан келган, ёшлигига қарамай соchlари сийрак, кенг пешонали, очиққина йигит эди. У Ботирни кўриб, ўрнидан қўзғалди.

— Келдингизми? — деди юзидағи хавотирни сездирмасликка уриниб.

Биргалашиб раҳбарнинг хонасига кирдилар. Узун столнинг қоқ белидан — қарама-қарши тарафдан жой олдилар.

— Ботир Аҳмедович, — деди вазир ўринбосари Дониёр Даминович стол устидаги билур кулданни ўзига тортиб. — Яқиндан буён сизнинг маҳсулотингизга кетма-кет икки бор эътиroz келди. Вазир корхона тақдирни тўғрисида анча ташвишланяпти.

Бу гап янтилик эмасди. Охир-оқибат бир куни худди шундай ҳолатга тушиб қолишлари мумкинлигини ҳаммадан илгари Ботирнинг ўзи вазирликка билдирганди. Лекин, унинг расмий хат ва таклифлари вазирлик столида ҳаракатсиз қолганди. Энди эса икки оёқ бир этикка тиқилганида, бутун масъулиятни корхона раҳбари зиммасига ағдаришмоқчи.

Лекин, масаланинг моҳияти фақат шугина эмас. Мақсад корхонани банкротликка тушириб, кейин бирон бойвачча ёки амалдорга пуллаш режаси ҳам йўқ эмасди. Чунки ана шундай ишхоналардан аксарияти бели бақувват сармоядорлар қўлига ўтган ва улар аллақачон талон-тарож қилиб бўлинганди.

— Нега индамайсиз, нега фикрингизни айтмайсиз? Ёки шундай салоҳиятли корхона тақдирни сизни мутлақо қизиқтирмайдими? — қизиққонлик билан сўроқча тутди муовин.

Ботир айни шу дамни кутганди. Бутун вужуди ғазабдан қалт — қалт титрашига қарамай, ўзини босди, вазминлик билан бошлади.

— Дониёр Даминович, мени қачондан бўён биласиз?

Меҳмоннинг энсаси қотди. Гўё "бу саволнинг нима кераги бор?" — дегандай катта бошини илкис кўтариб, мезбонга қаттиқ тикилди. Ботирнинг юзидаги қатъият ифодаси унинг попилтиригини бироз пасайтириди.

— Бу билан нима демоқчисиз?

— Демоқчиманки, мен шинҳона ўйинларни ёқтирумайман. Галинг пусткалласини айтиб кўя қолмайсизми?

— Айтдим-ку, маҳсулотингиз сифати ёмон, сиздан шерикларингиз ҳам хафа. Адашмасам, янги йилдан тахта-ўқловини йиғиштиришмоқчи.

Ботир Дониёр Даминовичнинг стол устига қўйилган қўлидан маҳкам ушлади.

— Ҳозиргина сизга ошкора мулоқотни таклиф қидим. Сиз эса яна отдан тушмаяпсиз. Майли, мен ҳам йўриғингизга юрай. Биринчи саволингизга жавоб шуки, бундан беш-олти йил илгари корхонадаги ишлаб чиқариш дастгоҳларини бутунлай янгилаш зарур эди. Мен бу ҳақда ўз таклифларимни юқорига ёзганиман. Бироқ, улар сувга тушган тош каби изсиз чўқди.

— Нималар деяпсиз, — вазир муовини шошиб қўлини тортди. — Ахир, жиҳозлар айнан беш йил илгари янгиланди-ку?

— Ҳа, баракалла! Худди шу пайтда Туркиядан сотиб олинган технология илгари Германияда ишлатилганлиги, маънавий эскирганлиги, шунинг учун янгисини сотиб олиш ҳақида ўз

мулоҳазаларимни баён этгандим. Бироқ, бу гапларга қулоқ солгувчи одам топилмади. Чунки бу жиҳозларни сотиб олганлар учун корхона тақдири бир пул эди. Уларни фақат чўнтақка тушадиган мўмай даромад қизиқтиради, холос. Энди бутун айбни бизга юкламоқдан тап тортмаёттанинглар жуда кулгили. Билиб қўйинг, сиз айтмоқчи "провинцияларда" ҳам ақли-хуши жойида, елкаси устида тош эмас, бош кўтариб юрганлар ишлайди.

— Сал ўзингизни босинг, ука. Бу даъво учун ҳали тегишли жойда жавоб берасиз. — Вазир ўринбосари суҳбат бу маромда кетишини сира ўйламаганди, бирпасда ўзини йўқотиб қўйди.

— Албатта, оғиздан чиқдан калом учун доимо масъулман. Лекин, шу масъулликни сизлар ҳали унутмасликларингиз керак эди. Энди иккинчи масалага ўтайлик. — Ботир темирни қизигида босди. — Бу, шерикларга тааллуқли муаммо. Очиги, улар ишлаб чиқариш жараёни ва маҳсулот сифатидан кўнгиллари тўлмаганидан эмас, аксинча, ишлаб чиқаришга доир бўлмаган "олди-сотди"лардан, асоссиз текширувлардан, жамоа маблағига кўз олайтиришлардан безиб кетищи.

— Демак, вазирлик қора-ю, сиз сутдай оппоқ экансиз-да.

— Мен ўз фаолиятимни хаспўшламоқчи эмасман. Тўгри, камчилликлар бор. Хатоим шуки, ўз қарашларимда қатъий турмадим, топилган фойда ҳисобига ишлаб чиқаришни кенгайтириш тўғрисида бош қотиришим зарур эди. Афсуски, унинг ўрнига юқоридаи берилган буйруқлар, таг-замини йўқ ажратмалар, шубҳали жамғармалар ариғига сув очиб юраверибман.

Дониёр Даминович ўрнидан оғир қўзғалди. У шу тобда зах жойда ухлаган одамдай бутун бадани увишиб, кўнглига қоронгулик тушганини сезди. Ҳамма бало шундаки, ҳозирги гиналарда ҳақиқат қилич дамидай ярақлаб, туради. "Ишқилиб, бу корхонага вазирнинг амакиси кўз тикканини билиб қолмаса гўрга эди". Ҳали бу фикр миясини тарқ этмай, Ботир худди оғриқ нуқтага наиза санчди.

— Агар кимдир корхонани хусусийлаштиromoқни кўзлаган бўлса, чучварани хом санабди. Мен энди оддий томошабин каби қўл қовуштириб туролмайман. Жамоани қўзғатаман, умум манфаатини қаттиқ ҳимоя қиламан.

Дониёр Даминович миқ этиб оғиз очолмай, қўлига қалин муқовали дафтарини ушлаганича, ташқарига йўналди. Бироздан сўнг Ботир ҳам унинг орқасидан чиқди.

Йўлакда раҳбарлар қадамига пешвоз турган йигитлар тезда ўзларини четта тортищи. Вазир муовини зинапоядан чопқиллаб

тущди. Бироқ, машинага чиқиппа унчалик шошилмай, Ботирни кутди. Сўнг у билан хайрлашиш учун қучоқ очаркан, аста қулоғига, пичирлади.

— Хўп, ука! Ёниғлиқ қозон ёниғлигича қолсин, бу ёги бир фикрга келармиз.

У шундай деб, яп-янги "Эсперо" машинасининг орқа ўриндиғига ўзини урди.

## 8

Янги йил арафасида қалин қор ёғди. Дараҳтларнинг мурт шоҳлари қарс-қарс синди. Беҳи, олма каби дараҳт новдалари "елка"даги оғир юқ залворидан қадди замин қадар этилди. Табиат бир зумда оппоқ либосга бурканди.

Ботир Аҳмедович буйргига кўра, қўшма корхонада тушликдан сўнг иш тўхтатиљди. Анчадан буён мўмай пул кўрмаган ишчилар қўлларига мукофот теккач, тезда янги йил совғалари харид қилиш учун бозорга чопишли.

Раҳбар ёрдамчиси Акмални чақириди. Қадди-басти курашчиларни эслатувчи, бўйни йўғон йигит қўлига қора чарм муқовали дафтар кўтариб кирди.

— Қоровуллар ишончлими? — қоғоздан бош кўтартмай сўради бошлиқ.

— Худди шундай, — ҳарбийларга хос шиддат билан жавоб қайтарди Акмал.

— Жуда соз. Унда, сенга ҳам жавоб.

Бироқ, ёрдамчи жойидан қилт этмади. Бироздан сўнг Ботир Аҳмедович маълумотномадан кўз узиб, ҳамон қоққан қозиқдай турган йигитта савол назари билан боқди.

— Айтдим-ку кетавер, деб...

Акмал тараддуудланди. Сўнг юрак ютиб дилига туккан гапини айтишга ўзида журъат топди.

— Ботир ака, Баҳор опамни байрам билан табриклаб қўйинг.

Шу бир оғиз лутф, арзимас туюлган эътибор раҳбарнинг кайфиятини кўтариб юборди. У индамай туриб бориб, Акмалнинг кенг елкасидан қучоқлади.

— Раҳмат, ука! Сен ҳам ота-онангни янги йил билан менинг номимдан қутлаб, уларга сиҳат-саломатлик тила!

Акмал шу мулозаматдан кейин ҳам кетишга шошилмади. Ботир орқасига ўтирилиб, унга ҳайрон тикилди.

— Яна нима дейсан?

- Ҳозир Саломат ая кўнгироқ қилувди.
- Нима гап экан?
- Тинчлик, овқат қилиб қараб ўтирибмиз. Тезроқ келсин, деб тайинладилар.
- Яхши, ҳозир бораман!

Акмал хайрлашиб чиқиб кеттагач, Ботир дераза ёнидаги креслога чўқди. Соатига қаради. Вақт ўн беш дақиқа кам ўн тўрт. Унинг тушлика боришга оёғи тортмаётганди. Бунинг иккита сабаби бор. Биринчидан, онаси "Янги йилни биз билан бирга кутасан", деб тинчлик бермайди. Иккинчидан, Олиянинг сўзсиз мискин қарашлари, ўғлининг ётсираб туришларини кўриб юраги эзилади. Аммо, оила дастурхонидан давра тўрисини згаллаб, хонадонга файз киритишининг асло иложи йўқ. Унда байрам ўз аҳамиятини йўқотади. Ахир, Баҳор бир ҳафтадан бўён бу кунни орзиқиб кутаятти.

Ҳойнаҳой, янги либос тикирган, уйни ёғ тулса ялагудай артиб-тозалаган. Аслида-ку, тозалик бу аёлга теккан касаллик. Ҳафтада бир марта барча хоналарни эринмай артиб чиқади. Ҳар кеч ётишдан аввал мебеллар, ошхона жиҳозлари, ванна унинг назаридан ўтказилади, иғнанинг учидай губорни қўймайди. Гоҳида Ботир ҳазиллашиб, "Бу одам яшайдиган уйми ёки касалхонанинг жонлантириш бўлимими?" — деб қўяди. Шунда у ҳам чеҳраси очилиб: "Тўғри! Жонлантириш гўшалиги айни ҳақиқат, фақат шифохонанинг эмас, бизнинг ихчамгина кулбамизнинг" — дейди.

Умуман, Ботир Баҳорни ҳануузгача тушуниб етмади. Энди бутун табиатини беш панжамдай билиб олдим, деганида, мутлақа кутилмаган фазилати ёки феъл-авторига дуч келиб, ҳатто эсанкираб қолади. Унинг назарида бу ажойиб аёл бутун вужудингни ўзига тортадиган катта китоб, фақат фарқ шуки, бу китоб саҳифаси ҳеч қачон тутамайди. Аниқроги, ҳар бир кун ўзгача бир саҳифа. Ана шундай битиклар битилган варақни ўқиган сари бош кўтаролмайсан, кун оша қизиқишинг кучайгандан кучайиб бораверади. Арзимаган эътибор ёки бир даста гул билан ҳайфияти тоғдай ўсади, айни чоқда лабдан учган ихтиёrsиз бир сўз дилига наштар каби санчилиб, анчагача ўзига келолмайди. Яҳшики, Ботир унинг "ўнгу терс" хислатларини мукамал ўрганиб олган. Шу боис ораларидан мушук ўтадиган дамлар жуда оз. Оз-у, барибир ўтади. Бундай пайтларда йигитнинг тавба-тазарруси, кечирим сўраши, эркалашлари Баҳорнинг оғриган кўнглига малҳам бўлолмай қолади. У "ўзи оғриб, ўзи тузалади". Унга қадар ошиқ қалбига ўт кетади, ўз ёғига-ўзи қовурилади, фироқ азобида эс-ҳушини йўқотарлик даражага етади.

Аммо, эрка аёлнинг нози ҳам ярашади. Ҳижрон азоби вужудини қақшатиб, саратон тифидаги тошдай қиззидиргани бир сари, шунинг баробарида ярашганларидан сўнг икки ташна қалбнинг "жиз" этиб бир-бирига қўшилиши ҳар қандай таърифу тавсифдан ташқари. Висол оғушидаги сархуш изҳори ишқлар китобларда битилмаган, ашъорлар қатига сингдирилмаган. Агар ўша тобдаги сўзлардан шеър битилса, мисралардан фикр эмас, олов сачраган бўларди.

— Сизсиз ўтган дамларни умрим сарҳисобидан ўчиранман, — дейди Баҳор кўзларига ёш олиб.

— Дунёдаги барча қийиноқларга мингдан, минг розиман, фақат сизнинг фироқингизгамас, — дейди Ботир севгилисининг майин соchlарига бош суқиб.

— Севги шунақа оғриқли, изтиробли кечадими, — қирмизи дудоқлар сокин пичирлайди.

— Ишқдайин қувонч, баҳт бормикан бу оламда? Билсангиз, унинг озорида ҳам тенгсиз ором мужассам. Мұҳаббат худди ўткир тиғли ханжарга ўхшайди. Фарқи шуки, юрагингга санчилганида жароҳатлайди-ю, ўз жароҳатига ўзи малҳам ясади. Бу ханжардан заҳар эмас, бол томади.

— Ботир ака, мунча яххисиз. Менга сизни түхфа этган Яратганга шукр.

— Сиз эса, қалбимнинг доимий баҳорисиз. Сизни учраттанимдан бўён бошқа фаслларни илғамай қўйғанман. Мен учун йилнинг тўрт фасли баҳор. Менинг Баҳорим ҳамиша ёнимда, ёдимда, ҳамиша бағримда. Сиз чиндан-да бағримдаги Баҳоримсиз.

— Қанийди туннинг умри узоқча чўзилса. Қанийди ҳализамон оппоқ тонг отиб, сизни қучофимдан тортиб кетмаса.

— Ё тавба, мен ҳам худди шу тилакни тилайман. Сиз ширин уйқуга чўмган пайтларингизда сокин чеҳрангизга тикилиб, руҳан осойиш топаман. Биласизми, ҳатто ухлаётганингизда ҳам ойдай юзингиздан ҳаё кўтарилмайди. Гўё фаришталар бошингизда саловат айтиб туришгандай.

— Жоним, наҳотки бедорлигингидан бехабар хотиржам уйқуга кетган бўлсан. Мени хижолатга қўйманг.

— Хижолатга ўрин йўқ. Бағримдан бешик ясаб, нигоҳим билан эркаласам-у, шунда ҳам ором олмасангиз, бундай ошиқ ҳолига вой эмасми?

Баҳор шундай пайтларда севгилиси пинжига яна ҳам яқинроқ сүқилади.

— Тилингиз бунчалар бийрон...

— Қизиқсиз-да. Гунча завқ бермаса, булбул берилиб сайрармиди? Энди, айтинг, айб гулдами ёки булбулда?

Баҳор енгилгина тин олиб, Ботирнинг дудогидан секингина ўпиб қўяди. Кейин оқ билагини бўйнига ташлаб, "Бўлди, энди ухланг, эртага ишга кеч қоласиз" — дея дам олишга чорлади.

Эҳ-ҳе, бундай сирли кечалар неча бор уларнинг висол қўшиғига гувоҳ бўлмади, дейсиз...

Тўсатдан телефон жириングлаб, Ботирнинг totli хаёллари бўлинди. У стол устидаги телефондан қай бири чақираётганини билолмай, бир зум кутди. Кейинги қўнгироқдан сездики, шаҳар телефони экан. Гўшакни қулогига яқинлаштириши билан юракни орзиқтирувчи овоз эшлиди.

— Жоним!

— Ассалому алайкум, қулогим сизда, хоним.

— Менга қулогингиз эмас, ўзингиз кераксиз. Байрам дастурхони соҳибига мунтазир.

Ботир ўйланиб қолди. Айни шу дамда уйдагилар ҳам йўқлашганди. Сезгир қиз бу андешани тушундими, дарров елкасидаги тошни туширди.

— Ҳазиллашдим. Ҳозир салонга бораман, у ердан онамнинг аутонасини табриклагани кираман. Қисқаси кеч соат бешларда уйга қайтаман. Үнга қадар сиз ҳам бўшаб қоларсиз. Ҳа, айтмоқчи, ойингизни, Олияхонни, Қодирбекни янги йил билан табриклаб қўйишни унутманг. Хўп, оқломгача хайр!

Ботир қўшма корхона цехларини яна бир бор кўздан кечириб, навбатчиликка қолаётган ўринбосари Аҳрор Суюновичдан ҳушёрликни оширишни тайинлади.

Ташқари анча совуқ эди. Ёғаётган қор пасайибди, аммо укпар каби ҳавода учиб юрган қор парчалари кўз ва киприкка қўниб, дарров эриб кетади.

Фарруҳ машина суянчиини йиқитиб, магнитофондан Охунжон Мадалиевнинг ашулаларини эшитиб ёттанди. Бошлиқни кўриб, дарров суянчиқни тиклади.

Ботир орқа эшикни очди. Унинг кайфияти яхши эди. Салонга кириб-кирмай, ҳайдовчисига ҳазиллашди:

— Аканг нима деялти?

Фарруҳ атрофга аланглади.

— Қайси акам? — Кейин гапнинг мағзини чақиб, ҳозиргина ўчирган магнитофон тугмачасини босди. Бояги қўшиқ янгради.

— Бирин эркалайман дудогим билан,

Бирорин эркалаб нигоҳим билан.  
Яшарман савобу гуноҳим билан,  
Кўнглимда бир ёру қўйнимда бир ёр...  
Кўшиқ тинди. Фаррух ҳижолат тортиб раҳбарига ийманиб қаради.  
— Ашула деб айтишаверар экан-да.  
Ботир Аҳмедович ҳайдовчи елкасига қўл ташлади.  
— Қайси уйга, деб сўрапшга ботинолмаяпсан чоғи?  
Бояги мулзамлик бу лўкма олдида ҳолва экан. Фаррух базўр жилмайган эди, бурни устида майда ажинлари пайдо бўлди.  
— Хижолат тортма, биродар, буни тақдир, дейдилар. Қани "чу" демайсанми?  
— Қаёқча бурай, хўжайин?  
— Бошинг оқсан тарафга.  
— Баҳор опамникигами?  
— Адашдинг, Баҳорникига бош эмас, кўнгил оқади. Ҳозир уйга бур.  
Саломат ая ўғлини кўриб, севиниб кетди. Иссиқ уйда китоб титкилаётган Қодирни чақирди.  
— Ўғлим, югар, даданг билан кўриш.  
Ичкари хонадан ўзига оро берган, ясан-тусан қилган Олия ҳам чиқиб келди. У эрининг қўлидан телпагини оларкан, "Янги йилингиз билан" деб қиё боқди. Бироқ, Ботир ўз хотинини шу тобда Баҳорга ўхшатолмади. Шу боис кўзига жуда тўпори кўринди. Фақат ичичигача ботган кўзлари, эрта ажин инган юзларига қараб, дилида ачиниш ҳисси уйғонди.  
— Бугун жуда очилиб кетибсизми? — деди у Олиянинг озғин панжаларидан ушлаб. Эркалашни унугтган аёл эркалатишни ҳам ёдидан чиқаради.  
— Унақа деманг, — деди у жудди ўғирлик устида қўлга тушгандай ҳадиксираб. — Бувимнинг ёнида...  
Ботир индамай дастурхон безатилган хонага кириб, хонтахта тўридан жой олди. Қодирбек ҳам унинг қаршисига ўтириди. Олия овқат сузгани қўзғалган пайти онаизор яна зарталабки пўписасини бошлиди.  
— Бугун бир қадам ташқарига чиқмайсан. Бас, беш-олти йилдан бўён тишимни-тишимга босиб келялман. Ахир, менинг ҳам неча кунлигим бор, хотининг бу аҳволда. Сезяпсанми, бора-бора ўз оиласнгга бегоналашиб кетдинг. Ҳатто бор-йўқлигинг билинмай қоляти. Мендан кейин уйнинг чирогини ўчирмасант гўрга эди...  
Шу амру маъруфдан сўнг Саломат ая йиглашга тушди. Аммо, бу

йиги юрак иэтироби эмас, навбатдаги "профилактика" эканлиги билиниб турарди.

Ботир онасининг муштдай гавдасини ўзига тортиб, эркалатди.

— Хўп дедим-ку, ойи. Шундай қутлуғ кунда ҳам кўз ёши тўкасизми?

Саломат ая дарров тўхтади. Ўғлига астойдил тикилди.

— Мунча бағринг тош-а, болам? Қанийди ҳаммага бирдай бўлсанг? Аммо, айримларга шундай ийиб кетасан-ки.

— Ойи, ҳозир бу мавзу мавриди эмас, илтимос, яхши гаплардан гапиринг.

Олиянинг синглиси Нозима патнисда тўртта коса кўтариб кирди. Хонани қайнатма шўрва ҳиди тутди.

Барчалари жамулжам бўлиб таом тановул қилди. Ўзаро гурунг қизиди. Олия камгап эди. У ҳамманинг оғзиға қараб, сўлғин жилмайиб қўяр, гоҳ-гоҳ зрига ўғринча нигоҳ ташлаб, шу йўл билан меҳрини сездирмоққа уринарди.

Аммо, меҳр қанақалигини бошқа маскандан топган одамга бундай хатти-ҳаракатлар эриш туюлар, шу боис ҳеч нарса билмагандай ўзини хотиржам тутарди у.

Ботир ҳовли саҳнига чиқди. Яхшики, йўлак бўйлаб сепилган майсазор ёпиқ айвон остида экан. Уч қадам нарида қор тахланяпти, рангли шифер тагидаги хиёбон эса, унга баҳорни эслатяпти. Баҳорни эслашнинг ўзи нақадар ҳузурбахш. Унинг назарида кўклам Баҳоридан андоза олгандай. Ҳар иккиси ҳам гўзал ва дилни яшнатувчи.

Ботирнинг назарида орадан йиллар ўтгандай эди. Шу тобда севгилисининг хумор кўзларини жуда-жуда соғинганини ҳис қилди. Аслида, бу туйғу юрагининг мезбонига, йўқ, сultonига айлангандай. Севгининг сийратини меҳр ва соғинчдан чизишганми?

Айвоннинг икки табақали эшиги секин очилди. Ботир ортига ўтирилди. Онаси, деб ўйлаганди, адашибди, Олия экан. У ёғоч қуббага суюниб, жилмайиб қараб турарди. Анчадан буён чеҳрасига бунақа табассум қўнмаганди. Устидаги кўйлаги қимматбаҳо эди, аммо, шошилиб кийиб олганлигидан нозик қоматига катталиги билиниб қолибди.

— Бугун байрам таомини ўзим пиширмоқчиман, сиз нима дейсиз?

Ботирнинг қулогига Баҳорнинг овози эшитилгандай туюлди. Эрталаб у ҳам худди шу маънода гапирганди. Фақат фарқ шуки, у эркаланиб, ноз ила оғиз очган, ҳар бир сўзиға меҳрдан безак кийдирганди.

Олияниң товушида маңзунлик ва ялинчоқлик оқанги күпроқ зди. Ботир худди шу муомаладан құрқади. Негаки, үзидан паст келган одамға әеч қачон терслик қылолмайды.

Олия сездирмай, ичкарига кириб кетди. Йүқ, сездирди, аввал совқоттандырыны билдириди, кейин томоқ қирди, сүнг индамай үзини иссиқ үйга оди.

Яхшиям шундай бүлгани, чунки у эшикни ёпиши билан Ботирнинг күл телефони овоз берди.

— Жоним! Мен уйдаман. Теэроқ кела қолинг.

— Ҳозир етиб бораман.

Ботир күчага чиқди-ю, Фарруҳга жавоб беріб юборгани ёдига түшди. Аксига олиб йूл сирланчиқлиги учун қатнов кам. У тор күчадан тез-тез юриб, шоқұчага ўтди. Бахтига битта "Нексия" чайқалиб келиб, уч-түрт қадам нарида тұхтади.

— Үтириң ақа, обориб құйман.

Сариқ мүйлови үзига ярашган йигит Ботирга илтифот күрсатиб, олд тарафдаги эшикни очди. У раҳмат айтиб, үриндиққа жойлашды.

— Эски шағаргами, ақа?

— Шундай!

Йигит сүзамолгина экан.

— Эски шағарға боришимни қаердан биласиз? — деб сұрамадингиз ҳам.

— Ким билади, назаримда, ҳамма үйига чопаётгандай.

— Сизни үша томонда күп күрганман. Оппоқ "Нексия" да юрасиз.

— Жұда синчков экансиз.

— Раҳмат, ҳайдовчи синчков бўлмаса, йўлини топа олармиди?

Ҳозир индамай туриңг, мен сиз борадиган домнинг ёнида тўхтайман.

Бу гап Ботирнинг ғашини келтирди. "Сиз борадиган дом" эмиш.

Чиндан ҳам сариқ мүйлов мұлжални тұғри олди. Бироқ Ботир унга сир бой бергиси келмади.

— Сал адашдингиз, яна озроқ юриңг.

Ҳайдовчи мулзам тортиб, машинини жадаллатди.

— Энди тўхтанг, — деди Ботир чўнтагини кавлаб пул узатаркан, "Адашганингизга хижолат чекманг, бўп туради", деб кесатиб ҳам кўйди.

Нақшинкор эшик қия очиқ зди. Ботир йўлакка туфлисини ечди, пальтосини шкафга илиб, секин меҳмонхонага мўралади. Биллур қандил остидаги ёнгоқдан тайёрланган стол гўё сингудай ноз-неъматларга тўла безатилганди. Дастурхонга курраи заминда

етиштирилладиган барча мевалар тортилган. Цитрус мевалари алоҳида саватчага дид билан терилган. Айвойи шарбатлар, маъданли сувлар, турли ичимликлар бурчақдаги ойнали столдан жой олибди. Шундай кенг столга бор-йўғи иккита стул қўйилган. Сал нарида Эрон шкафи устида қандолатчилик маҳсулотлари жажжи ликопчаларга солинган.

Ботир хонадон соҳибасининг ўткир дидига яна бир карра тан бериб, ошхона томонга чиқди. Лекин, Баҳор бу ерда ҳам йўқ эди. Энг муҳими, шарпаси сезилмасди. Наҳотки, уни куттани пастга тушган? Йўғ-е, ташқарида турса кўриниш берарди-ку. Энди у узун йўлақдан юриб, чап томондаги ётоқхона эшигини очди. Очди-ю, ҳайратдан кўзлари ёнди, юраги гурс-гурс ура бошлиди.

Дум-думалоқ ойна ёнида Баҳор янги йил либосида ҳудди қор қиззлардай, яна ҳам аниқроғи, малика Дианадай виқор билан уни кутиб олди. Оқ ҳарир ипак матодан тикилган кўйлагининг этаги гиламга ёйилган. Бўлимли, гавҳардай билаклари очиқ, аммо панжаларига итальянлар қўлқопини кийибди. Қулогидаги бриллиант чироқ нурида минг хил тусда товланади. Юзидаги чирой, нафосат олдидা ўша зумрад, ёқут тошлар ҳам хира тортгандай.

Ботир кундузи бир даста гул олиб, ваннахонага беркитиб қўйганди. Яхшиям, эсининг борида отини қамчилаган экан. Акс ҳолда шундай ҳурилиқони гулсиз тасаввур этиш мумкинми?

Ботир гулдастани севгилисига узатаркан, унга баҳт-саодат тилади. Эвазига ҳудди шу тилакка эш битта бўса инъом этилди.

— Мен сизни узоқ кутдим, — деди Баҳор унинг қучогидан бўшагиси келмай.

Биргалашиб меҳмонхонага киришганида аёлнинг кайфияти яна ҳам кўтарилиб кетди.

— Қандай, байрам дастурхонимиз сизга ёқадими?

Ботир унинг яногидан ўпди.

— Ҳали бу бизга тегишлими?

Баҳор ҳайратланиб қаради.

— И-е, ўз уйимиздаги неъмат ўзимизга аталади-да.

— Э, хайрият. Мен адашиб шоҳлар саройига кирибман, деб ўйлаётгандим.

Энди Баҳор уни таажжублантириди.

— Сиз жуда тўғри ўйлагансиз. Чиндан ҳам Таиланд ва Малайзияда ҳукмдорларга шундай зиёфат тақдим этилган. Ҳозир ҳам бу стол атрофидан севги салтанатининг шоҳи ва маликаси жой олади.

Ботир завқланиб Баҳорнинг елкасидан құучди.

- Биласизми, бир мен эмас, сизнинг ҳам тилингиз лутфга чечан.
- Гап тиідамас. Агар инсон ўзини баҳтли сезмаса тилига алиф келмайды. Тилни тушовладиган нарса оғир қисмат, жиловини ечадиган құдрат, бу чинакам омад, баҳт.

— Ҳақ гап. Аммо мен ўзимни баҳтиёр сезганим ҳолида тилим лол-ку. Бунисига нима дейсиз?

— Диllар боғланған пайтда тилга не ұжат, азизим. Қани, гурунгни кейин давом эттирасиз. Тезда ювиниб чиқа қолинг.

Ботир унинг феъл-авторини билса-да, атайлаб, қаршилик күрсатди.

— Янги йил кечаси ҳам ваннага ҳайдайсизми. Аввал вужудни иситиб олай.

— Танангизни ичимлик билан қиәдиришга ұжат бормикан. Нақотки менинг ҳароратимни сезмаяпсыз?

— Ү, бугун сизга гап топиш қийин. Хұп, мен кетдим. Мени күтгіл ва мен қайтарман...

Ботир ваннахонадан чиқанида, токи ички кийимларидан тортиб пайпогигача, янги күйлақдан тортиб, фаранг костюмігача муҳайе қилиб қўйилганди.

— Бу Янги йил совфаси...

Ботир хижолат тортганидан пешонасида реза-реза тер пайдо бўлди.

— Ахир мен...

— Тўғри, сиз чиндан ҳам мен учун топилмас, ноёб совфасиз. Қани, тезда кийиниб чиқинг.

Ботир ўн — ўн беш дақиқаларда янги сарполарни кийиб, меҳмонхонада ҳозир бўлди.

— Янги сарполар муборак, илоҳим, янги йил фақат яхшилик келтирсинг! — дея чин дилдан тилак билдириди Баҳор.

Ботир аёlinи дастурхонга таклиф этди. Шампан виносидан куйиб, унга узатди. Ўзи ўрнидан туриб, қадаҳ сўзи айтишга чорланди. Бироқ, кутилмагандан кўнгли бузилиб, томогига муштдай нарса тутилди, кипригидә ёш ҳалқаланди.

Бу кайфият Баҳорга таъсир қилди. У столни айланиб ўтиб, рўмольчаси билан севгилисининг кўз ёшини артди.

— Мана шу томчилар ўтаётган йилимизнинг энг сўнгги кўнгилсизлиги бўлсин, янги йилда фақат... Фақат бирга бўлайлик.

— Менинг ҳам бирдан-бир орзуим шу, Баҳор... Мен сизни жуда севаман, сиз менинг ҳаётимсиз. Сизсиз жоним ҳалак. Айтганингиз

каби кутаётган йилимизда фироқ дарди ариб, висол шарбатидан тотаверайлик.

Иккаласи ҳам бир қултумдан ичиб, фужерларни стол устига қўйдилар. Ботир энди дастурхонга қўл узатган эди, Баҳор "ҳай-ҳай" лаб уни тўхтатди.

— Аввал уйни бир айланиб чиқинг. Ўзгаришларни кўринг, маъқул тушса, мени мақтанг.

Ботир айвондаги стол-стуллар янгиланганлигини пайқамаган эди. Арк оралиғидаги парда ҳам алмаштирилибди. Эрон мебелларидан фақат сервант қолибди, олти оёқли диван ўрнига немисларнинг юшоқ креслоси қўйилибди.

Энг катта янгилик ётоқхонада кўзга ташланди. Икки кишилик диваннинг бош тарафига Сингапурдан келтирилган шокила-шокила гуллар илинибди. Қизифи шундаки, ёруғлик нурига қараб, новдалардаги гуллар очилиб, ёпиларди.

— Мана шу ҳаракатларимнинг барчаси сиз учун, — деди Баҳор Ботирнинг орқасидан қучоқлаб.

— Аллоҳ сиздай меҳрибон аёлга рўбарў қилганлиги учун минг бора шукр қиласман. — Йигитнинг овози қалтираб чиқди. Умуман, бу оқшом унинг қалбида хилма-хил туйғулар түғён урас, назарида Баҳор билан ҳам, Олия билан ҳам хайрлашаёттандай туюлаверарди.

Бу ҳиссият байрам дастурхонига ўтирганларида ҳам юрагини тарқ этмади. Аксинча, неча йиллар орасида шу файзли хонадонда — баҳтидан масрур ҳолатида илк бора Олия учун дили ачишди. Ва айни пайтда унинг ёнига боролмаслигини ҳам яхши тушунарди.

Баҳор эса, аксинча, жуда хурсанд кўринарди, бир гапириб, ўн кулар, иложи борича, Ботирнинг кўнглини овлашга интиларди. Олдидан ўтаётганида ҳам уни-буни баҳона қилиб гоҳ сочини тузгитар, гоҳ елкасидан қучар, гоҳ юзларини силаб қўярди. У гулли ликопчадаги тузланган қўзиқоринни санчқига санчиб, Ботирнинг оғзига тутди. Йигит қўзиқоринни тишлади-ю, чайнашга улгуролмади. Телефони халақит берди.

Баҳор илдамлик билан телефонни қўлига ушлади.

— Керак эмас, бугун оилавий байрам...

— Тўғри, унда ўчириб қўйинг.

Жувон телефонни ўзига узатди.

— Яхшиси, ўзингиз!

Ботир секингина ойначага нигоҳ ташлади. Сўнг аёлига ўтирилди.

— Онам экан...

Баҳорнинг чеҳрасига ташвиш қўнди.

— Ишқилиб, хотинингиз тинчмикан?

— Билмадим, сал тоби қочиб турғанди...

Орага жимлик чўқди. Ҳозиргина солингган овқат совиди. Баҳор ётоққа кириб, уст-бошини ўзгартириб чиқди. Энди унда бояги жўшқин кайфиятдан асар ҳам қолмаганди. Ботирнинг сукут сақлаётгани баттар ғашини келтирди. Аммо, унга ҳам осон эмаслигини билгани боис, тилини тийди. Барибир, кўнгли тинчимади.

— Ботир ака, ўзингиз қўнгироқ қила қолинг.

У шундай таклифни ўртага ташлади-ю, ичида барибир гапимга унамайди, деган таскин ётарди. Кутимаганда йигит телефон рақамларини тера бошлади-ю, бирдан ранг-қути ўчиб кетди. Тезгина бошқа хонага ўтди.

— Буви, сизми? Нима бўлди, оғирми, ҳозир бораман!

Ботир изоҳ бермаса-да, ҳамма гап тушунарли эди.

— Мени кечиринг, байрамингизни буздим, — деди у чиқиб кетаётиб. Баҳор бу сўзлар дилдан змас, шунчаки муроса тарзида айтилаётганини англаганида ичида нимадир чирс этиб узилди.

Ботир зиналардан пастликка қараб югирди. Баҳор анчагача унинг ортидан қараб ўйга толди. Сўнг беихтиёр эшикни қаттиқ ёпди-ю, ўзини юмшоқ ўриндиққа отди.

У келиб-келиб, Янги йил оқшоми уйда ёлғиз бир ўзи қолишини етти ухлаб тушида ҳам кўрмаганди. У бу тунни орзиқиб кутганди. Бу кеча ҳаётидаги энг лазиз, энг баҳтиёр дамлар қаторидан жой олиши керак эди. Афсуски, орзулари қўлдан тушган чиннидай чил-чил синди. Ўйлаган ўйлари саробга айланди. Илк бора суюнган тоғи омонатлигини, ишонган бори ўзгага мансублигини дилдан туйиб, юм-юм йиглади, ўқсиб-ўқсиб кўз ёши тўқди. Оппоқ пар ёстиқ жиққа нам бўлди.

Унинг кўнглига ботгани Ботирнинг каловланиб, тилига тош соглани эди. Наҳотки, не-не ниятлардан таҳт ясад, осмону фалақда парвоз қилаётган аёл ҳолатини тушунмасди? Наҳотки беш дақиқа тўхтаб, бор галини айтиб, икки қалима сўз билан кўнглига таскин бериб кетиш шунчалар қийин? Ахир, ўша Кумушой ўлиб қолмагандир-ку. Борди-ю, омонатини топширганида ҳам, минг юргургани билан жонини сақлаб қололмасди-ку. Ёки санамини шу қадар севадими? Унда, неча йиллардан бўён Баҳорни лақиллатиб юрганмиди? Бу эркак зотини англаш шунчалар мушкумли? Аёлнинг ҳийласи қирқ туга юк бўлди, дейдилар-у, бироқ, шу қирқ туга ҳийла эркак кишининг битта хушомади, алдови, риёкорлигига бас келолмайди. Чунки аёлнинг ҳийласида эркакка муҳаббат, уни

бағридан бүштаслик истаги ётади. Эркак найрангида бошқа қалбни ўғирлашга иштиёқ мужассам. Буни Баҳор илгари билмаганди, ҳозир билди. Билгани боис, ўз-ўзига ачиниш түйгуси кучлироқ алангаланди.

9

Орадан беш ой ўтди.

Баҳор оёқлаётган кезлари эди. Кутимаганда Тошкентдан Анвар Чориевич құнғироқ қылди. У аллақачон докторлик ишини ёқладаб, Фанлар академиясига қарашли илмий текшириш институтида раҳбар лавозимига күтарилағанди.

— Илмий маъruzam учун водийдаги институтлар билан боғланишим керак. Телефонда иш битмаяпти. Шунинг учун зартага тайёрага ўтираман, баҳонада сени ҳам күриб келаман, — деди у иложи борича қысқа гафиришга уриниб.

Анвар Чориевич белгиланған вақтда Андижон тайёрагохига құнған самолёт ичидан кулимсираб тушиб келди. У анча тұлишган, қозларидаги майда тиришлар ёзилиб, бодом қовоқлари тарапт күринарди.

— Ёшартириш эликсирини ичяпсанми? — ҳазиллашды Ботир у билан құчоқлашиб күришаркан.

— Ичмаяпман, бағримда олиб ётибман, — Анвар Чориевич ўзи гапириб ўзи тайёрагохни бошига күтариб құлди. У уч йил аввал қишлоғидаң ёшгина жувонга уйланған, ҳаётда омади юришаётган, ишқ туфайли чеккан зақматлари ажрини олаётган эди.

— Тұлғоной яхшими? — сүрәди Ботир Анварнинг спортчилар сумкасини Фарруҳга узатаркан. Шубҳасиз, савол меҳмонга мойдай ёқди.

— Яхши ҳам гапми, зўр! Худо хоҳласа, яқинда яна кўпайишиб қоламиз!

Ботир унинг тирсагидан тутиб, "Эсперо"га таклиф қиларкан, ҳазилга мойиллик сезди.

— Бу докторлик ишини шундан ёздингми, биродар?

— Тўғри топдинг. Ёш хотиннинг удасидан ўтиш докторлик ҳимоясидан ҳам қийин кўчаркан. Ҳа, майли, ўзингдан гапир. Баҳор миҳдайми?

Бу сўроққа Ботир дадил жавоб айттолмади.

— Борганды, биласан!

Анвар дўстининг ич-ичига ботган тим қора кўзига тикилди.

— Аслида, мени меҳмонхонага жойлашганинг қулайроқ эди.

— Қизиқсан-да оғайни. Андижонда иккита уйим бўлатуриб, сени етим боладай мусофирихонага тикишираманми? — деди Ботир машинага ўтиришганида. — Ҳа, айтмоқчи, Баҳор ўзи сени йўқлаётганди. Келаётганингни эшишиб, кайфияти анча кўтарилиб кетди.

Чиндан ҳам хонадон бекаси Анварни туғишган оғасидай кутиб олди. Меҳмонхонага ёзилган дастурхон Янги йил оқшомидагидан қолишимасди.

— Э қойил, — ҳаяжонини босолмай ҳайқирди Анвар. — Бунаقا столни Швецияда ҳам учратмагандим. — У шундай деб орқасидан кириб келаётган Баҳорга ўғирилиб, — Кел, аэзизим, мана шу кўлларингдан бир ўлай, — деди.

Жувон ялт этиб Ботирга қаради. У кулимсираб турарди.

— Бу, қўл эмас, нақ мўъжизанинг ўзи. Аллоҳ берганга қўш кўллаб узатаверар экан. Ҳам ҳурилиқосан, ҳам покиза, ҳам пазанда, энг муҳими, бадавлатсан. Дарвоқе, сенлаганимдан хафамасмисан?

Бека бошини қуий эгиг деди:

— Асло, ахир, синглингизман-ку.

Анвар бу фикрни дарров маъқуллади.

— Оддий сингил эмас, жонажон жигарбаңдимсан. Қани, олдикми?

Гапга Ботир аралашди:

— Олишдан аввал ўтириш керақдир!

Анвар ҳазилни давом эттириди.

— Ҳой бола, ўтиргунимизча қанча вақт кетишини кошки билсанг. Қани, манави "Оқ айик"ни кўрайлик-чи.

Шундай, дея Анвар тўрга ўтириб, кўлларини дуога очди.

— Илоҳим, икковинг қўша қаринглар. Омин.

Баҳор чой дамлаб келтириди. Тезда бир ҳўпламдан ичдилар.

Шундан сўнг Анвар дўстининг қўлидаги шишани олди.

— Жониворни жуда ззғилавординг-ку. Бунга ҳам жазманга ўхшаб муомала қилиш керак. Эй, сен бу фикр мағзини чақиб бўпсан.

Қадаҳлар уч-тўрт айлангач, сұхбат жиiddий тус олди. Ботир янги йил кечаси юз берган воқеани шошилмай сўзлаб берди.

Бу пайтда Баҳор дўстларни ёлғиз қолдириб, ошхона деразасидан ташқаридағи қийғос гуллаган гилос шохларига тикилиб, ўй сурарди.

— Аҳволинг анча мушкул! — чўзиб гапирди Анвар. — Очиги, сенинг ҳолатингни ҳавас қилолмайман. Биламан, бу нозанин юрагингдан урган. Аммо, ҳаётда ишқдан ташқари виждон, масъулият деган туйғулар ҳам бор-да! Агар Олия соппа-соғ юрганида бир нави эди. Борди-ю, ҳаммасига тупуриб, Баҳор билан яшасанг ҳам,

тўқис ҳаёт кечиролмайсан. Сен унақа одамлардан эмассан. Афсус, худди бир қўлини кутқариш учун иккинчи қўлидан воз кечиш керак бўлган ночор одамга ўхшайсан. Бироқ, гап шундаки, қайсинисидан ажралсанг, талофат камроқ бўлади? Уф, бошим оғриб кетди. Яхиси, мияга дам берайлик, қани, қуй.

Ички изтироб оташида ёнаётган Ботир адашиб чой узатди. Анвар дўстининг юзига таажжубланиб қаттиқ тикилди.

— Устимдан куляпсанми, чойингни араванинг гупчагига қуй?  
Ботир ҳам бўш келмади.

— Шиша ёнингда-ку!

Анвар индамай қадаҳни тўлатди. Суҳбатдошига қарамай, лиқ этиб ютиб юборди. Анчагача газакка қўл узатмай, ичимлик таъмини томоғида сақлаб, ҳузурланди. Сўнг "уфф" деб нафас чиқарди-ю, ликондаги тўғралган банаңга санҷки урди.

— Мен сени огоҳлантиргандим. Эркак киши севгини елкасига опичлаб олмаслиги керак. Инсоннинг инсонга муҳаббатида маънойўқ, ҳикмат йўқ. Ишқ худди пуч ёнғоққа ўхшайди, сирти қаттиқ, чиройли, мағзи бўш. Уқдингми?!

Анварнинг кайфи ортиб бораётганди. Суҳбат мавзуси унинг эски яраларини тирнагани буришган юз ифодасидан аниқ-равшан билинаётганди.

— Севсанг, менчалик севарсан. Охири қаңдай тугади? Шу кўнгил кўзимга чўп санҷди, шу кўнгил фуруримни топтади, шу кўнгил айни йигитлик давримни ботқоққа ботирди, бошимни эгди. Мана шу "эртак"дан хабаринг бормиди, бориди. Билиб туриб, ари уясига бош сукдинг, қайнаётган қозонга ўзингни ташладинг...

Ботир ҳозир эътиroz билдирадиган фурсат эмаслигини сезди. Аммо, дил тилни қитиқлади.

— Анвар, одам боласи ўз хоҳиши ёки буюртма билан бировга кўнгил қўя оладими? Йўқ, ҳеч қачон! Севги дегани дард эмасми? Яна шундай дардки, келиши ялла, кетиши аза. Муҳаббат ташрифидан юрак яшнайди, қайтишидан гул каби сўлийди. Кошки, бу дард давосини билолсам? Назаримда, мен эмас, жаҳондаги энг буюк адиллар ҳам, зўр ҳакимлар ҳам бу оғриқ малҳамини тополмагандир. Акс ҳолда, Навоийдай буюк зот Фарҳод ва Ширин, Лайли ва Мажнун юрагига ишқ оловини ёқиб, сўнг бу олов тафтини босолмай, охир, оқибат ўзларини ўлимга рўбарў қилиб қўя қолармиди?

Меҳмон мудрай бошлаган эди. Бироқ, дўст ҳасратини эшилди.

— Сен хотирингни жам қиласан. Мен ўлиб қолдимми, йўқ, сен айт, ҳеч ўлганманми? Асло ўлмадим, аммо, севгимни мана шу

қўлларим билан бўғиб ўлдирдим. Ҳозир менга Назокатми, Нозимами ёки бошқаси... Тупураман, билдингми? Сен эса жаҳлимни чиқариб, қиз болага ўжшаб кўз ёши тўкасан. Яхиси, аргамчини узун ташлаб қўй. Насриддин ҳақида ўзинг айтгандинг.

— Қайси Насриддин?

— Э авави Ҳўжа Насриддин бола-чи. 40 йилда ё подшо, ё эшак, ёки мен ўламан деган-чи. Ҳа, ўша афанди. Хуллас, болта тушгунча кунда дам олади. Сен Штириц каби ҳаракат қил. Қайси уйда ётсанг ҳам ҳушёрликни унутма. Ҳа, бу ёғини ечадиган зот бор... Энди мен ухлайман.

Анвар ўрнидан турди. Ботир кўмагида ванинда юз-қўлларини ювиб чиқди. Сўнг ечиниб, оппоқ чойшаб ёэилган жойга узала тушиб ётди. Худди ёш боладай дарров уйкуга кетди.

Эрталаб ионуштагача қиймали мастава тайёрлаган Баҳор шаънига мақтовлар ёғдирган Анвар Чориевичнинг кайфияти аъло даражада эди. У меҳмондорчилик учун миннатдорлик билдириб, туришга изн сўраганида, хонадон соҳибаси ўн дақиқа кутишини илтимос қилди. Бу, одатдаги илтифот эмасди. Баҳор юмшоқ стулни сурниб, йигитлар қаршисидан жой олди.

— Сизга маслаҳатим бор, — деди у сиполик билан.

Меҳмон ҳушёр тортди. "Наҳотки, кечаги алжирашимни эшилди?" — кўнглидан кечгани шу бўлди. — Тузимни еб, тузлигимга тупуришингиз нимаси, деб қолса-я. Оббо, роса қовун туширибман-ку". Аммо, бу ҳадиги беҳудалиги дастлабки луқмаданоқ аёнлашди.

— Мен Европага кетмоқчиман!

Бу хитоб наинки Анвар, айни чоқда Ботир учун ҳам янгилик эди.

— Европага, тижоратгами? — шошиб сўрашди ҳар иккови.

Аёл мутлақо хотиржам қиёфада жавоб қайтарди.

— Бутунлай.

Анвар ёнидаги дўстига савол назари билан боқди.

— Бу фикрдан дўстингизнинг хабари йўқ.

Орага нокулай жимлик чўқди. Ботирнинг ранги ўзгарди, лаблари пир-пир уча бошлади. Чап кўкрагида суст орриқ туйди.

— Тушунтириброқ галиринг, синглим, — илк бора Анварнинг овози титраб чиқди. У вазият бунаقا қалтис тус олишини хаёлига келтирмаганди.

— Мен жуда чарчадим!

— Чарчадим? Тижоратданми?

Ботир шу тобда нима деяёттанига ўзи ҳам ҳайрон эди.

— Тижорат одамнинг вужудини чарчатади, мен руҳан эзиидим. Мен Ботир акамни кутиб яшащдан безор бўйдим. Мен осмондаги ой нурига исинмоқчи эканман. Бироннинг ёрини ўзимники, деб адашганлигимни билмабман. Хуллас, узоқ ўйлаб, шу қарорга келдим...

— Сиз адашпиз. Ҳеч бўлмаса, севгингизни ўйламайсизми?

Баҳор ялт этиб Анварнинг кўзларига тикилди.

— Севгини битта тараф ҳимоя қилолмайди...

— Нега унақа деяпсиз, акир, Ботир сизга хиёнат қилмади-ку?

Баҳор ҳазин кулди. Бу, кулги эмас, дилдаги оғриқ рухсори эди.

— Сиз эрқаклар хиёнатни жуда оддий баҳолайсизлар. Хиёнат фақат бузуқлик эмас. Менинг назаримда аёл баҳтини бутун қилиб беролмаслик ҳам хиёнат, ёстиғининг ярми бўш қолиши ҳам, ҳоҳлаганида изини тополмай қайғуга чўмиши ҳам, кўча-кўйда эркин юришига шароит яратолмаслиги ҳам хиёнат! Мен шу пайтгача ўзимни ўзим алдаб келибман, энди билдимки, бу ёруғ дунёда мендан мискин, мендан баҳтсиз маъшуқа йўқ экан. Энди ўзимдан, Ботир акамдан ва севгимдан қочиб, узоқларга кетишни ният қилдим.

— Шошманг, етти ўлчаб бир кестган маъқул. Қани, Ботирдан ҳам эшитайлик-чи, эҳтимол, унда бошқача — икки томон учун фойдали таклиф бордир.

Баҳор асабийлашиб, овозини баландлатди.

— Олти йилда айтилмаган таклиф, бир — икки дақиқада ўргатага ташланармиди?

— Сиз унинг оғзини ёпманг-да, синглим, — энди Анвар ҳам ўзини қўлга ололмай қолаётганди.

Қизиқки, Ботир гўё бу баҳс-мунозоранинг унга алоқаси йўқдай жим эди.

— Агар Ботир оиласи билан келишиб, сиз билан яшаса, аҳдингизни ўзгартирасизми? — меҳмон ҳамон муроса йўлини ахтарарди.

Беканинг катта-катта чарос кўзларида ҳалқаланган ёш, киприклари орасидан сизиб ёногига оқди.

— Мен бу ҳақда кўп илтижо қилдим. Ҳозир ҳам тақрорлайман. Майли, бутун бойлигингиз, мол-дунёингиз Олия опамга қолсин. Ҳатто бегона аёл билан яшаётганингизни сездирманг, бу унга қанчалар оғир ботишини ўз бошимдан ўтказяпман. Уларга Тошкентда ишламоқчиман, деб тушунтиринг. Тагингизга янги "Нексия" олиб берай, шу корхонангизнинг пойттахтдаги бош бошқармасига ишга жойлашинг, ҳар ҳафтада оила аъзоларингизни кўргани келиб туринг, деб ялиндим, ёлвордим. Бироқ, бу киши тарозининг бир палласига

топган обрў-эътиборини, яқинларини қўйиб, иккинчи палласига севгисини жойлаганида, афтидан, бизнинг салмоғимиз енгил келди, шекилли.

Анвар Чориевичга бу таклиф жўяли туюлди, шекилли, дўстининг елкасига туртди.

— Рости ҳам шу. Юр, Тошкентта. Менга яқин бўласан. Уй-жойинг тайин, иш топилади, машина, муҳими, севган аёлинг билан бирга умргузароник қиласан. Яна сени нима қийнайди? Ахир, оиласиг ҳеч нарсани сезмайди-ку.

Ботир иягига мушит ўтказиб юборган боксчи каби карахт эди. У шу тобда ҳеч нарсани англамасди. Ҳаттоқи, тили семириб, лунжига сигмай қолаётгандай тушунарсиз рўлдирашдан нари ўтмасди.

Бу ҳол Баҳорнинг баттар жаҳлини қўзгатди.

— Кўрдингизми, асли кўнглида йўқ. Бўлса, бирон тайнинли гап айтарди. Майли, зорим бору зўрим йўқ. Ҳар ҳолда сиз мени айбламасангиз, бас. Мен ўзим хоҳлаб кетаётганим йўқ. Ҳар кунги йўл пойлашлар, ҳар тунги фироқ оғриқларидан безиб, бу ҳаётдан қочмоқчиман.

Анвар яна Ботирга ўтирилди.

— Нима бало, оғзингита талқон солғанмисан?

У бундан ҳам аччикроқ дашном бермоқчи эди, бироқ, дўстининг эс-жуши ўзида эмасдай туюлди.

— Ботир, тузукмисан?

Баҳор йиғлаб, арк ортидаги айвонга югурди. Анвар дўстига сув берди.

— Ўзингни қийнама, ҳаммаси ўтиб кетади. Билиб қўй. Севгидан бирор ўлмаган. Кетса ўзи билади, ахир, уни сен ҳайдамаяпсан-ку.

Ботирнинг кўз ёшлари пиёладаги сувга тўкилди-ю, нафаси очилди.

— Анвар, уни менинг журъатсизлигим еди, лоқайдлигим чарчатди. Не қиласки, қайси бармоғимни тишласам ҳам оғрияпти. Иккисига ҳам жоним ачииди. Мен туфайли иккиси ҳам ўз ҳолича баҳтсиз. Аммо, уларга баҳт илингандим, яхшиликни соғингандим. Берганим қийноқ, дарду алам бўляпти. Айт, ким айбдор бу савдога, ким?

— Ўзингни қўлга ол! Ўзини севмаган одам бошида таёқ синаверади. Сен, аввало, ўзингни сев, кейин бошқаларни, хумпар, нега мендан, менинг қисматимдан хулоса чиқармадинг? Бу ёруғ дунёда севги-муҳаббатдан ким рўшнолик кўрибдики, сен ўзингни қийнайсан, жон олиб, жон берасан? Айтдим-ку, вақт ўтиши билан ҳаммаси ёмон тушдай унутилади. Унгача бардошли бўл. Аллоҳнинг

синовига чида.

— Анвар, дилинг йиғлаб турибди-ю, менга ақл ўргатасан-а. Эркакмисан, тұғрисини айт, ҳалиям Назокатни яхши күрасанми, соғинасанми, эркаликлари күэз-үнгингдан ўтиб турадими? Ичичингдан келган хұрсинаңиң босолмай, бошингни қайси деворга уришни билолмай фарёд чекасанми? — Ҳа, тан олиш қийин, аммо тонолмайсан. Сен яхши дүстсан-у, ёмон муаллимсан...

Анвар Ботирни маңқам құуды.

— Барибир ўлмадим-ку!..

Ботир беихтиёр инграб юборди.

— Ұлмаганинг учун ҳар доим үлимингта розисан! Севги қон билан кирибдими, жон билан чиқади, шекилли.

— Үнда нега иккіланасан? Олияни ташлаб, Баҳорни бағрингдан узоқлаштырма.

— Не қылайки, виждон азоби севги оғриғидан ҳам оғирроқ экан.

— Үнда ишқа каған бичавер!

— Ұша ишқ ичида ўзлигим бор, ушалмаган орзуларим бор. Наҳотки, ҳаммаси саробга айланса?

— Үнда, Баҳорни яхшилик билан йүлға солайлик...

— Вақти келганды, Баҳор ҳам ўрнини бошқа фаслга алмаштирады. Менинг Баҳорим ҳам шундай, шекилли. Уни ортга қайтариш, фаслларни ортга қайтариш билан баробар.

Анвар Чориевич бу фикрга мутлақо қүшилмади. Кутитмаганда тамомила бошқача фикр изҳор этди.

— Ҳой бола, эсинг бұлса, асло ишқ билан ўйнашма! Ү ҳам худди гриппга үхшайды, ўзидан асорати ёмон. Үқдингми? Үнда, кетдик, тамом-вассалом. Худо хоҳласа ҳаммаси яхшилик билан тугайды.

Мәжмон останада туриб үй соқибасига товуш берdi.

— Баҳор, Баҳорой, хайрлашишга ҳаддимиз сиғадими?

Айвон (балкон) тарафдан күзләри қизарған ҳолда Баҳор чиқиб келди. У бошини күттармай, Анвар билан хайрлашды, Ботирга қараб ҳам қўймади.

## 10

Бошқарув ҳайъати мажлиси ниҳоясига етиб, сүнгти ходимнинг оғи үзилганида, телефон жиринглади. Ботир хушламайтина дастани күттарди. Аммо, қулогига эшитилган овоз бутун вужудини ларзага солди.

— Жоним!

Йигит юрак-юрагига сингиб кетген бу нафис овозни

эшитмаганига роппа-роса бир ҳафта бўлганди. Чунки севгилиси ўша кунги гурунгдан сўнг бир ҳафта ўтказиб, Тошкентга, ота-онасининг олдига кетганди.

— Қачон келдингиз? — деди Ботир ўз ҳиссиётларини базўр босиб.

Даста ичидаги товуш оҳангидан Баҳорнинг кайфияти яхши эканлигини сезиш қийин кўчмади.

— Ҳозиргина самолётдан тушдим.

— Илгари менга қўнғироқ қилиб қўярдингиз, — очиқчасига гинасини сездириб йигит. Аммо, бу саволга ҳам жўяли жавоб топилди.

— Авваллари замон бошқача эди, ариқларда сув ўрнига мой оқарди.

— Энди давр ўзгардими, дарёлар қуридими, ҳис-туйгулар босилдими?

Ботир сал қуюшқондан чиқаётганлигини фаҳмлаб, бу ёғига дамини ичига ютди. Баҳор сукутни афзал билди. Сўнг ялинчоқ оҳангда эркаланди.

— Мен сизни соғиндим!

Шу бир оғиз лутф дилдаги исён тафтини босди. Гўёки қайнаётган қозонга совуқ сув қўйилди.

— Мен эса эсим оғгудай аҳволдаман, — дарров очиқчасига тан олди йигит.

— Худо сақласин, сиз ҳаммамизга керакли одамсиз, ўзингизни эҳтиёт қилинг. Айниқса, мен учун жуда кераксиз...

Ботирнинг яна тили жиловидан бўшаб кетди.

— Жуда қизиқсиз-ку, гапингиз худди дор остидаги одамга "бутун ҳаёт олдинда" дея тасалли бераётган роҳиб лутфи каломини эслатади. Ҳар икки соатда сўзлашмай туролмайдиган одам худди сувга отилган гавҳар каби ному нишонсиз йўқолса...

Баҳор қиқирлаб кулди. Чиндан ҳам унинг кайфияти аъло даражадалиги билиниб турарди.

— Мени гавҳарга қиёсладингизми? Кечагина олтиним, ёқут кўзли бриллиантим, деб алқаган ким эди? Сизни қаранг-у?

Ботир чиндан-да ўзини йўқотиб қўйди.

— Ана, енгилдингиз! — дастадан қувноқ овоз эшитилди. — Энди мени ўйнатасиз. Мен сиз билан шаҳар кезмоқчиман, Андижон хиёбонларида сайр этмоқчиман, вақтингиз борми?

— Албатта, ҳозироқ етиб бораман...

— Яна бир илтимосим бор эди.

— Бемалол, Баҳорим.

- Бугун қоласизми?
- Саволингиз шуми?
- Ҳа, шунни хоҳлаятувдим.
- Наҳотки, кўнгил истаги илтимос билан адо этилса... Ахир, ўзим васлингизга ташна, зорман-ку.

— Ростданми, сиз ҳам мени соғиндингизми? Сиз ҳам мендай азобдамисиз...

Бу ёғига Баҳорнинг овози чиқмай, енгил хўрсингани эшитилди.

Ботирнинг қалбида ғашлик уйғонди.

— Ҳозир ёнингизда бўламан! — У шундай деб ташқарига отилди.

Биринчи қаватда ёрдамчиси Акмалга дуч келди. Бугун кечгача "зарур иш" борлигини айтиб, машинага ўтиради.

Гул юзли санами уни катта кўча бошида кутиб турган экан. Йигит "Нексия"дан тушибоқ, одамлар кузатувинга эътибор бермай, маъшуқасини маҳкам қулоқлади.

— Бундан кейин изсиз ўйқолманг, мен ҳажрингизда куйибёндим, — деди у ҳаяжон ила.

— Ҳайдовчингизга жавоб берворинг, — гапни бошқа тарафга бурди санам.

— Фарруҳ, сен дам олавер!

Шундай, дея Ботир ўзи рулга ўтиради. Баҳор илк бора машинанинг одлинги ўринидигига жойлашди.

— Ярашдими? — деди у яна гул-гул ёниб.

Ботир ундан кўз узолмасди. Оқ кофта билан қора юбка кийиб, сочига лола янглиғ тўғнагиҷ қадаган Баҳор худди коллеж талабаларидаи кўркам ва навқирон кўринарди.

— Маликаи дилоромнинг кўнгиллари нимани истайди?

Аёлнинг кўзларидан ўт чақнади.

— Сиз мени бошингиз оққан томонга олиб қочинг.

— Қаршилик билдиrmайсизми?

— Нега энди, ўзим шунни хоҳлаяпман-ку.

Машина шаҳар кўчаларида елдай учеб борарди. Бир зумда болалар борги, Конституция майдони, бош бекат ортда қолди. Янги бозор ҳудудида секинлаб юрдилар. Йўлнинг икки томонидаги муҳташам иморатлар, кўркам бинолар Баҳорнинг диққатини ўзига тортиди.

— Эссиз, ақл билан иш тутганимда шу ерда бизнинг ҳам компьютер марказимиз қад ростларди, — деди у ўйчан қиёфада.

— Зарари йўқ, Худо хоҳласа, тез орада фабрика қурамиз.

— Ҳаёлпарастлиқда Герберт Уэльсдан қолишмайсиз, — деди Баҳор

**жилмайиб.**

Ботир ўз фикрида туриб олди.

— Мен айни ҳақиқатни айтяпман.

— Шундайми? Икки ёрти бир бутун бўлиб рисоладагидай оила яратолмадиг-у, сиз аллақандай корхона ҳақида орзулайсиз-а.

— Начора, орзуга айб йўқ.

— Адашдингиз, рӯёбга чиқмайдиган орзуда айб кўп.

Йигит бошини ўтириб, ёнидаги сулувнинг кўзларига тикилди.

— Яна кайфиятингиз бузиляптими?

— Асле! Аксинча, кўнглим саир-томуша истайди.

Улар Боғишамолдаги "Таңдиркабоб" қаъваҳонасида бироз тамадди қилишгач, Дилкушодга йўл олиши. Қир устида Андижон — Ўш ўйлидаги узумзорлар, боғ-роғлар яққол кўзга ташланарди. Ўрикзорлар остидаги ўт-ўланлардан кўклам ифори тараларди. Баҳор кўм-кўм баргли арчалар остида тўхтади.

— Бу худди Ялта табиатини эслатади, — деди у атрофга суқланиб боқаркан.

Йигит машина юқхонасидан янги тўшак олиб, гиёҳлар устига ташлади.

— Бемалол ўтириб дам олинг.

— Эссиз, — деди аёл тўшакчани секингина қайриб. — Қанча ўт — ўланлар уволига қолдингиз.

— Ўсимлик эзилгани билан илдизидан чайлайверади, худди буғдой, шолига ўхшайди. Демак, кўнглингиз оғримасдан жойлашаверинг. — Ботирнинг бу фикрига жувон яна зътиroz билдириди.

— Илдиз чайлаши мумкин, аммо, топталган, эзғиланган майса қайта ўсмайди-да. Ҳолбуки, у табиат қўйнида ўзига аталганини олмоқчи, эркаланиб кўкка бўй чўэмоқчи эди. Сиз эса унинг ҳаётига зомин бўлдингиз. Инсон табиатнинг "оҳ"ига қулоқ солганида эди, ўз шаънига билдирилган таъна-дашномлардан бошини кўтаролмай қолармиди?

Йигит гап оқими қаёқча бурилганини илрай олмай хижолат тортиди. Ўзини ҳимоя қилиш мақсадида мозийга чекинди.

— Ёдингиздами, Шоҳимардан тоғларидан гул уздириб, гулчамбар ясаттирганингиз? Ўшанда ёввойи гуллар пайҳон бўлиши ҳақида эслатмагандингиз ҳам.

Кутилмаганда Баҳор хатосини тезда тан олди.

— Ўшанда табиат билан у қадар ўртоқ эмасдим. Бутун эс-ҳушимни тижорат билан сиз эгаллаган эдингиз.

- Энди-чи?
- Энди тижорат түгрисида камроқ қайғуряпман.
- Мен ҳақимда-чи?
- Ҳа, сиз ҳақингиздами, Зайнаб ўйласин, — деди Баҳор муғомбирона.

Ботир каловланиб қолди. Сўнг саволини яна тақрорлади. Баҳор бирдан жиддийлашиб, сукутга толди.

— Сиз... Сиз эса барибир ўзимники бўлолмайсиз.

Ботир Баҳордан бундай зарба кутмаганди. У ҳамма гапга ўша Анвар Чориевич келган кунги воқеа сабаб, деган иштибоҳда эди.

— Жоним, жаҳоним Баҳор, айтинг, фақат сизники эканлигимни қандай исботлай, нима қиласай? Ахир, шу пайтгача юрагимга қулоқ солиб улгурмадингизми, борлигимни, туйғуларимни англамадингизми?

Баҳор индамай келиб, севгилисини ёнига ўтиради. Унинг елкасига бош қўйди. Шундайгина юзига тегиб турган ғуборсиз арча шохини ҳидлаб, сўнгсиз хаёлларга берилди. Бу ҳолатда ҳам севги, ҳам армон, ҳам сокинлик, ҳам сир-синоат қоришиқ эди.

— Мени кечиринг, — деди Баҳор ҳудди ўзига-ўзи сўзлаётгандай. — Назаримда, кўнглигда икки туйғу бош кўтаргандай. Уларни муросага келтириш бир ўзимга қийин кўчяпти. Инсон ҳеч қачон ўзини-ўзи тушунолмас экан. Ҳозир мен шундай аҳволдаман. Сизни ҳам қийнаб юбораётганимдан нечоғли хижолат чекаётганимни билсангиз эди. Бу рашк ўти фақат бир ўзингни эмас, сенга энг яқин одамни ҳам биргалиқда куйдиришни хуш кўради, шекилли. Ичимдаги дардни ўзимга сифдиролмаяпман. Бу бало қайдан ёпишди, нега эс-хушимни ўтиради, нега тинчлик бермаяпти, ўзим ҳам ҳайронман. Шоирлар севгидаги тенгсиз ҳузур-ҳаловат, инсонийлик, раҳмдиллик сифатларини улуғлайдилар. Аммо, унинг "ўзидан бошқасини" тан олмаслигини, ҳаттоки ёвузлигини, орзу-мақсади йўлида учраган ҳар қандай тўсиқни яксон этишини ҳеч ким таърифламайди. Гоҳида ишқ құдрати атомдан ҳам хавфлимикан, жиловланмаган тошқинга ўшшармикан, деб ўйлаб қоламан. Майли, бу беҳуда фикрларга қулоқ солманг. Бугун мен сизни фақат ўзимники, деб ҳис қылмоқчиман. Бугун сизга меҳримни бермоқчиман. Неча кунлик қийноқлардан озорланган дилингиз чандиқларини ёзиб юбормоқчиман.

Баҳор шундай, деб Ботирнинг бағрига сингиб борар, нозик билаклари билан белидан маҳкам қучоқларди... Ҳудди шу ҳистийғулар файзли хонадонга, неча йиллик ишқ шароби саржушлигига гувоҳ гўшака кўчди.

Ботир анчадан буён ўзини бу қадар баҳтиёр сезмаган ва, табиийки анчадан буён Баҳор ўзини бу қадар соғинч, севги ҳиссиёти ила ёрига багишламаган зди. Бир кечалик висол лаззати юрақдаги бутун оғриқ, гина-кудурат изтиробига малҳам қўйган зди.

Ботир интиқ туйгулар таъсирида, вужудида ширин чарчоқ туйганича кўзини очди. Во ажаб, соchlарини шамолдай тўкиб тунги кўйлақда пари, пайкар мисол Баҳор унга таърифу тавсифдан ташқари меҳр билан тикилиб ўтирганди.

Йигит икки қўли билан санамини яна бағрига тортди. Маъшуқа оҳиста унинг кўксига бош қўйди. Қалин соchlар йигит кўкрагига ёйилди, ундан таралган муаттар бўй ошиқ қалбини яна маст қилди.

... Эрталаб Ботир нонуштадан сўнг кийинмоқ мақсадида ётоқقا кирганида, орқасидан ўзига зеб берган, юз-кўзларидан нур ёғилаётган зебоси кириб келди.

— Мумкинми, сизга ёрдамлашворсам?

— Ў, бундай марҳаматта мамнунлигимни билдираман, холос.

Баҳор Ботирни меҳрга йўтирилган қайноқ қалб ҳарорати билан ясантириди. Стулга ўтиргизиб пайғонини кийдирди, бўйинбоғини қайтадан тўғрилади. Сўнг қўлидан ушлаб, ҳар галгидай остонаягача олиб борди. Амма, ҳар галгидай остоноада тўхтамади, севгилисини меҳмонхонага бошлади.

Ботир ҳайрон қолди.

— Тинчликми, жоним?

Жувон мутлақо хотиржам зди.

— Илтимос, ўн дақиқа вақтингизни аямасангиз.

— Ўн дақиқа... Бунча камтарсиз, сиз бутун умримни сўранг.

Аёлнинг юзидағи майнин табассум жилоси хира тортди.

— Ботир ака!

Баҳорнинг нафаси ичига тушиб, гапиролмай, кўзларини йигитта тикиди.

— Қулоғим сизда, малагим.

Малакнинг рангги оқарди, нафис, қирмизи лаблари титради, сурма тортилган киприклари пирпираб учаш бошлади.

— Яна нима гап?

Бу сўроқ худди унинг қовоғида димланган ёшлар дамбасини суреб юборди-ю бир-бирини қувлаган қайноқ томчилар оппоқ яногига оқиб тушди. Ботир жойидан қўзғалиб, маъшуқаси томон юрганида, Баҳор уни тўхтатди.

— Илтимос, менга тегманг!

Йигит ҳеч нарсани англамай жойига ҳолсизгина чўқди. Хонадон

соҳибаси бироздан сўнг ўзини қўлга олгач, кўнглини очди.

— Акажоним, бу бизнинг сўнгти кечамиз эди, шу оқшом ёдингида бир умр муҳрланиб қолиши учун бутун борлигимни тикдим. Энди бир умрга хайрашиб фурсати етди.

Ботир ўқ еган бургут мисол назарида ўзини жарликка қулаёттандай сезди. Бу чиндан-да лутф эмас, сон-саноқсиз ва аёвсиз пайкон эди, бу сўз эмас, оғирдан-да-оғир палаҳмон тоши эди. Шу важдан у "нега" деган сўроқдан нари ўтолмади. Ботирнинг назарида бирдан момақалдироқ бўлиб, довул туриб, совуқ дўл ёғаёттандай туюди.

— Мен бирорнинг чорбоғидан гул узишдан чарчадим. Шу чоққача ўзгага тегишли баҳтни ўзимники, деб ишонтириб кедим. Энди қанчалар уринмай, бу рўё менга таскин беролмаяпти. Мен сиздан, ўзимдан, севгимдан қочиб кетаяпман. Мени тўғри тушунинг, бошقا иложим йўқ. Ботир ака, мен жуда чарчадим. Энди чидал олмайман. — Мижжаларида шашқатор ёш сизаётган Баҳорнинг овози қалтираб чиқди.

Ўзининг на тирик, на ўликлигини англолмаётган Ботир ниҳоят бир-икки сўз айтмоққа куч топди.

— Мендан, ўзингиздан қочиб қутиласиз, аммо, шу чоққача бирор севгисидан узоқлашолмаган. Чинакам муҳаббат руҳ билан кириб, жон билан чиқишини билмайсизми?

— Биламан, — деди Баҳор кўзларини тўғсан қалин соchlарини тўғрилаб. — Жуда яхши биламан, аммо, билатуриб шу ҳақиқат илдизига болта уришга жазм этдим. Ахир, бу йўлда кимдир ўзини курбон қилиши керак. Акс ҳолда оқибати ёмон бўлиши мумкин.

— Мен-чи, мени ўйламаяпсизми?

— Шу пайтгача сизни ўйладим. Ўйлаб билганим шу бўлди-ки, салкам олти йиллик ҳаётимиз давомида сиз ҳеч нарса йўқотмабсиз. Жамиятдаги мавқеингиз ўша-ўша, гарчанд касал бўлса-да хотинингиз ёнингизда, ўғлингиз бор, қариндош-уругингиз куршовингизда. Йўқоттан фақат менман.

— Сиз нима йўқотдингиз?

— Мен ҳаловатимни, жону жаҳонимни йўқотдим, оромимни йўқотдим, секин уриб турувчи юрагимни йўқотдим. Энг яқин дўстларимдан ва ота-онамдан узоқлашдим. Сизнинг-ча бу камми? Агар булар кам, деб ўйласангиз шу тобда жонимни ҳам беришга тайёрман. Ҳаёт мен учун ўз моҳиятини йўқотди. Ортиқ кутиб яшашга тоқатим қолмади.

Ботир бутунлай саросимага тушиб, айтар сўзини-да тополмасди.

У Баҳорнинг хатти-ҳаракатини мутлақо тушунолмай караҳт эди. Ахир, бирор мушугини пишт демаса, кун ора учрашиб, ҳол-аҳволидан ҳабардор юрса, оғирини енгил, узогини яқин қиласа... Тўғри, оиласидан бутунлай воз кечолмаяпти, лекин, бунинг ҳам сабаби бор – ку. Бу тўсиқни ўзи яхши билади-ку. Қизиқ, ҳозирги гаплар навбатдаги рашк хуружими ёки айни ҳақиқат? Йўқ, Баҳорсиз Ботирга яшаш қийин. Ахир, ҳаётда ягона кувончи шу аёл бўлса... Бунга асло йўл қўйиш керак эмас.

— Баҳор, ҳоҳласангиз, шу бугуноқ ёнингизга қўчиб келаман. Фақат мени кўрқитманг, сизсиз ҳароб бўламан, ўтиниб сўрайман, мени ташлаб кетманг.

Баҳор ўзини анча тутиб олганди. Шу боис, шошилмай, салмоқ билан жавоб қайтарди.

— Акажоним, энди поезд жойидан жилди. Мен қатъий қарорга келганиман. Бу фикримни ота-онам ҳам маъқуллашди. Аслида мен сизнинг йўлингиздаги тўсиқ эканман. Ишингизга ҳалақит бераман, оиласигизда мен туфайли қанча муаммо туғиляпти. Бояги гапингизга эса мутлақо қўшилолмайман. Сиз касал хотини, кекса онаси, ёлғиз фарзандидан юз ўтириб, хотиржам айш сурадиган эркаклар тоифасидан эмассиз. Сизнинг қўлингиздан бундай худбинлик келмайди. Ҳаттоқи, қўйнингизда мен эмас, Клеопатра ётганида ҳам барибир хаёлингиз иложисиз ўшаларга қараб учаверади. Шундай экан, эсимнинг борида этагимни ёпганим яхши. Ана шунда ҳаммамизга ҳаловат қайтиб келар экан. Келинг, Ботир ака, сиз ҳам умрингизда бир марта мардлик қилинг. Таклифимга "хўп" дент.

Ботир сакраб ўрнидан туриб кетди. Қўлларини қаёққа қўйишини билмай ён-верига ўтирилди. Гўё Баҳорни энди кўраётгандай унинг одига келиб, тиз чўқди, тиззаларини қуchoқлади.

— Жонгинам, бу аҳдингиздан қайting. Қандай шарт қўйсангиз розиман, фақат мени бунчалар азобламанг. Наҳотки, ҳижрондан ҳаловат қидирсангиз? Сиз қаттиқ адашяпсиз, сиз иккимизнинг бошимизни ўз қўлларингиз билан айрилиқ сиртмоғига тутиб беряпсиз. Билмадим, қайси шайтон йўлдан оздирияпти, лекин, олти йиллик умр зарварақларини хотирадан ўчириш осон эмас. Соғинч азоби тириклай еб қўяди. Бу хавфни ҳозирнинг ўзидаёқ сизнинг нигоҳингиз кўз ўнгимдан ўчмай туриб аниқ сезаяпман. Сиз ҳеч қачон бундай қилолмайсиз. Сиздан айрилиш мен учун ўлим демақдир...

Бироқ, Баҳор худди мумиёланган каби қилт этмади. Ҳар сафар бундай пайтларда севгилисининг соchlаридан силаб, кўнглига таскин

берар, иш ва оиласиги кўнгилсизликлар муҳаббат қувончи олдида ҳеч нарса эмаслигини обдон уқдирав, яноқларидан ўтиб, суйиб эркалар, хуллас, кўнглидаги губор кўтарилигунча қўлидан келганини адо этарди. Ҳозир ўша нозик бармоқлар гўёки занжирбанд қилингандаи. Гўёки, юрақда бир оғиз ширин гап ҳолмагандай. Ботирнинг назарида Баҳорни кимдир бошқа аёл билан алмаштириб қўйгандай.

— Соат 11 да Тошкентга учаман, пешингта яқин эса Европага йўл оламан. Ота-онам, ўғлим тайёрагоҳда кутиб туришади, кузатиб ҳам қўйишади. Илтимос, сиз орқамдан борманг. Акс ҳолда тайёрагоҳ зинапоясидан кўтарилишим қийин кўчади. Мен бу кунга жуда узоқ тайёргарлик кўрдим. Ўзимни Тўмарисдай шижоатли тутишга ҳозирладим. Бироқ ёрга таб бермоқ олдида ёвга тик турмоқ енгилроқ шекилли... Энди ишингизга боринг, мени унутинг. Мен ҳам сизни юрагимдан чиқариб ташлашга уринаман. Энди йўлларимиз, тақдиримиз қайтиб туташмайди. Хайр, Ботир aka! Бахтли бўлинг. Яхши қолинг...

Ботир бошини кўтариб, Баҳорнинг сокин сиймосига узоқ тикилди. Чиндаи ҳам ҳар доим кўнгилчан, деб ўйлайдиган аёлдаги сабр-бардош, метин иродага тан бермай илож ийӯқ эди.

Йигит девордаги осма соатга нигоҳини бурди. Унинг миллари ҳали тўққизга ҳам етиб бормаганди. У ўзини эшикка урди. Ҳозир бир фикрга келган эди. "Нима бўлса бўлсин, ҳаммасига тупуради, иш топилади, оиласига моддий ёрдам бериб туради. Фақат севгисидан воз кечмайди. Баҳор қаерга борса, ҳамиша у билан ҳамроҳ, ҳамдардлигича қолади. Ахир, жони унинг кўлида бўлгач, бошқа қандай иложи бор. Одамлар нима деса десин, ўз билганидан қолмайди".

Йигит шу мулоҳаза билан ташқарига чиқди. Фарруҳ катта йўлнинг нариги тарафида қатор экилган акациялар соясига ўтиб турган экан. Машинага ўрнашгач, ёрдамчисига қўнгироқ қилиб, Тошкентта чипта сотиб олишни буюрди. Ернинг тагидан бўлса ҳам соат 11 даги рейсга оласан, деди. Телефондаги гап тутамай, ўзи ҳам оғисига етиб келди. Ҳеч ким билан сўрашмай, тўғри хонасига кирди. Қоғоз олиб ишдан бўшаш ҳақида ариза ёзди. Сабабини тушунтириб ўтирмади. Сўнг биринчи ўринбосари Ҳамиджонни чақириди. Узоқ муддатли сафарга отланганлигини айтиб, раҳбарлар бир фикрга келгунларича ишлаб чиқариш суръатини бўшаштиргмаган ҳолда жамоани бошқариб туришни тайинлади. Унга тезда жавоб бериб, бурчақдаги пўлат сандиқдан бисотидаги икки

минг доллар пулини олиб, чўнтағига солди. Паспортини олишни ҳам унутмади.

Энди уйдагилар билан хайрлашиш қолди, холос. У шу ниятни дилига тутиб, яна "Нексия"га ўтириди. Бир зумда қўш табақали ёғоч дарвоза рўпарасига етиб келишди.

— Сен жойингдан қимирлама! — ҳайдовчига шундай деб ичкарига югурди. Саҳн ўртасида онаси Саломат аяга дуч келди.

— Онажон!

Саломат ая ўғлини кўрди-ю, унинг қучоқ очиб келишига парво қиммай буйруқ берди.

— Келдингми, тезда шифокорга югур, Олияниг аҳволи оғир.  
— Ойижон мен...

Саломат ая унинг нидосига қулоқ солмай, аллақандай гиёҳларни кўтариб, уйга кириб кетди. Ботир Фарруҳни таниш докторга жўнатиб, ҳайтиб кирди. Бир кўнгли такси ёллаб, тайёрагоҳга жўнавормоқчи ҳам бўлди. Аммо, ўғли Қодиржон билан хайрлашмай кетишга вижданни йўл қўймади. Аксига олиб Қодиржон кўринавермагач, истар-истамас Олия ётган уй эшигини итарди.

Не кўз билан кўрсинки, неча йил бир ёстиққа бош қўйған умр йўлдоши ранглари оқ-сариқ тусга кирган, қўзлари ярим юмуқ ҳолида ўлим билан олишиб ётарди. Саломат ая ўзича куймаланиб нима қилаётганини ҳам билмай, атрофида тентирааб, зир-зир айланарди. Бирдан ўғлига кўзи тушиб, бутун заҳрини тўкиб сочди.

— Ҳалиям шу ердамисан, югурсанг-чи барака топкур. Билсанг, уни сен шу аҳволга солдинг, сен меҳрингни аяб келяпсан. Бунча бағринг тош?.. Бирорнинг боласига раҳминг келмайдими? Ёлғиз ўғлинг етим қолишидан кўрқмайсанми?

Онасини сира бу аҳводда кўрмаган йигитнинг эсхонаси ўйнаб кетди. Вазият ўзи ўйлаганидан анча оғирлигини энди тушунди. Югуриб хотинининг тўзғиган соchlари устидан бошини ушлади. Пешонасидаги совуқ тердан сесканди, юраги орқасига тортиб кетди. Ана шундагина диваңда беҳуш ётган, умр бўйи овозини кўтартмаган, рўзғорнинг бор-йўқлигига қаноат қилиб, сокингина яшаган жуфти ҳалолига қанчалар ўрганганлигини тушунди. Усиз бу хонадондан файз-барака кўтарилишини ҳам англади. Англади-ю, кутилмаганда йирглаб юборди. Аммо, тезда ўзини қўлга олиб, Фарруҳнинг телефони рақамини терди.

— Тезроқ келмайсизларми, ахир!

Бу саволга жавобан эшик очилиб, Фарруҳ "Тез ёрдам" гуруҳи билан кириб келди.

— Биз шу ердамиз, Ботир ака!

Баланд бўйли, билакларини қора сепкил босган дўхтири дарров беморга кислородли ёстиқча улади. Сўнг юракни кучлантирувчи дори юборди. Қон босими юқори юрадиган кишининг босими пастлаб кетса шундай ҳол юз бериши мумкинлиги ҳақида йўл-йўлакай гапириб ўтди. Салкам бир соатга чўзилган муолажадан сўнг Олия ўзига келиб, кўзини оғди.

— Тузукмисиз? — Сўради Ботир унга юраги ачишиб. Олия беҳолгина бош иргади. Галиришга мажоли етмаётганлигини шундан ҳам билиш мумкин эди.

Шифокор Ботирни бир четга имлаб чақирди.

— Энди гап бундай, — деди у қўлини совунлаб юваркан. — Бугун-эрта хавф бор, индинга қадар юраги панд бермаса, саломатлиги тикланиб кетади. Лекин, бу, бутунлай согаяди, деган мулоҳаза эмас. Касаллик хуружи чекингач, тиббиёт институтининг клиникасига кўчирдим. У ерда кучли мутахассислар бор. Айниқса домламиз Неъматжон Солиевичнинг муолажаси ўта ишончли. Фурсатни бой бермай, хотинингизни, албатта, профессорга кўрсатинг. Ҳозирча мана шу укол ва дориларни олиб туради. Айтмоқчи, биронта тажрибали ҳамшира ёлласангиз, дегандим...

Дўхтири шундай орқароқда жилмайиб турган хушрўйгина, қалин, қоп-қора соchlари нозик елкасига тушган, ўрта бўйли тиббиёт ходимасига ўтирилди.

— Хурсаной, сизнинг вақtingиз қалай?

Хурсаной одоб сақлаб, секин юриб дўхтирга яқинлашди.

— Агар ёрдамим теса, бемалол, дўхтири!

Ботир ҳамширага миннатдорлик билдириди, телефон рақамини ёзиб берди.

— Бўш пайтингизни айтсангиз, машина юбораман.

“Тез ёрдам” кетди-ю, бироқ Олияning аҳволи яхшиланмади. У ҳали ҳам гоҳ беҳуш, гоҳ караҳт бир ҳолатга тушиб, ҳамманинг юрагини ёради.

Саҳидаги сўрига суюниб, астойдил йиғлаётган Қодиржонга кўзи тушган Ботирнинг кўнгли бузилди. Битта-битта босиб бориб, уни кучоқлади.

— Нега йиғлаяпсан, ўғлим?

Қодиржон дадасининг пинжига бош суқиб, энди астойдил ҳўнграб юборди.

— Аям ўлиб қоладими, дада?

Ботирнинг томоғига тангадай нарса қадалди, юраги эзилди.

— Нега ұнақа деяпсан, болам? Сенга бу ғапни ким айтди?  
Бола бурнини тортди.  
— Ҳеч ким. Фақат құрқиб кетаяпман. Сиз доим ишдасиз, аям...  
— Бас қил..., — Ботир ўелини тинчлантириди. — Аянг отдай бүлиб  
кетади. Зўр шифокорларга кўрсатамиш ҳали. Ўғил бола кўзига ёш  
олмайди.

Қодир ялт этиб дадасига тикилди.  
— Унда, нега ўзиз ҳам йигладиз?  
Ота уялиб қозини яшиromoққа чоғланди.  
— Оббо маҳмадона-ей. Мен йигламадим, кўзимга бир нарса  
кирди, шекилли.

Бола ишонди.

— Мен бўлсан йиглаляпти, деб ўйлабман.  
Ботир болани кучогидан чиқариб, Олияning ёнига кирди. У ҳамон  
ярим беҳуш ҳолатда эди. Ҳаттоқи ёнидаги одамларни ҳам зўрга  
таниётгандай туюлди.

— Олия, аҳволингиз қандай?!

Хаста вужуд қилт этишга мажоли йўқлигини билдиrolмай жони  
ҳалаклигидан яна пешонасига майда томчилар ёғиди. Шак-  
шубҳасиз эр бечора ҳам айни чоқда "Бундай қисмат душманинг  
ҳам бошига тушмасин", деб ўйлади. Наҳотки, қалбида илдиз отиб,  
ўзига мустаҳкам қўргон қурган муҳаббат салтанатининг умри  
шунчалар қисқа. Наҳотки, неча йиллар қониб ичган ишқ шароби  
энди ҳаётий эҳтиёжи даражасига етганида бу чашма ўз-ўзидан  
қуриб, Ботирнинг ҳам гулдай ҳаётинин қуруқ ҳазонга айлантиради?  
Наҳотки, айрилиқ азоби унинг паймонасига човут солади?

У шошиб соатига қаради. Ундаги рақамлар "мени қувиб  
етолмайсан, лоақал бир сония тўхтатолмайсан", деб мазах  
қилаётгандай, аёвсиз ўзгариб, илгарилаб бораради.

Олияning қуруқшаган лаблари хиёл ҳаракатга келди.

— Сув!

Ундан олдин кўзлари қизарган қайин синглиси Нозима чаққонлик  
қилди. Пиёладаги сувга паҳтани ботириб, опасининг қақраган лабига  
босди. Бу ҳаракат уч-тўрт бор такрорланганида гўёки сўлиёттан  
ниҳолга сув қўйилганида жонлангани каби Олия ҳам кўзларини  
очди.

— Мен қаердаман?! — секин пичирлади у.

Ботир энгашиб жавоб берди.

— Уйдасиз, ҳозир ҳаммаси ўтиб кетади, Худо шифосини берди,  
энди яхшисиз.

— Ҳа, Аллоҳга айтганим бор экан.

Олия чиндан-да ўзига кела бошлади. Чунки у сўзлаётганида шишган қовоқлари орасида ёш кўринди, киприклари намланди.

— Ботир ака, менсиз сизга қийин бўлади, мен сизни ташлаб кетолмадим!

Бу, оддий калом эмас, юракка урилган ханжар эди. Ҳолбуки, у ҳали ҳам аҳдидан қайтмаган, хотини ўзига келиши билан тайёрагоҳга ўқдай учадиган даражада туради.

Ташқарида оёқ товушлари эштилди. Кўп ўтмай, оқ ҳалатли кишилар кириб келишди. Яна текширув, яна муолажа. Қил устида ўтирган Ботир ипсиз боғланганлигини тушунди. Гарчи бир-икки бор кўнглида гулу кўтарилаганига қарамай, хотинини шу ҳолатда ташлаб кетгани виждони йўл қўймади. Аммо тезда ўзига таскин берди. "Тошкентга навбатдаги рейс бордир".

Шифокорлар беморга ёрдам кўрсатишаётганида, у Акмал билан боғланди. Ёрдамчисидан чиптани кейинги рейсга алмаштиришини сўради. Афсуски кейинги учадиган самолёт айни пешин вақтига зиқлаб қоларкан.

— У ҳолда Наманган билан боғлан, Фарғонага қўнғироқ қил, хуллас, пешинда Тошкентда бўлишим керак.

У ўзича барибир улгураман, деган фикрда эди.

Телефон қопқогини ёпганида, докторлар ҳам қайтиб чиқишиди.

— Худога айтганингиз бор экан, хуруж ўтиб кетди. Энди касални клиникага қўчирамиз.

Ботир шошиб сўради:

— Қачон, эртагами?

Жавоб кескин чиқди.

— Ҳозир амбуланс чақирдик. Вақт кутиб турмайди.

Худди шу пайт соткасида мусиқа янгради. Акмал экан.

— Ботир Аҳмедович, соат 13 да ўзимиздан чартер самолёт учаркан!

Бу хабар йигитга қайта жон багишлади.

— Раҳмат, Акмал!

Улар дарвозага етишганида остонаяга яп-янги амбуланс келиб тўхтади.

## 11

Кийимлари солинган жамадонни таксига юклаб, неча йиллик ҳаёти ўтган хонадонга қайтиб кирганида, Баҳорнинг юраги орзиқиб, хатога йўл қўйганини тушунди. Нега у шошилди, нега муҳаббатига

болта урди? Ахир, Ботирнинг хотини касаллигини биларди - ку. Ахир, салкам олти йил тинчгина баҳтли ҳаёт кечирди - ку? Севгилиси доимо оғзига қараб, айтганини мұжайё қиласади, жонидан ортиқ күрарди, меҳрини аямасди. Аммо, бу ғамхўрлик унга камдай туюлди, озига қаноат қилолмади. Ботирнинг келиб-кетишлари гўёки ўзини камситилганда тушунишига сабаб бўлди. Унинг фалсафаси шундай эди: "Мен уни севаман, у ҳам мени қўярга жой тополмайди. Шундай экан, нега бирга яшамаймиз, нега ўз баҳтимиз учун курашмаймиз?"

Баҳор ақл билан Худони таниганида, Ботирнинг ҳолатини тушунган, оғир дамларда унга суюнчиқ бўлган бўларди, аммо, ҳиссиётлар исён кўтарганида, ўзини жиловлай олмай ёғизлигидан, ёши бир жойга бораётганига қарамай тўқис баҳт згаси бўлолмаётганидан изтиробга тушарди. Аввалига дайди шабададай эсган хаёллар аста-секин қалбига худди ўргимчак тўрларидай ин қурди. Бутун фикри - зикри мұҳаббатини ҳимоя қилишга қаратилди. Юрса ҳам, турса ҳам шу ҳақда ўйлайверди. Бора-бора ширин висол онлари даҳанаки жанжалларга айланди. Ботир у билан бирга яшашга чин дилдан рози, фақат оиласвий аҳволи бунга имкон бермаётган эди. Баҳор эса, вазиятни билиб туриб ҳеч нарсани тушунишини истамасди. Боз устига, унинг тижорат ишлари орқага кетди. Катта миқдордаги пули товламачи қўлида йўқолди. Иккинчи тарафдан ота-онаси ҳам Тошкентдан туриб "қачон келасан", деган қийин - қистовни кучайтираверишди. Шуларнинг ҳаммаси бирлашиб, Баҳорнинг мұҳаббатини нафрата, ғазаб ва зулмга айлантириди. Лекин унинг ўзи бундай мушоҳада юритишига қодир эмасди. У ҳаётда севгидай баҳоланадиган бурч, масъулият, андиша каби туйгулар ҳам борлигини тан олгиси келмасди. Мұҳаббат барчасидан устун, деган ақида унинг жон-жонига сингиб кетганди.

Алалхусус, у ишқа қарши исён кўтарди. Тошкентга борганида, чет эл фирмаларидан бирининг таклифига осонгина кўнди. Осонгина кўнганининг боиси шу эдики, у "Барибир, Ботир ака мен билан бирга боради, ёғизлатиб қўймайди, ҳеч йўқ, беш-олти йил хорижда ишлаб, келажак учун замин ҳозирлаймиз. Энг мұхими, доимо бирга бўламиз", деган мулоҳазада эди.

Тўғриси ҳам шу эди. Аммо... Ботир қаршисидаги икки йўлдан қай бирини танлаши бу қадар қийин кўчишини у ҳисобга олмаган экан.

Хонадон эшигини ёпаётганида, худди ўз баҳтини ўз қўли билан беркитаётгандай туюлди - ю, яна ички бир хуруж юрагини алғов-далғов қилиб юборди. Лекин, Баҳор кўчага чиқиб кетаётганлиги

боис куч билан ўзини босди. Акс ҳолда, юз бўёқлари чаплашиб, яна изига қайтишига тўғри келарди.

Андижон кўчалари бу қадар қадрдон, бу қадар файэли эканлигини энди билди. У нафақат уйи, нафақат севгилиси, балки киндик ҳони тўкилган она Ватанини ҳам тарк этаётганигидан чуқур изтиробда ёнарди. Тайёрагоҳга яқинлашгани сайин бу азоб ўти тобора кучайиб, юрагини ўйиб борарди.

Хеч қачон вақтида учмаган самолёт бу сафар холини холига кўйиб парвозга шайланди. Баҳор божхона хизматчили билан узоқроқ сұхбатлашди, анави кузатув дарчасидан ўтаёттанида вақтни чўзди, тилло буюмлари-ю, соткасини беркитмади. Унинг бутун эътибори тайёрагоҳ эшиги тарафда эди. У Ботирнинг етиб келишига жуда ишонган эди.

Худди шу ўйи самолёт зинапоясида ҳам давом этди. У зинанинг ҳар бир пиллапоясини секин-аста босиб юқорига кўтарилади. Нижоят, сўнгги босқичга оёқ кўйиб, ортига ўтирилди. Юрагидаги ички бир сезги кўзи севгилисига тушишига кафолат бераётган эди. Аммо тайёрагоҳ ҳовлисиздан фақат бўйинбоги шамолда учёттан кузатувчи йигит турарди, холос.

Энди чиқмаган жондан умид деганларидаи, сўнгти илинж қолди. У Ботирнинг, ортидан пойтахтга етиб боришини жуда-жуда орзулаган ва шу ниятининг амалга ошишини Аллоҳдан сўраган ҳолида кўкка парвоз қилди.

• • •

Клиникага жойлаштирилган Олиянинг аҳволи тезда яхшиланди. Афтидан, касаллик хуружи ўтиб кетганди.

Ботир Олиянинг укаси Азизбекни чақирди.

— Зарур иш чиқиб қолди, сиз опангизнинг ёнидан бир нафас жилманг, сиҳат-саломатлиги ҳақида мени хабардор қилиб туринг, қолган гапни кейин телефон орқали тушунтираман, — деб тезда тайёрагоҳга жўнади.

Чартер рейс муддатидан кеч қолиб учди. Ботир Тошкент тайёрагоҳига қўниши билан халқаро қатнов биносига ўтди. Бу ерда ит эгасини, мушук бекасини танимасди. Афтидан, Европага учадиганлар яқинлари билан хайр-хушлашмоқда эдилар. У Деҳли, Владивосток, Париж, Люксембургта учадиган йўловчилар орасидан Баҳорни тополмади. Сўнг бошига келган фикрдан дили ёришиб, тўғри радиоалоқа хонасига кириб борди.

— Илтимос, Баҳор исмли аёлни кутаётганигимни эълон

**қилсангиз.**

Орадан уч дақиқа ўтар - ўтмас қуийдаги эълон ўқиб эшилтирилди.

— Аңдижонлик Баҳорой! Сизни маълумотнома хонасида Ботир Аҳмедович кутяпти!

Эълон уч бора такрорланди-ю, ҳадеганда, Баҳорнинг дараги чиқавермади. Йигитнинг тарвузи қўлтиғидан тушиб, бошини эгиб, кутиш залига ўтди. Шу тобда унинг кўзига ҳеч ким кўринмасди. Мияси ари уясидай тинимсиз гўнгиллар, хаёли бодроқдай сочилганди. Энг мұхими, қаёққа бош уриши, кимдан ёрдам сўрашини ҳам билмасди. Севимли ёрини атиги бир бора кўриш умиди узоқлашгани сари юрагидаги оғриқ тобора кучайиб, ит азобига соларди.

У оёқлари толиққанлигини сезди. Ташқаридаги заранг остига ўрнатилган ўриндиққа ҳолсизгина чўкди. Кўнгли бузилиб, киприклари намланди.

Кўзини қоплаган хира парда ортида Баҳорнинг маъюс қиёфаси жонланди. Гўёки у "Сиздан шуни кутганимидим, лоақал кузатиб қўйишга ярамадингиз", дея сўроқлаётгандай. Чиндан ҳам қисмат у билан оғир ҳазиллашди. Баҳорнинг кетиши билан Олиянинг хасталаниши айни бир пайтта тўғри келиши ақл бовар қилмайдиган ҳолат эди. Айнан "ақл бовар қилмайдиган" воқеа рўй берди-ю, Ботирнинг режалари барбод бўлди. Худди қўлига кўниб турган булбул ногоҳон учиб кетгандай... Энг ёмони, Баҳор кейинги воқеалардан мутлақо хабарсиз эди. Энди у Ботирни сира кечирмайди. Энди ҳаммаси тамом, ҳаммаси ширин туш каби қалбда ёқимли таассурот қолдириб, олис-олисларга учиб кетди. Ўтган олти йиллик ҳаётдан фақат тотли таассуротлар қолди, холос. Тақдир энди уларни яна қайта учраштиармикан? Уларни бир-бирига қайта боғлайдиган қандай ришта бор? Нега Баҳор бунчалар тез ўзгарди? Ёки Ботир олдидан оқсан сувнинг қадрига етмадими? Йўқ, у имконияти даражасидаги барча ишга қўл урди, юрагини берди, ҳурматини жойига қўйди, ёлғизлигига мустаҳкам қоя каби ҳимоя қилди. Лекин, эътибор қанча кучайгани сари эҳтиёж ортаверди. Баҳор Ботирга бутунлай суюниб, унинг ҳар бир ҳижронини оғир қабул қилишга ўрганди. Йигит эса дардманда хотинини ташлаб, ўз баҳти этагидан маъжкам ушлашга ҳадди сифмади.

Энди бу айрилиқ умр бўйи елкасида оғир юқ бўлиб юраверади, унинг ўткир тиканлари эса елкасини эзваверади, эзваверади. Энди қалб жароҳати ҳеч нима эмас. Бироқ, Ботир ҳамон Баҳорнинг ташлаб кетганига ишонгиси келмас эди.

Ботир шомга яқин Баҳорнинг ота-онасиникига кириб борди. У қариялардан ёргулук чиқмаслигини биларди. Чунки Баҳор Ботир туфайли беш йил улар айтмоқчи "тулканинг тагида" қолиб кетди, Тошкентта кўчиб келмади. "Яримта эр" га ишониб ота-онаси, ўлини дийдоридан маҳрум этди. Шунинг учун ҳам кексалар сиртқи күёвини кўпам хушлашмас, фақат зарурият юзасидангина сұхбат куришарди. Аслида Баҳорнинг бундай тез "бир қарорга" келишида ота-онасининг beminnat "хизмати" борлигини ҳам йигит юракдан англаб етганди. Шунга қарамай, у "йўлини йўқотганида" Аҳрор ака хонадонига қадам босди. Кутганидай, мезбонлар уни совуққина қарши олишди. Аммо, ҳайтовур ўтиришга таклиф этишди.

— Баҳор қайси мамлакатга кетди, — сўради у бошини ердан узолмай.

Аҳрор ака пишиллаб оғир нафас олди. Қўлидаги сочиқни стол устига ташлаб, зарда аралаш деди:

— Етар, энди Баҳорни хаёлингиздан чиқариб ташланг.

Ботир эрталабдан буён битта ширин гап эшитмаганди. Буниси ортиб тушди. Ўзини тиёлмай деди:

— Нега менинг туйғуларимни топтайсиз? Мен қизингизни севаман, усиз яшашим қийин.

Аҳрор аканинг дум-думалоқ кўзлари совуқ йилтиради.

— Бунақа эртакни бошқа одамга айтасиз. Севар эмиш! Севадиган эркак бирга яшайди, шоҳдан-шоҳга кўниб юрмайди. Сиз ўзингизни ўйлаб, икки аёлни бахтсиз қилдингиз. У ёқда хотинингиз тӯшакка михланиб ётиби, агар тек қўйсам, қизимни ҳам шу кўйга солардингиз. Сиз, биласизми, қанақа одамсиз, эгоистсиз...

Ботир бу ерда рўшнолик кўрмаслигини тушунди. Хайрлашмасдан чиқиб кетди. Таксига ўтириб, тайёрагоҳга борди. Вақт алламаҳал эди, атрофда одамлар сийрак, кундузги тўс-тўполон анча тинчиган эди.

У барча чиптахоналарга учраб, Аҳророва Баҳорнинг қайси мамлакатта учганини суриштирди. Ниҳоят, 7-чиптахонада тайёрагоҳ ходимаси барча умидларини чил-чил синдирувчи жавоб берди.

— Тайёрагоҳ бошлиғи Аҳророва ҳақидаги маълумотни бировга айтишимизни ман қилган, яххиси, овора бўлманг!

Тайёрагоҳнинг йўловчи ташиш бўлими бошлиғи, тепакал киши ҳам юқоридаги фикрни тасдиқлади...

Ботир Аҳмедович эрталаб ишга етиб келди. Биринчи ўринбосари Ҳамиджонни чақириб, "Ёпиқлик қозон шундайлигича қолсин", деб тайинлади. Столи устидаги аризани йиртиб ташлади. Азизбекка

телефон қилиб, Олияниң соглигини суроштириди.

У иш боплашидан аввал Баҳор ҳақида ҳеч нарса ўйламасликка ўзига-ўзи сўз берди.

## 12

Орадан икки йил ўтди. Ботир Аҳмедович севги ва севгилиси ҳақида ўйламасликка аҳд қилиб қаттиқ адашган экан. Ботир юрсатурса, кўз олдида Баҳорниң гўзал чеҳраси тавдаланаверди. Кулоқлари остида эса унинг овози. Шу ўтган икки йил Ботир учун йигирма йилдай, бир асрдай туюлди. Лекин, бирор кун, бирор лаҳза бўлмади-ки, Ботир Баҳорни эсламаган, соғинмаган бўлсин. Кун ўтган сайин Баҳорга нисбатан соғинчи кучайса-кучайдики, асло камаймади. Ботирниң назарида Баҳор кулиб кириб келадигандай. Ҳа, юракка ҳеч қачон буйруқ бериб бўлмаслигини у жуда кеч тушунди. Ҳижрон оташида ёнавериб, бир парча гўштта айланган юрак муддатидан аввал чарчай бошлади. Ботир "Ўтиб кетар", деб парво қилмади. Шифокорга учрашни эп кўрмади. Ботирни ардоқлайдиган Баҳор бўлмагач, унинг соғлиги кимга керак?

Навбатдаги йиғилишни ўтказаётган бошлиқ одамлар кўз ўнгидатўсатдан ҳушидан кетиб йиқилди.

У ўзини йўқотган паллада профессор Неъмат Солиевич 5 ёшли набираси Нозиманинг рақсига маҳлиё бўлиб, кувончдан ял-ял ёниб ўтирган эди.

Қўй телефонида ўша хабарни эшилтгач, зудлик билан клиникага етиб борди. Мана, бир ҳафтадан ортдики, беморнинг ҳолатида сира ўзгариш йўқ. Аксига олиб, Германиядаги ҳамкасби ҳам жим. Юрак, буйрак, ўпка ва жигар фаолиятини тетиклаштирувчи муолажалар ўз таъсирини ўтказмаётганига сира тушиниш қийин. Беморда руҳий стресс кучлига ўхшайди. Бироқ, энди ўзидан "гап олиш" осонмас. Лекин, бу шак-шубҳасиз даволаш жараёнинга ёрдам берарди.

Неъмат Солиевич ички бир умид билан қаршисидаги мониторни очиб, Давид Васильевичдан бирон янгилик келдимиликан, деган мақсадда "пошта қути" сини титкилади. Во ажаб, чиндан-да хат келибди: "АЗИЗИМ НЕЪМАТ СОЛИЕВИЧ, АФТИДАН, КАСАЛИНГ РУҲИЙ ЗЎРИҚИШГА УЧРАГАН. СЕН МАНА ШУ ТОМОНИНИН ҲИСОБГА ОЛ. БИРОН ГАП ТОПИЛСА, ДАРРОВ МЕНГА ЕТКАЗ. СЕНИ КУЧИБ, ДАВИД!"

Қизиқ, ҳозиргина ўзи ҳам шу ҳақда мулоҳаза юритиб турган эди. Демак, фикр бир жойдан чиқаяпти. Энди "руҳий зўриқиши" сабаби, аниқроғи, ўчогини топиши керак. Бу хасталикни келтириб чиқарувчи омилларни тезроқ аниқлаши керак. Биринчиси, ишдаги

муаммо. Бироқ, корхонада айтарли чалкапшилк йўқ. Иккинчиси, оиласи келишмовчилик. Бу ҳам ишончли омил эмас. Хотинининг сурункали касаллигини ҳисобга олмаганда, ҳаёти бинойидек. Дўст-душманлари-чи? Буни ҳам аниқлаган. Бу йигитда дўст ҳам, душман ҳам йўқ, шекилли. Унда яна нима қолди. Эҳтимол, севги дардири. Айнан шу дардни бирорвга айтольмайди, кўнглини ёзолмайди, ўзи ҳам сезмаган ҳолида ич-этини еб бораверади. Айниқса, Ботирнинг ёшида бу ҳолга тушишнинг ўзи бўладими.

Таассуфки, профессор умрида бирорвга қаттиқ боғланмаган, унинг энг буюк муҳаббати тиббиёт, севинчи – оиласи, қувончи – беморларга шифоси эди. У мазҳаббошимиз имоми Аъзам раҳматуллоҳи алайҳдан бир қулни озод этиш фазилатлари тўғрисида маъруза қилишини сўраганида, аввал бозордан қул сотиб олиб, бир ҳафта ишлатиб, озодликка чиқаргачгина жума маъвзасини шу мавзуга бағишилаганини эслади. Қулни озод қилиш туйғусини қалбидан ўтказганлиги учун ҳам айтган ваъзи кўп қулдорлар юрагини юмшатган экан. Аммо, бундай тажриба ўтказишнинг иложи йўқ, бутун вужуди илмга қоришиқ одам севги, муҳаббат бобида ёш йигитчалик салоҳиятга эга эмасди. Бироқ, профессор йўлда ётган тошни тепиб ўтиб кетаверадиганлар тоифасидан эмасди. У, аввало, бу тош қаердан, ким томонидан, нима сабабдан қўйилганлиги ва уни четга сурицдан бирорвга азият чекмаслигини обдон мушоҳада қилишга одатланганди.

У кабинетидаги узун китоб жовонига кўз югуртириди. Ибн Синонинг "Тиб қонунлари" ни яна бир бор варақлади. Унда ёзилишича, ишқ дардига мубтало кишининг юрак уриши гоҳ тезлашиб, гоҳ секинлашар экан. Ранг-рўйи сомондай сарғайиб бораркан. Ички аъзолари мўътадил ишласа-да, фаолиятида ўзгаришлар рўй бериб тураркан. Булар тушунарли, аммо, муолажаси қандай? Даво усули жуда оддий – фақат висол. Оддий-у, ўта қийин савдо. Бу йигит – севги дардига учраган бўлса, севгилиси ким, қаерда, ҳаётдан кўз юммаганми?..

Аввал шу саволларга жавоб излаши керак. Лекин, бу, айтишга осон. Ахир, Неъмат Солиевич сеҳргар эмас-ки, ҳамма нарсани бир куф-сүф билан ҳал этиб қўйса. Бироқ, шу ҳолатда ҳозир у кўл қовуштириб ҳам туролмайди. Тезроқ бирон чора топмаса навқирон бир йигитнинг умрига зомин бўлади.

Неъмат Солиевич китоб жавонининг "Рұхий ҳолатлар" ҳақидаги бўлимими очиб, Эммет Фокс исмли муаллифнинг "Тоғдаги ваъзхонлик" китобини қўлига олди. Чунки бу асарда ҳам қимматли

**Фикрлар кўп эди.**

Унинг диққати қўйидаги сатрларга тушди. "Ҳақиқий муҳаббат бартараф этолмайдиган қийинчиликлар йўқ, муҳаббат доволай олмайдиган касалликлар ҳам; муҳаббат очолмайдиган эшиклар ҳам; ҳақиқий муҳаббат тилаб ололмайдиган гуноҳлар ҳам..." Жуда ажойиб.

Шу китобнинг ёнида Адам Жексоннинг "Соғлом бўлишнинг ўнтасири" асари турган экан. У китобнинг 10-бўлими – "Муҳаббат кучи" ни ўқишга киришди.

– "Муҳаббатнинг соғломлик учун муҳимлиги шундаки, – деб ёзилганди унда. – У – ҳаёт асоси. Муҳаббатсиз умр ўз аҳамияти ва маъносини йўқотади ва инсон депрессияга тушади. Муҳаббат тан, ақл ва руҳга озиқ беради. Ўзларига нисбатан муҳаббат туйгусини сезиб турувчи бемор бошқаларга нисбатан тезроқ тузалади. Чунки инсон муҳаббатни ҳис этганида унинг вужудида оқ қон таначалари миқдори ортиб, томир оқимиға оғриқ ва стресслар билан курашишга ёрдамлашувчи маҳсус гармонлар қўшилади ҳамда бундай инсоннинг аҳволи бутунлай ўзгарамади.

Коинотнинг кўпгина қонуниятлари мавжуд ва буларнинг барчаси бенуқсон, лекин булар ичида энг асосийси – муҳаббат қонуни, чунки муҳаббат абадий барҳаёт. Бу коинотдаги энг қудратли куч. Муҳаббат туфайли барча муаммоларни ҳал эта оламиз ва касалликлардан халос бўламиз. Мен кўплар нима учундир менсимай қарайдиган муҳаббат соғайишда асосий омилиллигига қатъий ишонаман. Ва асл муҳаббатсиз асл саломатликка эришиш мумкин эмас, деган фикрга менда заррача шубҳа йўқ".

Дафъатан кабинет зшиги секингина чертилди. Розилик билдирилгач, оппоқ ҳалат кийган, бошига оҳорли қалғонини қўндирган чиройли ҳамшира қиз ичкарига бош сукди.

– Домла, бемор Ботир Аҳмедовичнинг турмуш ўртоғи сиз билан суҳбатлашмоқчи экан...

Неъмат Солиевич столи устидаги қалин ойнага гўштдор панжаларини босиб, ихтиёrsиз ўрнидан турди.

– Айни муддао, айтинг, кирсин.

Кейинги икки йилда Олияниң саломатлиги яхшиликка юз буриб, ранг-рўйи тиниқлашган, чеҳрасида аёллик нафосати барқ урган, руҳияти тетиклашиб, яшашга иштиёқи кучайган эди. У табиатига мос равишда бироз тортиниб профессор кўрсатган дивандан жой олди.

– Мен Ботиржон акамнинг аҳволидан ташвишда қолдим... – Олия бу ёгини гапиролмай лабини тишлади.

Неъмат Солиевич шифокорлик фаолиятида бундай сұхбатларни күрәвериб, мижозлар күнглига йўл топишнинг анча ҳадисини олганди. Аслида беморга нисбатан унинг яқинлари ҳам ёрдамга мұжтоғ, — деб ўйларди у. — Чунки хаста киши атрофидаги инсонлар табиатан хуштақчақ, ҳаётта чанқоқ, мұжими руҳий бардам юришлари керак. Бемор айнан уларнинг кайфиятига қараб ўз ҳолатини уқишига инилилади.

— Келганингиз жуда яхши бўлиди, — мулоим оҳангда гап бошлиди профессор. — Ўзим сиз билан мулоқот қилмоқчи эдим. Келинг, очиқасига сұхбатлашамиз. Бусиз мақсадга зришолмаслигимиз аниқ.

— Албатта, мен ҳам шу мақсадда олдингизга кирдим. Эҳтимол, бирон ёрдамим тегар.

— Баракалла! Айни ҳақ гапни айтдингиз. Ҳозир бизга bemornining жонини омон сақлаб қолиш мұхим, қолган масалалар кейинчалик ўз-ўзидан ечилаверади.

Олия муддаони тушунмаса ҳам бош ирғаб маъқуллади.

— Энди, мени кечирасиз-у, сизга бир савол, эрингиэнинг сиздан бўйак яқин кишиси бормиди?

Олия шу "нарса" турмуш ўртогининг саломатлигига қандай алоқаси борлигини тушунмай, кўзларини катта-катта очиб, дўхтирга тикилди. Бироз ўйлаб, сўнг тиши ёрди.

— Аниқ билмайман. Мен ўз дардим билан овора эдим. Очиги, у кишига дурустроқ эътибор ҳам қилолмаганман. Бечора менга қараб юриб охири ўзи... ётиб қолди. — Олияning күнгли бузилиб, кўзларидан ёш қуйилди. — Кечирасиз, асабим бўшроқ, — дея хижолат чекди.

— Ташвишланманг. Фақат саволимга жавоб берсангиз кифоя.

Олия юпаниб, бироз тин олгач, яна ўйга чўмди.

— Биласизми, бизнинг орамизда қандайдир парда бор эди. Мен у кишининг бирорвга кўнгил қўйганини аниқ эслай олмаяпман. Эҳтимол, шундайдир. Бироқ, мени эҳтиётлаб сездирмагандир.

— Яхши, унда энг яқин дўстини айтинг.

— Андижонда жуда "ош-қатиқ" бўлган ўртогини билмайман. Ҳа, бир курсдош оғайниси бор, лекин Тошкентда. Илгари тез-тез келиб турарди.

— Телефон рақами борми?

— Бор. Ҳозир айттолмайман. Бир жойга ёзиб қўйгандим. Уйга бориб, сизга қўнгироқ қиласман.

— Жуда соз. Билингки, бу одам бизга жуда керак.

Олия остонага яқинлашганида яна ортига ўтирилди.

— Домла, Ботир акам оёққа туриб кетармикан?

Профессор саволга савол билан жавоб қайтарди.

— Сиз неча йил оғридингиз?

— Ўн йилдан ортди.

— Мана, оёқда турибсиз-ку. Худо хоҳласа, Ботиржонни ҳам соғайтирворамиз. Сиз руҳингизни туширманг...

Орадан анча фурсат ўтгач, Олия доктор билан боғланди. Неъмат Солиевич телефон рақамини стол устидаги ёзув дафтарига мухрлаб, дарров Тошкентта телефон қилди.

— Лаббай! — даста ичидан виқорли овоз эшитилди.

— Кечирасиз, Анвар Чориевич, мен Андикон тиббиёт институти профессори Неъмат Солиевичман.

— Ассалому алайкум, Неъмат Солиевич. Андиконлар яхшими, ўзингиз соғ-саломат хизматларни бажарябсизми, димор чорми? — Анвар Чориевич бундай такаллупни водийликлардан ўрганган эди. Ҳозир бор маҳоратини ишга солди.

— Анвар Чориевич, сизнинг Ботир Аҳмедович исмли дўстингиз борми?

Даста ичидаги овоз жаранглаб кетди.

— Ў, борми детанингиз нимаси? Ишқилиб, соғ-саломат юрибдиларми?

— Ҳамма гап шундаки, дўстингиз анча бетоб...

Анвар Чориевич чуқур ўйга чўмди. Сўнг гапни қисқа қилди.

— Эрталаб ҳузурингизга етиб бораман.

Анвар Чориевич ваъдасида турди. Касалхонада "обход" бошланмасидан илгари у профессор қабулига кириб келди.

Неъмат Солиевич меҳмонни илиқ қаршилади, андиконликларга хос мулозамат кўрсатди, бир пиёла чой қўйиб узатаркан, касбига хос синчковлик билан унга назар ташлади.

Ўтган йиллар мобайнинда Анвар анча тўлишган, кенг елкалари, йўғон бўйни, жиддий қарашлари унга ўзгача салобат бахш этарди. Овозидаги ўқтамлик, мулодазакорлик, сұҳбатдоши фикрини зринмай тинглай билишлик хислатлари унинг маданиятли зиёлилигидан далолат берарди.

Гурунг давомида профессор ўзини қизиқтирган барча саволларга жавоб изларди.

— Ҳақиқатан, Ботир бир аёлни севарди. Ҳатто уларнинг никоҳига гувоҳлик вазифасини ўтаганман. Очиги, бундай севги тарихи камдан-кам учрайди. Ҳар иккаласи ҳам бир-бири учун жонини

бермоққа шай эди.

— Ҳозир ўша аёл қаерда? — Темирни қизигида босди шифокор.

Анвар Чориевич бошини диван суюнчигига ташлаб бир муддат ўйга чўмди. Сўнг мутлақо кутилмаган фикрини ўртага ташлади.

— Мұхтарам профессор, сизнингча Ботир ишқ дардида шу ажволга тушган, тўғрими?

Неъмат Солиевич сұхбатдошига яқинлашиб келди.

— Худди шундай, барча тахминлар мана шу ташҳисга йўл очяпти.

Мөхмөн бош чайқаб зътироz билдири.

— Очигини айтсам, мұхаббат куйида мен асфаласофилинга учишим керак эди. Аммо, кўриб турганингиздай, соппа-согман, ҳатто жин урмади ҳам.

Бу, қизиқ мавзу эди. Мөхмөн ортиқча зориқтирмай бошидан кечган воқеаларни қисқагина айтиб ўтди. Хулоса мезбондан эди. Шундай бўлди ҳам.

— Биласизми, Анвар...

— Анвар Чориевич! Анваржон, деб атасангиз ҳам розиман.

— Бу ўринда сизнинг қисматингиз сал бошқачароқ. Сизни асраб қолган ҳолат биласизми нима?

— Мутлақо хабарим йўқ.

— Сизни жароҳатлаган ҳам, асраган ҳам хиёнат. Ҳа, ҳа, худди шундай.

Анвар ўрнидан туриб дераза ёнига борди.

— Фикрингизни тушунмадим...

— Сизга аёнки, мұхаббат ва нафрат эгизак юради. Гоҳида рашқ, хиёнат ёки алдов маҳбуб ёки маҳбуба қалбидаги севги оташини ғазаб оловига айлантиради. Сизнинг ҳаётингизда ҳам айнан шу ҳолат юз берган. Сиз хиёнатни кечира олмагансиз. Яъни соғ мұхаббат соҳибасидан эмас, балки бевафо аёлдан ажралгансиз. Тўғри, хиёнатни ҳам унтиш осонмас, лекин, юрақдаги ишқ ловиллаб ёнаётган пайтда ҳижрон заҳматига дуч келишдан Аллоҳ асрасин. Сиз севгингиз роҳатини ҳам кўргансиз, яъни оилавий ҳаёт қургансиз. Хоҳлайсизми, йўқми оилавий турмуш барибир ўртадаги ошиқлик тафтини анча пасайтиради. Ботиржон эса севгилиси тимсолида ўз идеалини яратиб олган. Унинг ижобий фазилатлари миясига мұжрланиб, қусурлари кўздан йироқ бўлган. Худди шу вазиятда маъшуқасидан айрилиб, ўзи ғезмаган ҳолда дард орттирган. Энди бу дарднинг давосини қидириб топиш фақат менга эмас, сизга ҳам боғлиқ. Демак, ўша номаълум санам манзилгоҳи қаерда?

Анвар Чориевичнинг ранги ўзгарди, унинг бодом қовоқлари

қисилиб, юзига хижолатчилик соя ташлади.

— Буни қаранг. Иш шу аҳволга боради деб хаёлимга ҳам келтирмагандим.

Профессор унинг кўнглига қўл ташлади.

— Илтимос, бирон сир қолмасин, дўстингизнинг ҳаёти қил устида турибди.

— Унинг шу аҳволга тушишига мен ҳам айборман.

Неъмат Солиевич таажжубланиб меҳмонга сирли қаради.

— Сиз айбдор? Бунисини кутмагандим.

— Баҳор чет элга отланганида, Ботир менга учради. Айтишича, севгилисининг ота-онаси уни қаерга кетганини яширишган экан. Мендан шу сирни билиб беришни илтимос қиёди. Афсуски, бу масалага жиддий эътибор бермадим. Кейин у телефон орқали қисти-қафасга олавергач, чекинишга иложим қолмай, Аҳрор ака билан танишдим. Шубҳасиз, Ботирнинг дўсти эканлигимни сездирмадим. Учинчими ёки тўртгинчи улфатчилигимизда, у қизи Баҳорнинг Германияда ишлабётганлигини гуллаб қўйди. Шу заҳоти хатосини фаҳмлаб, бу ҳақда бирорвга сўз очмаслигимни сўраб онт иҷдирди. Албатта, онт ўз йўлига, мен Ботирни қайтадан "касалланишини" хоҳламаганим учун, унга ҳеч гап айтмадим. Назаримда, у ишда ҳам, оилада ҳам' ҳаётини изга солиб олгандай туюлди. Илтимосини охирига етказмаганлигим учунми ёки Тошкентни унтиши ниятидами, ҳар ҳолда жуда кам галлашардик. Кейинчалик Баҳор тўғрисида чурқ этиб оғиз очмади. Мен ҳам уни ёддан чиқарди, деб ўйлабман. Буни қаранг-а!

— Майли, бу ерда сизни айблай олмайман. Яхписи манзилни ёзиб беринг. Ҳозироқ интернет орқали Давид Васильевич билан борланаман. Демак, Цайтунг штрассе, 28, бульвар 13, уй 49, Аҳророва Баҳор. Қандай баҳт! Яхшики, Америка ёки Канадада эмас экан. Давиджон бу манзилни шесть секундда топади. Сизга минг раҳмат. Сиз нажот фариштаси бўлдингиз. Сизни менга Худо етказди.

Неъмат Солиевич худди ёш боладай яйраб кетди. У ўзида йўқ курсанд эди. Анвар Чориевични Ботир ётган палатага бошлаб кирди. Бу пайтда унга сунъий нафас улаб қўйишган, беморнинг ранг-рўйи бир ҳолатда эди.

— Ботир, мени танияпсанми? Сенга нима бўлди, дўстим?

Аниар ўзини тутолмай, кўзига ёш олган эди, профессор уни қўлидан ушлаб, четроққа тортиди.

— Ҳозир ҳамма нарсани сезиб ётибди. Кайфиятингиз унга ёмон таъсир қилиши мумкин. Ўзингизни қувноқ кўрсатинг. Худо хоҳласа,

тез орада оёққа туради.

Ботирнинг кўзлари ҳиёл очилди-ю, лекин, Анварни танимади. Худди мажоли қолмагандай яна уйқута кетди.

Анвар Чориевич касалхонадан тўғри дўстининг хонадонига борди. Саломат ая, Олия, Қодиржон билан кўришиб, уларнинг кўнглини кўтарди. Ўша куни Қодиржон билан гаплашиб ётди. Эртаси дори-дармонга деб пул қолдириб, яна Тошкентта қайтди. Унинг бирдан-бир мақсади Аҳрор акани йўлга солиш эди.

### 13

Давид Васильевичдан хушхабар келди. Ўзбекистонлик Баҳор Аҳророва Германия – Швейцария – Ўзбекистон кўшма корхонасида таржимон бўлиб ишләётган экан. Аммо, у Ботир Аҳмедовичнинг бетоблиги тўғрисидаги хабарни сиполик билан қабул қилган эмиш... Бу ёғи унинг виждонига ҳавола, деб ёзибди Давид ака.

Баҳорнинг топилгани Неъмат Солиевични чексиз севинтириди. Бироқ севгилисининг хасталигига ортиқча ургу бермаганилигидан хавотирга ту shedi. Вақт эса, ўтиб боряпти. Бугун роппа-роса ўнинчи кун.

Эҳтимол ҳамкасби масаланинг моҳиятини яхшироқ тушунтирунганадир. Ундай деса бутун жаҳонга номи кетган олим ҳақида бундай иштибоҳга боришининг ўзи ноқулади. Наҳотки икки йил мобайнида қиз қалбидаги туйғулар сўнган бўлса? У ҳолда Ботирни ҳеч қандай муолажа тузатолмаслиги аниқ. Унга фақат севги, меҳр, муҳаббат кучи керак.

Профессорнинг боши қотди. Шу кетишида бемор яна бир ҳафтага чидаши мумкин. Кейин... у ёғини ўйлаш ҳам оғир. Агар унинг ҳаёт шами сўнса, дунёда Севги деган тушунчага минг лаънатлар ўқииди. Ахир, не-не алломалар, адилар ишқни гўзаллик, яхшилиқ, поклик, комиллик тимсоли сифатида таърифлаган эмасмиди? Бутун эса у гулдай умр илдизига болта урмоқчи. Қани, адолат, қани, садоқат?! Қани, китобларда битилган Лайлию Мажнун, Тоҳиру Зухролар? Қани, Фарҳоду Ширин? Бундан хуолоса шуки, одамзод севги-муҳаббатдан ўтдан қочгандай узоқ юришлари керак экан-да? Ана, бу тузоққа тушганлардан бири ақлу хушидан ажralиб ётибди. Эртага ким билади, майса устидаги шудрингдай омонат жон худди маъшуқаси каби танга бевафолик қилас. Нима бўлганда ҳам энди қирқ ёш бўсағасидаги навқирон йигитнинг осонгина, жимгина риҳлатга юз тутиши адолатдан эмас. Профессор тиббиёт эришган барча кашфиётларни ишга соляпти. Энг замонавий дори-

дармонларни қўллаяпти, бутун маҳоратини сарфляяпти, аммо, бу ишқ дардининг давоси бўлак бўлса, на илож.

Шу тобда ўша Баҳор исмли аёл кўзига илондан совуқ кўриниб кетди. Иложи топилса-ю, боплаб адабини берса, қотиллиқда айбласа, хуморини ёсса. Афсуски, бунинг сира имкони йўқ. У номаълум гўзал бошқа сарҳадда, бошқа орзулада оғушида эркаланиб, эҳтимолки, яна бир ўлжаси жонига кўз тикиб юргандир. Эҳ, бевафо дунё...

Эшик огоҳлантиришсиз очиди. Хонага навбатчи шифокор шошилиб кирди.

— Профессор, Ботир Аҳмедовичнинг аҳволи оғирлашди!

Бу гап Неъмат Солиевичга "беморингиз ўлди", дегандай совуқ эшитилди. Ҳаётида илк марта мўлжални йўқотди, тиззалари ўзига бўйсунмай ўрнидан туролмай қолди.

— Проф...

— Чиқ! Тезда кўзимдан йўқол! — Беихтиёр ғазабини босолмай бақирди у. — Наҳотки, тибиёт шунчалар оқиз, мамлакатга таниқли олимнинг қўлидан ҳеч нарса келмаса. Бу, нима деган гап?

Неъмат Солиевич жонлантириш бўлимига деярли чопиб борди.

Йўлакда йиглаб ўтирган қайнона-келин, зинапояда тик турган таниш — билишларга эътибор бермай, Ботирнинг ёнига яқинлашди.

— Қон босимини ўлчанг!

Кўк ҳалатли врач дарров жавоб берди.

— Ўлчадик, 50 га 70...

— Юрак уриши қандай?

— Пульс пасайяпти...

Неъмат Солиевич Ботирнинг қовоғини очиб, кўз қораочигига узоқ тикилди.

Бўйнига қўлини қўйиб, томир уришини кузатди, фонендоскоп орқали юрагини эшитди.

— Йигитлар, шу ҳолатдан чиқариб олсак, марра бизники. Қани, қўшимча муолажани бошладик. Кислород борми, яхши. Оёғини музлатманглар. Сен, ҳамшира, томирига туш, дорини аста-секин юбор, қўрқма.

Муолажа авжига чиққанида, ташқарида навбатчи ҳамширанинг "Кирманг, мумкин эмас, кирманг!" деган хитоби янгради.

Неъмат Солиевич жаҳди чиқиб, зарда билан эшикни очди. Оғди-ю, бир нафас ҳайратланиб туриб қолди. Ҳудди шу фурсатда хонага адл қоматли, сочлари ёзилган, опсоқ юзларида баҳор ифори таралаётган гўзал аёл кириб келди. У ҳеч кимга қарамай, ҳатто салом-аликни ҳам унугиб, bemor қаршисида тиз чўқди. Нозик бармоқлари билан унинг

сочлари, пешонаси, ёнокъарини силади. Сўнг юзини-юзига босиб, оҳиста пичирлади.

— Мен келдим, Баҳор ака!

Неъмат Солиевич Баҳор келганини англали-ю, қалбида бояги исёдан асар ҳам қолмади. Боз устига, кўнгли бўшашиб, кўзларида ёш ҳалқаланди.

— Муолажа тугади, энди беморни ёлғиз қолдирамиз.

Врач аёлга нигоҳ буриб сўради:

— Бу хоним-чи!

— Бу, хоним эмас, Баҳор! Баҳор шу ерда қолади.

Шифокорлар ташқарига чиқишиди. Аёлнинг илтижоси давом этди:

— Ботир ака, мени эшитяпсизми, Баҳорингизман?

Ботир ҳеч нарсани сезмасди.

Кеч тушиб, қоп-қора тун бошланди. Баҳор ҳамон бошини bemorning кўксига кўйиб, тиз чўкиб ўтиради. Эртаси тун ярмидан оққанида жим-жит хонада бир сас эшитилди.

— Баҳор, Баҳор!

Аёл бир сесканиб, ўрнидан туриб кетди. Юраги қинидан чиққудай уради.

— Баҳор, қаердасиз?!

— Мен ёнингиздаман, жоним. Кўзингизни очинг. Сизни соғиндим...

Қарийб бир ҳафта бир-бирига чирмашган киприклар беихтиёр ҳаракатга келди. Улар орасидан томчидай йилт этган нур кўринди. Ва шу заҳоти:

— Баҳор, сиз Баҳормисиз? — деган ожиз сўроқ эшитилди.

— Ҳа, мен сизни қийноқча солган, оромингизни ўғирлаган ўша Баҳорингизман. Мени кечиринг, жоним!

Неъмат Солиевич бу кеч хонасида тунаётган эди. Ботирнинг тилга кирганини эшитиб, палатага ўқдай учиб кирди. Беморнинг умумий ҳолатини кўздан кечиргач, кайфияти чоғ бўлди.

— Ботир, иним, мени танияпсанми?

Бемор базур жилмайди.

— Профессор!

— Ҳа, баракалла! Энди бир гал айтаман-у, аянгнинг ёнига қочаман. Аммо-лекин, дард чексанг арзийдиган маъшуқант бор экан. Бу ёғига қўлдан чиқарма, жон бераман, деб овора ҳам бўлма. Ҳали ҳаёт олдинда. Дард келади, кетади, севги — барҳаёт...

Профессор худди ёш боладай сакраб "Яшасин, севги! Яшасин, мангу муҳаббат!" дей чапак чалиб юборди.

Баҳор қаддини ростлаб кутилмаганда, профессорнинг яноғидан ўпид, миннатдорлик билдири.

Неъмат Солиевичнинг кайфияти аъло эди.

— Ана, холос, ишқилиб бу дард бизга юқмаса эди, — дея кулиб ҳазиллашди.

— Ҳавотир олманг, профессор, бу, юқумли эмас, — ҳазилга ҳазил билан жавоб қайтарди Баҳор.

Севишганлар ёлғиз қолиши. Баҳор яна жойини эгаллаб, Ботирнинг соқоллари ўсган юзларини одатича панжаси орти билан силади.

— Ботир ака, севгини қалбга кўмиб бўлмас экан. Икки йиллик ҳижрон менга минг йилдай туюлди.

Йигитнинг кўзларида севинч порлади:

— Мен уни кўмишга интилмадим, фақат ўзим билан бирга олиб кетмоқчи эдим.

Санамнинг юзлари хижолатдан анор тусини олди.

— Энди ҳеч қачон, ҳеч қаерга кетиш йўқ, — деди у энтикиб.

Ботирнинг қўллари унинг нозик елкасини қидириб топди.

— Қочиш ҳам денг...

Баҳорнинг лабларидан томган жон шираси Ботирга қайтадан ҳаёт бағишлади.

2006 йил, апрель – сентябрь.

**Абдумутал АБДУЛЛАЕВ**

**ДАРД**

*Кисса*

Муҳаррир *Шукур Қурбон*  
Бадиий ва техник муҳаррир *Рустам Исакулов*  
Мусаҳҳиҳлар *Назира Шакарова*  
*Муҳаматжон Турдиев*

Босишига руҳсат этилди. 7.08.2007 й.  
Қоғоз бичими 60x84  $\frac{1}{2}$  н  
Босма табоби 11. Адади 1000 нусха.  
Баҳоси келишилган нарҳда. Буюртма № 105

Алишер Навоий номидаги Ўзбекистон  
Миллий кутубхонаси нашриёти.

Алишер Навоий номидаги  
Ўзбекистон Миллий кутубхонаси босмахонаси.  
Тошкент, X. Сулаймонова кўчаси, 33